



DISCOVERS DE LA NATVRE,

causes, signes, & curation
des empeschemens de la
conception, & de la Steri-
lité des femmes.

*Mis en lumiere en faueur des ieunés
Dames, ausquelles Dieu ne donne
point d'enfans ez premieres an-
nées de leur mariage.*

Par M. LOVYS DE SERRES,
Docteur en Medecine, &
Aggréé à Lyon.



A LYON.

Chez ANTOINE CHARD, en
rue Mercière, au Sain& Esprit.

M. DC. XXV.

AVEC
Approbation & Pri-
uilege du Roy.







34285


A TRES-HAVTE
ET PVISSANTE DAME
FRANÇOISE
DE BONNE-
DE--LESDIGVIERES, MA-
RESCHALLE DE CREQVI, &c.



ADAME,



*Puis que vostre
douceur naturelle
donne un honnestes & libre acceZ
à tous ceux qui adorent vos meri-
tes, & qui recognoissent la gran-*



deur de vostre illustre maison : Je
prendray la hardiesse (étant du
nombre de ceux-là) de mettre à vos
pieds , & vous offrir ce petit Di-
scours , où la Sterilité ; premier
Monstre de nature , est vivement
combattue & abbatue , à fin que
dés maintenant à tousiours, elle soit
bannie de vostre genereuse famille,
& que vous réplissiez de nepueux
& arriere-nepueux , c'est à dire
d'Heros & d'Heroines , la noble
& tousiours victorieuse race de
Crequi. Je sçay bien que de prim'
abord vous trouuerez ce present
un peu rude , & mal plaisant , à
cause de son sujet ; mais quand
vous aurez prins la peine de le
considerer de pres par maniere de
diuertissement , & que vous aurez
reconnu

reconneu que ie ne le dedie pas à
une Dame de laquelle i'aye si
mauvaise opinion que de la reputer
sterile (car cela ne me vint iamais
en la pensee.) ains plustost à une
Heroine, en laquelle la vertu gene-
rative, & la fecondité ont chommé
quelque temps, voire reculé pour
mieux sauter: Je suis assuré qu'a-
lors, vostre iugement libre, iugera
librement & fauorablement de l'e-
lection que i'ay faite, & aduoüera
quant & quant que vostre seul
nom tres-illustre, posé sur le fron-
tispice de mon liure, peut à iamais
servir de phare & de relief à sa
naissante reputation. Receuez d'oc-
ques (MADAME) ce mien
petit don d'aussi bon cœur qu'il
vous est offert: & croyez que s'il

est vrayement petit en effect, qu'il
est tres-grand en bonne volonté:
si sterile en sa demarche exte-
rieure, grandement fecond en son
interieur; car outre qu'en iceluy
vous trouuerez plusieurs bons le-
nitifs qui vous consoleront en la
patiente languison qui vous de-
tient pour ne pouuoir esclorre si tost
que vous desireriez vn petit Lieu-
tenant de Roy; il vous fera encore
gouster plusieurs excellēs preceptes
qui vous rafraichiront la memo-
re pour l'estroitte obseruation des
regles qui concernent l'entretien de
vostre grossesse quād Dieu la vous
aura enuoyée. Fasse le Ciel que dās
peu de moys ie vous puisse appel-
ler mere d'un fils, qui soit la viue
image de ces deux incomparables
Heros

*Heros FRANÇOIS DE BONNE,
& CHARLES DE CREQUI ses
pere & ayeul, vray imitateur de
leur vertu, & l'ornement du Dau-
phiné, de la Frãce, & de l'Vniuers.
Fasse le Ciel encore, que ie voye ac-
croistre la grandeur, la prosperité,
& les lauriers de vos deux Au-
gustes races de Lesdiguieres & de
Crequi. Et qu'apres vous auoir
souhaitté vne aussi belle generation
que celle de l'Empereur Albert, &
d'Anne de Carinthie, ie me puisse
glorifier à iamais, comme dés à
present, du tiltre de*

*Vostre tres-humble, & tres-
obeissant seruiteur,*

LOVYS DE SERRES

*Dauphinois, D.en Medecine,
& Aggréé à Lyon.*

PREFACE DE L'AUTHEVR

aux Dames.



Comme les Medecins ne sont instituez de Dieu que pour les malades; aussi ce Liure n'est fait que pour quelques Dames qui sont en chemin de deuenir steriles, ou pour quelques autres, encore qui le sont totalement. Et jaçoit que son sujet soit grandement sterile depuis qu'il ne traite que de la sterilité, si suis-je pourtant assuré que les dernières y trouueront vne assez ample matiere pour se consoler en leur misere, & les premières y verront plusieurs bons preceptes & aduertissemens qui les guideront au port de leurs desirs, moyennant qu'elles taschent de leur costé de secoüer le joug importun de ce monstre de nature, & trauaillent avecques moy pour leur propre liberté. Car comme il n'est pas possible que les seuls Edicts des Princes souverains puissent ranger les peuples, si eux-mesmes ne taschent de s'estudier particulièrement à dompter leur propre naturel, & faire joug sous la domination qui leur est imposée; aussi il est bien difficile que les Dames, de steriles qu'elles sont, puissent deuenir fecondes par la seule lecture de mon Liure, si au prealable celles qui sont maladiues ne s'assujettissent actuellement aux remedes que ie leur propose, & celles qui sont vicieuses ne se corrigent effectiuement des vices & defauts, qui sont les nourriçons de leur infecundité.

• C'est

C'est pourquoy i'exhorte generalement toutes les femmes qui sont soigneuses de leur bien , & particulièrement celles qui sçauent en elles-mesmes estre subiectes ou à l'yuroignerie , ou à la lubricité, ou aux dances immoderées, ou à la gourmandise , ou à quelque autre semblable vice, dont le moindre est capable de fomentier leur sterilité; de retrancher & bannir entierement toutes telles inclinations vicieuses , & se souuenir de la seconde promesse que Dieu fait aux steriles qui craindront de l'offencer, en la personne de quelques Dames Israélites : Et alors ie les assure ray que non seulement la lecture & l'observation des preceptes & remedes que ie leur donneray, les feront deuenir fecondes comme lieures & colombes; mais aussi la seule ombre de mon Liure, comme l'ombre des clochers de nostre Democrite François leur fera produire tout autant de beaux enfans qu'un Oliuier verdoyant produict de rameaux. Au reste , ie veux aduertir les Medecins & les Dames qui prendront la peine de lire mon Liure ; Ceux-là, qu'ils ne croient pas que ce petit labeur soit digne de leur censure, car il n'y a rien en iceluy qui ne soit de bas aloy & feminin , & partant digne de faueur ; & qu'il m'eust fallu employer la lampe d'Epictete, ou me roigner les ongles de bien pres en fueilletant Hippocrate & Galien, si i'eusse voulu faire quelque chose digne d'eux. Celles-cy , qu'elles ne me prennent pas pour vn Aristarque mysogyne , ny moins encore pour vn flatteur de Cour ; car comme ie sçay auoir pitié de la misere de celles qui sont steriles par maladie, ou par malheur, & non par vices ou

excez ; aussi ie fais gloire d'estaler les desbauches de quelques autres, à fin qu'elles s'en chastient, & qu'elles apprennent à leurs despens de fuyr cest horrible monstre de nature, qui se fourre par tout à teste baissée, & notamment dans la maison des Grands : bien est vray qu'elles doiuent estre asseurées que ie parleray de leurs deffauts avec autant de discretion & de modestie que ma naïfueté & ma profession m'ont peu suggerer. Que si iettant les yeux dans ce Discours elles rencontrent en iceluy quelque periode graslement sterile, ou sterilement grasse ; qu'elles sachent qu'il est impossible, selon le dire de Celse, de traicter de la generation, impuissance, & sterilité, tant des hommes que des femmes, sans y mesler quelque mot gras qui serue de faulce à vne viande si maigre, & que d'ailleurs les preceptes de la Medecine ne s'accordent pas bien en cest endroiect avec telle & si austere honnesteté des paroles, qui seroit requise, & qui doit estre estroictement obseruée par nos Theologiens. Qui a oreilles qu'il oye, & fasse mieux qui pourra.

*Zoile, qui nostras rides impune pagellas,
Si melius quid habes, accerse, vel imperium fer.*

Appro

Approbation des Docteurs.

Nous Docteurs en Medecine soubf-
gnez, certifions & attestons avoir
veu & leu le Liure intitulé, Discours des
empeschemens de la conception, &
de la sterilité des femmes, composé par
le Sieur LOVYS DE SERRES, D. en
Medecine, & Aggregé à nostre Corps; dans
lequel n'auons rien trouué qui ne soit digne
d'estre leu & receu publiquement, comme
contenant en soy une bonne doctrine, &
plusieurs salutaires remedes, methodique-
ment composez pour le bien & contente-
ment des femmes steriles. En foy dequoy
nous nous sommes soubsignez, Faict à Lyon
ce 4. Decembre 1624.

FOURNIER.

SARAZIN.

DV BOST.

Extrait du Priuilege du Roy.

PAR la grace & Priuilege du Roy il est permis à Antoine Chard Marchand Libraire à Lyon, d'imprimer, ou faire imprimer, vendre, debiter, tant de fois, & en tel volume & caracteres qu'il voudra, vn liure intitulé, *Discours des empeschemens de la conception & de la sterilité des femmes ; composé par le Sieur LOVYS DE SERRRES, D. en Medecine.* Aucc defences à tous autres Imprimeurs & Libraires des Royaumes, païs & terres de l'obeissance de sa Majesté, d'imprimer, ou faire imprimer, vendre, ny debiter, changer, ou traffiquer dedans ou dehors lesdicts Royaumes aucuns exéplaires dudit liure, ou partie d'iceux, sinon de ceux qu'aura faict imprimer ledict Chard, à peine de quinze cents liures tournois d'amande, applicable moitié à sadicte Majesté,

Majesté, & l'autre moitié audict exposant, sans aucune diminution, & de tous les despens, dommages & interests, & de confiscation de tous les exemplaires qui se trouueront auoir esté imprimez & vendus contre la teneur de ces presentes; & ce durant le temps & terme de cinq ans, à compter du iour & dattre que ledict liure aura esté paracheué d'imprimer, à la charge de mettre deux exemplaires dudit liure dans nostre Bibliotheque, sur peine de deschoir du present Priuilege, comme plus à plain est porté par les lettres patentes de sa Majesté. Données à Paris le 27. Decembre 1624. & de nostre regne le quinziésme.

Par le Roy en son Conseil

RENOVARD.

Et sceillez du grand sceau en cire iaune.

Acheué d'imprimer le 25. Ianuier 1625.

*Corrigez ainsi les fautes qui se sont glissées
en l'impression de ce liure.*

Premierement, en la page 4. lig. 7. & 8. effacez
non disputable, mais (*à fin d'euter contradiction.*)
Item, en la page 13. lign. 13. lisez interlocutoire.
Item, en la page 34. lign. 7. lisez muy. Item, en la
page 53. lign. 3. lisez deux. Item, en la page 146.
lign. 4. lisez Berchorius. Item, en la page 151. lig. 2.
lisez preoccupée. Item, en la page 228. lign. 1. lisez
seconds. Item, en la page 286. lign. 20. lisez
Theætetus. Item, en la page 292. lign. 23. lisez
espece. Item, en la page 294. lig. 22. lisez desnuees.
Item, en la page 306. lign. 22. apres le mot final,
il, adioustez, leur. Item, en la page 379. lign. 7. lisez
syrop. Item, en la page 387. lign. 7. lisez entonnoir.
Item, en la page 436. lign. 14. lisez emplastre.

TABLE

TABLE

DES CHAPITRES

CONTENVS EN

CE LIVRE.



<i>I les femmes sont plus sujettes à la sterilité, que les hommes à l'infecundité, ou au contraire?</i>	Chap. I. pag. 1
<i>S'il est vray-semblable que la sterilité s'attache plus communément aux belles femmes qu'à celles qui sont laides, & mal-gracieuses?</i>	Chap. II. 15
<i>Si les femmes qui ne font que de filles doivent estre appellées steriles?</i>	Chap. III. 50
<i>Que les femmes mariées qui demeurent quelques années sans faire des enfans ne doivent pas estre reputées steriles, ny moins encore repudiables, moyennant que d'ailleurs elles ayent quelque principe & estincelle de fecundité.</i>	Chap. IV. 90
<i>Que les femmes vrayement steriles sont en quelque façon bien-heureuses en leur malheur.</i>	Chap. V. 119
<i>Si les femmes steriles sont plus luxurieuses que celles qui font des enfans?</i>	Chap. VI. 132
<i>De la sterilité des femmes, de sa nature, & de ses différences.</i>	Chap. VII. 144
<i>Des causes de la sterilité maladie des femmes.</i>	Chap. VIII. 165
<i>Des causes de la sterilité respectiue des femmes.</i>	Chap. IX. 224
<i>Des causes de la derniere espece de la sterilité feminine, appelée</i>	

Table des Chapitres.

<i>appelée sterilité pour un temps.</i>	Chap. X.	241
<i>Des signes de la sterilité des femmes.</i>	Chap. XI.	262
<i>De la curation de la sterilité maladiue des femmes.</i>	Chap. XII.	298
<i>Et premierement de l'Intemperie froide.</i>		299
<i>De l'Intemperie chaude.</i>		328
<i>De l'Intemperie humide.</i>		348
<i>De l'Intemperie sèche.</i>		362
<i>Des ventositéz & roulemens de la matrice.</i>		368
<i>De la durté de l'orifice interieur de la matrice.</i>		374
<i>De la trop grande ouuerture de la matrice.</i>		385
<i>Du degistement ou destournement de la matrice.</i>		388
<i>De la curation de la sterilité respectiue des femmes.</i>	Chap. XIII.	399
<i>De la curation de la derniere sorte de la sterilité feminine appelée sterilité pour un temps.</i>	Chap. XIV.	402
<i>Et premierement de l'auortement ou blessure.</i>		405
<i>Des fleurs blanches.</i>		425
<i>Du trop de graisse ou embompoint superflu.</i>		437
<i>De la maigreur extraordinaire.</i>		448
<i>Des mauuais accouchemens, & autres causes restantes.</i>		460
<i>Des alimens & remedes specifiques contre la sterilité des femmes.</i>	Chap. XV.	472

DISCOVERS



DISCOURS

DE LA NATURE,

CAUSES, SIGNES, ET

Curation des empêchemens de

la conception, & de la Sterilité

des Femmes.

Si les femmes sont plus sujettes à la Sterilité,

que les hommes à l'Infécondité,

ou au contraire?

CHAPITRE I.

Y A N T delibéré de me

donner carrière aux des-

pens de la sterilité femi-

nine, contre laquelle j'ay

dressé ce petit Discours, j'ay creu de

prim'abord que ie deuois donner

vne facile & nouuelle forme à mon

dessein, à fin de le rendre plus digne

A

2 *Discours de la sterilité*

de la recherche des Dames infecondes, desquelles ie me declare & le defenseur & le pere public en cet endroit : & aussi pour le faire recognoistre differant des escrits de plusieurs grands personages qui ont escrit de cette matiere autant doctement que difficilement. C'est pourquoy prenant vne nouvelle route i'ay resolu d'en parler en deux facons, à sçauoir, Problematiquement, & Positiuement; & par ainsi diuiser tout mon dessein en deux parties, la premiere desquelles sera celle-là qui fera la planche à l'autre, & qui deuidera que bien que mal quelques iolies & agreables questions que i'ay forgées sur le present sujet, à fin d'engager insensiblement les Dames dans la lecture de la seconde, laquelle se trouuant vn peu espineuse & acroamatique en son commencement, leur promet neantmoins vne

suintte

suite & vne fin tres-agreable, parsemée de plusieurs histoires, & enrichie de tous les meilleurs remedes que ma petite industrie & experience ont peu choisir & ramasser çà & là pour leur contentement particulier.

Je sçay bien que i'entreprends vn sujet sterile, hardy, difficile, & qui a esté souuent balotté & reboüilly par vne infinité de grands personnages qui en ont plus oublié que ie n'en sçauray de ma vie; & que d'ailleurs ceux qui ont esté à l'escole de Timon l'Athenien, de Democrite, ou d'Aristarque, qui ne trouuent rien de bien faict que ce qu'ils font, trouueront assez de matiere pour vomir leur fiel, & exercer leur mesdisance contre ma plume nouuellement taillée; mais n'importe, ie m'en desmesleray le mieux qu'il me sera possible, & figue pour les mesdifans; aussi bien mon dessein n'est pas de leur plaire, ne

m'estant proposé que le contentement des Dames qui sont en chemin de deuenir steriles, & qui prendront la peine de lire mon liure,

Quant à la question proposée qui fait le tiltre de ce premier chapitre, ie trouue qu'elle est grandement non disputable, mais disputée de part & d'autre. Car en premier lieu les femmes soustiennent de bec & d'ongle que les hōmes estans generalement plus libertins & maistres de leurs volōtez que non pas elles; ils se portent facilement (suyuant le train de leur nature qui panche (ce disent-elles) plustost au mal qu'au bien, au vice qu'à la vertu) à l'infecundité par leur vie desbauchée, n'y ayant rien qui entraine plus facilement ce mal que l'vsage excessif des choses non naturelles, ainsi que nous verrōs cy apres. Ainsi nous lisons qu'Alexandre le Grand estoit *de frigidis & maleficiatis*,
pour

pour aimer trop le vin; Henry VIII. Roy d'Angleterre pour estre trop desbauché apres les femmes; les Scythes, pour aller trop à cheual sans estrieu; & plusieurs autres encore pour auoir esté adonnez à toute sorte d'excez.

Secondement elles disent que les hommes sont trop chauds & trop ardens à la curée, & que partant ils sont plus sujets de deuenir impuissans, que non pas elles steriles. Et nous ferons voir cy apres en suite du tesmoignage d'Aristote, d'Hippocrate, & de Galien, que l'intemperie & la semée excessiuement chaudes ne sont pas de moindre poids pour promouoir la sterilité, que celles qui sont exorbitamment froides. Or, que les hommes soyent excessiuement chauds, elles le prouuent en deux façons: Premierement par le tesmoignage des

* Les Hebreux disent que le mot **אש** qui veut dire Homme, signifie aussi Feu, & est deriue du verbe **אש** qui signifie proprement tenir de la nature du feu.

mot d'Homme ne signifie que feu, & estre Homme, tenir de la nature du feu. En apres par l'autorité irrefragable de plusieurs Medecins, & notamment d'Hippocrate au liure de la diete, de Galien en diuers endroits de ses œuures, d'Aristote au 4. liure de la generation des animaux; sans oublier plusieurs doctes Iurifconsultes, entre lesquels nous alleguerons Iean Faber *in §. mascul. Instit. de nupt.* Hostiens. Iean Andr. *in cap. literas, extra de despons. impub.* & plusieurs autres qui escriuent, Que le plus froid homme du monde est beaucoup plus chaud que la plus chaude femme qui soit en nature. D'où elles peuuent argumenter du moindre au plus grand: Que si les hommes les plus froids excèdent en chaleur les femmes les plus chaleureuses, que ceux qui sont grandement chauds selon la portée de leur sexe, ne peuuent estre doüez que
d'un

d'un temperament & d'une matiere genitale entierement inepte à la generation, comme il est tout euident depuis que la fecôdité n'habite qu'ez corps qui sont mediocrement chauds & humides.

En troisieme lieu elles se vantent d'aüoir vn grand aduantage par dessus les hommes, pour l'exemption du mal dont est question : car ayans leurs moys bien reglez elles se promettent d'en estre quasi du tout quittes, aussi bien que de plusieurs autres maladies, telles que sont la Goutte, la graüelle, & autres de pareille estoße, ainsi qu'il se peut recueillir des discours d'Hippocrate au 6.liure de ses Aphorismes, & des Commentaires de Galien sur le mesme liure. La raison est, que telle euacuation menstruelle les deliure d'une grande quantité d'humeurs superflues qui s'engendrent iournellement

dans le corps humain, & qui affoiblissent grandement la chaleur naturelle, le baume radical, & par conséquent la vertu générative, toutes & quantes fois qu'elles sont retenues. Or tel benefice ne peut aucunement arriver aux hommes pour n'estre pas de la qualité requise, ainsi qu'il est tout evident. Que si les hemorrhoides (auxquelles les femmes sont aussi sujettes doublement) garantissent la plus-part de ceux qui les ont, de la fièvre quarte, du mal caduc, & de la ladrerie, selon le dire du même Hippocrate au 6. liure de ses Epidemics. Que ne doivent, & ne peuvent esperer les femmes de leurs mois reglez, touchant l'exemption de la sterilité? Certainement ie trouue qu'il n'y a rien qui soit plus capable d'emporter les obstacles de la generation que cette euacuation-là, moyennant qu'elle soit bien réglée, depuis qu'elle fait

fait viure les femmes qui l'ont, saines, gaillardes, & de hait. D'autre part, les hommes appuyez sur la primauté, perfection, & excellence de leur sexe, soustiennent à cor & à cry que ce seroit griueusement pecher contre le sens commun, & contre la majesté de la Nature, de croire qu'elle eust voulu rendre l'homme son vnique mighon, & la fin finale de toutes les raritez qu'elle a produict, confort & compagnon des femmes en matiere des maladies & miseres auxquelles leur sexe est ordinairement sujet: Miseres (dis-je) qui sont en grand nombre, entre lesquelles la sterilité confirmée est la plus extreme.

D'auantage, ils sçauent que les principes de la Médecine (qui sont tirez du sein de la Nature) leur donnent entier gain de cause: car comme ainsi soit que leur température est

mediocrement chaude & humide, & celle des femmes grandement froide & excrementeuse, ainsi que cela est constant entre l'un & l'autre sexe, & comme il est unanimement confirmé par tous les Philosophes & Medecins; ils disent que comme la premiere température est amie de la generation, qu'aussi la seconde est la vraye promotrice d'infécondité.

Et iacoit qu'elles ayent allegué icy dessus que le sexe masculin est accomparé au feu en chaleur, & que le plus froid des hommes est beaucoup plus chaud que la plus chaude de toutes les femmes, si est-ce que cela se doit entendre sainement & respectiuement: étant tres-certain qu'encore que les hommes soyent beaucoup plus chauds que les femmes, que neantmoins leur chaleur est dans les termes de mediocrité, sans laquelle elle seroit plus prompte à brusler

brusler qu'à promouoir la fecondité, comme il se peut recueillir de plusieurs passages d'Aristote ; & nous sçauons, apres Hippocrate, que la semence par trop chaude, & la matrice de mesme temperature sont incapables de generation & conception.

Tiercement ils preuuent par la parole de Dieu, & par les Historiës prophanes, que la sterilité est le vray gibier des femmes, & qu'il y a fort peu d'hommes dont l'histoire nous fasse mention qui ayent esté infeconds, au prix d'un nombre infiny de femmes de toute qualité: car nous lisons dans la saincte Bible qu'Esther femme d'Assuerus, que Iudith, que Rachel, & que plusieurs autres Dames d'honneur ont esté steriles; & l'histoire moderne nous apprend que Stratonique femme de Deiotarus Roy de Galatie; que Ieanne fille vnique de Reymond V. Comte de Toulouse, & femme d'Alphonse

phonse Comte de Poictiers; qu'Eleonor fille de Guillaume V. Duc d'Aquitaine, & femme de Louys le Jeune Roy de France; qu'Elizabeth dernière Royne d'Angleterre; & qu'une infinité d'autres Princesses ont esté entièrement infecondes: laissant encore à part une milliasse d'autres femmes de basse qualité totalement steriles, desquelles l'histoire ne fait point mention. De sorte qu'il semble que Dieu aye voulu particulièrement assujettir les femmes à un tel mal pour abatre leur orgueil, & pour leur faire voir qu'elles sont beaucoup plus imparfaites que l'homme.

Voilà les raisons offensives & défensives que les uns & les autres aduancent pour le soutien de leur cause, & pour le maintien de l'honneur de leur sexe. Quant à moy ie ne prens pas à prix-faict de donner mon iugement pour la décision de cette question,

question, de peur d'offenser l'un ou l'autre sexe; ioint qu'il faudroit, ou que ieusse cōsulté avec la Nature, ou qu'elle m'eust dict à l'oreille le nœud de la question; nœud à la verité beaucoup plus difficile à desnouer que celuy qu'Alexandre desnoua & diuisa avec son espée. Parquoy, sans me montrer aucunement passionné ou pour l'un ou pour l'autre party, ains plustost neutre & indifferent, ie me contenteray de donner mon aduis, qui fera plustost circumlocutoire que definitif, (quoy que tiré de la doctrine positive de la Medecine) à fin que ceux qui sont plus iudicieux que moy ayent vn champ ample & spacieux pour se donner carrière sur ce sujet.

Ie dis doncques en bref, que puis que les hommes & les femmes ne constituent qu'une espee, puisque la fabrique de leurs corps a esté puisée des mains d'un mesme ouurier, qui
est

est Dieu, & d'une mesme matiere
elementaire; puis que leur ame a esté
faicte à vn mesme moule, & que les
affections qui en dependent sont
inseparables d'icelles; i'ose asseurer
(dis-ie) que les hommes & les femmes
sont esgalement sujets à la sterilité,
aussi bien qu'aux autres maladies,
qui sont quatre ou cinq cents en
nombre, (selon l'opinion de quel-
ques vns) nonobstant toutes les rai-
sons alleguées au contraire de part
& d'autre. Car quand le bon homme
Iob dit que l'homme nay de femme
est de courte vie, & plein d'ennuy;
que tandis que sa peau le couure, il
est sujet à se douloir; quand Hippo-
crate escrit que l'homme tout entier est
l'obiet de toutes maladies. Quand
Aristote a dict que l'homme est le
patron de foiblesse, la despoüille du
temps, le iouet de la fortune, l'image
de l'inconstance, la balance de l'en-
vie

nie & de la calamité; & qu'au reste ce n'est rien autre chose que phlegme & colere. Il faut croire (dis-je) que tels personnages n'exemptent aucun des deux sexes raisonnables, ains qu'ils les mettent tous deux en mesme degré & parallele, iacôit que les hommes presument de se preualoir par dessus les femmes de quelques prerogatiues naturelles qui sont fort legeres, & de petite consequence.

S'il est vray-semblable que la sterilité s'attache plus communement aux belles femmes, qu'à celles qui sont laides, & mal-gracieuses.

CHAPITRE II.

AVANT que iuger definiti-
uement en faueur des belles
femmes, & condamner con-
secutiuellement celles qui sont laides,
& mal-gracieuses, touchant la diffi-
culté proposée au titre de ce cha-
pitre,

pitre, nous aduertirons le Lecteur que nostre intention n'est pas de descrire toutes les sortes de laideurs & de beautez que la Nature a abondamment desployée en la fabrique merueilleuse du corps feminin; cela estant plustost du gibbier d'un Courtisan que d'un Medecin: ny moins encore tous les defauts & raretez naturelles qui sont cachées sous la chemise des femmes; veu que cela appartient plustost à ceux qui se seruent d'elles toutes nuës à table, & ailleurs, ainsi qu'auoyent accoustumé de faire iadis Tibere & Heliogabale; ou à ce voluptueux Pâris Alexandre, qui eut du temps de reste pour discerner la perfection de l'imperfection de leur sexe; en contemplant la nudité des trois Deesses, à la moindre desquelles il adiugea la pomme d'or. Mais nous nous contenterons de dire que par la beauté
dont

dont nous auons affaire presentement, nous n'entendons autre chose qu'une admirable proportion, harmonie, & disposition de toutes les parties du corps feminin, accompagnée d'une parfaicte temperature, d'une entiere fonction des trois facultez de l'ame, d'une graue-douce majesté, & d'une blancheur naturellement polie, & parsemée de vermillon; & par la laideur qui seruira de beauté, & d'ornement à ce Chapitre: ce defaut naturel, qui est directement opposé à la beauté que nous auons definie.

Descri-
ption de
la beauté
feminine.

Cela estant estably pour fondement, sçachons comme par maniere d'exercice, laquelle des deux parties de ce probleme est la plus probable, ou l'affirmatiue contre les belles femmes; ou la negatiue pour les laides. Quant à la premiere, ie trouue qu'elle a des puissans appuis, & qu'elle

le est viuement defendue par raisons,
 & par authoritez. Car comme ainsi
 soit que les belles femmes doiuent
 auoir vn corps non maigre & des-
 charné, ains succulent, gras, & plein
 d'embonpoint; ceux qui la sou-
 stienent, disent que telle constitution
 est ordinairement accompagnée de
 sterilité, suyuant le dire d'Hippocra-
 te en ses Aphorismes, d'Aristote aux
 liures de la generation des animaux,
 de Plin au chapitre 37. de l'onzième
 liure de son Histoire naturelle, & du
 Iesuite Pineda en son liure des gestes
 de Salomon.

Premiere
 raison de
 ceux qui
 tiennent
 la partie
 affirmati-
 ue contre
 les belles
 femmes.

Seconde
 raison.

En apres ils alleguent que presque
 toutes les belles femmes sont tempe-
 rées, & bien prises; & que tant plus
 elles le sont, que tant plus aussi elles
 ont des parties en leurs corps qui
 attirent le sang le plus pur qu'elles
 ayent pour leur nourriture, de sorte
 que ce qui reste n'est que la lie & la
 crasse

crasse du sang qui se conuertit en semence, laquelle ils disent estre totalement inepte pour la generation.

Tiercement, ils ladioustant que Dieu n'ayant pas voulu creer les choses entièrement parfaites, suyuant son bon plaisir, il a voulu reprimer l'orgueil des belles femmes, & leur faire cognoistre qu'il n'y a autre perfection que la sienne; & que leur beauté n'est qu'une courté tyrannie, & une perfection apparente & sterile. Estant vray-semblable, que si toutes les belles femmes estoient fécondes, elles seroyent peut-estre plus orgueilleuses que Iunon, plus voluptueuses que Venus, & plus desdaigneuses que Minerue. Or qu'il n'y aye rien de parfait au monde, ils disent que c'est une chose si claire de soy, qu'elle ne demande point de préuue: car nous sçauons que si Lea a esté féconde, elle n'a pas esté belle;

Troisième raison.

Superba
res est pul-
chra mu-
lier (in-
quit Me-
nander,
quamuis
calta sit.
(inquit E-
gelippus
lib. 10. de
excid. Ie-
rosolymita-
tan.

si Rachel a esté belle, elle n'a pas esté
 feconde que par miracle. Si Moyse
 a esté vn grand Prophete, & vn grand
 faiseur de miracles, il a recognu qu'il
 estoit incapable de parler deuant
 Pharaon Roy d'Egypte, à cause de la
 tardiueté de sa langue, & a eu besoin
 de la langue bien pendue de son frere
 Aaron; si Aaron au contraire a esté
 vn bien-disant, il n'a pas eu la vertu
 des miracles, ny moins encore le
 pouuoir de commander au peuple
 d'Israël à l'egal de son frere Moyse,
 ainsi que le tesmoigne la parole de
 Dieu, Origene, Sainct Cyrille, & plu-
 sieurs autres.

Quatries-
me raison.

Outre ces raisons ils alleguent en-
 core, que comme le Cyprez est le hie-
 roglyphique d'une beauté sterile,
 qu'aussi la plus-part des belles fem-
 mes sont comme le Cyprez, à sça-
 uoir, infructueusement agreables. Ce
 qu'ils confirment par le tesmoignage
 des

des saintes Escriitures, & de plusieurs anciens Theologiens, disans premierement qu'Esther *, femme d'Assuerus Roy des Medes, la plus belle, & la plus sage Princeesse qui fust en son siecle, a esté totalement sterile; & auparavant encore Iudith, vray patron de modestie, de beauté, & de chasteté, a esté recogneuë infeconde par les septantedeux Interpretes. Que s'il est question d'alleguer l'histoire de Rebeca, de Rachel, de Sara, de la mere de Sanfon, & de plusieurs autres belles femmes, pourront-ils pas soustenir avec toute verité, qu'elles ont esté naturellement steriles, & miraculeusement fecondes, Dieu leur ayant ouuert la matrice, lors qu'elles y pensoient le moins, & en vn aage auquel la Nature perd son Latin pour la generation?

* Quelques vns ont estimé qu'Esther eut vn fils du Roy Assuerus; mais c'est sans fondement: voyla pourquoy aussi Erasme se moque de eux en sa Preface sur les liures de Saint Augustin de la Cité de Dieu, & apres luy le docteur Serarius.

Bref, ils disent que si par les belles femmes on entend les blanches, &

Cinquieme raison.

par les laides celles qui sont noires, (ce qui est presque toujours veritable) il est certain qu'il y en a beaucoup plus de noires fertiles & fécondes, que de blanches tant pour tant. Car tout ainsi que la blancheur folitaire, c'est à dire, sans grace, & sans vigueur naturelle, est vne marque assleurée d'une humeur fade & insipide, d'un temperament lasche & defectueux, & d'un corps exterieurement plastré comme vn sepulchre blanchy; aussi la couleur noire accompagnée de sang, & de moëlle, est vn signe certain de chaleur abondante, d'une vigueur masle dans vn corps feminin, & d'une vertu puissamment capable de generation. Et de faict, nous sçauons par le rapport d'Aristote, & de Solin, que presque toutes les femmes d'Egypte & d'Ethiopie sont grandement fécondes, iacoit qu'elles soyent toutes noires
comme

comme des petits diables. Et nos Medecins font beaucoup plus d'estat du laiët d'une brebis noire, & de la chair d'une poule de mesme couleur, que de celle des blanches. Ioinët qu'en l'election des nourrices on ne choisit iamais les trop blanches, sinon qu'elles soyent bien temperées d'ailleurs; mais on recherche principalement les brunettes, comme estans plus succulentes, & plus robustes pour supporter les incommoditez qu'il faut qu'elles souffrent en nourrissant les enfans.

Voyla les raisons, & les autoritez apparentes de ceux, qui paralytiques de raison & d'esprit, voire totalement aveugles tant des yeux du corps, que de l'ame, s'attachent aigrement aux belles femmes, comme les Cantharides aux belles fleurs; & leur veulent faire accroire, que la beauté sert d'achoppement, & de

Heau à la plus-part d'icelles.

Quant aux autres qui soustien-
nent à cor & à cry l'opinion contrai-
re, & auxquels ie me range de pieds &
de mains, ie trouue qu'ils ont choisy
le meilleur & le plus assésuré party.

Premiere
raison de
ceux qui
soustien-
nent l'au-
tre opi-
nion.

Car premierement la sterilité estant
vn défaut, & vne impuissance de Na-
ture, il est certain qu'elle doit plus-
tost paroistre en vne laide femme,
qu'en vne belle: veu que tout de mes-
me que les vices sont plus ordinaires
aux ames cacochymes & mal nées,
qu'à celles qui sont naturellement
parfaictes; aussi elle est beaucoup
plus familiere aux corps imparfaicts
& defectueux, qu'à ceux-là qui sont
doüez d'une admirable & parfaicte
temperature, tels que sont ceux des
belles femmes. Ainsi que nous auons
monstré cy-dessus, & comme il est
confirmé par Aristote, Hippocrate,
Galien, Albert le Grand, Alexandre

Aphro

Aphrodisée, Mercatus, & plusieurs autres Autheurs celebres. Or que les corps des femmes laides soyent imparfaicts & defectueux, il appert par les raisons suyuanes. La premiere est, que la beauté leur manquant, il leur manque la principale piece de leur perfection; entendant par cette beauté vne legitime temperature, & harmonie de leurs corps. Car comme les vertus, qui sont la beauté de l'ame, rendent l'ame totalement parfaite & accomplie, aussi ladiete harmonie rend le corps entier & parfait en toutes ses parties. La seconde, qu'elles sont formées quasi comme en despit de la Nature, laquelle vise & butte tousiours, en tant qu'elle peut, à la beauté, & à la perfection, selon le rapport d'Aristote, & de tous les Naturalistes. La troisieme, qu'elles sont ordinairement ou ialouses, ou hargneuses, ou malicieuses, ou lu-

briques, voire beaucoup plus (sans comparaiſon) que celles qui ſont belles. Or eſt-il que tels vices alterent non ſeulement leur ame, mais auſſi corrompent manifeſtement ce peu qu'elles ont de bõne temperature: car la ialouſie les fait viurẽ en tranche, & ſans repos; la malice, & la hargne les amaigrit, & bien ſouuent les porte à d'eſtranges maladies, qui deſtruient le peu d'embonpoint qu'elles peuvent auoir; & la lubricité les traine dans des fureurs vterines, ou dans des maladies Veneriennes, qui les deſfigurent toutes.

Seconde
raiſon.

D'auantage, les femmes laides, & mal-gracieuſes (& notamment ſi elles ſont ialouſes) ne baiſent iamais leurs maris qu'en rechignant, comme les chattes; qui eſt cauſe qu'elles ſont ſteriles pour la pluſ-part: n'y ayant point de plus puiſſant obſtacle en l'action de la generation que
ces

ces humeurs farouches & leonines, ainsi que le rapporte Aristote en ses Problemes; mais les belles & gracieuses font naistre les occasions à tout bout de champ.

Qui plus est, telles femmes sont Troisième raison. ordinairement de temperament melancholique: or soit que ladicte humeur soit aduste & bruslée, ou bien froide & seiche; il est certain qu'en l'une, & en l'autre façon elle resiste grandement à la generation. Et premierement pour celle qui est aduste, tous nos Medecins sont d'accord qu'elle est totalement ennemie de la Nature, & par consequent de la generation, encore qu'elle soit partie naturelle, & partie non naturelle: car Hippocrate au 6. liure des Epidemies, & apres luy Galien en diuers endroits de ses œuures, tesmoignent qu'elle est indomptable, & qu'elle est plus propre pour susciter d'estran-
ges

ges maladies , comme la lepre , le chancre , les fieures quartes , & autres semblables , que pour nourrir les parties du corps , & seruir à la generation. Quant à l'autre qui est froide & seiche , tout homme tant soit peu versé en la cognoissance de la Medecine , peut iuger fort facilement , qu'elle est aussi directement contraire à la fécondité & generation , depuis que c'est vne maxime certaine & inuio-
lable , que l'homme ne peut estre engendré sans beaucoup de chaleur & d'humidité , qualitez diametralement opposées à la froideur & à la seicheresse.

Quatries-
me raison.

Adioustons encore , que les belles femmes qui sont comme les delices de la Nature , & de l'homme , doiuent estre accomparées aux belles plantes , lesquelles produisent quantité de beau fruit , moyennant qu'elles soyent bien cultiuées & esmondées ;

&c

& celles qui sont laides & mal-gracieuses, aux arbres vermolus & raboteux, lesquels pour la plus-part sont toujours steriles & infeconds, quelle diligence qu'on fasse à les fumer, esmonder, & eschalasser. Et finalement disons que celles-là sont ordinairement plus fecondes que les lieures, pour les raisons susdictes; & celles-cy plus steriles que la mule, que le faule *, que le peuplier, & que cet autre arbre que les Lacedemoniens appelloient anciennement Agrippos, selon le dire de Zenodorus, & de Suidas.

Or maintenant c'est à nous à contreluitter & abattre les argumens préalléguez non seulement contre la majesté & le mérite des belles femmes, (desquelles ie me declare le protecteur en cette cause, moyennant que leur beauté soit accompagnée de chasteté & de vertu) mais aussi

contre

* Quelques vns croyét que le faule n'est pas sterile, à cause qu'il a de certaines petites graines en ses fueilles qui luy sont en place de semence; mais Virgile, & Sexui^e croyét meritoirement le contraire, d'autant qu'ils assurent que l'usage de ses fueilles souuent mangées rend les hommes & les femmes steriles.

contre toute raison, ainsi que nous ferons voir à la suite de ce Discours.

Responſe
à la pre-
miere rai-
ſon de ceux
qui ſouſ-
tiennent
fort mal à
propos la
partie af-
firmative
contre les
belles fem-
mes.

Et premièrement reſpondans au premier, diſons que tant s'en faut que la conſtitution graſſe & accompagnée d'embonpoint, entraîne quand & ſoy la ſterilité, qu'au contraire elle eſt naturellement inſeparable de la ſecondité. Je diſ (naturellement) à fin d'exclurre cette ſorte de ſterilité qui arrive bien ſouvent aux femmes les mieux tempérées, par cauſe occulte, c'eſt à dire, par la ſeule & extraordinaire volonté de Dieu agiſſant contre tout ordre de Nature: car hors de là; & Dieu permettant aux cauſes ſecondes d'agir ſelon l'ordinaire & naturelle vertu qu'il leur a donné dès le commencement, il eſt certain que la conſtitution ſucculente, graſſe & pleine d'embonpoint, eſt la vraye mere nourrice de ſecondité. Ce que nous pourrions prouver par mille rai-
ſons

sons & tesmoignages irrefragables, si nous voulions amuser les Dames à des citations superflues & inutiles, Ioinct que l'experience journaliere nous fait voir que les Grands qui se marient pour auoir des enfans, tachent en tant qu'ils peuuent d'espouser des femmes qui soyent pleines, charnuës, popines, de belle taille, bien temperées, & bien saines, & qui finalement possèdent en leurs corps toute la beauté corporelle que La Nauche requiert aux filles maria- bles. De sorte que nous pouuons dire que ceux qui soustiennent opiniastre- ment le contraire, pechent non seu- lement contre le sens commun, mais aussi assassinent manifestement le Lecteur de bonne foy sur le grand chemin de la creance commune de la verité. Et pour les autoritez d'Hip- pocrate, d'Aristote, de Plin, & du Ie- suite Pineda, desquelles ils se seruent

pour

32 Discours de la sterilité

pour fortifier leur party, nous souste-
 nons qu'elles sont tres-mal alle-
 guées, & hors de propos : car quand
 Hippocrate parle en ses Aphorismes
 des femmes grasses, qui ne peuvent
 pas deuenir grosses, il n'entend pas de
 mettre au nombre celles qui sont de
 bonne constitution, veu que luy-
 même en vn autre endroit du mes-
 me liure escrit en termes diserts, qu'il
 n'y a bonnement que celles-là qui
 soyent fecondes ; mais il comprend
 seulement celles-là qui ont leur ma-
 trice naturellemēt farcie d'une gran-
 de & superflue quantité de graisse,
 ainsi que l'explique Philothée ; ou
 bien celles qui ont la coiffe du ventre
 (que les Medecins appellent *omen-
 tum*) extraordinairement espoisse &
 grasse : car les vnes, & les autres sont
 steriles par l'actiō & presence presque
 d'une même cause, à sçauoir, par
 compression non naturelle, laquelle
 fait

Lib. 5. A-
 phorism.
 46.

Lib. 5. A-
 phorism.
 62.

fait que les premieres ne peuuent pas retenir la matiere genitale dans la capacité de leur matrice, apres l'auoir receüe; & les autres ne la peuuent pas receuoir, comme il faut, le col de la matrice estant par trop pressé. Pour le regard d'Aristote, nous sommes asseurez qu'il ne parle que de ceux, ou celles qui sont excessiue-
Lib. 1. de
genera-
tione ani-
malium.
ment grasses, & chargées de cuisine; ainsi que luy-mesme le tesmoigne en vn autre endroit de ses œuvres, à sçauoir au liure 2. des parties des animaux, au chap. 6. A quoy aussi semble s'accorder Galien, escriuant contre l'horrible gourmandise des Athletes, ou lucteurs de son temps, lesquels estoient si importunément gras & gros, qu'ils ne se pouuoient presque point remuer dans leur peau, semblables aux pourceaux engraissez qu'on meine de Bourgogne à Lyon, ausquels bien souuent les rats man-

34 *Discours de la sterilité*

gent le bout de leur queue, ou nichent sur leur dos, à faute de se pou-
voir bouger pour les chasser; ou com-
me l'Empereur Amurath III. qui
deuint si estrangement gras & pe-
sant, qu'il auoit autant de quarrure
& de circonference qu'un muis de
vin, selon le rapport de Vigenere, &
de Matthieu. Bref, nous disons à l'au-
thorité de Plin, & de Pineda, qu'ils
doient parler comme Aristote, ou
comme Hippocrate (c'est à dire, en
bons Medecins) touchant l'infecun-
dité des personnes grasses, ou qu'au-
trement nous ne sommes pas obligez
de receuoir leurs nouuelles & erro-
nées opinions.

Responſe
à la ſecon-
de raiſon.

Venons à leur ſeconde raiſon, en
l'examen & refutation de laquelle
nous pouuons faire voir clairement
qu'ils ſe coupent de leur propre glai-
ue: car ſi la beauté eſt inſeparable-
ment conioincte avec la bonne tem-
pera

perature, ainsi qu'eux-mêmes le veulent, & comme la raison & l'autorité des plus graues Autheurs le demande, pourquoy est-ce que les belles femmes ne seront pas fecondes, depuis qu'elles sont ordinairement tres-bien proportionnées? Ou quelle autre constitution se pourront-ils figurer, qui aye plus de commerce avec la fecondité, que la tempérée? Certes il semble que leur raison alléguée à l'encontre resonne du tout mal: car dire que les femmes tempérées ne fournissent que de mauuaise & infeconde matiere en l'acte de la generation, c'est proprement dire que les femmes tempérées sont intemperées, & que la Nature est entièrement imparfaicte au poinct principal de sa perfection. Et iacoit que toutes les parties de leurs corps, estés bien tempérées, ne se puissent nourrir que d'un sang qui soit de pareille

estoffe & temperature, si est-ce qu'ils ne doiuent pas inferer de là, que ce qui reste apres la troisieme concoction soit inutile, infructueux & infecond ; veu que la Nature est autant, ou plus soigneuse de garder & employer vne bonne & loüable matiere pour la propagation de l'espece humaine, que pour la nourriture du corps, ainsi que le tesmoigne Hippocrate en diuers endroits de ses œuvres : ioinct que si la perfection de leur temperature est esgalement diffuse par tout leur corps, pourquoy est-ce que le sang qui doit aller dans la matrice ou en forme de semence, ou de sang menstrual, ne sera pas aussi parfaict & temperé, que celui qui sert à la nourriture des parties ? Ad-iouſtons encore, que comme la texture & fabrique des parties est de diuerſe nature, qu'aussi leur temperature est differente, & que par consequent

Lib. de natura pueri,
de septi-
mestr. par-
tu, & alibi.

quent toutes leurs parties ne se nourrissent pas d'un mesme sang, qui soit en mesme degré de temperature: car la Nature ayant donné à vne chacune d'icelles leur temperament appellé temperament de iustice, il est certain qu'elle leur a quant & quant aussi donné l'aliment qui leur est propre & conuenable, lequel neantmoins est doüé d'autant de temperatures particulieres, qu'il y a de parties de diuerse nature. Ainsi le poulmon est nourry d'un sang bilieux & escumant, la ratte d'un sang terrestre & melancholique; l'estoinach, les os, le cerueau, & les iointures d'un sang pituiteux, &c. Mais tousiours les vaisseaux spermatiques gardent le sang le plus pur, pour seruir en son temps de principe & de fondement à l'embryon, ainsi que nous auons desia dit. Au reste, ie croy que leur susdite raison a esté tirée de Louys

38 *Discours de la sterilité*

Mercado Espagnol, Medecin tres-docte & de grande reputation : car cettuy-cy recherchant la cause des pasles couleurs des filles, il allegue que celles qui sont belles y sont beaucoup plus subiectes que les autres. Dequoy voulant rendre raison, il dit que cela leur arriue, d'autant qu'elles sont ordinairement beaucoup mieux temperées que les autres; qui est cause qu'elles ont besoin d'une fort grande quantité de sang pur & bien temperé, pour nourrir toutes les parties de leur corps: & que partant ce qui reste, n'estant que la crasse & la lie dudit sang, il leur cause des fascheuses obstructions & opilations, qui les portent dans les pasles couleurs, & autres semblables incommoditez. Voyez le susdit Mercado en son premier liure des maladies des femmes, au chapitre de la Fieure blanche.

Pour

Pour leur troisiésme raison, ie trouue qu'elle ne vaut pas mieux que les autres : car encore que nous confessions ingenüement avec eux, qu'il n'y a qu'une seule & vraye perfectiõ, qui est celle de Dieu, & que la beauté de foy ne sert en rien pour bien & heureusement viure ; nous sçauons neantmoins que Dieu mesme fait vn grandissime estat de la beauté corporelle, par la bouche de son Prophete Royal Dauid au Pseaume 45. & par la tonante voix d'Esaye au 63. chap. de ses reuelations, voire iusques là, que nostre Seigneur Iesus Christ son Fils eternal a voulu estre, entant qu'homme, le plus beau de tous les hommes, ainsi qu'il se peut verifier par plusieurs passages de l'ancien Testament. Et ie croy que le diuin Platon, quoy que Payen, a reconnu que cette perfection humaine venoit d'enhaut, & de là main de Dieu, lors

40 *Discours de la sterilité*

qu'escriuant à Denys Tyran de Syracuse, il luy dit en termes diserts, que Dieu est la cause, la source & l'origine de toute beauté humaine, estant luy-mesme le plus beau des beaux. En après, qui ne sçait avec Sainct

* Lib. 2. de
virginib.

Ambroise *, Socrate, Platon, Plotin, & plusieurs autres grands personnages, que la beauté corporelle est comme le miroir & la figure de la beauté de l'ame? Et avec Hippocrate, Galien, & Aristote, que c'est le premier & le plus excellent don de Nature apres la santé? Ou avec tous les Grecs, qu'il n'y a que les belles personnes qui soyent dignes des Sceptres, & Couronnes; telles qu'estoyent anciennement Priam, Cyrus, Alexandre, Auguste, Jeanne Reyne de Naples, Esther, Andromache, & plusieurs autres semblables? Certes il n'appartient qu'à ceux qui sont plus laids qu'un Therfite, plus difformes qu'un

Cory

Corythée, ou plus aveugles que le Jupiter des Candiots, de blasmer ce qui est aimable & parfaict naturellement en tous lieux, & en toutes places. Et ne sert en rien d'alleguer qu'il y a eu beaucoup de belles femmes steriles, depuis que pour vne telle il y en a eu cent opposées, qui ont esté plus fecondes que colombes, & lieures. Ny moins encore de dire, que Dieu ait voulu conioindre la sterilité avec la beauté en la plupart des femmes, & attacher inseparablement vne telle espine à vne si belle fleur, pour abattre leur vanité; veu que cela n'a point de lieu qu'en quelques vnes qu'il a voulu, & veut encore laisser viure steriles miraculeusement, & contre tout ordre de Nature; ou bien en quelques autres, à qui la beauté eust peu, & pourroit servir d'achoppement & de perdition. Car autrement ie tiens qu'il

* Je me
 suis seruy
 du mot
 d'appa-
 rence, à fin
 de n'ex-
 clurre pas
 celles qui
 sont lai-
 des en ef-
 fect, &
 belles par
 opinion,
 ou par la
 violente
 imagination
 de
 ceux qui
 les aimēt;
 & pour
 authoriser
 aussi le di-
 re com-
 mun qui
 porte, qu'il
 n'y eut ia-
 mais bel-
 les prisōs,
 ny laides
 amours :
 suyuant
 l'authori-
 té d'Oui-
 de, & de
 Gordon,
 quand il
 dit que
*Quisquis
 amat ra-
 nam, ra-
 nam putat
 esse Dia-
 nam.*

42 Discours de la sterilité

n'a principalement orné le corps fe-
 minin de cette perfection naturelle;
 que pour la conioindre avec la fe-
 condité accompagnée de chasteté;
 n'y ayant point de plus puissant ha-
 meçon pour la propagation humai-
 ne que celuy-là. Adiouſtons encore,
 que la beauté, ou l'apparence * d'i-
 celle est tellement necessaire à la
 femme, que sans icelle l'homme ne se
 ſoucieroit non plus d'elle, que d'une
 chose ou morte, ou indifferente: de
 sorte qu'il semble que la Nature l'aye
 voulu amplement partager pour ce
 seul regard; c'est à dire, pour la ren-
 dre digne d'estre aimée, ainsi qu'a
 tres-bien remarqué le Poëte Ana-
 creon, & apres luy son docte Inter-
 prete Remy Belleau en l'Ode ſuy-
 uante:

Nature a donné aux taureaux

La corne, & le vol aux oyseaux,

L'ongle au cheval, & la viſteſſe

Aux

*Aux lieures , aux poissons l'adresse
De nager , aux lyons les dents,
Et aux hommes d'estre prudents:
Or n'estant plus en sa puissance
Donner aux femmes la prudence,
Que leur a-elle présenté ?
Pour toutes armes la beauté,
La seule beauté dont la femme
Surmonte l'acier , & la flamme.*

La quatriefme raison qu'ils ad-
uancent est si mince, & si fresse à mon
gré, que ie ne pense pas qu'elle puisse
tenir coup à nos réponses: car pre-
mierement il est faux de dire, que le
Cyprez soit le hieroglyphique de la
sterilité; veu que Pierius, Auteur
digne de foy, qui a pris la peine de
recueillir tous, ou la 'plus-part des
hieroglyphiques des Egyptiens, &
autres nations, dit en termes exprés,
que c'est la mule, sans faire aucune
mention du Cyprez, lequel (quoy
que hieroglyphique de la mort) tant
s'en faut qu'il soit sterile, comme
porte

Responſe
à la qua-
triefme
raison.

44 *Discours de la sterilité*

porte leur argument tiré du Iesuite Pineda en son liure des gestes de Salomon; qu'au contraire il porte trois fois l'année de certaines petites noix fendues, & pleines d'une petite graine, de laquelle les fourmis sont grandement friandes, ainsi que le rapporte Galien au 7. liure des Simples, & apres luy Mathiolo en son Commentaire sur le premier liure de Pedacius Dioscoride. En apres, nous nions que les belles femmes douées de la temperature & proportion des membres, de laquelle nous auons parlé cy-dessus, soyent infructueusement agreables; veu que cela repugne directement à la raison, & à l'experience, ainsi que nous auons desia monsté. Quant aux exemples alleguez de la sterilité de plusieurs belles Dames, nous aduouons que Dieu Auteur de la Nature, les a peu, & voulu rendre telles, contre tout ordre de Nature,

Nature, pour des raisons occultes & incognuës à nous, & parce que tel a esté son bon plaisir. Ou bien nous disons que leur beauté & proportion corporelle a esté defectueuse en leurs parties generatiues, & que partant Dieu a voulu faire voir qu'elles n'estoyent pas telles, ny si parfaictement belles qu'on les croyoit : car iamais femme sterile, quoy que belle, ne fut parfaictement belle.

Enfin nous respondons à leur dernier argument ce que nous auons desia reïteré en partie par plusieurs fois, à sçauoir, que par les belles femmes nous n'entendons pas seulement celles qui sont blanches; & par les laides, celles qui sont noires : mais que par les premieres nous entendons celles qui ont toutes les proprieté & qualitez mentionnées en la definition de la beauté alleguée au commencement de ce Chapitre; & par

Respon
se à la der
niere rai
son.

46 *Discours de la sterilité*

par les dernieres, celles auxquelles manque la plus-part desdites proprieté, sans auoir aucun esgard à la couleur du visage: car de toute taille bon leurier. Et vn chacun de nous sçait qu'au iugement des hommes mesmes il y a tout autant de sortes de beauté, qu'il y a de diuerses & particulieres inclinations, & climats. Car

Voyez les
Essais de
Michel de
la Monta-
gne sur la
diuersité
des beau-
tez femi-
nines.

si nous la depeignons blanche, les Indiens la representent noire & basanée, aux leures grosses & enflées, au nez plat & large; les Persans, au nez aquilin; les Mexicains, au front petit & estroit; les Italiens veulent qu'elle soit grosse & massiue; les Espagnols, vuidée & estrillée; & parmy nous encore quelques vns la demandent brune & vigoureuse, & quelques autres blanche, molle & delicate. De sorte qu'il n'est pas inconuenient qu'une femme blanche soit laide & sterile; & une noire, belle & feconde;

depuis

depuis qu'un chacun taille & figure la beauté de son propre burin, & à sa poste; puis aussi que les noires peuvent estre bien proportionnées en toutes leurs parties; & les blanches au contraire hargneuses, mal basties, & impertinentes en leur conuersation particuliere.

Pour le regard des femmes d'Egypte, & d'Ethiopie, de l'exemple desquelles ils se targuent en faueur des femmes noires. Nous respondons qu'elles ne sont pas fecondes, parce qu'elles sont noires, mais parce qu'elles sont communement mieux temperées, & plus vigoureuses que les nostres, (la delicatesse de la plus-part desquelles va porter les siecles qui restent à la production non d'hommes robustes & vigoureux, comme estoient iadis nos anciens Gaulois; ains plustost des pygmées, ou des demy-hommes semblables au Poëte

Myn

Myndirides, qui s'estoit tout cassé le derriere pour s'estre couché sur vne feuille de rosier) ainsi que le rapporte Leon d'Afrique en son Histoire Ethiopique. Et d'autant aussi qu'elles sont en vn climat admirablement propre & particulier pour la generation, & grâdement fauorable pour la conseruation & durée des choses engendrées: car Pline assure que la plus-part des enfans qu'elles font au huitiesme mois (ce qui arriue souvent) sont viables, robustes & vigoureux, à l'esgal de ceux que nos femmes nous font par deçà au neufiesme mois: encore que selon le dire d'Hippocrate, & de tous les plus doctes Medecins, aucun fruit octimestre ne soit viable en aucune part. A laquelle opinion neantmoins nos Historiens modernes ne s'accordent pas, disans qu'il y a certaines contrées en Espagne, où les enfans octimestres

Libr. de
octimestr.
partu.

mestres font aussi bien viables que ceux d'Egypte, & d'Ethiopie; ny moins encore Asclepiade, qui a laissé par escrit que les Insulaires de Naxos ont ce mesme priuilege de Nature.

Bref, touchant l'election du laiët des brebis noires, de la chair des poules de mesme couleur, & des nourrices brunettes, nous asseurons qu'elle ne se fait pas à raison de la couleur tant seulement: car autrement il s'enfuyuroit que toutes les brebis noires, & toutes les nourrices brunettes auroient bon laiët, & les poules de mesme couleur bonne chair; ce qui n'est pas tousiours, comme vn chacun sçait. Mais nous disons qu'elle se fait principalement en consideration de la bonté du temperament, & de l'abondance de la chaleur naturelle, que ladite couleur noire (accompagnée de toutes les qualitez cy-dessus alleguées) demonstre estre és ani-

maux susdits, aussi bien qu'és nourrices, & en plusieurs autres personnes de mesme teinture. De sorte que leur argument ne bat que d'une aïlle, à l'egal de tous les autres : aussi faut-il qu'ils confessent que la beauté étant le premier priuilege de Nature, selon le dire de Platon, elle doit auoir cette prerogatiue par dessus la laideur, de produire vne infinité de beaux portraits, comme elle est belle, & infeoder la fecondité dans tous les corps des femmes où elle se rencontrera parfaicte, & sans obstacle.

Si les femmes qui ne font que de filles, doiuent estre appellées steriles.

CHAPITRE III.



Es femmes, & les filles qui prendront la peine de lire ce Chapitre, croiront de prim'abord que j'ay prins à prix

à prix-faiët de les aguerrir, & pincer de tous costez; & m'estimeront estre vn autre Archimifogyne, ou ennemy capital de leur sexe. Mais ie les supplieray instamment de ne iuger pas sinistrement de mes procedures, qu'elles n'ayent leu le Chapitre tout entier: car comme ie me suis proposé en ce petit liure de prendre en main la cause particuliere de celles qu'on accuse à tort d'estre steriles & infcondes, aussi i'ay deliberé en ce present Chapitre d'estre le pere public, voire le defendeur catholique de leur sexe, touchant la question proposée.

Et à fin qu'elles ne croient pas que i'aye mis en auant ce probleme pour me donner carriere tant seulement, & sans fondement aucun, ie veux qu'elles sçachent que leur sexe est en si mauuais predicament parmy la plus-part des hommes de toute qualité, & notamment de ceux qui

font mariez, qu'il semble (selon leur dire) que Dieu leur aye faict tort de les assubjettir à leur compagnie, & les engager dans les liens matrimoniaux tant espineux; voire estiment à tres-grand opprobre & ignominie, d'auoir des filles, quoy que legitimes, sages, belles, & bien-nées. Or la haine que telles gens leur portent, ne prouient pas tant de leur inclination naturelle; (car qui est celuy qui voulust haïr vn autre foy-mesme?) que d'vne certaine mauuaise imitation, & instruction, laquelle ils ont puisée par traditiue dans les escrits de ceux qui ont autres fois estalé toutes leurs imperfections sur le theatre du monde, entre lesquels nous pouuons mettre Socrate, Platon, Aristote, Diogene, la Montaigne, André Tiraqueau Iurifconsulte celebre, qui les a furieusement deschiffrees en son liure des loix du Mariage, & du droict des maris;

D'où viét
que les
femmes
sont haïes
des hommes
en
general.

maris; & encore plus vn certain Poëte moderne sans nom, qui nous a laissé des Sizains comme vn abbrege & vn epitome de toutes les iniures & maledictions (*Maranatha*) qui se peuvent excogiter à l'encontre d'icelles: en voicy la copie,

*La femme ressemble aux grands flots,
Où sans cesse les matelots
Sont agitez de quelque orage:
Le pilote le plus sçauant
Est subiect à faire naufrage
Dessus vn sable si mouuant.*

*C'est vn serpent couuert de fleurs;
Les ris accompagnent les pleurs,
Ce n'est que feinte, & artifice.
Quel crime ont les hommes commis,
Pour meriter vn tel supplice,
Que d'adorer leurs ennemis?*

Mais laissant à part la recherche de telles animositez foles & mal-fondées, aussi bien que les Autheurs d'icelles; sçachons s'il se trouuera quelqu'un qui soit muni de quelque

bonne raison, par laquelle on puisse estre induict à la creance de la partie affirmatiue du titre de ce Chapitre.

Les raisons de ceux qui soustienent la partie affirmatiue du titre de ce Chapitre.

Aristote parlant de la generation de l'homme en diuers endroits de ses œuvres, & notamment aux liures de la generation des animaux, dit en termes expres que la femme ne contribue rien en la production de l'homme, voire assure qu'elle est le premier monstre de Nature.

Galien au chap. 6. & 7. du quatorziesme liure de l'vsage des parties, escrit qu'elle est vn animal imparfaict, produict fortuitement, & à la haste.

Platon en son *Tchætetus*, & aux liures des Loix, ne sçait bonnement sous quel genre d'animaux il doit colloquer la femme: car tantost il la met au nombre des raisonnables, & tantost au rang des irraisonnables.

Sainct Ierosme, ou celuy qui escrit
à vn

à vn certain nommé Oceanus, touchant la vie des Clercs, dit que la femme est la porte du diable, le chemin de toute iniquité, la piqueure d'un scorpion, & un animal nuisible en toutes façons.

Saint Epiphanius en son premier liure des Heresies, escrit que les Heretiques Seuerians ont creu que les femmes estoient un chef-d'œuvre du diable.

Le Philosophe Simonides interrogé, & prié de dire ce qu'il croyoit de la femme, il respondit qu'elle n'estoit autre chose qu'un aspic mortel, une chienne parée, le naufrage des hommes, un trouble-repos, la beste domestique, le vaisseau d'adultere, la tempeste de la maison, un fardeau insupportable, la prison de la vie, & un mal necessaire.

Saint Augustin & Saint Ierosme escriuent qu'Origene a estimé, &

tenu pour chose assurée, que les femmes ne resusciteront point en leur sexe, & qu'elles desisteront d'estre femmes au dernier iour.

Bref, nos Politiques crient tout haut, que les Monarchies & Principautez souueraines qui ne tombent point en quenouïlle, se sont tousiours estimées malheureuses d'auoir esté gouuernées par des Roys, les femmes desquels ne leur ont fait (par malheur) que des filles; laissant par ce moyen leurs Estats sans heritiers, desolés & pleins de factions, ainsi qu'on a veu souuent arriuer durant le règne de plusieurs Princes, & notamment en ce Royaume du temps de Philippes de Valois, à qui la Couronne fut iustement adiugée par les Estats generaux tenus à Paris, contre Edoüard Roy d'Angleterre, fils d'Isabel fille de Philippes le Bel, à l'exclusion de la fille de Charles le Bel,

Bel, de laquelle ledit Edoüard se disoit estre legitime heritier, & par consequent successeur de la Couronne de France, cōme estant cousin germain de la posthume. Car iacoit que la loy Salique fust confirmée, la fille delaissée de Charles mise hors de toute esperance de succession, Edoüard renuoyé par les Estats, & tout le Royaume reüny à son Roy legitime, neantmoins l'histoire porte que cedit Royaume souffrit d'estranges persecutions & cruautéz, qui furent suscitées par ledit Edoüard: ce qui ne seroit pas arriué, si le Roy Charles eust laissé vn enfant mâle.

Si doncques il faut aduoüer avec Aristote, que les femmes ne contribuent rien en la generation, & qu'elles sont des monstres en Nature; avec Galien, qu'elles sont imparfaictes en toutes façons, & fortuitement produictes; avec Platon, qu'elles doiuent

58 *Discours de la sterilité*

plustost estre mises au rang des animaux irraisonnables que des raisonnables; avec Sainct Ierosme, qu'elles sont la porte du diable, & le chemin de toute iniquité; avec les Seuerians, qu'elles sont vn chef-d'œuvre du diable; avec Simonides, qu'elles sont des aspies mortels, des chiennes parées, &c. avec Origene, qu'elles ne resusciteront point en leur sexe au dernier iour; & finalement avec tous les bons Politiques qui vivent sous la Monarchie, comme nous, qu'elles sont incapables de succeder aux Couronnes de leur pere: Il semble que ceux qui soustiennent la partie affirmative de ce probleme, ont quelque raison de dire, que les femmes qui ne sont que des filles doiuent estre mises en parallele, & en mesme degré de sterilité que celles qui ne sont ne male, ne femelle. Car (adioustant-ils) comme les figuiers sauvages, & les pom

Suite des
raisons de
ceux qui
haïssent
les fem-
mes.

pommiers de Sodome ne font pas moins estimez steriles que le faule, ou le peuplier, à cause qu'ils produisent de beaux fruiçts en apparence, & inutiles en effect; aussi les femmes qui ne font que des filles, ne doiuent pas estre plus estimées que celles qui sont entierement infecondes: parce qu'elles ne rendent que des fruiçts beaux & plaisans en l'exterieur, mais interieurement & vrayement espineux, rudes, remplis d'amertume, & vrays auortons de Nature. D'ailleurs, quel creue-cœur croyez-vo⁹ qu'ayent tant d'hōnestes personnages, de voir leur foyer peuplé de tant d'animaux sans queüe, qui n'ont ny adresse, ny industrie naturelle, qui font de tres-difficile & tres-dangereuse garde, & qui bien souuent ruinent d'honneur & de moyens ceux qui les ont esleuez, tout de mesme que le lierre la muraille qui la longuement soustenuc?

nue? Certes il ne se faut pas estonner si la plus-part des maris à qui naissent beaucoup de filles, & point d'enfans masles, font des cheuaux eschappez durant quelques iours apres l'accouchement de leurs femmes: car veritablement il leur en prend tout de mesmes qu'à ceux à qui pour vn petit heritage il arriue vne douzaine de gros procez; ou comme à ceux qui n'ayans semé que de bon & beau froment, ne recueillent que d'yuraye. Quant à moy (dit vn autre qui est de leur party) i'ay cogneu vn Seigneur de marque, à qui sa femme ayant faict la quatriesme fille, sans interruption d'aucun masle, il luy cuida eschapper de ietter sa maison & sadite femme par les fenestres, de rage & de despit qu'il eut de se voir vieux, sur le bord de la fosse, & sans esperance de pouuoir laisser vn vray & masle successeur de ses charges &

pen

pensions , qui n'estoyent pas de petite importance.

Ce neantmoins toutes ces raisons plus iniurieuses que receuables, plus pleines d'animosité que de verité, ne sçauroyent esbranler la constance de ceux, qui s'attachans à la pure & vraye verité du probleme proposé, tiennent le party de Dieu, & de la Nature, contre les impostures d'une infinité d'esprits cacochymes, qui ne sont nez que pour contreroller les œuvres du Souuerain. Je m'explique & dis, que quoy que les susdits arguments alleguez contre la majesté, & le merite du sexe feminin , semblent boucher le chemin à toute sorte de defences & repliques, & auoir en eux quelque chose de masse & de vigoureux ; si est-ce que nous esperons de faire voir que nos responses puisées du puits de Democrite, c'est à dire, du centre de la verité, esteindront , & feront

Raisons
perem-
ptaires de
ceux qui
soustien-
nent la
partie ne-
gatiue du
titre de ce
Chapitre.

feront perdre à iamais tout leur lustre
pretendu.

Et à celle fin qu'ils ne croient pas
que nous soyons desnuez de bonnes
& pertinentes raisons pour le souf-
tien de nostre party, contre lequel ils
se roidissent à tors & à trauers; qu'ils
sçachent hardiment que Dieu Au-
theur du sexe feminin, aussi bien que
du masculin, a preueu que la beauté
& l'excellence du monde n'eust esté
qu'un chaos & vne confusion inex-
tricable sans la femme; voire a pre-
iugé de toute eternité, que le salut de
ses enfans auroit esté imparfaict * &
defectueux, si premierement il n'eust
conioinct leur ame, vray rayon de la
Diuinité, avec vn corps composé
d'une matiere elementaire, & pestry
du concours admirable de la matie-
re genitale de l'un & de l'autre sexe,
ainsi que nous verrons plus ample-
ment à la suite de ce Discours. Et si

La pre-
miere.
* C'est l'o-
pinion de
Saint Au-
gustin, &
de plu-
sieurs au-
tres an-
ciens Pé-
res, qui
soustien-
nent que
la beati-
tude de
l'homme
sera beau-
coup plus
grande,
quand le
corps sera
conioinct
à l'ame
apres la
resurre-
ctiō, qu'el-
le n'est à
present, &

par

par apres (le peché de l'homme estant suruenu) il n'eust daigné par sa grande & ineffable misericorde enuoyer son propre Fils, nostre vnique Redempteur, pour prendre chair humaine au ventre de la sainte Vierge. tâdis que le corps sera en terre, & l'ame au Ciel. Voire-mais, dira quelqu'un, Aristote, Platon, Socrate, Diogene, & vne infinité d'autres Payens, qui sont de leur vol & creance touchant l'impertinence de la femme, tant en l'actiõ de la generation, qu'en plusieurs autres choses, ont ignoré ces deux grands & incomprehensibles mysteres de la Creation & Redemption de l'homme. Et partant il semble qu'il seroit plus à propos d'agir contre eux par raisons naturelles que par autoritez tirées des sacrez Cayers, auxquels ils n'ont iamais creu. A cette obiection ie respons, qu'il m'est aussi facile de les culbuter par raisons naturelles comme par autoritez sacrées : mais
d'au

d'autant que ces deux myſteres ſus-
alleguez, (& notamment le dernier)
ſont les deux principaux fondemens
de noſtre ſalut, duquel il y a peu
d'apparence qu'ils ſoyent iamais par-
ticipans ; ie m'en ſuis voulu ſervir
comme d'un rampart inexpugnable
contre toutes fortes d'aſſauts, ſans
auoir eſgard à qui, ny comment;
ioinct qu'il nous importe fort peu de
nous attaquer à eux en quelque fa-
çon que ce ſoit, apres auoir rembarré
leurs inuectiues ; ains aimons mieux
nous prendre à ceux, qui eſtans
Chreſtiens de nom, eſpouſent mal-
heureuſement leurs opinions impies
& prophanes, & ſouſtiennent de bec
& d'ongle, que la femme eſt entie-
rement inutile pour la generation, &
hors de compte parmy les animaux
raiſonnables.

La ſecon-
de.

Or ſi ceux-cy ſ'eſtoient voulu
eſtudier à la recherche de la verité,
en

en lisant les bons liures, & notamment les sacrez, ils auroyent trouué premierement que le Prophete Dauid diuinement inspiré aduoüe & confesse ingenuëment que sa mere l'a conceu avec iniquité, & partant qu'elle a contribué sa part en sa production naturelle; veu que iamais conception humaine & naturelle ne se fit sans le concours de la matiere genitale du masle & de la femelle, ainsi que tiennent vnaniment tous nos Medecins. En apres, si cette diuine & irrefragable autorité ne les a peu contenter, ils se deuoyent informer pleinement de l'histoire naturelle qui parle de la generation de l'homme, en laquelle ils auroyent appris que la femme contribue autant ou plus que l'homme en l'action de la generation. Car à quelle fin sont destinez les vaisseaux preparans & eiaculatoires, les testicules

La troi-
siesme.

dont la Nature l'a pourueüe auffi bien que l'homme; la matrice, le sang menstrual qui doit nourrir l'embryon durant le temps de sa grossesse, & tous les autres instrumens naturels admirablement fabriquez, si ce n'est pour la generation? Seront-ils si impudens que d'accuser l'Autheur de la Nature de la production de tant de membres inutiles à leur dire? D'ailleurs, sçauent-ils pas que les Iuriconsultes aduoüent que la mere est tousiours certaine, & le pere incertain, pour monstrier que la femelle contribue beaucoup plus en la generation que le masse? Que si elle contribue plus selon le cōsentement de tous les plus doctes Medecins, pourquoy est-ce qu'une femme ne faisant que de filles, sera-elle reputée sterile, depuis qu'elles sont doüées d'une mesme ame immortelle que les masses; & que le concours de la

matiere feminine de l'un & de l'autre sexe est aussi bien necessaire pour leur production, que pour la production des masles? D'auantage, se sont-ils La cin- jamais prins garde, qu'il y a autant quiesme. ou plus d'enfans, masles & femelles, qui retirent beaucoup mieux à la mere qu'au pere, en la forme du visage? Certes il faut qu'ils confessent que telle ressemblance indiuiduelle (c'est ainsi que nos Medecins la nomment) ne prouient que de la vertu formatrice qui est dans la semence tant du pere que de la mere, & de la forte imagination de la mere, laquelle imprime premierement aux esprits, desquels elle se sert en vne si noble action, puis aussi quant & quant à la semence animée, la forme, le caractere, l'espece & l'idée qu'elle s'est proposée durant les chaudes alarmes du combat amoureux: ce qui ne pourroit estre, si la femme ne fai-

soit la moitié de la besongne, & ne contribuoit la moitié de la matiere d'un si noble bastiment masculin, ou feminin. Finalement, peuvent-ils nier l'experience journaliere, par laquelle nous sommes instruits que les femmes goutteuses, maniacles, epileptiques, pleuretiques, ou affligées de quelque autre semblable maladie, produisent des enfans subiects aux mesmes infirmittez, encore que leurs maris & parens se portent bien? Or est-il que cela n'arriueroit point, si elles ne prestoyent rien du leur en la conception & nourriture durant le temps de leur grossesse. Toutes ces raisons sont si puissantes pour fortifier le party de la Nature & des femmes, qui est aussi le nostre; que ie ne pense pas qu'il soit expedient d'en alleguer d'autres plus pressantes pour conuaincre d'erreur & d'animosité ceux qui tiennent le contraire.

Par

Parquoy il ne reste autre chose que de respondre en detail à tous & vn chacun les argumens , ou pour mieux dire aux calomnies & iniures atroces des Autheurs sus-alleguez : car nos raisons seroyent de peu d'importance , & tres-mal receües des femmes que nous soustenons, si nous ne terrassions celles qui veulent obscurcir nostre droict. Premièrement doncques nous respondons & disons à Aristote , qu'il a grand tort & de soy, & des femmes en cette question proposée: de soy, en ce qu'il ne se souuient pas d'auoir escript le contraire de ce qu'il a dict cy-dessus touchant l'inhabilité des femmes en la conception ; veu qu'il dit en termes diferts au dixiesme liure de l'histoire des animaux, & en plusieurs autres endroits de ses œuvres, qu'il est necessaire que le male & la femelle contribuent leur part de la semence

Responſe
à toutes
les opi-
nions &
raisons er-
ronees de
ceux qui
souſtien-
nent la
partie af-
firmatiue.

Responſe
à Aristote.
tc.

pour la conception qui se doit faire dans la matrice: dès femmes, d'autant qu'il deuoit auoir suyui l'opinion de plusieurs grands personnages qui l'auoyent deuancé de quelques siècles, & notamment de nostre diuin Hippocrate, qui estoit beaucoup meilleur Medecin & Anatomiste que luy, & qui escrit en son liure de la geniture, & aux liures de la diete, que non seulement la femme contribue sa part en la generation de l'homme, mais aussi qu'elle a double semence aussi bien que l'homme, la premiere desquelles est la cause materielle ou des masses moins vigoureux, ou des femelles robustes & demy-Amazones, lors qu'elle se trouue plus chaude, plus copieuse, & plus vigoureuse que celle de l'homme; & l'autre est celle qui ne sert à autre chose qu'à la procreation de quelque foible femmelette, à cause
du

du peu de chaleur qu'elle a , moyennant que celle de l'homme soit à proportion de mesme nature. De sorte qu'il faut que ledit Aristote aduoüe de deux choses vne, ou qu'il estoit chez maistre Guillaume le songeur, lors qu'il escriuoit ces contradictions manifestes ; ou qu'il n'a iamais esté bon Medecin, depuis qu'il escrit des choses directement contraires aux principes de la Medecine & de la Nature. Par mesme moyen il doit confesser ingenuëment qu'il estoit porté d'un esprit esgaré & contentieux, lors qu'il escriuoit que la femme est un monstre en Nature; veu que luy-mesme sçauoit bien ce que tous les meilleurs Naturalistes ont sceu apres luy, à sçauoir qu'entre les animaux un monstre proprement prins n'est autre chose que ce qui naist de quelque animal que ce soit, ou differant d'espece d'avec iceluy;

ou grandement dissemblable tant en la figure qu'au nombre, proportion & situation de ses membres. Or d'attribuer aux femmes toutes ces choses, qu'est-ce faire autre chose que quereler manifestement l'Auteur de la Nature, & combattre les sens naturels? chacun sçachant bien que les femmes sont de mesme espece que les hommes, selon le rapport d'Aristote mesme qui dit au dixiesme liure de sa Metaphysique, que l'homme & la femme ne different que de sexe; qui est vne difference non essentielle, mais accidentale. Parquoy il eust esté plus tolerable, s'il eust dit que vraiment ces femmes-là sont des vrais monstres en Nature, lesquelles se forgent des opinions monstrueuses en leur ceruelle, lors qu'elles sont transportées de ialousie imaginaire contre leurs maris; ou celles-là encore qui enfantent &

executent des desseins monstrueux pour assouvir ou leur vengeance, ou leur lubricité; ou finalement celles qui se prostituent monstrueusement aux bestes brutes, comme vne Pasi-phaé, & autres semblables. Venons à Galien, & respondons luy ce que luy-mesme nous a appris apres Aristote, à sçauoir qu'il est veritable que la femme est vn animal imparfaict au prix de l'homme, mais que neantmoins elle est aussi parfaicte en son sexe que l'homme au sien: car la Nature ayant preueu qu'il estoit necessaire d'auoir deux sexes pour la production de tous les animaux parfaicts, & particulierement de l'homme son vray mignon, & l'vnique abregé de toutes ses merueilles, elle n'a pas voulu donner moins de perfection à la femelle qu'au male tant pour tant, depuis que l'vn d'iceux est destiné d'engendrer en autrui, &

Responſe
à Galien.

l'autre en soy-mesme, ainsi que tiennent vnanimement tous nos Medecins. Et là où elle eust faict autrement, elle nous auroit rendu semblables à vne infinité de plantes, parmy lesquelles ne se trouue point de femelle: ce qui seroit impie de croire d'une si bonne mere. Touchant ce qu'il a dict qu'elle a esté produicte fortuitement & par occasion, nous disons ou qu'il se donnoit carriere escriuant cela, ou qu'il s'est grandement trompé. La raison est, que l'intention de la Nature a esté de produire aussi bien les femelles que les masles, à raison de la generation à laquelle ces deux sexes sont esgalement consacrez, ainsi que nous auons desia dict: car hors de là il s'enfuyuroit qu'elle se destruiroit soy-mesme, si elle desistoit de produire des femelles, comme vn chacun sçait. Et ne sert en rien d'alleguer les vices

& defauts de leur sexe pour faire valloir l'argument : car autre chose sont les vices de l'ame , & autre chose les imperfections du corps ; la plus-part d'icelles naissent vicieuses, aussi bien que les hommes, mais presque toutes naissent parfaites en leurs corps , & en leur sexe , & sont munies proportionnellement de toutes les parties requises à la vie & à la generation.

Quant aux argumens calomnieux alleguez contre les femmes par Platon, par Sainct Ierosme, & par les Heretiques Seuerians, nous respondons en peu de mots, ou que Platon a voulu faire voir à la posterité qu'il y auoit en luy autant ou plus de bestise que de science, ou qu'il a eu esgard aux defauts des facultez de l'ame feminine ; aussi bien que Sainct Ierosme, & non à la fabrique miraculeuse du corps qu'elle anime : estant tres-certain que les femelles ont generale

Responſe
à Sainct
Ierofme,
& à Platon.

ralement leur esprit beaucoup plus foible que l'homme en toutes bones choses, nonobstant que leur corps soit accompli en toute sorte de perfection naturelle, aussi bien que celuy des masles. De sorte qu'il faut croire que ce qu'il en a dict, a esté plustost pour agguerrir & pincer les femmes de son temps, que pour taxer tout le sexe; ne me pouuant imaginer qu'un si grand personnage (i'entends Platon) eust voulu broncher en si beau chemin, que d'ignorer la difference des especes, & forclorre la femme du nombre des animaux raisonnables, sinon que luy-mesme vucille aduoüer quant & quant qu'il est fils naturel & legitime d'une beste.

Responce
aux Here-
tiques Se-
uerians.

Mais que dirons-nous aux Here-
tiques Seuerians, qui passent au delà
des iniures les plus atroces, & qui
soustiennent opiniastrement que la
femme est vn chef-d'œuvre du dia-
ble?

ble? Certes nous leur respondrons en peu de paroles, qu'ils font portez non seulement d'un esprit phanatique & pernicieux, mais aussi totalement diabolique, depuis qu'ils attribuent au malin Esprit la creation de la plus noble de toutes les creatures: impudence & manie prodigieuse! que des hommes haiz des femmes comme les autres, & creiez de Dieu comme les autres, fassent gloire de nier leur extraction diuine, & se vueillent dire enfans de celuy qui ne scauroit pas creer vn moucheron, ny produire reellemēt la moindre chose du monde sans la permission de Dieu! Outre ce nous leur dirons que leurs iniures & calomnies ne sont pas receuables, d'autant qu'ils sont iuges & partie tout ensemble: car Sainct Ierosme, Sophronius & Epiphanius escriuans de leurs erreurs, disent entre autres choses qu'ils haïssoyent mortelle-

ment

ment les femmes, & defendoient le mariage à tous ceux de leur secte. De façon qu'il n'a pas tenu à eux que le monde ne soit retourné au mesme estat qu'il fut incontinent apres le Deluge, c'est à dire, desert & despeuplé à faute de generation; & que les femmes n'ayent esté condamnées à vn perpetuel & forcé pucelage: pucelage qui pour le iourd'huy seroit plus insupportable à la plus-part d'icelles qu'une cuirasse de soixante liures. Passons outre, mais ne passons pas sous silence la iuste repliche qui est meritoirement deüe à l'impertinent discours de Simonides touchant les femmes; & disons luy qu'il meritoit (s'il viuoit encore) d'estre mis tout nud à leur pouuoir & discretion, depuis qu'il n'a point de honte de les appeller aspics mortels, chienes parées, &c. voire qui plus est, d'estre entierement biffé du nombre des

des

des hommes: car puis qu'il desaduouie & mesprise si furieusement la moitié de soy-mesme, en mesprisant le sexe qui luy a donné en partie son estre raisonnable apres Dieu, doit-il pas estre mis au nombre des bestes, & non des Philosophes celebres?

D'auantage, respondons à Ori- Responce
à Origene.
gene que son opinion touchant la
resurrection des sexes est entiere-
ment erronée & heretique, ainsi que
le luy reprochent Sainct Augustin,
Sainct Ierosme, Sainct Epiphanius, &
presque tous les anciens Peres, qui
s'accordent vnanimement en cela, &
croient que la femme resuscitera en
son sexe, aussi bien que l'homme. Ce
qui se peut preuuer par plusieurs au-
thoritez & raisons: car en premier
lieu Damascene au 4. liure de la Foy
orthodoxe dit en termes expres que
la mesme face, la mesme forme de
corps, & les mesmes caracteres qui
nous

nous font discerner les vns des autres en cette vie, demeureront en nous apres la resurrection. D'où i'argumente comme cela: Si les mesmes caracteres, le mesme visage, les mesmes membres, & le mesme corps subsiste apres la resurrection, il s'ensuit donc que le corps des femmes subsistera, depuis qu'il a ses caracteres particuliers, son visage, & sa forme aussi bien que celuy des hommes. Or qu'il aye toutes ces choses, il est si clair & si euident, qu'il n'a du tout point besoin de preuue; & les plus grossiers sçauent qu'encore qu'il y aye vne fort grande cōformité entre les corps des hommes & des femmes, que neantmoins à l'occasion des parties dediées à la generation, on ne les doit, & ne peut prendre l'un pour l'autre: & partant si l'homme resuscite en son sexe, pourquoy non la femme? Secondement Sainct Augustin

gustin au 22. liure de la Cité de Dieu, chap. 17. dit tres-expressément, que celuy qui a institué l'un & l'autre sexe en cette vie, le restituera en l'autre. Et iacoit que Iesus Christ eust respondu aux Saduccens qu'on ne se marioit point au Royaume de son Pere, il ne leur dit pas pourtant qu'il n'y auroit point de femme; depuis que luy-mesme sçauoit que Dieu son Pere auoit créé la femme de la coste du premier homme, disant: *Il n'est pas bon que l'homme soit seul, faisons luy une aide semblable à luy.* Desquelles paroles de Sainct Augustin ie tire cet argument peremptoire: Celuy qui a créé l'homme & la femme à son image & semblance, ne les a pas creez pour conseruer sadite image & semblance en l'un d'iceux, & la destruire en l'autre; autrement, ce seroit l'arguer d'impuissance, ce qui seroit blasphematoire à dire. Or est-il

qu'il les a creez tous deux par vne
mesme vertu & puissance, ainsi que
croient tous vrays Chrestiens, &
comme il est dict au commencement
de la Genese. Parquoy il s'ensuit qu'il
conseruera à iamais sadite image &
ressemblance. en l'un & en l'autre,
puis qu'ils sont esgalement desti-
nez à la vie eternelle apres la resur-
rection, en laquelle Sainct Thomas
en la troisieme partie de sa Somme
Theologique dit & assure que la
mesme substance, la mesme chair, &
les mesmes cheueux seront conser-
uez, non seulement par vne identité
specifique, (ainsi qu'il parle) mais
aussi indiuiduelle & incommunica-
ble. Qui plus est, Origene & ses con-
sorts oseroyent-ils nier que la sainte
Vierge ne soit eternellement bien-
heureuse en son sexe? & qu'il en sera
de mesme de plusieurs autres, depuis
que ledit sexe est inseparable de leur
na

nature feminine? Finalement, si les femmes reprouvées sont damnées en leur sexe, pourquoy est-ce que celles qui sont esleües de toute eternité ne seront bien-heureuses au leur, selon la raison des contraires? Certainement cette opinion d'Origene est si puante & si contraire à nostre creance Chrestienne, qu'elle ne deuroit jamais estre proposée sans deplorer la miserable condition de celuy qui l'a mis en vogue.

Pour le regard de la succession des Couronnes, desquelles les premiers Politiques, & fondateurs des Estats Monarchiques qui ne tombét point en quenouille, ont éternellement priué les femmes, & les filles; ie dis que cela n'inualide en rien la perfection & le merite de leur sexe: veu que Dieu les a muniës d'une ame autant ou plus excellente & capable de commander, que plusieurs hommes

Responſe
aux Poli-
tiques qui
viuēt ſous
la domi-
natiō Mo-
narchi-
que.

84 *Discours de la sterilité*

qu'il y a, iacoit que leur corps soit vn peu plus fragile, floüet & moins capable de supporter les incommoditez qui accompagnent ordinairement les Diademes. D'ailleurs, nous sçauons que ces loix rigoureuses ne sont pas obseruées par tout le monde, car l'Espagne a eu des Isabelles, l'Angleterre des Elizabets, l'Assyrie des Semiramis, & la Scythie des Pentasilées, Amazones, toutes Princeesses souueraines, qui ont ombragé les lauriers d'vne infinité de grands Princes par leur prudence, courage & magnanimité. Et au siecle où nous viuons, la Flandre s'esioüit encore d'estre regie sous la graue-douce authorité de cette grande IZABELLA CLARA EVGENIA, vnique astre feminin de la maison d'Austriche, (comme sa niepce, nostre tres-clemente & tres-genereuse Royne l'est de celle de France) & le vray sanctuaire

étuaire de chasteté, douceur, prudence & conseil. Que si nous venons à feuilleter l'histoire de ce Royaume, nous trouuerons qu'il auroit rendu ses derniers aboys il y a plus de cent septante ans, sans l'espée & le courage inuincible de Ieanne la pucelle, à laquelle Charles VII. (que les Anglois se mocquans, appelloient auparavant Roy de Bourges) doit le retablissement de sa Couronne, & la France sa grandeur & puissance. Et encore que la loy Salique despoüille entierement nos femelles de la succession de cette Couronne, si est-ce qu'elle ne leur oste pas la Regence, qui est vne seconde Royauté: pour faire voir que de tout temps, & presque en tous Royaumes le sexe féminin a commandé à son tour peu ou prou, voire bien souuent avec tel heur, prudence & bonne conduite, qu'elle a faict honte au regne de plu-

ficurs de nos Roys lâches & effemi-
 nez comme des Heliogabales. Ainsi
 (sans aller plus loing) la Regence de
 ce Soleil d'Italie & de France, Marie
 de Medicis, a esté si heureuse & si
 accomplie en nos iours, qu'elle me-
 rite d'estre mise en parallele avec
 celle de Blanche de Castille, & avec
 le regne de plusieurs de nos anciens
 & braues Roys ; & beaucoup plus
 haut-louée que celuy de Charles VI.
 de Iean fils de Philippes de Valois, de
 Charles le gros, de Theodoric, de
 Childeric, de Clotaire I. & de quel-
 ques autres semblables qui n'ont
 esté Roys que de nom. Parquoy puis-
 que c'est vne chose inuiolablement
 & sainctement veritable, que Dieu a
 créé la femme pour seruir de compa-
 gne & d'aide à l'homme, & particu-
 lierement en la generation, ainsi qu'a
 tres-bien remarqué Sainct Thomas
 en la question 91. de la premiere par-
 tie

Loüanges
 de la Re-
 gence au-
 guste de
 la Royne
 Marie de
 Medicis.

tie de la Somme Theologique, Daneus en ses commentaires sur le Manuel de Sainct Augustin, & plusieurs autres Theologiens celebres; nous deuons aduoüer & tenir pour chose asseurée, que les femmes qui ne font que de filles sont en esgal degré de fecondité avec celles qui n'enfantent que des masles; & que la propagation du sexe feminin est autant necessaire pour l'entretien de l'espece humaine, & pour le remplacement du nombre des ames qui se sont perdues par la rebellion des mauuais Anges, que pourroit estre celle des masles, non-obstant que ses defauts & infirmitiez foyent fort grandes: voire i'ose dire que les hommes sans femmes seroyent en ce monde comme vne lampe sans lumiere, vn puits sans corde, vne cloche sans batail, vn corps sans ame, vn ciel sans estoiles, & vn feu sans chaleur. Et on a beau

dire que leur sexe est indigne d'estre au monde à cause de ses imperfections, veu que Sainct Augustin au lieu preallegué rembarre doctement & succinctement ceux qui se seruent d'un argument si foible & si floüet, disans que le sexe féminin n'est pas vn vice, mais bien la nature feminine ou humaine: voulant inferer par là que les defauts & imperfections se tiennent inseparablement à la nature humaine tant seulement, & non au sexe; & que par consequent les hommes sont autant ou plus defectueux que les femmes, depuis que leur nature est esgale en tout & par tout, & qu'elle est fondée sur vne mesme creation, & sur mesmes principes elementaires. Et n'estoit que ie desire conseruer l'honneur de mon sexe masculin, (de peur que les femmes desia naturellement assés ambitieuses ne viennent à attenter à la
 supe

Natura
humana
in vitio
est, non
sexus.

superiorité par dessus les hommes à la sollicitation de quelque autre Guillaume Postel, & ne taschent de secoïer le ioug de leurs seigneurs & maistres, comme les anciennes Amazones) ie pourrois faire voir par raisons & par authoritez, que l'education des masles est communement beaucoup plus penible & moins fructueuse que celle des filles, lesquelles sont capables de toute bonne discipline, voire sont de tres-bonne debite, moyennant qu'elles soyent esleuées dès le berceau sous la pedagogie des gens de bien & craignans Dieu, & nourries du laiët de pieté, de sagesse, de douceur, & de chasteté. Mais i'aime mieux briser là, & laisser entreprendre ce dessein à quelque autre beaucoup plus iudicieux que moy, qui ne me suis proposé autre chose en ce Chapitre que la defense du sexe féminin touchant la gene-

ration, en l'action de laquelle il faut que les hommes confessent qu'elles y sont meilleures maistresses qu'eux, ainsi que nous auons monsté cy-dessus.

Que les femmes mariées qui demeurent quelques années sans faire des enfans, ne doiuent pas estre reputées steriles, ny moins encore repudiables, moyennant que d'ailleurs elles ayent quelque principe & estincelle de fécondité.

CHAPITRE IV.



ENCORE que l'Esprit malin traueille incessamment à la totale ruine de l'homme, & tasche par tous moyens de faire perdre la race, voire de mettre à fonds ce vaisseau d'eslection dans les abysses de la mer de ce monde, où il regente en Prince souuerain; si est-ce pourtant qu'il n'a pas peu tant faire iusques à
present

present que l'espece humaine ne se
soit amplement prouignée à sa con-
fusion, & que maugré sa rage elle ne
soit destinée (pour la plus-part) à la
vie bien-heureuse, de laquelle il s'est
à iamais forbanny soy-mesme par
son orgueil & ambition. Mais com-
me ceux qui ne peuuent pas venir à
bout de leurs ennemis en gros, taf-
chent à les perdre en detail en cou-
sant la peau de renard à celle de lyon;
aussi ce malheureux s'est tousiours
euertué & s'euertue encore de faire
perir vne bonne partie des hommes
par astuce & par fraude, si tous il ne
peut. Or il est certain qu'il ne les a
iamais attaquez si furieusement par
autre endroit, comme il a faiët par le
mariage, dans lequel il ne se con-
tente pas de faire glisser des inimi-
ties intestines entre le mary & la
femme, mais aussi fait tout ce qu'il
peut pour desmembrer & rompre ce
lien

L'Esprit
malin est
ennemy
iuré de
l'homme.

lien indissoluble, & notamment lors que la femme se trouvant ou trop ieune, ou indisposée en quelque façon, ne donne pas à son mary des enfans si tost qu'il desireroit, ny selon son souhait; car de là il leur suscite tant & tant de malheurs, qu'il nous seroit difficile, voire impossible de les comprendre dans le cercle de ce Chapitre.

Mais il semble que ceux qui se laissent ainsi miserablement piper à cet ennemy commun du genre humain, & qui bruslent d'impatience d'auoir des enfans, auant que Dieu aye proietté de leur en dōner actuellement, soyent en quelque façon defectueux en deux choses necessaires à toute personne bien née. Premièrement en bon iugement; secondement en patience, laquelle Dieu requiert non seulement en ceux qui sont mariez, mais aussi en toute sorte de

de

de personnes qui dependent de sa prouidence. Quant à la premiere, il est certain qu'elle leur manque en partie: car premierement tels d'entre eux se plaignent que leurs femmes ne leur font point d'enfans és premieres années de leur mariage; (auquel temps il semble, selon le dire commun, que les enfans doiuent naistre à ondées) qu'eux-mesmes portent en leur sein la cause de leur sterilité, leurs femmes en estans du tout incouppables; & s'ils viennent à s'examiner eux-mesmes, & aduoüer leurs propres defauts, ils trouueront qu'ils sont impuissans, ou naturellement, comme il ne s'en trouue que trop tous les iours qui abusent de la ieu nesse de plusieurs belles femmes; ou par artifice, c'est à dire, par la peine & tourment qu'ils se donnent à dissiper leur baume radical, en labourant les terres desquelles ils n'osent & ne
peu

24 *Discours de la sterilité*

Henry
VIII. Roy
d'Angle-
terre, &
Alexandre
de Medi-
cis grands
paillards.

peuvent recueillir le fruit, ainsi que nous lisons d'Henry VIII. Roy d'Angleterre, d'Alexandre de Medicis Duc de Florence, & de plusieurs autres semblables, qui ne s'approchoyent iamais de leurs femmes qu'apres s'estre presque entierement espuisez de toute leur bonne matiere genitale apres les garces. Ou en s'adonnant à d'exercices fascheux & violents, tels que sont la chasse, le ieu de paume, la poste, & autres de pareille nature, qui dissipent & ruinent entierement leur vertu generatiue, ainsi que nous verrons cy apres plus amplement. En apres, doiuent-ils pas auoir appris que Dieu tient en sa main le moment de la vie & de la mort des hommes, & que partant c'est à luy à qui il se faut totalement rapporter en toutes choses, & particulierement en la production des enfans qu'ils desirent auoir de sa pu-

re benignité, & non en son ire? Certainement il semble qu'ils vueillent changer, & quasi comme violentèr le decret immuable du Souuerain, lors qu'ils luy demandent generation és premieres années de leur mariage, la diuine volonté n'estant pas telle: car comme il a estably diuers temps pour la sortie des plantes apres la semaille de la graine qui les doit produire, & a donné aux vnes trois iours pour le plus long terme de leur production, comme au basilic, & à la raue; aux autres quatre, comme à la laiçtue; aux autres cinq, comme à la courge; aux autres six, comme à la porrée; aux autres huit, comme à l'arroche; aux autres dix, comme aux choux; aux autres vingt, comme au pourreau; aux autres quarante, ou cinquante, comme à l'ache; & aux autres vne année, comme à la puioune, & à la mandragore. Aussi il veut,

Merueilleuse prouidēce de Dieu en la productiō des plantes, & des hommes.

& tel

& tel est son plaisir, que les hommes naissent, qui plustost, qui plus tard, selon qu'il en a decreté de toute eternité, sans qu'il soit aucunement permis aux peres & aux meres de contreroller ses actions. D'avantage, il faut qu'ils aduoient qu'il est bien difficile d'avoir des enfans en ces premiers abords de mariage, (si ce n'est que Dieu l'aye ainsi decreté en disposant l'agent & le patient, comme il appartient) & lors que par excès d'amour & de sensualité, voire par des trop frequentes coruées, on empesche l'ouvrage de la Nature, laquelle se contente de peu pour la fabrique d'un homme, tesmoin le proverbe commun des vieillards, qui dit que ceux qui le font le moins en font le plus. Finalement, supposé que Dieu secondant leur desir, leur donne des enfans dans le plus prochain terme par eux souhaitté, que leur en arriue-

il?

il? C'est que bien souuent ou tels enfans (qui sont les premices deües à Dieu) leur meurent incontinent apres qu'ils sont nez, & par ainsi se laifsét emporter à la douleur, iusques à gronder contre Dieu; ou s'il leur viuent, ils sont le fleau perpetuel de leur vie & repos par le mauuais train qu'ils meinent: de sorte qu'ils se repentent en apres d'auoir demandé à Dieu tels garnemens. Le second défaut, qui est l'impatience, n'est pas de moindre consideration: car si ceux à qui le temps dure d'auoir des enfans, estoient versez en la lecture de l'histoire sacrée, qui est la parole de Dieu. Tant s'en faut qu'ils accusassent leurs femmes de sterilité (comme cela ne leur est que trop commun) qu'au contraire ils apprendroyent que par la patience & par la priere ils obtiendroyent facilement de Dieu ce qu'ils demandent, depuis que *c'est*

Les ieunes Dames mariées qui n'ont point d'enfans se doiuent consoler, en lisant ces passages.

chose bonne (dit le Prophete Ieremie au 3. chap. de ses Lamentations) *qu'on attende, voire en se tenant coy, la deliurance de l'Eternel.* Item que *l'Eternel est bon à ceux qui s'attendent en luy, & à l'ame qui le cherche.* Car nous lisons que Sainte Elizabeth, desia vieille & sur-année, obtint du Seigneur Saint Iean Baptiste son fils, en priant & patientant: *Certes* (dit-elle en Saint Luc) *le Seigneur m'a fait ainsi és iours esquels il m'a regardée, pour ôster mon opprobre d'entre les hommes.* Et Lea, femme de Jacob, obtint pareillement & à ce prix-là son fils Ruben, *Pource que l'Eternel* (dit-elle) *a regardé mon affliction, pourtant aussi maintenant mon mary m'aimera.* Mais là où il leur arriuera de rompre les digues de la patience, & de murmurer contre Dieu, en luy faisant des plaintes, & tenans les discours de Rachel l'autre femme de Jacob, disant: *Donne-moy des enfans,*
autre

autrement ie suis morte : qu'ils ſçachent
que non ſeulement Dieu prolongera,
& retardera leur contentement, com-
me il fit à Rachel ; mais auſſi leur en-
uoyera vne irremediable ſterilité qui
dilipera toute leur race, depuis le
plus grand iuſques au plus petit.

C'eſt donc à tort, & fort mal à
propos que les hommes d'aujour-
d'huy, ou la pluſ-part d'iceux accu-
ſent leurs femmes de ſterilité, & les
chargent entierement de la cauſe de
leur malheur commun ; & neant-
moins ie voy qu'il n'y a rien de plus
frequent parmy les Grands, chez la
pluſ-part deſquels ſ'il arriue que la
conionction matrimoniale ſoit inu-
tile les huit ou dix premieres an-
nées, les femmes en ſont incontinent
accuſées ; & par ainſi les maris cou-
rent imprudemment à la pierre ſans
regarder le bras de celuy qui la iette,
ne recognoiſſans pas que Dieu ne

veut point benir leur semence tant qu'ils seront plongez en iniquité. Et le plus grand mal que ie voye en cecy est, que les flatteurs ont quelques fois tant de pouuoir sur eux, qu'ils les poussent malheureusement à vn diuorce iniuste & defendu de Dieu, au grand malheur de leurs Estats & Grandeurs. Car nous lisons que toutes les desolations qui arriuerent anciennement presque par tout l'Vniuers, & notamment en Europe, & Asie, vn peu auparauant que Iules César paruint à l'Empire, prindrent leur premiere origine, & furent suscitées par la repudiation & diuorce de Pompeia, laquelle Cesar quitta, & repudia fort mal à propos, & pour vne cause tres-impertinente, c'est à sçauoir, pour l'auoir trouuée en la compagnie de quelques autres Dames Romaines en la celebration de la Feste de la Bonne Deesse, parmy lesquelles

Histoire
remar-
quable.

quelles Clodius, ieune Gentilhomme Romain, se rencontra desguisé en habit de femme; & toutesfois ledit Cesar appellé deuant le Senat par Clodius, & à la sollicitation du grand Pompée, frere de la repudiée, pour dire & declarer la cause pour laquelle il auoit faict diuorce avec sa femme; il respondit qu'il n'auoit rien à dire contre elle, & qu'il la croyoit estre femme de bien, mais qu'il falloir que la femme de Cesar fust non seulement exempte du crime, mais aussi du soupçon d'adultere, & que partant il l'auoit iustement repudiée, l'ayant trouuée avec vn ieune homme desguisé & trauesty.

Et iacoit que nostre Seigneur Iesus Christ defende tres-expressement le diuorce, sinon pour cause d'adultere, ainsi qu'il se lit en Saint Mattheu au chap. 5. verset 32. item au chap. 19. verset 9. & en la premiere aux

Corin̄hiens chap. 7. verset 10. 13. & suyuant; ce neantmoins il ne se trouue que trop de Chrestiens qui abusent meschamment d'iceluy, & qui pour assouuir leurs plaisirs, quittent leurs femmes sans occasion. Car l'histoire de France dit que Cherebert, fils de Clotaire I. Roy de France, repudia sa femme Inglobergue, chaste & vertueuse Princesse, pour en espouser trois autres de bas lieu. Item que Chilperic Roy de Soissons, oublia le deuoir & l'amitié de ses deux femmes legitimes, Audouere & Galfonde, pour adherer aux allechemens & mignardises de Fredegonde sa concubine, de laquelle il eut Clotaire II. Et les relations d'Angleterre citez par la Nauche au 2. tome de ses diuerses Leçons, assurent qu'Henry VIII. Roy de la grand' Bretagne fit diuorce avec sa femme Catherine d'Autriche, fille de Ferdinand Roy d'Espa

d'Espagne, & niepce de l'Empereur Charles V. pour se remarier avec Anne de Boulen, mère d'Elizabeth, derniere Royne d'Angleterre, à fin d'assouvir ses voluptez, auxquelles il estoit entierement abandonné. Tous lesquels Roys, & autres, à eux semblables, sont, & seront à iamais diffamez par la posterité, depuis qu'ils ont mieux aimé se rendre confors du libertinage des Payens qui repudioyēt leurs femmes toutesfois & quantes qu'il leur plaisoit, (comme il se lit de Metellus Numidicus, de Cicéron qui repudia la sienne nommée Terentia, pour en espouser vne autre qui estoit belle, riche, & capable de payer ses debtes; & de plusieurs autres semblables) que de suyure & obseruer les commandemens de nostre Sauueur. Voire-mais, dira quelqu'un, il se lit dans la Genèse que Moyse permit aux Hebreux de repudier leurs fem-

mes lors qu'elles seroyent steriles; pourquoy donc ne sera-il pas permis aux Chrestiens d'en faire de mesme? A cela ie responds que Moyse permit voirement aux Israélites de faire diuorce avec leurs femmes, mais qu'il fit cela à fin que de deux maux il euint le pire: car s'apperceuant que la plus-part d'iceux transportez d'auidice, ou de paillardise, tourmentoyent leurs femmes iniustement, iusques à les faire mourir pour en espouser d'autres ieunes, belles & riches; il trouua cet expedient, lequel neantmoins Iesus Christ condamne en termes diferts au chapitre 19. de Sainct Matthieu: *Moyse* (dit-il, parlant aux Pharisiens) *vous a permis de repudier vos femmes pour la durescé de vos cœurs, mais du commencement il n'estoit pas ainsi.* Or ie vous dis, moy, que quiconque repudiera sa femme, sinon, en cas de paillardise, & se mariera à une autre, commet

commet adultere : & qui se sera marié à celle qui est repudiée, commet adultere.

Parquoy ceux-là offensent grièvement Dieu, qui par impatience, ou par impulsion d'autrui, ou par haine intestine, ou par avarice, ou par luxure, ou par quelque autre cause iniuste & illicite viennent à repudier leur moitié que Dieu leur a donnée, & separer temerairement ce que Dieu a conioinct dès le commencement, auquel temps

D'un corps il fit deux corps, & de deux corps un corps.

De sorte qu'il importe grandement que les maris, & particulièrement s'ils sont grands Seigneurs, soyent bien & deüement informez par leurs Medecins, si la sterilité de leurs femmes est irremediable, auant que d'en venir à ces extremitez : la raison est, que bien souuent telles femmes repudiées, & depuis remariées à d'au-

tres, font des enfans en abondance; à la grande honte de leurs premiers maris, & à la confusion de ceux qui leur ont conseillé tel diuorce. D'où il appert qu'elles ont en elles quelque estincelle de fecondité, laquelle demeure cachée pour quelque temps sous leurs infirmités naturelles, ne plus ne moins qu'un peu de feu sous beaucoup de cendres, & ne se peut pas si tost esclorre qu'il seroit à désirer pour les raisons que nous alleguerons cy apres. Je sçay bien qu'on me dira qu'il y a peu d'apparence 1. que celles qui n'ont iamais leur chemise rouge, 2. qui l'ont trop souuent, 3. qui se blessent coup à coup, 4. qui ont ordinairement les fleurs blanches; 5. qui sans cause manifeste demeurent plusieurs années sans deuenir enceintes, 6. qui ont la matrice, ou quelque autre partie noble grandement intemperée, & qui sont extraordi

ordinairement delicates & doüillettes, 7. qui sont bossues & contrefaites: que telles femmes, dis-je, puissent estre exemptes d'infecundité, quoy que bien cultiuées, & bien nourries, & que par consequent elles doiuent estre repudiées. Mais ie responds que toutes ces infirmittez alleguées ne sont pas de preuues certaines pour iuger de la sterilité & repudiation des femmes, sinon que toutes, ou la plupart d'icelles, se rencontraissent ensemble; ou si estans seules & solitaires, elles estoient en vn degré si extreme, qu'il n'y eust que peu ou point de iour de les corriger.

Car pour la premiere, qui est la priuation des moys, on sçait assés, & l'experience ordinaire le monstre, qu'encore que le commun prouerbe porte, Que tout arbre qui ne porte point de fleur, ne porte point de fruiet; que neantmoins plusieurs femmes

més deuient enceintes sans iamaïs auoir eu leurs moys; & moy-mesme en cognois deux ou trois en cette Ville de Lyon qui ont fait plusieurs beaux enfans à ce prix-là.

Quant à la seconde, il est vray qu'Hippocrate a escrit au 2. liure des maladies des femmes, qu'elle leur cause ordinairement vne longue & incurable sterilité, d'autant qu'elle frustre la vertu conformatiue de sa propre action, en suffoquant la chaleur de la matiere genitale de l'homme & de la femme par la trop grande affluence de sang qui se glisse dans le corps de la matrice. Mais nonobstant ceux qui sont tant soit peu versez en la cognoissance de la Medecine, sçauent qu'il y a beaucoup de femmes, qui non seulement conçoient, mais mesmes portent heureusement plusieurs beaux enfans parmy les facheuses incommoditez de leurs moys
impor

importunement coulans, non seulement hors de leur grossesse, mais aussi durant les cinq ou six premiers mois d'icelle ; & particulièrement celles qui sont de complexion sanguine, chaude & amoureuse, lesquelles sont voir à leurs maris par là qu'elles ont assés de quoy fournir à l'apointement vieux & nouveau.

La troisieme est aussi foible & incertaine que les autres ; car supposé que ce que tiennent vnaniment tous nos Medecins soit vray, à sçavoir que la matrice accoustumée aux blessures, ou par infirmitié naturelle, ou par maladie, ne peut quasi aucunement se mettre en train de faire son deuoir pour la perfection & maturité de l'embryõ, comme estant vne partie qui agit tant seulement par inclination naturelle, & non par election, ainsi que Platon estime ; si est-ce qu'il se trouue tous les iours
des

des femmes, lesquelles après s'estre
 blessées plusieurs & diuerses fois, ne
 restent pas de porter à terme leurs
 enfans en leurs grossesses suyuant.
 Tesmoin vne Dame d'honneur & de
 qualité du Languedoc, nommée Ma-
 dame de Cadenet, qui porta heureu-
 sement quelques enfans après s'estre
 blessée cinq ou six diuerses fois, à
 sçauoir au quatriesme, cinquiesme,
 sixiesme, septiesme, huictiesme, &
 neufiesme mois de sa premiere, se-
 conde, troisieme, quatriesme, cin-
 quiesme, & sixiesme grossesse, ainsi
 qu'en fait foy la docte consulte qui
 en fut faicte à Montpellier par ces
 grands oracles en Medecine mes-
 sieurs Saporta, Hucher, Varanda, &
 Pradilles. Et ce pour faire voir que ce
 que dit Celse est tres-veritable, qu'il
 n'y a rien qui soit totalement vray
 & perpetuel en Medecine; & pour
 monstrier aussi que la Nature se iouie
 diuer

diuerfement en la production de l'homme, auquel bien fouuent elle donne eſtre; lors qu'on croid qu'il eſt totalement hors d'eſperance de pouuoir eſtre.

La quatrieſme infirmité alleguée, ſeroit en quelque façon, voire à tousiours-mais receuable, ſi nous n'eſtions appuyez ſur les euenemens iournaliers & infaillibles, par leſquels nous ſçauons que pluſieurs d'entre celles qui ſont affligées des fleurs blanches, ſont auſſi ſecondes que lieures & colombes, nonobſtant que Louys Mercado, Medecin de Philippes III. Roy d'Eſpagne, ſouſtienne apres Hippocrate, Aretæus, & pluſieurs autres, que leſdites fleurs ſont deuenir tabides & hectiques les filles, & totalement ſteriles les femmes qui en ſont atteintes. Ioinct qu'Hippocrate meſme (l'authorité duquel ſus-alleguée au contraire nous interpreterons cy apres)

apres) dit en termes diferts aux liures des maladies des femmes, que celles qui font des enfans font plus fubiectes à ce mal que les autres qui font ou filles, ou fteriles, ou vieilles : & au 4. liure des maladies populaires il afseure que comme celles qui ont fouuent leur chemise rouge font plus communement des enfans maîles, qu'aussi celles qui l'ont blanche portent plus fouuent des filles.

La cinquiesme ne peut & ne doit estre admise, depuis qu'il n'y a rien de plus commú que de voir des femmes qui ayans demeuré mariées avec vn seul mary par l'espace de vingt-cinq ou trente ans fteriles & infecondes, elles font encore vn assés bon nombre d'enfans sur la fin de leurs années portatiues, semblables aux palmiers qui ne portent point de dattes qu'ils n'ayent presque atteint l'aage d'un siecle, selon le dire de Pline:
duquel

duquel euenement si nous recherchons succinctement l'origine & la source, nous trouuerons que cela vient ou par le changement du temperament des femmes, lesquelles estans ou trop ieunes, ou trop debiles, ou fort maladiues au commencement de leur mariage, deuiennent par apres robustes comme des Amazones, & font des enfans à douzaines; ou par le reestablissement de la Nature mesme, qui auoit esté violentée par quelque faux germe, par quelque mauuaise & dangereuse blessure, ou par quelque autre chose semblable qui auoit retardé sa vertu generatiue; ou finalement (pour recourir à la vraye & premiere cause) par la pure volonté de Dieu, lequel estant l'Autheur de la Nature, commande à la vertu generatiue de se produire au temps par luy limité, & non deuant.

La sixiesme semble estre vn signe

& tesmoignage assuré d'infecundité, ayant en apparence beaucoup plus d'efficace que toutes les autres pour rendre les femmes steriles; veu que selon le tesmoignage de Galien toute intemperie excessiue dissipe & ruine non seulement la vertu de la partie qui en est affligée, mais aussi la vie même, quand elle est de trop longue durée. Ainsi nous voyons que ceux qui ont les poulmons naurez & affoiblis par quelque lōgue & grieue intemperie, tombent finalement ou dans vn astme, ou dans vne phtisie qui les accompagne iusques au tombeau. Et ceux qui ont leur foye gasté par vne semblable cause qui le rend incapable de sanguification, deuiennent à la parfin hydropiques, encore qu'ils soyent sains en tout le reste de leur corps. Au cas pareil nous aduouions que toutes celles qui ont leur matrice ou trop chaude, ou trop froide,

froide, ou trop humide, ou trop seiche, ne peuuent aucunement porter des enfans, ainsi que nous verrons plus amplement cy après, & comme Hippocrate le dit en termes expres au 5. liure de ses Aphorismes. Mais nous disons premierement qu'on doit bien prendre garde de ne les condamner pas mal à propos, & les accuser d'une infirmité, de laquelle leurs maris seuls sont bien souuent coupables; en apres, qu'il ne faut pas desesperer de leur fécondité, iacqoit qu'elles soyent maladiues, delicates, (lesquelles selon le dire de nostre Hippocrate ont accoustumé de se Au 5. li-
ure de ses
Aphorif-
mes.blesser en toutes leurs grossesses, iusques à ce qu'elles soyent deuenues robustes, & capables de supporter les charges de mariage) ou affligées de quelque fascheuse intemperie tant en leur matrice, qu'en quelque autre partie de leurs corps; veu que l'expé-

rience nous fait voir que telles femmes font communement plus d'enfans, que plusieurs autres qui sont en apparence beaucoup plus saines qu'elles. Et nous en cognoissons vne qui a faict cinq ou six enfans, encore qu'elle aye la matrice & les poulmons grandement intemperez, & qu'elle soit perpetuellement malade, sinon lors qu'elle est enceinte. Outre plus, vn chacun sçait qu'il y a eu, & y a encore plusieurs femmes autant ou plus delicates & sucrées que Poppée femme de Nerō, & ieunes au dessous de treize ou quatorze ans, qui ont porté de beaux enfans, tant le leuain de l'homme a de vertu de faire leuer & grossir la paste feminine, pour mince, delicate & flouëtte qu'elle soit.

Bref, la derniere est en mesme degré d'insuffisance que les autres touchant la confirmation de la sterilité de

de quelques femmes : car nous pouvons dire de la plus-part de celles qui sont bossues & contrefaites, ce que dit le docte Theophraste des arbres qui sont arides, essancez, espineux, & sans humeur, lesquels produisent bien souuent des plus beaux fruiçts que les autres qui sont toffus en fueilles & rameaux beaux & verdoyans par excellence : ce qui arriue, d'autant qu'ils employent la meilleure partie de leur substance pour la production & nourriture des fruiçts qu'ils nous donnent, & la moindre restante pour leur propre entretien. C'est pourquoy ie redis que ces Princes & grands Seigneurs sont fort mal conseillez, lors qu'ils repudient leurs femmes sans estre asseurez de leur sterilité, & pour les voir subiectes tant seulement à quelques infirmitéz naturelles, lesquelles n'empeschent pas qu'elles ne fassent des enfans tost

*Iolie remarque
tirée de
Theophraste*

ou tard, moyénant qu'elles ne foyent totalement irremediabiles, & au delà de toute esperance de fécondité, ainsi que nous verrons cy apres au Chapitre des signes des femmes steriles. Car comme il y a des terres pierreuses, espineuses, marefcageuses, & pleines de sablon, qui produisent de beau froment par extrauagance de Nature; aussi il est certain que plusieurs femmes ne restent pas de faire de beaux enfans, iacoit qu'elles foyent incommodées de leurs corps, maladiues, douillettes, ou subiectes à quelques autres semblables infirmittez, parmy lesquelles la vertu generatiue se conserue entiere, comme vne belle rose parmy tant d'espines.

* * *

Que

*Que les femmes vraiment steriles sont en
quelque façon bien-heureuses en
leur malheur.*

CHAPITRE V.



CEX qui ont dit que les biens & les maux sont consubstantiels à nostre vie, & se partagent esgalement en icelle, comme la nuit & le iour ; me semblent auoir naïvement & brièvement expliqué la misere de la vie humaine, en laquelle à toute heure

Voyez Sénèque, & la Montaigne sur ce sujet.

*L'espine suit la rose, & ceux qui sont
contens*

Ne le sont pas long temps.

Mais ie trouue que ceux-là auroient encore mieux dit, s'ils eussent escrit que la plus-part des creatures raisonnables (qui sont totalement abandonnées à l'opinion & apprehension d'une infinité de maux imaginaires

qui les tourmentent continuellement) ne sçauent que c'est de iouir tour à tour du bien & du mal en cette vie transitoire, & ne goustent le bien qu'en intelligence, mais les maux en essence & effectiuement; & est vray-semblable que telles personnes se priuent volontairement du peu de contentement qui destrempe & adoucit les amertumes de leur vie, pour se plonger du tout dans vne Iliade de maux qu'elles se procurent à tort, & qu'elles conçoient en leur fole ceruelle. Maux, dis-ie, qu'il vaudroit beaucoup mieux mettre au nombre des biens, & leur donner vne plus fauorable interpretation qu'on ne fait pas. Vray est que ie crains que le siecle auquel nous viuons, ne retourne au train du siecle de Zenon & de Carneades, dont l'un soustenoit que la neige estoit noire; & l'autre, que le droict estoit oblique, bossu & courbé

courbé en faucille. Et par ainsi qu'on ne vienne à prendre à contrepoil toutes les passions de nostre ame, & appeller la cholere tranquillité d'esprit, la haine amour, la couïardise courage, la pauureté richesses, la mesquinerie liberalité, la felicité malheur, & ainsi des autres.

Or cette extrauagance de iugemens est aujourd'huy si familiere, voire i'ose dire quasi comme naturelle à plusieurs tant hommes que femmes, mais encore plus à celles-cy, que ie ne pense pas que les grotesques des peintres y fassent rien: car dés qu'elles se sont imaginées que le miel est fiel, & le contentement desespoir, elles perdent leur amble, & sont incapables de raison. Ainsi (sans nous escarter de nostre dessein) nous voyons que quand quelques vnes d'icelles se sont figurées d'estre & de viure malheureuses en l'irremediable

sterilité que Dieu leur enuoye, (laquelle leur est plustost vn souuerain bien, si elles le sçauoyent cognoistre) elles noircissent leur ame de toute sorte de tristesses, & la donnent en proye à la douleur. Mais c'est merueille qu'elles n'ayent iamais apprius ces deux excellentes & admirables maximes vraiment Chrestiennes & politiques, dont la premiere est tirée de l'epistre de Saint Paul escriuant aux Romains: *Nous sçauons* (dit-il) *que toutes choses aident ensemble en bien à ceux qui aiment Dieu.* Et l'autre est puisée de l'ancienne doctrine des Stoïques, & confirmée par la Montaigne, disant que les enfans sont au nombre des choses qui ne sont point desirables de soy : car par la meditation de la premiere elles sçauoyent que Dieu sçait mieux qu'elles-mesmes ce qui leur est necessaire, que leur sterilité leur est enuoyée,
à fin

à fin qu'elles s'humilient sous la main puissante du Souuerain , comme la Royne Esther, Iudith, Stratonique, & autres semblables qui l'ont patiemment supportée ; & pour couper tout chemin à l'esperance qu'elles auroient mise au nombre de leurs enfans, comme vne Hecube , & autres de pareille estoffe, si Dieu leur en eust voulu donner. Que finalement Dieu se sert de cette petite escorgée douce & paternelle pour leur faire haïr leurs pechez tant seulement , & non pour les perdre ; estant tres-certain que c'est le moindre de tous les fleaux que Dieu desploye pour l'expiation des pechez de celles qui le craignent : car encore que ce soit vne espee de malediction temporelle , selon le tesmoignage de Sainct Luc , si est-ce pourtant que ie n'attribue telle malediction entrant que telle , qu'aux seules femmes perdues & reprouuées ;

uées; & que celles qui craignent Dieu ne luy doiuent pas donner vne si fascheuse interpretation, ains doiuent plustost croire que ce leur est vne grande exemptiõ & descharge d'vne infinité de chagrains qui sont inseparablement conioincts à la procreation & education des enfans; & qu'apres tout, mesmes selon Dieu, à quelque chose malheur est bon. Et par ainsi aduoüer & confesser ingenuement que Dieu les traicte bien doucement, depuis que ses fleaux ne sont que roses & contentemens. Et ne vaut-il pas mieux que Dieu les afflige de sterilité (punition legere & supportable) que s'il les abandonnoit à l'adultere, yurongnerie, gourmandise, ambition, vanité, ou à quelque autre semblable vice, qui les pourroyent precipiter dans l'Enfer? Certes ie trouue qu'il y a bien grande difference d'estre traicte de Dieu
comme

comme Pere, & comme Iuge. Quant à l'autre maxime, qui est de l'incertitude du succez des enfans, & du peu de volonté qu'on doit auoir d'en souhaitter, il n'y a point de doute que si les femmes steriles entroyent en la consideration d'icelle, qu'elles ne se iugeassent beaucoup plus heureuses que celles qui sont tousiours ou enceintes, ou nourrices. Car qui ne sçait que les femmes grosses constituent quasi comme vn troisieme sexe raisonnable, mais beaucoup plus hergneux, maussade, & entrauersé que le second, à cause de ses appetits desordonnez & brutaux? Et que celles qui ne le sont pas sont exemptes de telles infirmittez & reproches? Que celles-cy se maintiennent plus long temps en leur verte ieunesse, vivent plus long temps & plus ioyeusement, sont plus capables de donner du contentement à leurs maris, & conseruent
leur

leur teinēt & leur corsage iusques à vne extreme caducité? Et qu'au contraire celles-là deuiennent incontinent vieilles, ridées, voire la plus-part d'icelles bossues, contrefaites, & subiettes à vne infinité d'autres maladies. D'ailleurs, n'est-il pas vray que le port & le part des enfans est triste, douloureux, & manifestement dangereux pour les femmes? voire iusques là qu'une femme enceinte est desia morte au monde, & tient vn pied dans la fosse? Que si on vient à examiner l'histoire de la vie de la plus-part des enfans qui naissent à leurs parens, & à balancer les contentemens & mescontentemens qu'ils donnent alternatiuement à ceux qui prennent la peine de les nourrir & esleuer; on trouuera pour vn plaisir mille douleurs, pour vn enfant vrayement tel mille monstres, pour vne fille vrayement telle mille furies d'Enfer:

d'Enfer : car dès qu'ils sont naiz (soit
masle, ou femelle) on se doit propo-
ser des continuelles gehennes , telles
que sont les veilles, le chagrin, l'ap-
prehension que mal ne leur arriue, la
fatigue & la peine continuelle qu'on
prend apres eux iusques à ce qu'on
les aye mis sur pied. Et alors qu'on les
croit estre hors de page, & capables
de raison ; d'obeïssance & de disci-
pline, c'est lors qu'on entre de fieure
en chaud mal : car comme en l'agri-
culture il est facile de tenir les arbres
nets, droicts & souples, tandis qu'ils
sont ieunes, pour peu de peine qu'on
y prenne ; mais tres-difficile de leur
donner vn bon ply lors qu'ils sont
courbes & contrefaiçts, estans deue-
nus gros, fermes & puissans : aussi le
soucy, la sollicitude & la peine qu'on
prend avec les enfans tandis qu'ils
sont dans le berceau, ne sont que
roses & lys au prix des afflictions, &
des

des angoisses qu'ils donnent à leurs peres & meres dès l'aage de sept ans en haut, auquel temps encore qu'ils semblent promettre quelque chose de bon par la gentillesse de leur esprit, souplesse de leurs actions, & apparence de quelque bon naturel qu'on recognoist en eux; ce nonobstant on remarque tous les iours qu'il est presque impossible de les ranger, & que de mille il ne s'en trouue pas deux qui reüssissent bien. La raison est, qu'il en arriue de la plus-part d'iceux comme des fruiets des arbres, dont les vns deuiennent vermolus, auant qu'ils soyent meurs, les autres se pourrissent par quelque infirmité naturelle, les autres sont abattus des vents, & les autres se flestrissent à faute de pluye; que s'ils viennent en aage de consistance, soit qu'ils ayent passé par la ferule, ou non, ce ne sont que garnemens, vrays maistres, ains tyrans

tyrans de leurs desirs, vrayes enfans perdus, & monstres de Nature, vrayes aspics qui bouchent l'oreille à tout bon aduertissement, & qui mordent, voire tuent à toute heure ceux qui les ont esleuez, par leur vie malheureuse & desordonnée. Qui me fait croire que ce que dit la Montaigne des ieunes enfans est tres-veritable, à sçauoir que la monstre de leurs inclinations est si tendre en ce bas aage, & si obscure, & les promesses si incertaines & fausses, qu'il est mal aisé d'y establir aucun solide iugement. Et encore plus veritable ce qu'escriit Euripide, disant que ceux qui n'ont point d'enfans possèdent sans le sçauoir vn bien rare & de prix inestimable. Sans oublier encore ce que dit le Poëte Grec Automedon sur ce sujet ; Bienheureux est celuy-là (dit-il) premierement, qui ne doit rien à personne; secondement qui n'est point marié,

& qui finalement n'a point d'enfans,

Puis doncques qu'il y a beaucoup plus de malheur à auoir des enfans, qu'à n'en auoir pas, qui fera celle-là d'entre les femmes steriles qui ne se reputera bien-heureuse de se voir à couuert de tant de bourrasques & calamitez, depuis que les histoires mesmes nous fournissent vne infinité d'exemples des femmes, & particulièrement des Princesses qui ont maudit leur fecondité, & la naissance de ceux qui sont sortis de leur ventre? Certainement les meres de Neron, de Caligule, de Bassianus, de Commode, de Tibere, & de plusieurs autres semblables monstres de Nature, leur doiuent seruir de tres-ample consolation, & les faire resoudre desormais à s'estimer bien-heureuses en leur sterilité: car il n'y a point de doute qu'elles n'ayent souuent maudit tels enfans, qui ont esté
la

la honte & l'opprobre non seulement de l'Empire Romain, mais aussi de tout l'Univers. Je laisse à part une infinité d'autres Princesses & Dames d'honneur, qui estans devenues meres pleines de contentemens, ce leur sembloit, à cause du grand nombre d'enfans que Dieu leur auoit donné, non en son ire, côme aux premières, mais en sa douceur paternelle; se sont neantmoins veuës sur le trinquet du desespoir, & armées de maudissons execrables contre leur propre fécondité, lors qu'elles se sont veuës despoüillées presque en un moment de tous leurs nourrissons par la violence de leurs ennemis: ainsi qu'il en arriva iadis à la fille de l'Empereur Tibere second, laquelle ayant esté mariée à l'Empereur Maurice, duquel elle auoit eu cinq ou six beaux enfans, elle se vid à un instant accablée de maux, comme une autre Niobé par

Histoire
deplorable.

la perte de sesdits enfans, tuez en sa presence par les assassins de l'Empereur Phocas, qui s'empara de l'Empire d'Orient apres ceste horrible & execrable execution. Bref elles doivent recognoistre que ce n'est pas vne petite faueur que Dieu leur fait de les guarentir de cet estrange espouuamment, qui est pendant sur le chef de celles qui se trouueront enceintes au grand & dernier Iugement, selon le tesmoignage de Saint Matthieu.

*Si les femmes steriles sont plus luxurieuses
que celles qui font des enfans.*

CHAPITRE VI.



CETTE question est autant rare & curieuse pour le regard des femmes, comme elle est gentile & de hait, à cause de son sujet : car elle donne droit dans

dans la visiere de celles qui sont voluptueuses, en pinçant la corde secrete de leurs plus ordinaires passe-temps. C'est pourquoy nous desirons en dire nostre ratelée le plus sobremment & le plus modestement que faire se pourra, à celle fin que les Dames trouuent en lisant ce liure quelque chose digne de leur entretien.

Or ceux qui tiennent le parti de celles qui sont steriles, disent en premier lieu, que puis qu'elles sont hors d'esperance d'auoir des enfans, qu'elles n'ont point d'occasion de rechercher extraordinairement l'accointance des hommes, la fin premiere & principale de laquelle est la generation, ainsi que croyét vnanimement tous les Theologiens, Medecins & Philosophes. En apres ils assurent qu'elles ont vn assuré gain de cause, s'il est vray ce qu'escriit Aristote au 10. liurè de ses Ethiques; à sçauoir que

le contentement que l'ouurier prend à faire quelque chose, l'oblige à la frequente reïteration de son ouvrage. Or il est certain qu'elles n'ont pas tant du plaisir avec les hommes que celles qui sont enceintes, ou qui ont faiët des enfans, comme ils preuvent par ces deux raisons suyantes: la premiere est, qu'elles sont ordinairement maladiues, ainsi que le declare Hippocrate en son liure des steriles, Galien en plusieurs endroits de ses œuvres, & generalement tous nos Medecins; & partant qu'elles sont plus prestes & plus promptes à se plaindre qu'à se resioüir: n'y ayant rien qui en fasse plustost perdre l'enueie, que de n'auoir pas la santé, laquelle chommant, les plus acharnez à ce mestier-là deuiennent continens par force. L'autre est, que de cent femmes steriles il s'en trouue pour le moins les deux tiers qui sont ou
gran

grandement froides & humides, ou grandement froides & seiches, ainsi que l'experience & les authoritez de nos Medecins le cōfirment. Lesquelles deux constitutions sont directement contraires à la concupiscence charnelle, comme il est tout euident par les raisons alleguées és chapitres precedens. Tiercement ils disent que Dieu les ayant voulu affliger du fleau de sterilité, il leur a aussi quant & quant osté toute matiere & occasion de rechercher les hommes, en les priuant du sang superflu qui eschauffe & sert d'aiguillon de conuoitise à celles qui font des enfans : car nos Medecins enseignent que la semence est vn sang blanchy & superflu restant de la troisieme & derniere concoction, & que c'est luy qui irrite & prouoque au peché de la chair, mesme seló le tesmoignage de Sainct Ierosme. Et de faiet nous voyons

n multis
Veneris
abstinere
ia conti-
nentiam
parit.

Histoire
memora-
ble.

tous les iours que comme celles qui en ont peu de reste ou par Nature, ou par abstinence & sobriété de vie, ne se soucient aucunement des hommes; qu'aussi celles qui en sont fournies ou naturellement, ou par l'usage frequent des bons & delicats morceaux, sont tousiours apres la recherche & conqueste de quelque braue Alexandre, ne plus ne moins que des Amazones. D'auantage ils soustiennent qu'il se trouue beaucoup plus de femmes secondes sujettes à luxure, que de steriles; ce qu'ils prouuent par plusieurs exemples tirez de diuers Auteurs dignes de foy, & premieremēt par l'histoire memorable que rapporte Herodote, & apres luy Diodore de Sicile en son 2. liure, disant qu'un certain Roy d'Egypte (où les femmes ne sçauent que c'est que d'estre steriles, & où elles sont plus secondes qu'en pais du monde, selon

le

le dire d'Aristote, de Theophraste, & de Pline) nommé Pheron, fils du grand Sefostris, estant deuenu subitement aueugle par la violence de quelque maladie, consulta l'oracle des Dieux pour le recouurement de sa veüe; & qu'apres plusieurs sacrifices reïterez il luy fut respondu que la clarté du iour luy seroit redonnée moyennant qu'il fist deux choses. La premiere, qu'il appaisast par prieres & holocaustes le Dieu qui estoit en la ville d'Heliopolis. L'autre, qu'il iettast les yeux sur le visage de quelque femme mariée qui n'eust iamais cogneu charnellement autre homme que son mary: ce qu'ayant fait, & n'en ayant point trouué de telle, fors que la femme d'un pauvre iardinier, laquelle il espousa ayant recouré la veüe, il fit brûler les autres routes viues, en commençant par la sienne propre qui estoit la Reyne de celles qui ne va-

Voyez
l'histoire
de la vie
de Messal-
line dans
Juvenal.

loyent rien. En apres , par le rapport
que fait Suetone & Iuuenal de la me-
re de Britannicus, nommée Messalli-
na, laquelle a esté la premiere ribau-
de de son temps; laissant encore à part
vne infinité d'autres femmes aussi fe-
condes que lieures , qui par excez de
luxure ont rauy leurs amoureux, com-
me Phædre, Prætis, Aurore, & autres
semblables. Finalement ils soustien-
nēt que les femmes steriles sont com-
me les puits qui se tarissent facile-
ment , si on en tire trop souuent de
l'eau ; & celles qui font des enfans,
comme les sources viues & inespui-
sables. C'est à dire, que comme celles-
là se lassent incontinent des charges
du mariage, & viennent à sec à faute
d'appointemēt, ainsi que nous auons
desia dit ; aussi celles-cy se rendent
toufiours plus ardentes à la curée , &
fournissent d'auantage par la raison
des contraires, voire sont toufiours
autant

autant prestes à rendre qu'à prendre.

Au contraire, ceux qui sont du contraire parti, soustiennent à cor & à cry que les femmes qui font des enfans ne sont pas de la centiesme partie tant luxurieuses que les steriles, & confirment leur opinion par plusieurs raisons & authoritez. La premiere raison est, que comme celles-là se deschargent souuent du sang superflu, & de la matiere seminale par plusieurs & reïterez enfantemés; aussi celles-cy en retenant la plus grande partie dans leurs vaisseaux spermatiques à faute de faire d'enfans, sont sujettes de tomber souuent au peché de luxure, à cause que telle matiere retenuë sollicite le desir desreglé, ainsi que le tesmoigne Aristote au 4.liure de la generation des animaux, & apres luy Nicolas Leoniceus Commentateur d'Hippocrate, & tres-docte Medecin. La seconde est, qu'on

qu'on croit communement que les femmes steriles sont cōme les hommes boiteux, lesquels selon le dire

* On dit que cette Reyne ayant esté priée de dire pourquoy elle auoit espousé vn mary boiteux, respondit, *Αἰσχροὺς οἰσέει.* d'Antianira * Reyne des Amazones, sont extraordinairement prompts & esueillez pour le seruice des Dames, par ie ne sçay quelle propriété spécifique & naturelle. Et au contraire, celles qui sont fertiles comme les chastrez, estans quasi comme espui-fées (par plusieurs enfentemens, comme dit a esté) de la matiere qui a accoustumé de mettre les femmes en humeur. La troisieme, que les steriles ayans tousiours ce ver de la conscience vterine qui les ronge, & qui les sollicite à rechercher toute sorte de moyens pour assouir leur desir, qui est d'auoir des enfans, apres lesquels elles belettent, & brament comme les cerfs apres les eaux; elles ont tousiours leur pensée sur quelque nouuel expedient pour obtenir ce qu'elles
desi

desirent : de sorte que par ce moyen elles excitent extraordinairement leur chaleur naturelle, & par conséquent leurs esprits generatifs qui ne demandent que d'estre employez par quelque bon ouurier. Ce qui n'arriue aucunement à celles qui font des enfans par contraire raison, ainsi qu'un chacun void. Quant aux authoritez, ils recueillent manifestement des paroles d'Aristote au 5. chap. du 4. liure de la generation des animaux, & au liure 10. de la mesme matiere; item du discours que fait Nicolas Leonicensus sus-mentionné, au chap. 60. de ses questions naturelles, que leur dire est tres-veritable, & que leur opinion est beaucoup meilleure que la premiere. Ioinct que l'opinion commune est telle, que les femmes steriles sont semblables aux mules, lesquelles sont autant luxurieuses qu'infecôdes.

Quant à moy, pour la decision de
cette

cette question, ie suis resolu de la laisser quasi comme indecise & indefinie, & mē tenir neutre & indifferent entre l'un & l'autre parti: de peur que me faisant cognoistre passionné, ou pour l'un ou pour l'autre, il ne m'en arriue autant de mal qu'il en arriua iadis à Tiresias le diuin, ou qu'à Paris Alexandre, qui pour auoir adiugé la pomme d'or à la Deesse Venus, au mespris des deux autres qui estoient en sa compagnie, il entraîna quant & soy la ruine de sa maison, de son païs, & quasi de toute l'Asie. Ioint que ie sçay tres-bien apres S. Chrysostome en la seconde partie de son Homilie sur S. Matthieu, apres S. Thomas au liure des dix preceptes, apres Cælius Aurelianus au chap. 9. du 4. liure des maladies Chroniques, apres le sage Salomon en ses Prouerbes, apres le docte Aristote en ses Problemes, & apres vne infinité d'autres autheurs

cele


celebres , que generalmente toutes les femmes ayment avec passion la compagnie des masles , & desirent d'estre coniointes à eux aussi souuent que la matiere à la forme. l'excepte neantmoins celles esquelles la crainte de Dieu bride ce desir effrené , & qui sont cōsortes de Beronice Reyne de Lycie , laquelle repudia son mary Polemon , pour estre trop fascheux & trop importun amoureux , ainsi que le rapporte Iosephe au chap. 9. du 20. liure des Antiquitez des Iuifs. Ou qui sont de l'humeur (qui est bien rare & clair-semée) de la femme d'un certain Catalan Espagnol , qui s'alla plaindre à la Royne d'Arragon , que son mary la baisoit iusques à trente fois tous les iours , ainsi que nous le trouuons escrit dans les œuures de Iacques Cijo , Euesque de Leyda , ou Lerida petite ville d'Arragon. C'est pourquoy ie ne suis pas d'aduis d'en dire

*Histoire
ioyeuse &
ridicule.*

¹44 *Discours de la sterilité*
dire d'avantage, & desobliger par ce
moyen les vnes ou les autres, à fin
que ie n'encoure la haine de leur
sexe que i'honore grandement pour
l'amour de celles qui sont sages &
vertueuses.

*De la sterilité des femmes, de sa nature,
& de ses differences.*

CHAPITRE VII.

 OMME il n'y a point de
champ plus ample & spa-
tieux pour discourir de la
fecondité des femmes, que
leur fecondité mesme; aussi il n'y en
a point de plus estroit & pressé que
celuy de leur sterilité. Si que l'Ora-
teur le plus disert qui auroit entre-
pris d'en dire sa ratelée, seroit con-
trainct de s'arrester à tout bout de
champ, s'il n'empruntoit quelque
autre matiere qui rendist fecond son
discours

discours sterile. Ce nonobstant ie vois que plusieurs grands personnages ont tellement desployé la fécondité de leur esprit en ce dernier siècle pour rendre la sterilité féconde, que ce que ie promets d'en dire pour ma part, ne fera qu'un petit ruisseau au prix de leurs grands torrens d'éloquence, laquelle ils ont versé sans mesure sur icelle. Aussi n'ay-ie pas tant de vanité que de parier ma plume avec la leur, & me rendre compagnon en doctrine de ceux sous la pédagogie desquels j'ay appris ce peu que ie sçay; mais ie me contenteray seulement d'en dire quelque chose en passant, & le moins sterilement que ie pourray, à fin que les femmes steriles (ausquelles ce petit liure s'adresse particulièrement) en soyent en quelque façon edifiées, & en deviennent fécondes à tout le moins par opinion, si non en effect.

Tout ainsi d'ocques que les Theologiens traictent de la sterilité de l'ame, comme on le void dans Sainct Thomas, dans Barchorius, & autres semblables ; les Iuriconsultes & Legislateurs de la sterilité de la terre, comme entre autres Iustinian, & Casiodore; aussi les Medecins discourent amplement de la sterilité des hommes & des femmes, tant pour la bien cognoistre & fuir quand elle est confirmée, que pour la guerir lors qu'elle est accompagnée de quelque apparence & esperance de guerison. Mais il y a cette difference entre les susdits personnages traictans de cette matiere, en ce que les premiers & les seconds en parlent metaphoriquement & par emprunt, & les derniers en escriuent proprement & particulierement, comme estant leur vray gibbier. Car comme la fertilité de la terre se doit rapporter à la fecondité
de

de l'homme, pour l'amour duquel tout a esté créé; aussi tous les discours de son infertilité sont puisez par trāslation des escrits de la sterilité humaine, & particulièrement de celle des femmes, la nature, differences, signes & curation de laquelle nous auons tant seulement entrepris de descrire moyennant l'aide de Dieu.

Or iacoit que le mot de sterilité comprēne generalement en soy l'impuissance de l'vn & de l'autre sexe, si est-ce qu'estant prins en son estroitte signification, il est particulièrement propre pour expliquer l'infecundité des femmes, comme le mot d'impuissance l'infecundité des hommes: & ce seroit parler improprement que d'appeller vn homme sterile, & vne femme impuissante. La raison est à mon aduis, que l'homme estant le principal agent en la generation, & la femme le patient, voire le vaisseau de re-

ception en icelle; il est certain que celuy-là despoüillé en quelque façon que ce soit de cette vertu & puissance d'engendrer, doit estre appelé proprement impuissant; & celle-cy qui ne peut pas reduire de puissance en acte la matiere generatiue de l'homme par le defaut de la vertu coooperante de sa matrice, merite d'estre nommée infeconde & sterile, ne plus ne moins que la terre qui n'a pas vertu de donner vie, & animer le grain que le penible laboureur luy a versé sur son dos. Parquoy nous definirons la sterilité feminine, & dirons qu'elle n'est autre chose qu'un symptome, ou accident consistant en l'abolition de la faculté generatiue, propre & particulier à la matrice des femmes mariées, & d'aage competant, procedant de plusieurs causes naturelles, non naturelles, & contre Nature. Cette definition est essentielle tout
 autant

La définition de la sterilité feminine.

autant que faire se peut , d'autant qu'elle a son genre & ses differences. Car premierement nous disons que la sterilité est *un symptome, ou accident*, & non vne maladie : la raison est, qu'Hippocrate, Galien, & plusieurs autres celebres Medecins tiennent aussi bien que nous qu'elle doit estre mise au nombre des symptomes du premier genre, qui est l'action lesée, & non au nombre des maladies proprement appellées telles, depuis qu'il est tout euident que la vertu generatiue qui depend de la faculté naturelle, est totalement frustrée de son action. Ioinct que tel symptome ou accident presuppose tousiours vne ou plusieurs maladies precedentes, desquelles il depend necessairement, comme l'ombre du corps qui la produit. En apres nous asseurons que tel accident est propre & particulier à la matrice des femmes tant seulement,

pour distinguer leur sterilité de l'impuissance des hommes : estant tres-certain qu'il se trouue autant ou plus d'infecundité au sexe masculin, que de sterilité au féminin. Nous disons encore qu'il n'arriue qu'aux femmes mariées, & non aux autres. D'autant que comme on ne peut pas appeller vne terre sterile, qui n'aura iamais esté semée, ou qui sera en friche, ou pleine de halliers & buissons; aussi on ne doit pas estimer qu'une femme puisse ou doive estre nommée sterile, qu'elle n'aye souffert le masse en vn aage capable de conception, & auquel la Nature semble deuoir estre prodigue en fecundité : car iaçoit que le bon homme d'Auicenne aye creu & escrit qu'une certaine femme deuint enceinte tant seulement pour s'estre lauée toute nue dans vn bain, où par hazard vn homme s'estoit oublié de ietter de sa semence; si est-ce que

que toute personne de bon sens, & non preoccupé, doit croire asseurement que tel conte est vne cassade, & qu'il est naturellement impossible qu'une fille puisse devenir femme enceinte qu'elle n'aye mordu à la pomme avec vn homme legitimelement ou non. Bref, nostre definition ne comprend point les femelles qui sont hors d'aage competant pour les accuser de sterilité : i'ay dit hors d'aage competant, à fin que celles qui sont ieunes au dessous de douze ans, ou vieilles au dessus de cinquante cinq ou soixante pour le plus, ne se stomaquent point contre moy, depuis que ny les vnes ny les autres ne sont dans les termes de fecondité, que la Nature demande en tel cas. Bien est vray que les premieres sont en esperance de devenir fertiles, moyennant qu'elles ayent de bons ouuriers, mais les dernieres se peu-

uent & doiuent contenter d'auoir
vescu en vn temps & en vn aage au-
quel il n'a pas tenu à elles qu'elles
n'ayent porté du fruiet, sans s'imagi-
ner d'auantage qu'elles en puissent
porter deormais, sinon que quelque
autre Medée les fist raieunir. Le sçay
bien neantmoins qu'elles replique-
ront que ce n'est pas à moy de tailler
si court le terme de fecondité, veu
que plusieurs Autheurs dignes de foy
tesmoignent qu'il y a eu des hommes
& des femmes qui ont eu des enfans
au dessous & au dessus du terme par
moy prefix. Car Sauanarole escrit
auoir veu vne femme qui fit son pre-
mier enfant à neuf ans; & Pline asseu-
re que le Roy Massinissa eut vn en-
fant à quatre vingts ans; & Caton le
Censeur à quatre vingts & cinq. Qui
plus est, les Historiens modernes es-
criuent qu'Vladislaus Roy de Poloi-
gne eut deux fils estant aagé de no-
nan

nante deux ans ; & Fœlix Platerus Medecin de Basle, tesmoigne en ses obseruations que son pere eut vne fille à quatre vingts ans, & son bisayeul vn fils apres cent ans. Mais ie respondray en bref, que toutes ces autoritez ne concluent rien ; car comme vne arondelle ne fait pas le printemps, aussi les choses rares & extraordinaires ne sont point de l'Art, & n'establissent rien d'asseuré: ains au cōtraire nous sçauons que le train ordinaire & infallible que la Nature a prins pour la generation de l'homme, ne s'altere & ne se viole iamais que par prodige ; & que partant selon les plus doctes Medecins les femmes ne peuuent conceuoir ordinairement, que depuis l'aage de douze, treize, ou quatorze ans, iusques à cinquante ou cinquante cinq ; & les hommes depuis quatorze ou quinze iusques à septante: apres lequel temps

Aristote tesmoigne que la semence virile est du tout infeconde. A quoy regardant l'Empereur Tibere, il eut iuste raison de publier la loy Poppée, par laquelle il estoit defendu à toute sorte de personnes de se marier & faire l'amour apres soixante ans; par quoy nous ne parlons en nostre definition que de ces femmes là qui sont en aage de faire d'enfans, mais qui neantmoins sont steriles pour les causes que nous alleguons cy-apres, moyennant l'assistance de Dieu.

Quant aux differences de la sterilité feminine, la plus part de nos Auteurs en establistent quatre; la premiere desquelles est celle qui est naturelle, idiopathique & incurable, selon le dire d'Hippocrate & d'Aristote au 2. liure de la generation des Animaux chap. 4. d'autant qu'elle prouient du vice de la premiere conformation qui ne se peut pas corriger
lors

lors qu'elle est defectueuse ; & de
faict nous voyons tous les iours que
celles qui sont steriles à ce prix là, rui-
nent inutilemēt le peu de santé qu'el-
les ont à se faire traicter pour auoir
des enfans. C'est pourquoy nostre di-
uin vieillard en son 1. liure des mala-
dies des femmes, & Aristote apres luy
au liure preallegué chap. 5. veulent &
entendent que tous bons Medecins
s'exercent à la recognoistre particu-
lierement, & à la distinguer des au-
tres qui sont guerissables, à fin qu'il
ne leur arriue pas de receuoir des af-
fronts. à faute de sçauoir discerner le
vray du faux, ainsi qu'il en arriua il y
a quelques anneés à vn certain Medec-
cin de ma cognoissance, qui s'estant
vainement promis de faire deuenir
enceinte vne fort honneste Damoy-
selle Dauphinoise, mariée (laquelle
est naturellement aussi sterile qu'une
mule) il luy fit voirement vser de
plu

plusieurs remedes qui la firent deuenir non seulement grosse de ventre & de tetins, mais aussi luy procurerent vn grand nōbre de signes equiuoques de grossesse, comme peuvent estre les deffaillances de cœur, desgoutemens, suppressions de moys, mouuement manifeste & sensible au ventre, laiēt aux tetins, maigreur extraordinaire, & plusieurs autres semblables. Si que ladite Damoyfelle croyant d'auoir trouué la febue au gasteau, elle appresta la sage femme, la nourrice, & toutes les autres beatilles pour son futur enfant, de la sortie heureuse duquel le susdit Medecin l'asseuroit avec passion lors que le terme seroit venu. Mais qu'en arriua-il? Certes les neuf moys estans expirez, ladite Damoyfelle ne fit que du vent pour tout potage, & tomba en vne grande maladie de laquelle elle cuida mourir; & ce pour n'auoir
vſé

Iolie histoire d'un
Medecin
charlatan.

vsé que de choses fort chaudes, humides & venteuses durant sa grossesse imaginaire par l'ordonnance dudit Medecin, lequel fut grandement blasiné d'auoir entrepris vn peu trop legerement la guerison d'vne telle sterilité auant que l'auoir bien cogneüe.

Puis doncques qu'il nous est defendu par arrest Hippocratique d'attenter à la guerison d'vne telle sterilité, nous nous contenterons seulement de dire quelque chose en passant touchant les causes & les signes d'icelle, laissant la vanité de sa pretendue guerison à ceux qui veulent gagner d'argent aux despens de leur reputation. Et premierement nous dirons qu'elle prouient ou de l'habitude des femmes lors qu'elles sont naturellement ou trop maigres ou trop grasses, ou velües par le corps comme des homasses, ou qui ont la

voix

voix malle & rude comme les marini-
ers de Prouence ; ou de l'indisposi-
tion naturelle de leur foye , qui faiet
le sang ou trop chaud , ou trop
froid , ou trop humide , ou trop
sec : ou finalement de leur matri-
ce & autres parties genitales ; les
infirmitez naturelles desquelles nous
considerons doublement : car où el-
les sont naturellement incapables de
conceptions entant que parties simi-
laires, ou bien entant qu'organiques
ou instrumentales. En la premiere
sorte lesdites femmes sont ordinai-
rement affligées en leur matrice d'v-
ne, ou de plusieurs d'entre les quatre
principales intemperatures , telles
que sont la chaude , la froide , l'hu-
mide & la seche ; & ce en tel degré
qu'il est impossible de les amander
ou corriger en quelque façon que ce
soit, comme on le peut faire facile-
ment és autres sortes de sterilité, ain-
si que

si que nous verrons cy apres. Qui plus est, elles ont en suite leur semence de mesme nature, c'est à dire, incapable de toute bonne œuure: car comme par la bonne temperature des parties nobles & similaires les femmes fécondes engendrent de bon sang, & par conséquent de bonne & prolifique semence: aussi celles qui sont naturellement malificiées n'amassent que de sang qui est ou plus chaud & ardent que braise, comme les bilieuses, cholériques, & Amazones, ou plus froid que meue, comme les phlegmatiques, ou plus humide qu'eau, comme les femmes qu'Hippocrate appelle par excellence féminines, ou plus sec & terrestre que boüe, comme les melancholiques qui sont maigres & descharnées comme des aridelles; & outre ce elles sont priuées de la vertu attractice, retentrice, & viuifiante de la matrice,

sans

fans lesquelles il est impossible que la conception s'en ensuyue, selon le tesmoignage de Galien. En la secõde forte elles ne souffrent pas de moindres incommoditez, car elles ont naturellement leur vulue ou trop large, ou trop estroite & pressée; & partant celles-là ayant reçu la semence prolifique de leurs maris, la laissent incontinent escouler; & celles-cy ne la pouuans pas receuoir, se rendent odieuses à leurs maris, & à la Nature mesme. D'auantage, il arriue bien souuent qu'elles ont leurs veines spermatriques tellement opilées, ou le col de leur matrice tellement oblique & entraîuersé, que celles-là ne fournissent du tout rien à l'appointement, & sont en continuelle suppression des mois, & celles-cy ne peuuent pas receuoir directement la matiere genitale iusques aupres de l'orifice interieur de leur matrice, ains estant

éjaculée ez costez d'iceluy, elles la perdent & la laissent sortir sans effect.

Cette sorte de sterilité est bien souvent tres-difficile à cognoistre, à cause de la complication de ces signes avec ceux des autres especes. Ce neantmoins qui considerera de pres ce que nous venons de dire cy-dessus, & ce que nous dirons cy apres sur la fin du Chapitre onzième, il la pourra facilement discerner des autres, en y adioustant que celles qui sont ainsi steriles n'ont presque iamais leurs mois, ont le corps rude & velu comme des Satyres, & sont trop ardentes à la curée; de sorte que quand telles femmes changeroient tous les iours de maris qui fussent aussi vaillans en amour qu'un autre Hercule, elles ne pourroient iamais deuenir fecondes, ainsi que le tesmoigne Aristote au 2. liure de la generation des animaux chap. 5.

La seconde difference de la sterilité feminine est proprement celle que nous pouuons appeller sterilité maladiue, laquelle ne prouient point d'une particuliere & naturelle condition que les femmes ayent à estre infecondes, comme la premiere; ny moins encore du defaut de leurs maris, cōme la troisieme, ains de quelque mauuaise & fascheuse indisposition interieure, qui a son siege ez parties nobles & necessaires pour la generation, ou de quelque reliquat de maladie, qui a presque ruiné la bonne temperature des instrumens dediez à la fabrique de l'homme. Toutes lesquelles infirmittez si le sage Medecin ne tasche de corriger de bonne heure par bons & conuenables remedes, il ne doit pas esperer par apres de faire grossir le ventre à celles qui s'en trouueront attaintes, iacoit qu'il y employast tous les remedes

medes secrets d'Esculape & de Liebaud : la raison est , que telles maladies se rendent incurables à la lôgue, aussi bien que la sterilité qui les suit.

La troisieme sera appellée par nous sterilité sympathique, ou respectiue, d'autant que les femmes qui en sont affligées n'en sont pas tant ny si souuent coupables que leurs maris. Et nous voyons tous les iours que la plus-part de celles qui sont steriles en leur premier liêt, venans à se remarier deuiennent plus fertiles que souris: ce qui n'arriueroit pas si elles seules estoient la cause de leur propre malheur. Parquoy que celles qui sont steriles à ce prix-là ne languissent point, moyennant qu'elles soyent ieunes & bien nourries: car ie les assure qu'elles sont capables de gaster plus que d'un mary, & d'auoir par consequent plusieurs enfans à la seconde ou troisieme fournée, si

164 *Discours de la sterilité*
non à la premiere.

La quatriefme & derniere est celle qui ne doit, & ne peut estre appellée naturelle & incurable, comme la premiere, d'autant qu'elle est assez facile à reparer, moyennant qu'on y apporte les remedes conuenables; ny maladie, comme la seconde, d'autant qu'elle arriue bien souuent aux femmes les plus saines; ny moins encore respectiue, comme la troisieme; d'autant que les maris n'en sont point cause; ains merite d'estre nommée sterilité pour vn temps, y ayant des femmes dont les vnes demeurent infecondes tout le reste de leurs iours apres leur premier enfancement (laquelle sorte de sterilité i'ose mettre en parallele avec la premiere, sur tout quand elle prouient de foiblesse naturelle) & les autres vivent en mesme mariage vingt-cinq ou trente ans sans bon coup ferir; puis
apres,

apres , & tout à coup font des enfans dru & menu comme potirons. Or nostre dessein est d'esplucher par le menu les causes, les signes, & la curation de ces trois dernieres sortes (& non de la premiere, pour les raisons cy-dessus alleguées) à celle fin que nous conduisions nostre discours à son poinct, & que les femmes steriles en quelqu'une de ces trois dernieres sortes, qui prendront la peine de le lire, en soyent en quelque façon edifiées.

*Des causes de la sterilité maladiue
des femmes.*

CHAPITRE VIII.



ENCORE que ceste seconde sorte de sterilité feminine soit de fort grande estendue, & aye vne infinité de causes qui la produisent & fomentent; si est-ce que nous esperons mo-

yennant l'ayde de Dieu de les éclaircir si bien, & si amplement en ce Chapitre, qu'il ne restera rien d'indécis, & les femmes les moins sensées pourront facilement s'instruire de l'origine de leur mal (si elles en sont affligées) pour par apres le rapporter avec plus de science & d'assurance aux Medecins qui ont le soin ordinaire de leur santé.

Nous dirons doncques que les causes de cetté sterilité sont ou externes ou internes : & diuiferons encore les premieres en celles qui sont ou euidentes ou occultes, ou non nécessaires. Car iacoit que nos Medecins prennent indifferemment vne cause externe pour vne euidente, & au contraire vne cause euidente pour vne externe : si est-ce qu'en cet endroit nous trouuons qu'il y a vne fort grande difference entre icelles ; veu que par le mot d'euident nous entendons

dons principalement tout ce qui est notoire & manifeste aux sens extérieurs; & par le mot d'externe tout ce qui est extérieur, mais qui neantmoins est caché ou incognu en quelque façon que ce soit, ainsi que nous verrons cy-apres. Outre ce nous dirons que les internes sont ou antecedentes ou coniointes; & celles-cy ou maladies similaires ou organiques, ou communes: & n'y a point d'inconuenient de dire que les maladies soyent les causes coniointes de la sterilité; veu que Galien & tous les plus doctes Medecins sçauent qu'il n'y a rien de plus frequent en Medecine que de dire que les maladies sont les causes des symptomes: de sorte qu'apres l'explication d'icelles il n'y aura plus rien à rechercher.

Diuision
des causes
de la sterilité
maladie des
femmes.

Or commençans par les euidentes & notoires, nous les comprendrons toutes, ou sous les choses naturelles,

telles que sont le temperament, les facultez, les actions, les parties, l'age, & autres semblables; ou sous les non-naturelles, qui sont six en nombre; à sçauoir l'air, le boire & le manger; le dormir & le veiller; le mouuement & le repos; les humeurs ou excremens mal vuidez ou mal retenus; & les affections de l'ame. Quant aux naturelles, nous sçauons qu'elles ont beaucoup d'efficace pour procurer & fomentier cette sorte de sterilité, & que les femmes qui sont douées d'un temperament ou trop froid, ou trop chaud, & qui sont debiles & floüettes, tant en leurs parties qu'en leurs actions, en sont ordinairement affligées, mais encore plus celles qui sont ou trop grasses, ou trop maigres, ou trop ieunes, ou trop vieilles; aussi c'est proprement de ces quatre dernieres causes que nous voulons vn peu amplement discourir; comme estant
beau

beaucoup plus frequentes que les autres.

Les Naturalistes, & entre autres Aristote, Albert le Grand, Alexandre Aphrodisee, & Mercurial, escriuent qu'il y a deux sortes de maigreur & de graisse, que nous appellons autrement embompoinct; la premiere est celle qui est naturelle, c'est à dire, qui vient de la premiere conformation des parties desquelles elle est presques inseparable; l'autre est estrangere, & non-naturelle, qui n'est commune (ils entendent la maigreur) qu'à celles qui mangent ou trop, ou trop peu, selon le dire d'Hippocrate, ou qui ont souffert quelque longue & cruelle maladie, ou qui brulent perpetuellement du feu de luxure, d'avarice, d'enuie, ou de ialousie, qui les mine insensiblement, & qui les fait deuenir tabides & seiches comme vn pendu d'esté; ou qui n'est fa-

miliere (ils entendent la graisse) qu'à celles qui recherchent curieusement les bons morceaux quoy qu'ils coustent, & moyennant qu'elles ayent dequoy bastir sur le deuant. Ils disent en outre, que comme la maigreur naturelle (moyennant qu'elle ne soit extreme) est beaucoup meilleure & plus salutaire que la graisse estrange; qu'aussi la maigreur estrangere est beaucoup plus dangereuse que la graisse naturelle (si elle n'est excessive) & notamment aux ieunes enfans, & aux femmes destinées à la generation. A quoy ayans regardé nos Medecins, ils n'ont point faict de difficulté d'asseurer apres Aristote, que les hommes & les femmes trop grasses ou trop maigres engendrent & conçoient rarement; ce que nostre Hippocrate auoit desia enseigné long temps auparauant, lors qu'escriuant en son liure des lieux, des eaux, & de
l'air;

l'air ; & au 5. liure de ses Aphorism. il dit que les femmes trop grasses ne peuuent pas engroisser, à cause que la coiffe de leur ventre comprime par trop l'orifice interieur de la matrice ; & moins encore celles qui sont maigres & extenuées extraordinairement , iusques à ce qu'elle soient deuenües grasses, potelées , & de bonne prise. De sorte qu'il semble que le susdict Hippocrate aye voulu dire qu'il n'y a bonnement que ces femmes qui soyent habiles à engroisser, lesquelles ne sont ni trop grasses, ni trop maigres , & qui ont toutes les qualitez qui seront deduites cy-apres au chapitre des signes de la stérilité feminine.

Quant à l'aage, vn chacun sçait qu'il est de grand poids & consideration en cet endroit. Car comme les femmes sont incapables de faire des enfans apres cinquante ou cinquante

cinq

cinq ans, aussi elles sont du tout ineptes à la conception avant l'aage de treize ou quatorze ans (si ce n'est qu'il arriue à quelques - vnes d'enfanter par prodige à dix ans, voire mesmes à neuf, selon le tefmoignage de Sauanarole cy-dessus allegué) si nous nous voulons tenir à ce qu'en escrit Galien. C'est pourquoy les peres & les meres qui marient leurs filles auât ce temps-là, pechent grandement contre les loix de la Nature, la voulans quasi comme forcer à faire deuenir leursdites filles femmes avant qu'elles foyent filles bien faites ; & outre ce les precipitent insensiblement dans vne Iliade de maux qui anticipent, accompagnent & suyuent tousiours la sterilité : la raison est, qu'ayans leur matrice encore trop tendre & foible à cause de leur bas aage, elles ne peuuent que difficilement supporter les charges de

de mariage, c'est à dire, retenir la matiere genitale de leurs maris, fournir de leur costé ce qui est necessaire pour la conception, & moins encore entretenir, & quasi comme animer la vertu generatiue de leur moitié, à cause du peu de chaleur qu'elles ont de reste pour vn tel effect; (l'excepte neantmoins celles qui sont naturellement douées d'une corpulence digne de prise, & qui ayans toutes leurs facultez & parties gaillardes, robustes & de hait, sont capables en l'aage de douze ans de terrasser au combat amoureux vn autre Hercule) ains au contraire en deuiennent ou luxurieuses ou malades en cent façons. Ioint qu'il en arriue d'elles comme de certaines plates, lesquelles si on arrouse par trop tandis qu'elles sont encore ieunes & tédres, elles deuiennent seiches & tabides. Parquoy ie conseille à tous ceux qui ont

de

de ieunes filles à marier de les garder (si elles sont par trop delicates & de petite complexion) iusques au troisieme septenaire de leur aage, ou à peu pres; & ce suyuant le conseil de Platon au 7. liure de ses Politiques, d'Albert le Grand au 5. liure des animaux, de Bag, Bag, Rabin celebre entre les Hebreux, & d'Aristoxene Peripateticien au chap. 99. des fleurs de Stobee, où il escrit que les mariages precipitez precipitent bien souuent les filles dans des malheurs estranges. Voyla pour les causes naturelles, venons maintenant aux autres, & commençons par l'air.

Il est certain qu'entre les causes non naturelles l'air peut causer la sterilité aux femmes, car tout ainsi que les climats temperez, ou à peu pres, sont grandement peuplez, comme il se void en Egypte, Grece, & autres prouinces circonuoisines qui for-
millent

millent en hōmes; aussi ceux qui sont
ou chauds ou froids excessiue-
ment, sont ou inhabitables ou tres-
mal peuplez. Et de faict Hippocrate
escrit que l'extreme froideur de
la Scythie rendoit plusieurs
femmes steriles de son temps,
d'autant qu'elle destruisoit
la chaleur naturelle de leur
matrice, sans laquelle il est
impossible que la conception
se fasse. Joint que Diogenes
Laërtius en la vie d'Empedocle,
& apres luy Clement Alexandrin
au 6. liure de ses Tapisseries,
tesmoignent qu'anciennement
la ville d'Agrigente située en
la Sicile fut affligée par l'espace
de quelques années d'un certain
vent particulier & chaud, (qui
n'est autre chose qu'un air
extraordinairement esmeu,
selon le dire des Stoïciens)
lequel rendoit presque toutes
les femmes steriles & infecondes.

Mais que dirons-nous du boire &
du

du manger? certainement nous ad-
uouïerons avec Aristote, que la Na-
ture ayant produit & opposé à cha-
que chose son propre & spécifique
contraire; elle a aussi quant & quant
procréé plusieurs corps mixtes, qui
sont naturellement opposez à la ge-
neration de l'homme; (iaçoit qu'elle
aye plustost faict cela pour l'embel-
lissement & perfection de ce Tout,
que pour la ruine de celuy qui est
son premier & vnique mignon.) Et
de faict nous sçauons qu'il y a plu-
sieurs alimens ordinaires & medica-
menteux, auxquels on attribue la
vertu d'antifecondité, tels que sont
le persil, le pouliot, l'aurogne, la fleur
de nymphée, la rhue, le camphre, le
vin doux, les pigeons ramiers, les
feuilles de saule, nommé *Amerina*, &
autres semblables, lesquels il vaut
mieux taire que nommer, de peur
qu'on ne croye que nous en voulions
instruire

instruire ceux qui en pourroyent mal
vser; ce neantmoins ie prieray les Da-
mes d'agreer que ie leur en allegue
encore vn (par maniere de digres-
sion) qui est tres-pernicieux pour em-
pescher la conception, mais qui (Dieu
mercy) est tres-difficile à recouurer;
c'est vn certain poisson, duquel parle
Theuet en sa Cosmographie ainsi
que s'ensuit: En l'Isle de Goga (dit-il)
qui est assise au dessus du fleuve In-
dus, il y a vne riuere dans laquelle se
trouue vn certain poisson nommé
Hiphico, tellement contraire à la fe-
condité des femmes, qu'il fait deue-
nir steriles les plus fecondes ; si on
met de sa graisse sur leur nombril, ou
si on leur en fait aualer de la grosseur
d'une de nos pilules l'espace de trois
ou quatre matins consecutifs. Pour
confirmation dequoy il escrit que les
femmes du pais en abusent autant
ordinairement que malheureusemēt:

car cette contrée ayant esté conquise & subiuguée par les Roys de Perse depuis quelques siecles en çà, lesdits Roys leur ont imposé cet hommage & seruitude tyrannique, que de leur rauer leur cinquiesme masse, pour fournir aux grandes & innombrables armées qu'ils tiennent ordinairement sur pied: dequoy iustement outrées & indignées, elles se seruent de la graisse dudit poisson pour deuenir steriles, apres auoir faict leur quatriesme masse.

Nous ne deuons, ny ne pouuons passer sous silence le boire excessif, & quant & quant apres ce vice presque catholique parmy toutes les nations, & entre l'un & l'autre sexe: vice qu'un chacun sçait bien nommer yurōgnerie, (nom odieux & plein de scandale parmy les personnes sobres) mais que peu de ceux, ou de celles qui y sont sujettes veulent bannir & chasser, comme

comme vne autre Circé magicienne, qui conuertit les hommes en porceaux, & les femmes en truyes.

Tous nos Medecins doncques, & avec eux les plus celebres Theologiens & Philosophes, croient vnanimement que l'yurongnerie est entre plusieurs autres vn des plus puissans obstacles de la generation, & notamment Aristote en ses Problemes, Rhafis au 9. liure de son Continent, Plutarque en ses Sympotiaques, Rabbi Moyse au chap. 4. de son liure du regime de viure, & Oribase au chap. 22. du premier liure de ses remedes faciles. Dequoy voulans rendre raison, ils disent que le vin agit fort diuersement pour produire vn mesme effect, qui est la sterilité: car comme il eschauffe par trop le sang, & dissipe les esprits generatifs de quelques vns, aussi il rend extraordinairement froid & humide la masse sanguinaire

L'yurongnerie est cause que plusieurs femmes sont steriles.

de quelques autres, & particulièrement des femmes qui sont desia assés humides de leur naturel: d'où il arriue que ceux-là ne peuuent fournir en la generation qu'une semence chaude & bruslante, quasi comme celle des chats; & partant inutile selon le dire d'Hippocrate; & celles-cy au contraire une matiere genitale aqueuse, froide, liquide, & sans esprits generatifs, & par consequent autant ou plus inutile que la premiere, selon le tesmoignage du mesme Autheur, & d'Aristote mesme au 3. & 7. liure des parties des animaux, & au 7. liure de la generation des animaux, où il dit que la semence affectée pour la generation de l'homme doit estre chaude, humide, reluisante, espoisse, blanche, & faicte à grumeaux. De sorte qu'il semble que ce miserable vice fasse dans le corps des personnes quasi comme le malin Esprit, car comme celuy

celuy-cy les trompe & les prend à la pipée, en se servant de leurs propres affections & inclinations; aussi celuy-là trouuant des corps phlegmatiques il excite en iceux des cruditez, des maladies soporeuses, des refroidissemens, des defluxions, & autres semblables infirmittez; & rencontrant des temperamens chauds & bilieux, il les porte à des maniës, à la ladrerie, aux fieures ardentes, & à vne infinité d'autres maux, mais particulièrement à la sterilité pour la raison cy dessus alleguée. D'auantage, la parole de Dieu confirme le tesmoignage & l'autorité desdits Autheurs, touchant les effects du vin à l'encontre de la fécondité des femmes: car il est dit au 13. chap. des Iuges que l'Eternel ayant deliberé d'oster la sterilité à la femme de Manoah pere de Samson, pour par le ministere de cettuy-cy deliurer ses enfans de la seruitude des Philistins,

il manda son Ange vers ladite femme, pour luy dire: *Voicy tu es sterile, & n'as iamais eu enfant, mais tu conceuras, & enfanteras un fils. Et partant garde-toy dès maintenant que tu ne boives vin ny ceruoise, & que tu ne manges rien de vigne portant fruiët, ou vin.* Par lesquelles paroles l'Esprit de Dieu ne veut pas exclurre les femmes mariées de l'vsage du vin, moyennant qu'elles en prennent sobrement; car au contraire, la mesme parole de Dieu permet l'vsage de toute sorte d'alimens avec sobrieté & actions de graces; mais il fait voir qu'il est tellement ennemy, & cōtraire à quelques-vnes d'icelles, qu'il leur defend d'en boire peu ou prou, par l'exemple sus-allégué. Et pleust à Dieu que toutes celles qui se sentent mordues de ce chien, & qui sçauent en elles-mesmes que leur sterilité ne prouient que de leur yurōgnerie, eussent le iugement
& la

& la volonté de recognoistre les iugemens & la volonté du Souuerain; & faire leur proffit de ce passage : car nous ne les verrions pas reduites aux extremitez où elles se plongent miserablement ; & la honte de leur vice honteux ne redonderoit pas sur leurs parens qui en portent la teste baissée; qui a oreilles qu'il oye. D'ailleurs, l'histoire Payenne, tant des Romains que des Lacedemoniens, fait voir assez clairement que l'abstinence du vin est vn puissant remede contre la sterilité; car depuis que son vſage fut defendu, tant aux femmes de Rome que de Sparte, par leurs premiers Legislateurs, elles n'ont ſceu par apres que c'estoit de sterilité, ains ont esté fécondes comme colombes, & ont produit vn nombre innombrable d'Heros qui ont dompté tour à tour la plus grande partie du monde; là où les autres nations parmi lesquelles il

a esté, & est encore permis de boire à tire-larigot, sont la plus part effeminées, steriles, & incapables de conquérir la moindre Prouince. Je diray encore d'avantage, que comme la plus-part des femmes yuroignesses ne peuvent aucunement concevoir, qu'aussi plusieurs hommes adonnez au vin sont totalement effeminez & impuissans; car encore qu'on puisse alleguer au contraire, l'exemple de Loth & de quelques autres qui ont esté & grands beuveurs & grands faiseurs d'enfans tout ensemble; si est-ce que pour vn tel il s'en trouuera mille des autres, entre lesquels nous pouons librement mettre le grand Alexandre, lequel n'aymoit point les femmes, & estoit presque impuissant à cause du vin auquel il estoit extraordinairement subiect, selon le rapport de Theophraste, d'Athenée, & de Plutarque en son banquet. De sorte que

que le prouerbe commun se trouue presque tousiours veritable, à sçauoir, que iamais grand yuroigne ne fut grand paillard.

Le dormir & le veiller ne peuuent, & ne doiuent estre oubliez en cest endroit, veu que l'vsage sinistre d'iceux peut aussi bien causer la sterilité aux femmes comme plusieurs autres maladies: C'est pourquoy Hippocrate au 6. liure des maladies populaires veut qu'on se serue mediocrement de l'un & de l'autre aussi bien que des autres choses non naturelles. Voire Obiectiō. mais (dira quelqu'un) s'il est vray ce que tiennent la plus-part des Naturalistes, & avec eux les Septante-deux Interpretes, Pagnin, Nannius, & quelques autres, ainsi que le rapporte le Iesuite Pineda en son liure des gestes de Salomon; Sçauoir est, que le sommeil est vn des principes de la generation de l'homme; il semble

qu'encore que les femmes dorment
 autant que des glirons, qu'elles ne
 peuuent courir aucun hazard d'en
 deuenir steriles; mais au contraire,
 dormant beaucoup, fertiles & fe-
 condes; car nous voyons qu'au temps
 auquel elles dorment le plus (qui est
 en hyuer) elles deuiennent plus sou-
 uent enccintes: & tout le monde sçait
 qu'il n'y a point d'excez à bien faire:
 ioint que les femmes qui ne peuuent
 pas retenir, sçauēt tres-bien par l'in-
 struction des Medecins, que pour re-
 medier à leur infirmité, elles se doi-
 uent tenir à recoy, voire dormir, si
 elles peuuēt, par l'espace de sept heu-
 res apres le coït, pour durant ce tēps-
 là tascher de garder la semence dans
 leur matrice; estans assurees, selon
 l'arrest d'Hippocrate, que si elle n'est
 escoulée durant lescdites sept heures,
 qu'elles sont prises au tresbuchet: Or
 tous nos Autheurs enseignent qu'il
 n'y

Autant en
 dit Aristo-
 re au 7. li-
 ure de
 l'Histoire
 des ani-
 maux, cha-
 pitre 3.

n'y a point d'heure plus commode pour la generation & pour le contentement des femmes que celle du matin. Et partant il semble qu'elles peuvent & doiuent dormir iusques à midy, ou enuiron, sans aucun scrupule.

A cette obiection ie responds; *Pre- Response.*
mierement qu'il n'est point vray que le sommeil soit vn des principes de la generation de l'homme, & qu'il ne se peut aucunement rapporter à aucune des causes d'icelle, telles que sont la materielle, la formelle, l'efficiente, & la finale. En apres, que les Naturalistes definissent le sommeil tout autrement que les Septâte-deux Interpretes, & les autres Autheurs sus alleguez : car ceux-là disent que ce n'est autre chose qu'une tranquillité, ou repos des forces animales & sensitives, procedant d'une vapeur humide, naturelle & gracieuse, qui abbre-
ue

ue doucement le cerueau ; & ceux-cy le prennent metonymiquemēt pour le plaisir de la chair, d'autant qu'après iceluy on est ordinairement porté à dormir pour la reparation des esprits qui se sont perdus durant iceluy, ainsi qu'ont tres-bien remarqué Sainct Bonaventure, Rabanus, & quelques autres Theologiens. De façon que nous n'approuuons aucunement le dormir & le veiller excessifs en aucune personne, & notamment aux femmes qui desirent auoir des enfans. La raison est, que comme celuy-cy dissipe par trop leur substance fluide, & de petite resistance, voire les amaigrit & desseiche manifestement ; aussi celuy-là les rend trop humides & lasches, refroidit & remplit leur matrice d'humeurs peccantes, enuoye grande quantité de vapeurs au cerueau, & de là leur prouoque des catarrhes, paralysies, fleurs
blan

blanches , & mille autres inconueniens , qui font autant d'obstacles pour la generation. Et ne sert en rien de dire qu'il n'y a point d'excez à bien faire , c'est à dire , à bien dormir ; veu que les inconueniens sus-alleguez qui le suyuent en croupe, tesmoignent le contraire. Et si sçauons tres-bien encore apres Hippocrate en ses Epistres, qu'il n'y a point d'excez à estre vertueux, mais qu'il y en a vne infinité en la mauuaise observation des choses non naturelles. Et est encor inutile d'alleguer le temps auquel les femmes dorment plus long temps ; veu que ce n'est pas le long dormir qui les fait deuenir enceintes , mais bien plustost la matiere genitale de leurs maris , qui est beaucoup plus cuitte & plus conuenable pour la generation en temps d'hyuer qu'en toute autre saison de l'année , à cause de l'antiperistase ou

cir

circumobſiſtence du froid extérieur qui redouble la chaleur naturelle, ſelon le dire du meſme Vieillard en ſes Aphoriſmes. Bref, ie trouue que c'eſt hors de propos de tirer la conſequence qu'ils tirent, diſans : Les Medecins ordonnent aux femmes qui ne peuuent pas retenir, de ſe tenir à recoy durant ſept heures apres la ſemence receüe : doncques ils veulent qu'elles dorment ſept heures apres. Ma raiſon eſt, qu'il y a bien grande difference entre commander de dormir & de ſe tenir à recoy : le repos & la priuation du mouuement eſt bien requiſe en tel cas, à fin d'empêcher l'eſfuſion & la ſortie de la ſemence hors de la matrice, mais ie ne penſe pas que le ſommeil y ſoit neceſſaire, veu qu'elles peuuent facilement retenir ſans dormir, moyennant que leur matrice ſoit bien diſpoſée ; ce qu'au contraire elles ne ſçauroyent faire
quand

quand elles dormiroient huit iours consecutifs. Parquoy ie conseille de-
rechef aux femmes qui desirent auoir
des enfans, & qui se tiennent vn peu
trop douillettes, & trop long temps
dans leur liët, d'vser médiocrement
du dormir & du veiller, comme de
toute autre chose, & employer la
nuict à celuy-là, & le iour à celuy-cy;
avec cette liberté neantmoins que ie
leur donne, de chercher par fois avec
leurs maris quelque bel enfant malle
en plein midy.

Le mouuement & le repos, ou
l'exercice & l'oisiueté seront aussi de
la partie en cet endroit, non seule-
ment pour la production, mais aussi
pour l'entretien de la sterilité des
femmes: car tout ainsi que l'vn &
l'autre modérément prins, entretient
merueilleusement leur fecôdité, aussi
l'vsage sinistre d'iceux contribue fort
à leur infecondité. Et pour cōmençer
par

par l'oisiueté, vn chacun sçait assez que la plus-part des femmes naissent coiffées de cet atour, & les femmes mesmes confesseront, si elles veulent, que c'est leur element, & leur Dieu tutelaire; mais si elles daignoyent faire leur profit de cette belle sentence, tirée de Galien, par laquelle il est porté, que pour viure bien fainemét il faut esuiter ce monstre feminin, & s'exercer mediocrement vn chacun selon la portée de son sexe & de sa condition: ie m'asseure qu'elles changeroient bien tost de note, & qu'au lieu de se laisser auachir à la faineantise, elles se resoudroyent à suyure vne autre façon de viure qui fust meslangée de quelque honorable exercice digne d'elles, & mediocre en effect, à fin d'esueiller leur chaleur naturelle, qui est quasi comme absorbée dans le gouffre des humeurs superflues dont elles regorgent naturelle

rellement, consumer les cruditez qui les accablent, & aider à la digestion des viandes qu'elles prennent à toute heure, que bien que mal. Estant tres-certain que là où manque la chaleur naturelle, & le baume radical, ou par oppression, ou par dissipation, là où les cruditez & l'indigestion d'estomach dominant, là où les humeurs froides & superflues regorgent, que là aussi la sterilité suit en croupe par vne necessaire consequence. Et iacoit que cela ne se trouue pas tousiours vray en toutes celles qui viuent oisivement, si est-ce que la raison & l'experience concluent là, que la plupart d'icelles sont atteintes de ces incommoditez qui ne se peuuent esuiter qu'en euitant l'oisuete. En suite dequoy Hippocrate a eu raison de reprocher aux Dames de Scythie l'inoüye faineantise qui leur caufoit vne incurable sterilité, & les faire

rougir de honte, en leur opposant leurs chambrières, lesquelles estoient beaucoup plus fécondes qu'elles, à cause de leur vie pénible.

Quant au mouvement, ou exercice immodéré, d'autant qu'il a plusieurs visages, & qu'il feroit difficile & ennuyeux d'estaler toutes ses parties, nous nous contenterons de dire premièrement & en general, qu'il est grandement préjudiciable à la fécondité des femmes, d'autant qu'il eschauffe par trop le sang de celles qui sont chaudes, bilieuses, & d'amoureuse complexion; gaste & corrompt celui des phlegmatiques ou pituiteuses, parce qu'il esmeut, & ne résout pas leurs mauvaises & impures humeurs, & dessèche extraordinairement celui des mélancholiques. Et en particulier nous sçaurons brièvement si la danse immodérée (entre autres exercices) peut causer aux
femmes

femmes le mal dont est question ; & le trop aller à cheual faire deuenir les hommes impuissans: Mais ie pri-
ray les Dames d'agreer ceste mienn
petite digression masculine, & croire
qu'elle n'est inserée icy que par pa-
renteze, & tant seulement pour faire
perdre l'enuie à quelques vns de ce
Royaume de tant courir la poste, ou
à la chasse, ou ailleurs, depuis que tel
exercice les menace de mourir sans
heritiers , au grand mescontente-
ment de leurs parens & amis.

Comme ainsi soit doncques que
tout exercice violent est ennemi de
la nature, & par consequent de la ge-
neration, ainsi qu'on le peut recuei-
lir des paroles de Galien en diuers en-
droits de ses œuures; il n'y a point de
doute que la dance immoderée ne
puisse rendre les femmes infecondes:
car puis qu'Hippocrate mesme asseu-
re au 2. liure de la diete, que la pro-
Les dances immode-
rées cau-
sent la ste-
rilité à
plusieurs
femmes.

menade a quelque chose de violent en soy : Que dirons-nous des dances de la plus-part des femmes d'aujour-d'huy, lesquelles, tant s'en faut qu'elles soyent conformes aux preceptes de santé, & au compas de la modestie, comme celles des Lacedemoniens, qu'au contraire elles ressemblent aux mouuemens lassifs & infatigables des Corybantes & Menades de jadis ? Certes ie trouue par les authoritez & raisons suyuanes qu'elles sont les vrayes promotrices de sterilité. Et premierement Hippocrate au liure des articles dit, que comme le trauail & l'exercice sont fort propres aux parties exterieures du corps, & le repos nuisible ; qu'aussi ceux-là sont grandement preiudiciables aux visceres internes, & celuy-ci ami & naturellement agreable. Or on sçait assez que la matrice est vne des principales parties interieures du corps
femi

feminin , voire la premiere pour le regard de la generation; de sorte que la dance ne luy peut estre que dangereuse & nuisible, (principalement quand elle se trouue pleine de semence animée) si elle n'est faite à propos; car les femmes mesmes sçauent que les veines & les ligamens qui attachent l'embryon à leur matrice par vne plus que merueilleuse façon, sont si tendres & si delicats , non seulement au commencement, mais aussi tout du long de leur grossesse , que bien souuent ils se rompent en faisant vn faux pas tant seulement, ou en esternuant, ou en vomissant. Et partant il ne se faut pas estonner si nous voyons plusieurs femmes qui ayans esté souuent enceintes tombent en vne miserable & irremediable sterilité, pour s'estre delectées à la dance sans mesure & discretion lors qu'elles estoient grosses. Que si elles me rede-

mandent la raison de telle calamité, ie la leur expliqueray en bref, & leur diray, que comme les vents impetueux abbattent facilement les fruiçts tendres & nouveaux naiz, qu'aussi ce mouuement violent & badin qui ebranle tout le corps, desracine fort aisément l'embryon contenu dans leur matrice; d'où s'en ensuyt, qu'elle ayant prins le train de poser son fardeau de si bonne heure, continuë par apres en mesme temps d'en faire de mesme, lors qu'elle est derechef remplie; & ce suyuant le naturel des choses qui n'agissent que par inclination naturelle. D'auantage Hippocrate autant esloigné de la cognoissance du vray Dieu, comme consumé en l'intelligence & experience de la Medecine, fait mention en ses Epidemies d'une certaine femme qui auorta pour auoir sauté deux ou trois pas en arriere par son peu sage conseil.

D'où

D'où on peut argumenter du moindre au plus grád, & dire, Que les dances grotesques auxquelles plusieurs femmes de ce temps s'addonnent, sont capables de faire beaucoup plus de mal que cela, voire d'introduire la sterilité dans les champs! féminins pour feconds qu'ils puissent estre.

Pour le regard du trop aller à cheual, la partie negative de la question proposée, semble estre totalement favorable pour les hommes: car Aristote escrit en la 4. section de ses Problemes, que ceux qui vont souuét à cheual sont grandement luxurieux; d'autant (dit-il) que la continuelle confrication qui se faiét de leurs parties naturelles contre la selle de leurs cheuaux, excite la chaleur naturelle & les esprits generatifs, eschauffe le perinée ou entrefesson, & les muscles qui seruent à l'erection; comme aussi les reins & lombes, esquels selon le

le dire de S. Ierosme, reside particulierement la luxure; & partant, les entretient tousiours en cest appetit amoureux. Et les femmes d'Italie, (& en particulier celles de Naples) sçauent par experience que le dire d'Aristote est vray, notamment depuis le temps qu'elles furent si bien seruies par nos Caualliers François au siege & prinse de leur ville qui arriua en l'an 1495. sous le regne de Charles huitiesme. Ce nonobstant nostre diuin Hippocrate, & plusieurs autres avec luy, soustiennent avec raison l'autre partie, qui est l'affirmatiue de ceste question, contre l'opinion d'Aristote, & de tous les autres qui sont de son opiniõ. Car alleguant les causes principales de la sterilité ou impuissance des grands qui estoient en Scythie de son temps; il escrit en son liure des eaux, des lieux, & de l'air, que le trop aller à cheual en estoit vne des principales

pales (& adjouste que ceux qui estoient de basse condition, & qui n'auoyent pas dequoy aller ordinairement à cheual, estoient beaucoup plus fertils & feconds qu'iceux) & de faict, ie ne fais point de doute que tel exercice estant immodéré ne ruine à la longue les forces des lombes, des reins, & des parties spermatiques, ainsi qu'a tres-bien remarqué du Laurens, premier Medecin du feu Roy Henry le Grand au 8. liure de son Anatomie. Et iacoit qu'il en rende quelques-vns tels que veut Aristote, ce neantmoins i'estime qu'il s'en trouue cent pour vn des autres qui en deuiennent effeminez & impuissans à la longue, & notamment ceux qui sont grandement humides, ou qui sont sujets aux fluxions de l'espine du dos, ou qui se mouchent d'ordinaire, ou qui sont naturellement begues. La raison est, que tel

exercice affoiblit leurs parties naturelles, & partât les rend plus susceptibles desdites humeurs superflues, lesquelles s'esmeuvent, & ne se dissipent pas, ains estans attirées en trop grande abondance sur icelles, les enveloppent bien souuent dans des longues & ennuyeuses intemperies, qui les meinent insensiblement dans vne incurable sterilité. C'est pourquoy il est bon que les hommes & les femmes, & notamment ceux & celles desquelles la fecondité est grandement importante à quelque illustre famille, ruminent & digerent diligemment cet aduis salutaire. Et que celles-cy estans deuenuës enceintes, & sçachans combien il leur en couste d'auoir trop dancé, se dispensent entierement de tel exercice, ou autre semblable en violence, imitent la coustume des femmes Israëlitès, & particulièrement de Saincte Elizabeth,

beth , femme du Prophete Zacharie, & mere de Sainct Iean Baptiste, de laquelle il est dit en Sainct Luc; Qu'estant deuenue enceinte cōtre sa creance, elle se cacha par l'espace de cinq moys; & finalement taschent d'observer les preceptes que nous leur donnerons cy-apres, moyennant l'aide de Dieu. Et que ceux-là d'autre part se seurent & s'exemptent peu à peu de la chasse des bestes pour s'adonner legitimement à la recherche des hommes, c'est à dire, à la multiplication de leur famille, apres laquelle leurs sujets & amis belettent d'impatience. Ou autrement qu'il soit permis de leur dire librement, & à peu pres, ce que quelques Lacedemoniens dirent à vn de leurs Roys, selon le tesmoignage de Plutarque : car ceux-cy voyans que ce Roy au lieu de bien & deüctement cultiuer sa femme , qui estoit vne fort belle Prince

esse,

cesse, s'addonnoit à d'autres exercices inutiles & non salutaires; ils se hazarderent de luy dire vn iour en public par forme de risée: *Embrasse bien, ô Roy, ta gentile Chelidonide*, (tel estoit le nom de cette Reyne) *& nous engendre de beaux enfans à Sparte*, sans t'amuser à des exercices indignes de toy, & grandemēt preiudiciables à ta santé.

Il ne faut pas oublier d'insérer en ce lieu quelques humeurs & excréments ou mal retenus, ou mal vuidez: d'autant qu'en l'une & l'autre façon ils causent bien souuent la sterilité aux femmes. Et premierement pour le regard de la suppression & du défaut de leurs moys, nous remarquerons après Hippocrate en son liure des femmes steriles, apres Aristote au 7. liure de l'histoire des animaux, & apres Plin au chap. 15. du 7. liure de son Histoire naturelle, que ce n'est pas chose nouuelle de voir celles qui
n'ont

n'ont iamais eu leurs moys, estre steriles & infecondes: car si le sang menstrual est principalement destiné par la Nature pour la nourriture de l'embryon dans la matrice, il est tout evident que venant à desfaillir, la conception ne s'en peut ensuyure. Ioint que la semence de l'homme se doit necessairement seruir d'iceluy pour la fabrique de l'homme mesme, ainsi que Galien le confirme euidentement au 2. liure des facultez naturelles, chap. 3. disant que la semence de l'homme est comparée au Statuaire Phidias, comme premier & principal artiste de la generation; & le sang menstrual à la cire, ou au bois, duquel Phidias auoit accoustumé de se seruir pour représenter vn homme au vif. Si doncques ce sang vient à manquer, il n'y a point de doute que la sterilité ne succede incontinent. Voire-mais, dira quelqu'un, qu'est-il Obiectio.
de

de besoin que les menstrues coulent aux femmes tous les mois, pourueu qu'elles ayent assez de sang dans le corps & dans la matrice pour la conception, & pour la nourriture de l'embryon, depuis qu'il y en a plusieurs qui conçoient tous les iours sans qu'elles ayent iamais veu leur

Response. chemise rouge? A cela ie responds premierement que toutes, ou la plupart de celles à qui les mois ne fluent point, manquent en quantité de bon sang pour le regard de la generation: car il ne suffit pas qu'elles ayent beaucoup de sang dans leurs grandes veines, si au prealable les vaisseaux spermatiques & vterins n'en sont fournis & de reste: que si d'autre part ils en sont par trop remplis, sans que le superflu s'escoule hors de la matrice tous les mois, il leur arrive vn autre inconuenient, selon le dire d'Hippocrate au liure preallegué, sçauoir

uoir est, qu'elles ne peuuēt pas retenir la semence virile, ny moins encore l'enfant quand il y est, à cause de la trop grande compression desdits vaisseaux tumefiez. Et au contraire, toutes celles qui en ont à suffisance ont tous les moys leur chemise rouge, d'autant que la Nature soigneuse de la propagation humaine y porte beaucoup plus de sang qu'il ne seroit de besoin, dont s'en ensuit l'excretion menstruale; ladite Nature se contentant de la meilleure portion d'iceluy, & reiectant le reste comme excrement superflu; là où celles qui sont defectueuses en ce poinct-là, ne la peuuent auoir en aucune façon. Et partant il est necessaire qu'elles soyēt sujettes à esclorre cette fleur tous les moys, si elles veulent auoir du fruit tous les ans. En apres, ie dis que c'est ou vne chose extraordinaire & inusitée à la Nature de produire des fem-

mes

mes fecondes, fans qu'au prealable elles n'ayent cette venuë tous les moys, ainsi que nous auons remarqué cy-dessus. Ou bien que lescdites femmes n'ont iustement de sang que ce qu'il leur en faut pour la nourriture de leur corps, & pour la conception, fans qu'il leur en reste rien au bout du moys pour faire rougir de honte leurs chemises. Et en ce cas-là il pourroit estre qu'elles fussent, ou peussent estre fecondes sans l'apparition de leurs moys, comme cela arriue parfois à quelques vnes, quoy que bien rarement.

D'autre part, il se faut souuenir que celles qui les ont trop frequens, & qui ont tousiours leur nature moite & coulante comme la mousse d'un rocher cauerneux, courent la mesme risque de sterilité que celles qui ne les ont du tout point, d'autant que le trop est autant ennemy de la generation

ration que le trop peu loint qu'il est tout euident que telles & si frequentes pertes de sang espuisent la plupart des veines feminines, d'où s'en ensuit que la vertu conformatiue ne peut pas trauailler à l'œuvre merueilleuse de la conception à faute de coadiuteur, c'est à dire, à faute de sang prouenant de la femme, sans lequel aussi elle ne peut fournir à l'appointement durant le congrez, ou si elle fournit pour la conception, elle ne peut nourrir la chose conceüe.

Mais que dirons-nous, ou que ne dirons-nous pas de l'autre excrement vtile & voluptueux, tant aimé des femmes, touchant le sujet present? Certainement nous pouuons asseurer avec tous les Medecins, tant Grecs, Arabes, que Latins, que soit que les femmes n'en ayent que peu ou point, comme il s'en trouue quelques vnes, (lesquelles à vray dire ne sont que

demy-femmes) ou soit qu'en ayant beaucoup elles le retiennent par trop, ou le perdent trop souvent ; qu'en l'une & l'autre façon il leur peut causer une longue & fâcheuse sterilité: car pour les premières il est notoire qu'elles ne peuvent concevoir en façon quelconque , depuis qu'elles n'ont pas dequoy fournir la moitié de ce qui est nécessaire pour la parfaite fabrique de l'homme: joinct que leur semence (qui tient lieu de patient, & de matiere en l'action de la generation) venant à manquer, l'agent, ou l'efficient, à sçavoir, la semence de l'homme, est frustré de sa fin, ne plus ne moins qu'un bon Statuaire à faute de bois, ou de marbre.

* Cette
Impera-
trice es-
toit fem-
me d'Hen-
ry III.
Empereur
d'Alema-
gne.

Quant aux secondes, il n'y a point de doute que si elles demeurent à tousiours-mais pucelles dans le liét conjugal, ou par la continence de leurs maris, comme l'Imperatrice * Kuningunde;

gunde; ou pour n'auoir point de porte au deuant de leur maison, comme quelques vnes disgraciées; ou pour estre par trop floüettes & de petite vigueur, comme beaucoup d'autres: il n'y a point de doute (dis-ie) qu'elles ne meurent steriles, & sans laisser femme pour femme, indiuidu pour indiuidu. Car comme l'effusion de la seule semence de l'homme est inutile pour la conception, aussi la retention de celle de la femme mariée est odieuse, depuis qu'elle rend son mariage infructueux. Bref, les dernieres (qui sont en beaucoup plus grand nombre que les premieres) courent à bride abattue au mesme malheur que les premieres, & les secondes. Et croyans que les frequentes & souuent reïterées coruées amoureuses leur feront trouuer ce qu'elles cherchent, tant s'en faut qu'elles viennent à bout de leurs desirs, qu'au

contraire elles se confirment & se plongent d'avantage dans leur sterilité: la raison est, que par vne trop frequente vuidange de matiere seminale elles espuisent tous leurs esprits generatifs, (ainsi que le confirme Auicenne, disant que tant l'homme que la femme en perdent plus en vne goutte de semence qu'en quarante gouttes de sang) dont s'en ensuit leur incapacité & impuissance à la conception; & qui plus est se rendent tellement lasciuës & impudiques, qu'elles ouurent la cuisse à tout venant, ainsi que dit le Prophete. Or est-il que Nicolas Leonicensus, & plusieurs autres avec luy, soustiennent que telles femmes ainsi mal-nées ne peuvent iamais conceuoir; & dit que comme la sterilité meine quasi tousiours en croupe la lubricité, qu'aussi celle-cy cõfirme d'avantage celle-là: ce qui n'arriueroit pas si elles se con-

ten

tentoyent de leurs maris , & qu'elles
vesquissent en chasteté matrimo-
niale, en laquelle sans doute Dieu les
exauceroit en priant , & patientant,
comme il a autres fois exaucé la mere
de Samson , la mere de Saint Iean
Baptiste , Rachel , & plusieurs autres
semblables. Mais la corruption de ce
sicle est si grande , que la plus-part
des femmes aiment mieux estre mises
au nombre des Faustines que des Lu-
creces, lesquelles preferans la sensua-
lité aux Commandemens de Dieu,
souhaittent tous les iours que la loy
de Solon , ou la loy des douze Ta-
bles soit remise en vogue, & reprenne
sa premiere vigueur , à fin qu'il leur
soit permis de chercher des enfans là
où elles en trouueront , & qu'il ne
tienne pas à elles que la maxime de
la Cour ne soit veritable , à sçauoir,
*Que iamais galante femme ne mou-
rut sans heritier.*

Il y a aussi quelques affections de l'ame qui peuvent causer la sterilité aux femmes, comme la lubricité de laquelle nous auons desia parlé; la ialousie, la haine coniugale, la tristesse, & autres semblables: mais nous n'auons pas resolu d'en parler plus amplement, à fin d'eiter prolixité, nous contentans de dire en peu de paroles qu'il n'appartient qu'aux femmes mal-nées de se laisser piller & mastigner à ces passions, & que celles qui sont vertueuses & vraiment Chretiennes les peuvent, & les doiuent facilement maistriser & fouler aux pieds, à celle fin qu'elles viuent heureuses, & qu'elles soyent sauuées en engendrant paisiblement des enfans à leurs maris, si Dieu l'a ainsi ordonné.

L'autre membre des causes externes de la sterilité feminine est de celles que nous auons desia appellées occultes, & qui sont incognoissables à nos

à nos sens, telles que sont les charmes, les influences celestes, & les medicamens, ou poisons prins par la bouche. Quant aux premieres, ceux qui ont voulu prendre la peine de lire exactement la Demonomanie de Bodin, le Mailliet des Sorciers, & le liure du Iesuite Del-rio, sçauent de certaine science, que comme le malin Esprit, ennemy iuré du genre humain, & executeur de la Iustice & vengeance Diuine, priue les vns de iugement & de raison, donne la paralysie; ou quelque autre estrange maladie aux autres; met la discorde entre le pere & le fils, la mere & la fille, le frere & la sœur, ou fait quelque autre chose semblable pour la ruine de l'homme, lors qu'il plaît à Dieu luy lascher la bride, & luy permettre de se seruir du detestable ministere des Sorciers & Sorcieres; qu'aussi par la mesme puissance con-

cedée, non seulement il rompt & des-
membre les volontez des maris &
des femmes, mais aussi les priue to-
talement de la vertu generatiue; voi-
re, qui plus est rend le mary impuif-
sant pour le regard de la femme, & la
femme sterile pour le regard du mary
tant seulement, & les engage dans
l'adultere, apres lequel ils sont autant
acharnez comme ils haïssent la con-
ionction legitime. Ce qui arriua il y
a quelques années à deux de mes
amis qui sont morts du depuis, les-
quels brusloyent d'incontinence
estans aupres de leurs voisines, &
estoyent plus froids que glace, & plus
insensibles que marbre aupres de
leurs propres femmes, quoy que bel-
les & de bonne grace. Ce que nous
lisons aussi estre aduenu à Theodoric
Roy de France, selon le rapport de
Paul Emile; & à Pierre II. Roy d'Ar-
ragon, ainsi qu'il se peut voir dans
Dupreau.

Dupreau. Touchant les secondes qui sont les influences celestes, la plupart des Astrologues aduoüe que nulle femme ne sçauroit conceuoir durant la conionction de Mars & de Saturne, non plus que sous l'aspect de plusieurs estoiles qui sont de leur nature. Ioinct que les Genethliaques, ou faiseurs d'horoscope, assurent que tandis que la Lune est ez signes du Belier, des Gemeaux, de la Vierge, & de la Balance, les conionctions maritales sont infructueuses, & ne portent pas coup; mais qu'elles sont grandement secondes durant que la mesme Lune roule par les signes du Taureau, de l'Escreuice, du Scorpion, & du Sagittaire. Et pour les derniers qui sont les alimens, ou medicamens prins par la bouche; on sçait assez qu'il ne s'en trouue que trop pour exercer le pernicious esprit de ceux qui se delectent à estre consors du

Diabie, c'est à dire, ennemis de la propagation humaine, & qui font profession expresse ou de rendre les femmes steriles, ou les hommes impuissans, ou de tuer les hommes & les femmes avant qu'elles soyent au monde. Voylà pourquoy nous ne sommes pas resolu d'en alleguer aucun d'iceux, à fin qu'on ne nous croye pas estre du nombre de ceux qui diuulguent le mal, non pour le reprendre & le haïr, mais bien plustost pour luy donner credit, & pour l'authoriser.

Bref, les causes externes, & non necessaires de ce mal, sont toutes celles desquelles les femmes se peuvent facilement garder, mesme en pleine santé, telles sont les lourdes cheutes, les dances immoderées desquelles nous auõs desia parlé, l'odeur des lampes esteintes, laquelle estant capable de les faire auorter, selon le
dire

dire d'Aristote, leur peut aussi causer vne incurable sterilité, ne plus ne moins que la vapeur de la corne du pied de mule, & autres semblables. Item l'usage de quelques eaux, bains, & estuues: car l'Historien Solin fait mention de deux fontaines qui estoient en Sicile, l'une desquelles faisoit porter des enfans aux steriles, & l'autre rendoit steriles celles qui en portoyent. Je ne veux pas oublier d'adiouster le port des habits par trop estroits & resserrez, qui ne sont aujourd'huy que trop familiers à la plus-part des femmes, mesme de celles qui sont enceintes; & lesquels venans à comprimer extraordinairement l'estomach, le ventre inferieur, & par consequent la matrice, non seulement les font auorter tout autant de fois qu'elles sont enceintes, mais aussi les rendent infecondes à la longue: d'autant que telle compression

pression empesche la retention de la semence, & fait que la matrice s'habitue à telle excretion. Il y a encore plusieurs autres causes semblables, desquelles nous ne parlerons pas d'avantage, ou parce que nous les auons comprinses sous celles que nous auons appellé non naturelles, ou parce qu'elles ne sont pas necessaires, & partant euitables sans conseil.

Reste maintenant à examiner & anatomiser briuelement les causes internes de ce symptome feminin, & les reduire sous trois chefs principaux: le premier desquels comprendra celles qui ont leur siege dans le corps des femmes. Le second celles qui sont propres & particulieres à leur matrice. Et le troisieme les dernieres qui prouiennent par la faute de leurs maris. Quant aux premieres nous sçauons qu'elles sont ou antecedentes, ou conioinctes, ou maladies pro

proprement appellées telles. Les antecedentes sont toutes humeurs intemperées & peccantes en quelque façon que ce soit, lesquelles sont ou dedans, ou dehors les veines, & qui ont cette aptitude d'engendrer mediatement la sterilité, comme les conioinctes immédiatement aussi bien que les maladies: car tout ainsi que la pituite, la cholere, & la melancholie qui pechent ou en quantité, ou en qualité, causent presque toutes les autres maladies des femmes: aussi il n'y a point de doute qu'elles n'engendrent & ne fomentent leur infcondité. Et de faict nous voyons que celles qui ont trop de sang ne portent iamais guieres leurs enfans à terme; que celles qui sont cacochymes n'engroissent iamais si facilement qu'apres qu'elles ont esté purgées; & que celles qui sont fujettes à vne certaine espece de fleurs blanches qui
sont

font impures & malignes, ainsi que nous verrons cy apres, viuent en perpetuelle sterilité: ioinct que telles humeurs leur engendrent vne semence de mesme nature, c'est à dire, impure en sa substance, excessiue en ses qualitez, & par consequent incapable de conception. Les conioinctes sont les mesmes humeurs qui produisent immediatement ce symptome comme toutes autres maladies, iacoit que Galien prenne bien souuent les vnes pour les autres, c'est à dire, les conioinctes pour les antecedentes, & les antecedentes pour les conioinctes. Bref, les maladies qui causent ce mal font en general ou similaires, ou organiques, ou communes: de toutes lesquelles nostre intention n'est pas de discourir pour le present, nous contentans tant seulement de traiter des causes & des maladies les plus ordinaires qui l'engendrent & l'entretien

retiennent, & particulièrement de quelques vnes de celles que nous auons dit auoir leur siege dans la matrice, telles que sont les quatre intemperies, les flatuositez & humeurs impures qui font fortir la matiere genitale receüe; le trop de graisse, ou trop de maigreur qui luy arriue bien souuent; la durté, & degistement qui arriue ou en son col, ou en son corps propre; les vlceres qui l'affligent frequemment, selon le tesmoignage d'Hippocrate au 5. liure des maladies populaires; & finalement les abcez, scyrrhes, erysipeles, & autres tumeurs contre Nature qui ont accoustumé de desbaucher sa vertu generatiue. Quant à celles qui prouiennent des maris nous les esplucherons cy apres, & les deduirons par le menu au Chapitre suyuant, moyennant l'aide de Dieu, d'autant que c'est le vray lieu où elles demandent d'estre expliquées.

*Des causes de la sterilité respectiue
des femmes.*

CHAPITRE IX.



HOMME est de telle nature, qu'il est perpetuellement porté non seulement à cacher ses vices & imperfections, mais aussi tousiours prompt & appareillé à les reietter sur autrui, comme s'il ne sçauoit pas bien qu'elles naissent & meurent avecques luy, ne plus ne moins qu'une autre portion de soy-mesme: cela se remarque principalement en ses actions importantes tant morales que naturelles, & notamment en celles-cy. Car comme ainsi soit qu'il s'estime à bon droict le plus noble & le plus glorieux de tous les animaux, il repute à grand deshonneur d'auoir en soy quelque chose qui le rende indigne

indigne de son excellence. Or il est certain qu'il n'y a rien qui rauale & aneantisse plus sa gloire que l'impuissance de produire son semblable; estant tres-certain, selon le tesmoignage d'Aristote; que c'est la plus parfaicte & la plus asseurée marque de son imperfection: qui me fait croire que Diogenes le Cynique auoit quelque raison de dire aux Atheniens (qui le surprindrent publiquement avec vne garce) que par les loix diuines & humaines ceux qui sont inhabiles à la generation doiuent estre mesprizez, ne peuuent paruenir à aucuns offices, perdent les alliances des Grands; & finalement sont tenus comme monstres, imparfaits & defectueux.

Cela est cause qu'en tous mariages steriles & infeconds le mary reiette (& bien souuent à fausses enseignes) les causes de son impuissance sur la

femme; & la femme les causes de son infécondité sur le mary, sans qu'ils vueillent confesser l'un à l'autre leur propre défaut; qu'au contraire nous voyons qu'ils aiment beaucoup mieux (ie parle de quelques vns) s'exposer impudemment à un congrez iudiciaire & honteux, que de recourir premierement à Dieu qui oste & donne la fécondité quand il luy plaist; puis après aux Medecins experts & secrets, qui pourroyent facilement remedier à leur mal, & leur faire voir quelque fruit de leur labeur, moyennant qu'ils se rendissent obeïssans à leurs remedes. Et d'autant que par les loix diuines & humaines les femmes sont, & doiuent tousiours estre sujettes à leurs maris, il arriue bien souuent que ceux-cy abusans de leur autorité maritale tourmentent & mal-meinent leurs femmes, les accusans à tort de sterilité, encore qu'ils

qu'ils sçachent qu'eux-mesmes portent la cause de leur propre malheur. C'est pourquoy i'ay deliberé en ce chapitre d'exposer & mettre au iour l'innocence de telles femmes, & faire confesser à leurs maris que ce sont eux seuls qui portent la marotte: ce que nous ferons facilement en confrontant & espluchant le temperament & general & particulier des vns & des autres, & notamment celuy des hommes, que nous estimons estre la principale cause de cette sorte de sterilité, laquelle pour ce regard quelques vns appellent sympathique, & d'autres encore Respectiue, à cause du respect ou relation qu'il y a en icelle de la part du mary qui en est le principal mouuant; iagoit que la femme y contribue aussi beaucoup de sa part. Il faut doncques poser pour fondement; que tout ainsi que l'homme & la femme mariez ensem-

ble ne peuuent estre que bien fecondes & fertiles, s'ils sont doüez d'une bõne & loüable temperature; qu'aussi les mesmes se trouuans d'une temperature diametralement contraire ne peuuent estre que steriles & infeconds: car encore que Galien & tous les Naturalistes tiennent pour inuiolable, que tout ce qui est temperé est semblable en quelque façon, & tout ce qui est semblable est incapable d'agir; & que partant l'homme & la femme estans tels ne peuuent pas estre feconds, n'y ayant en eux aucune contrariété, sans laquelle il est impossible d'agir, c'est à dire, d'engendrer, selon le tesmoignage d'Aristote; ce neantmoins nous disons que nostre maxime subsiste tousiours, & que nostre dit fondement demeure ferme sur son cube de verité. La raison est, que nous n'entendons pas de parler d'une conformité de

de

de temperature entiere, exacte, & de poids egal; mais bien plustost de celle, en laquelle se trouue quelque petite contrarieté: car iacoit qu'il se trouue plusieurs mariages esquels l'homme & la femme sont bien & deüement temperéz, si est-ce qu'il ne faut pas croire que tels temperamens ne soyent en quelque façon contraires entre eux, veu qu'autre est le temperament de iustice (& non de poids qui est imaginaire) qui est particulier à l'homme, & autre celuy qui est attribué à la femme; ainsi que scauent tres-bien tous nos Physiologistes; & toutesfois telles personnes ne restent pas d'estre réputées bien temperées, & par consequent fertiles & fecondes. En apres nous disons qu'il n'est pas necessaire que tous ceux qui sont feconds soyent douëz d'une semblable temperature, car au contraire on void ordinairement

estre vray ce que dit Galien en ses
Cōmentaires sur le 5. liure des Apho-
rismes d'Hippocrate, à sçauoir, que
les maris & les femmes qui sont me-
diocrement contraires en leur tem-
perament ont leur maison toute
pleine d'enfans. J'ay dit (mediocre-
ment) d'autant que ledit Galien au
mesme lieu dit & assure que si telle
contrariété est extreme en eux, ils ne
peuvent estre feconds en aucune fa-
çon. De sorte que pour empescher à
l'aduenir qu'aucun mariage ne soit
infructueux, ie trouue qu'il est neces-
saire à ceux & à celles qui se veulent
marier de se ioindre avec des per-
sonnes qui soyent ou bien temperées
du temperament de iustice, ou me-
diocrement contraires à leur propre
temperament: & par ainsi que les
hommes qui sont chauds & prompts
à l'esperon, s'allient avec des femmes
froides & humides; & les femmes qui
sont

sont froides & humides avec des hommes chauds, prompts & capables de bien faire. Item que ceux qui sont froids, secs, & sans humeur radicale se marient avec celles qui sont chaudes, humides, & qui ont de reste de fécondité: car par ce moyen il n'en peut resulter qu'une conionction féconde & heureuse. Et voylà pour le regard de la contrariété ou conformité du temperament vniuersel de l'un & de l'autre sexe.

Mais à fin que nous descouvrions encore plus particulièrement auquel des deux, c'est à dire, ou au mary, ou à la femme, cette sorte de sterilité est attachée; il faut sçauoir que tant l'un que l'autre doit auoir en soy cinq choses qui le fassent discerner d'avec ceux qui sont entierement impuissans & steriles. La première est, qu'ils ayent leurs membres generatifs avec toutes leurs qualitez requises. La se-

conde, qu'ils foyent naturellement & volontairement portez à l'action generative, & qu'ils sentent en eux des esmotions & chatouillemens de concupiscence. La troisieme, qu'ils foyent munis d'une assez loüable quantité de bonne matiere pour mieux bâtir leur semblable. La quatrieme, que leur dite matiere & membres generatifs ayent une certaine proportion en leurs qualitez, figure, & situation. La cinquiesme, qu'ils foyent seconds & fertiles, c'est à dire, qu'ils ayent en eux ce caractere & cette faculté de pouuoir engendrer leur semblable: car iacoit qu'il semble que cette dernière depende des autres quatre, & soit comme l'effect d'icelles, si est-ce que nous l'aüons voulu recenser à part, d'autant qu'il y a beaucoup d'hommes & de femmes qui possedans les quatre premieres ne laissent pas pourtant d'estre steriles ne plus

ne

ne moins que mulets & mules, au
defaut de cette cinquieme qui est la
perfection de toutes les autres. Main-
tenant d'une chacune de ces cinq
conditions ie tire vn argument con-
traire pour la verification des causes
prochaines & conioinctes de cette
sorte de sterilité; & premierement ie
dis que si le mary est chastré, euiré,
ou effeminé en quelque façon que
ce soit, & que la femme aye ses par-
ties naturelles bien faictes, le mary
seul sera la cause de la sterilité de la
femme. Que si au contraire la fem-
me se trouue du nombre de celles
que nos Prouençaux appellent dis-
graciées, c'est à dire, qui ont leur con-
duict naturel bouché, (comme il
s'en trouue quelques vnes) & que le
mary soit bien appointé d'autre part,
la femme sera cause de sa propre ste-
rilité, & non le mary. Secondement
ie soustien que celuy des deux qui

fera froid & maleficié, & qui se trou-
uera insensible aux aiguillons de
l'amour, sera la seule cause de la steri-
lité de sa compagne, encore qu'elle
soit de la qualité requise: la raison
est, que l'homme & la femme sont
incapables de cette action genera-
tive, si au préalable la volonté ne les
y pousse, mais encore plus l'appetit,
comme estant celuy qui tient le haut
bout es sens extérieurs, & notam-
ment au sentiment de l'attouche-
ment, duquel ou la douleur, ou la vo-
lupté sont inseparables, selon. le dire
d'Aristote au premier liure de l'Ame.
Je n'entends pas neantmoins que l'un
ou l'autre passe les bornes d'un appe-
tit mediocre, ordinaire & coniugal.
car autrement l'un fomenteroit la
sterilité de l'autre, n'y ayant point
d'action qui soit plus promotrice
d'infecundité que la lubricité & l'in-
satiabilité Veneriëne, ainsi que nous
auons

auons fait voir cy dessus en rapportant l'histoire d'Henry VIII. Roy d'Angleterre, & d'Alexandre de Medicis Duc de Florence; & comme le tesmoigne Aristote au 6. liure de l'histoire des animaux, & Plutarque au 5. liure des opinions des Philosophes. Tiercement i'asseure que celuy des mariez, qui en l'action de generation ne fournira pas de son costé la quantité de la matiere requise pour la fabrique d'un homme, sera iugé estre la cause de la sterilité de l'autre, quoy qu'il fournisse de sa part. Car tout ainsi qu'un masson, pour habile qu'il soit, ne peut bastir aucun edifice sans pierre & sans attraiet; aussi l'homme & la femme ne scauroyent engendrer vne tierce creature qu'ils ne fournissent du leur tout autant de semence qu'il en faut pour la conception, ainsi que nous auons desia dict. En quatriesme lieu i'affirme, que
si leur

si leur dite matiere spermatique, & tous leurs membres dediez à la generation ne sont proportionniement temperez de la façon que nous auons dict au commencement de ce chapitre; celuy des deux qui les aura autrement, c'est à dire, ou trop chauds, ou trop froids, ou trop humides, ou trop secs & arides, doit estre estimé causer la sterilité à l'autre, encore qu'il soit sain & temperé pour sa part. Item si l'homme a son membre ou trop court, ou trop long, trop gros, ou trop petit, ou recourbé en faucille, ou finalement paralytique, il ne faut point douter qu'il ne soit la cause de la sterilité de la femme: car le trop court ne peut pas porter la matiere seminale iusques là où il faut pour estre retenuë par la femme, & quant & quant reduicte de puissance en acte par cette admirable & merueilleuse action que nous appellons

conce

conception. Le trop long, outre qu'en iceluy la semence se refroidit, ne plus ne moins que l'eau d'un bain chaud en un trop long canal; il fait encore un plus grand mal, car il comprime par trop l'orifice interieur de la matrice, & donne des grâdes douleurs à la femme, d'où s'en ensuit qu'elle ne peut pas retenir, qu'elle ne prend du tout point de plaisir à telle action, & que partant elle demeure sterile & infructueuse: voylà pourquoy ceux qui l'ont comme cela font sagement de se servir du bourrelet. D'autre part le trop gros est douloureux, & gaste tout en passât; si que les femmes (qui seroyét bien marries de s'en plaindre, si elles sont saines) ne peuuent ny retenir, ny conceuoir à cause de la trop grande & douloureuse solution de continuité qu'il fait. Le trop petit est desnüé de vigueur & d'esprits generatifs; & est comme un grain de millet

millet en la gueule d'un asne ; & partant inutile & infructueux. Le recourbé ne peut directement ietter la semence auprès de l'orifice interieur de la matrice où se fait cet admirable concours & mélange de la matiere masculine & feminine ; ains arroufant les parties laterales du col de la matrice, fait qu'elle ne pouuant pas tirer à soy ladite matiere pour commencer son bastiment microcosmique, demeure frustrée de son attente, & par consequent infeconde. Bref, le paralytique estant totalement priué de l'influence & de la presence des esprits animaux, vitaux & generatifs, comme aussi de l'erection entièrement necessaire à la fecondité, il cause vne assurée sterilité à celles qui s'en contentent. Que si au contraire la femme contribue vne matiere par trop intemperée tant és qualitez actiues que passives, ou qu'elle aye la ma-
trice

trice trop petite & extenuée, ou pleine de ventositez, ou son orifice interieur par trop dur, ouuert, ou resseré, ou plein d'vlcères & de cicatrices, ou affecté en quelqu'autre semblable façon, ou finalement le col d'icelle oblique & mal situé; il n'y a point de doute qu'elle seule ne soit la cause de sa sterilité, & non le mary: car la semence excessiuement intemperée en quelque façon que ce soit résiste entièrement à la génération, ainsi que nous auons remonstré cy dessus en suite du tesmoignage d'Hippocrate; la petitesse & maigreur de la matrice laisse sortir le fruct à faute de le pouoir bien contenir, sur tout quand il est vn peu grand: La mauuaise situation ou de son corps, ou de son orifice, ou de son col, fait qu'elle ne peut ny receuoir ny retenir la matiere genitale comme il faut; la trop grande ouuerture de son orifice interieur

ouib
empesche

empesche la susdite retention; & celle qui est trop petite, la reception, aussi bien que la matrice vlcérée & pleine de cicatrices. Car comme il est difficile qu'une mouche se tienne sur un verre poly, aussi il n'est pas croyable que la semence virile demeure en un lieu cicatricé, dur & poly; sçachant bien qu'il faut qu'il soit inégal comme un râteau de caille, selon le témoignage de tous les Anatomistes. Quant à la dureté de sondit orifice intérieur, le mesme Hippocrate assure qu'elle empesche l'entrée de la semence. Finalement il n'y a point de doute que là où manquera la cinquiesme condition sus-mentionnée où en l'un ou en l'autre, que celuy-là (dis-je) ne soit la seule cause de la sterilité de sa moitié. Mais d'autant que les causes de son absence & priuation sont fort difficiles à cognoistre & sonder, nous nous contenterons de
dire

dire pour le present qu'on les pourra discerner en quelque façon par la presence & cognoissance des causes qui entretiennent la bonne temperature, & par l'absence de celles qui fomentent tous les maux desquels nous auons amplement discouru cy dessus.

*Des causes de la derniere espece de la Sterilité
feminine, appelée Sterilité pour un temps.*

CHAPITRE X.



NOUS auons à esplucher en ce chapitre les causes de cette forte de sterilité, de laquelle la plus-part des femmes steriles se persuadent d'estre atteintes, ne croyans pas qu'elles doiuent mourir sans laisser ou tost ou tard quelque heritier fortý de leur ventre. Mais pour plus facilement venir à bout de nostre dessein il se faut pre-

mierement souuenir que nos Auteurs establisent deux sortes, ou differences de cette sterilité. La premiere desquelles est celle qui n'arriue qu'aux femmes qui sont trop ieunes, c'est à dire, qui se marient auant l'aage de douze, ou quatorze ans, qui est leur premiere année de fecondité, selon l'opinion de la plus grand' part des Naturalistes. La seconde est celle-là en laquelle plusieurs femmes tombent, partie par leur propre faute, & partie aussi par la violence & durée de plusieurs maladies, ou autres infirmittez naturelles. Quant à la premiere, nous croyons d'auoir assez amplement deduiet les causes cy dessus au commencement du chapitre 8. de sorte que nous ne iugeons pas estre expedient d'en parler d'auantage, de peur de tomber en tant de fascheuses redictes, qui ne pourroyent estre que
desplai

desplaisantes & ennuyeuses aux Dames qui daigneront feuiller ce liure. Il nous suffira doncques pour le regard de la seconde, de dire & declarer qu'elle a diuerses causes qui la fomentent & entretiennent. Car en premier lieu, qui ne sçait que les frequentes blessures, ou auortemens sont la mere nourrice d'icelle, ainsi que nous l'auons enseigné cy dessus, appuyez sur l'autorité d'Hippocrate, de Mercatus, de Christofle Aueiga, & de plusieurs autres? Et toutesfois nous voyons auiourd'huy que plusieurs femmes enceintes cherchent ce mal à credit, lors que s'exerçans imprudemment en toute sorte de dances, & autres mouuemens violens, & ennemis de la vie des enfans qu'elles portent; elles veulent faire accroire à la Nature qu'elle n'y a rien entendu, lors qu'elle les a voulu assujettir à s'exempter des susdites dan-

ces, de l'usage des carrosses, & d'autres semblables exercices immoderez durant leur grossesse. Je ne veux pas nier pourtant qu'il ne s'en trouue plusieurs qui sont robustes iusques là que de supporter aisément tous tels exercices sans se blesser aucunement, mais ie tiens que tant les vnes que les autres pechent grandement contre la Nature, & contre elles-mesmes, en destruisant leur santé; mais plus particulièrement encore celles qui sont delicates, & qui sont sujettes à se blesser pour peu de chose: car Hippocrate assure au troisieme liure des maladies populaires, que telles femmes sont sujettes à vne infinité de maladies, & viuent presque miserablement. Ce neantmoins ie ne doute point que plusieurs femmes sages & modestes ne se puissent souuent blesser iusques à deuenir steriles, non par excez & incontinence comme les
premiere

premieres, mais bien pluſtoſt par indispoſition interieure, ou par cheute inopinée, ou par quelques faux pas: mais ie dis que tant celles-cy que les autres doiuent penſer à elles, & recourir de bonne heure au remede, à celle fin que leur matrice ne ſ'accouſtume pas à ſecoïer en certain temps prefix ce qu'elle porte en ſon eſtomach: car nous auons dict, & diſons encore, que tout ainſi que la Nature ſ'accouſtume au vomifſement en pluſieurs perſonnes, quand on luy laiſſe prendre pied vne fois; qu'auffi la meſme prend à prix-faict ordinaire de faire ſortir l'enfant de la matrice deuant le temps, quand elle y a eſté ſouuent pouſſée par quelque cauſe violente: eſtant tres-certain qu'elle agit, non par conſeil & ſcience, ainçois par inſtinct, ainſi que parlent les Medécins, voire d'une meſme meſure & teneur, quand elle

est vne fois arroutée, ou bien, ou mal; & ne sçait non plus se contenir en telles actions & mouuemens, que ceux qui courent à bride abattuë en quelque sentier panchant.

D'auantage, nos Autheurs, tant anciens que modernes, escriuent que les fleurs blanches causent bien souuent cette sorte de sterilité aux femmes, mais d'autant qu'Hippocrate semble soustenir le contraire tant au 4. liure des maladies populaires, qu'au 2. des maladies des femmes; & après luy Aretæus, Montanus, & plusieurs autres celebres Medecins. Ioint que l'experience nous fait voir tous les iours que ces-dites fleurs n'empeschent point que les femmes qui en sont incommodées ne fassent plusieurs enfans, ainsi que nous auons dit cy dessus au chapitre 4. A ces causes il faut que nous interpretations amiablement les opinions contraires
des

des vns & des autres, à fin que la verité soit en euidence, & qu'on ne croye pas deormais que la Medecine soit vne science pleine d'altercations & contradictions friuoles, & que les difficultez qui se rencontrent en icelle soyent de mesme nature que le nœud Gordien qu'Alexandre coupa avec son espée, ne le pouuant pas desnoier.

Il faut donc sçauoir que cet excrement blanc & impur (que nous appellons autrement fleurs blanches) peut ariuer indifferemment à toute sorte de femmes, mariées, non mariées, mediocremēt ieunes & vieilles, secondes & steriles. La raison est, qu'estans douées d'un temperamment froid & pituiteux, & par conséquent incapables de digerer & consumer la grande multitude des excremens qui s'assemblent, & qui croupissent dans leurs corps; la Nature s'est aduisée de

les pourvoir de la matrice, de laquelle, comme le premier & principal office est la conception, gestation, & enfancement de l'homme; aussi l'autre est l'exclusion & expurgation de tels excremens & immonditez: voilà pourquoy aussi nos Auteurs disent qu'elle est comme l'osseç & l'esgoust de leurs corps. Or ces immonditez sont ou rouges, ou blanches, ou iaunes, ou noirastrès; & tant les vnes que les autres ou chaudes, ou froides. Les rouges sont les plus fréquentes, & les moins dangereuses, voire i'ose dire fort salutaires, moyennant qu'elles viennent vne fois le mois, selon l'ordre admirable que la Nature a estably. Les iaunes, & les noirastrès sont celles qui paroissent moins souuent, mais qui sont les plus douloureuses, selon le tefmoignage d'Hippocrate au 2. liure des maladies des femmes; & d'Aëtius en
son

son 4. liure, chapitre 63. car comme celles-là prouiennent d'une humeur chaude, bilieuse, mordicante, & de couleur de iaune d'œuf; & celles-cy d'une humeur aduste, noire, melancholique, & corrosiue: aussi toutes deux ne peuuent estre qu'incommodes & fascheuses aux femmes. Quant aux blanches, desquelles principalement est question en cet endroit, nous remarquerons que soit que la Nature les renuoye de tout le corps vniuersel dans la matrice, & de là hors du corps pour se garantir de leur oppression; ou soit qu'elles s'amassent dans l'adite partie par sa propre foiblesse, il est certain qu'elles sont ou liquides, ou fereuses comme lait, ou comme le pissat d'un asne, ainsi que parle Hippocrate; ou crasses, purulentes; & fetides comme la matiere qui sort d'un abcez; ou froides, & fluides comme eau; ou finalement

gluantes, chaudes, vlcératiues, & douloureuses comme la matiere qui sort d'une chaude-pisse. Or est-il que comme celles qui sont trop froides & liquides peuuent causer la sterilité par l'impression de leur excessiue qualité, laquelle elles laissent dans la matrice; aussi celles qui sont extraordinairement chaudes, mordicantes, bilieuses, & vlcératiues, peuuent rapporter le mesme mal en dissipant la chaleur naturelle de ladite partie, destruisant la vertu generatiue des femmes, voire en les faisant deuenir tabides & seches comme bois. Mais quand la nature feminine se trouue robuste, & que lesdites fleurs blanches (quoy que coulantes en tout temps, & sans regle) n'ont en elles aucune excessiue qualité qui soit capable de corrompre & pervertir la température de la matrice, dans laquelle bien souuent elles se iournent

vn certain temps : il est certain qu'en tel cas elles ne portent aucun dommage à leur fecondité, non plus que lors que par fluxion tombante tout du long de l'espine du dos elles passent par le col de la matrice tant seulement, & sont euacuées pour le soulagement de la Nature qui en estoit incommodée. De sorte que quand nos susdits Autheurs escriuent que les fleurs blanches entraînent la sterilité féminine quand & elles, nous soustenons que leur opinion doit estre entendue des premieres, c'est à dire, de celles qui sont ou trop froides, ou trop chaudes, & vlcératiues. Et lors qu'Hippocrate dit qu'elles arriuent principalement aux femmes qui ont faict, & font beaucoup d'enfans, que son aduis doit estre expliqué des dernieres, c'est à dire, de celles qui n'ont aucune mauuaise qualité en elles, & qui ne sont autre chose

Explication des passages des Autheurs sus-alleguez touchant les diuers effets des fleurs blanches.

chose qu'une humeur pituiteuse mediocrement froide & fereuse, laquelle la Nature pousse dehors pour se desliurer d'une generale plenitude. Et voylà ce qu'il me semble estre receuable pour la difficulté proposée, & pour la reconciliation des opinions contraires touchant icelle.

Pareillement le trop de graisse, & la trop grande maigreur des femmes ne sont pas des moindres causes de cette sorte de sterilité: car en premier lieu nos Auteurs assurent que là où se trouue excessiue quantité de graisse tant en l'homme qu'en la femme, que là aussi se trouue fort peu de semence qui soit prolifique; d'autant que l'une & l'autre prouiennent d'une mesme matiere, qui est le sang: de sorte que la diminution de l'une presuppose l'augmentacion de l'autre. Non que ie vueille conclurre pourtant, que tous corps gras & pleins
soyent

soyent steriles ; & ce en suite de ce qu'en a escrit Hippocrate au 5. liure de ses Aphorismes : car au contraire i'estime que ceux & celles qui sont en embon-poinct mediocre, & naturellement proportionné, c'est à dire, qui sont nées grasses, & d'habitude quarrée (desquelles aussi il faut croire que parle Hippocrate en ses Aphorismes) sont tres-fecondes, ainsi que l'experiance le nous fait voir ordinairement, & selon le tesmoignage du mesme Hippocrate en son liure de la Superfetation. Mais ie veux dire que ceux & celles qui estans nées maigres & estrillées, deuiennent par apres excessiuement grasses, sont ordinairement steriles pour plusieurs raisons : La premiere est, que la meilleure & la plus grande partie de leur sang se conuertit en graisse, dont s'en ensuit qu'elles n'en ont pas assez pour se nourrir & elles & leur fruit.

La

La seconde, qu'elles ont leurs purgations menstruales en fort petite quantité, qui tesmoigne la defectuosité du sang, sans lequel elles ne peuvent pas concevoir, comme il est tout euident. Et de faict, Hippocrate (lequel nous auons desia allegué cy-dessus sur ce propos) alleguât les causes de la sterilité des femmes des Scythes, met celle-cy entre les premières & principales, & assure que telle defectuosité de sang ne leur arriuoit qu'en suite du peu d'exercice qu'elles faisoient, & pour viure par trop mollement & delicatement; là où leurs chambrières qui estoient nourries dans la peine, & dans vn continuél exercice, regorgeoyent toutes en sang; & partant estoient fécondes comme souris. La troisieme est, que ladite graisse leur comprime tellement la matrice par le moyen de la coiffe, qu'elle ne peut ny recevoir, ny

retenir

Lib. de locis, aëre, & aquis.

retenir la semence comme il faut; ou si elle la retient, ne peut aucunement contenir l'enfant formé en icelle le terme requis, à cause de la petitesse du lieu.

Quant à la maigreur, il faut considérer qu'elle est double, comme nous auons desia dict cy dessus: L'une qui est naturelle & commode, de laquelle nous ne parlons point pour deux raisons: La premiere, qu'elle est souvent coniointe à la fecondité, moyennant qu'il n'y aye autre empeschement. La seconde, qu'elle est inseparable de la sterilité, si elle est extreme, & partant incurable. L'autre est celle que nous appellons estrangere, laquelle est en quelque façon corrigible & guérissable, tant aux hommes qu'aux femmes, moyenant qu'on n'attende pas qu'elle soit tombée en marasme, ou extreme consomptiō des parties solides du corps.

Or

Or que cette maigreur icy resiste à la fecondité feminine il est tout evident & notoire, en ce qu'elle attaque premierement toutes les parties naturelles, & particulièrement le ventre, selon le tesmoignage d'Aristote au 5. liure de ses Problemes, dont ie tire cet argument necessaire : Que puis qu'elle destruit l'embon-point des parties naturelles, telles que sont les muscles du ventre inferieur, la coiffe, la matrice, les veines, les vaisseaux spermatiques, & autres semblables; dans le baume radical desquelles reside la chaleur naturelle, sans laquelle la generation, qui est la plus noble de toutes les fonctions naturelles, ne se peut aucunement faire : que par consequent elle est cause de la sterilité feminine. J'adiouste encore qu'icelle estant ordinairement causée par intemperie chaude & seche, qui est directement

enne

ennemie de la generation , comme vn chacun sçait : il ne se faut pas estonner si elle entraine quant & soy l'infecundité.

A toutes ces causes nous en pouuons encore adiouster quatre autres qui ne sont pas de moindre poids, à sçauoir, la foiblesse naturelle des femmes, & particulièrement de leur matrice; les douloureux, difficiles & perilleux accouchemens; l'infection de quelque enfant qui aura long temps croupy dans la matrice apres sa mort; & finalement quelque mole ou masse de chair qu'elles auront porté plusieurs années.

Quant à la premiere, c'est vne chose assez commune de voir, que tout ainsi qu'il se trouue des hommes foibles, minces & flouïets iusques là, qu'ils n'ont qu'un seul enfant dans le ventre, quoy qu'ils se tourmentent apres leurs femmes naturellement &

amplement fécondes ; qu'aussi il y a plusieurs femmes si delicates, & de si petite complexion, tant en leur corps en general , qu'en leur matrice en particulier, qu'elles ne peuvent porter qu'une seule fois pour viure le reste de leurs iours steriles & infécondes : ce qui est en elles un naturel particulier, selon le tesmoignage d'Hippocrate en son liure des steriles. En quoy elles sont directement contraires à plusieurs autres, qui sans comparaison sont cōme les soufflets des Mareschaux, c'est à dire, aussi tost vuides que pleines , aussi tost pleines que vuides.

La seconde merite bien d'estre reconnue pour telle , car nos Medecins , & les sages-femmes obseruent journellement que celles qui ont de tels accouchemens, tombent en une infinité d'inconueniens, dont le moindre est bien souuent capable de
les

les rendre steriles à tousiours. Ainsi s'il arriue que le col de leur matrice perde sa situation naturelle , & de droict qu'il doit estre, deuienne oblique & courbé en faucille, elles ne peuuent receuoir la semence comme il faut; ou si leur matrice mesme desgistée en son propre corps tombe & sorte avec l'enfant, (ce qui arriue le plus souuent par la brutalité & ignorance des sages-femmes, lesquelles estiment que ce soit l'arriere-faix.) Ou si finalement les ligamens qui la tiennent en raison viennent à se relascher, en sorte qu'ils ne puissent pas retourner en leur premier estat, c'est à dire, retenir la matrice comme deuant; il est certain que deslors elle ne peut pas contenir l'embryon aux grossesses suyuanes.

Pour la troisieme, i'estime que comme la vapeur des boües, ou d'un retraits gasté & altere l'airain & le

cuyure , en les faisant deuenir tous haues ; que de mesmes l'estrange puanteur qui s'esleue d'un enfant mort & pourry dans la matrice dès long temps , peut alterer & corrompre le temperament de ce vaisseau de generation , en sorte que par apres il ne puisse pas estre rendu capable d'une seconde conception.

Finalemēt , la derniere n'est pas moins efficace , veu que toute mole (laquelle selon Galien , n'est autre chose qu'une chair oisive , immobile quant à soy , informe , imparfaicte , & inanimée) croupissant long temps dans la matrice , non seulement rend tabide & seiche comme bois la femme qui la porte , à cause de la grande quantité du sang qu'elle succe ; mais aussi venant à sortir (ce qui ne se peut faire sans grande violence) rompt & fracasse bien souvent les vaisseaux vterins à cause de sa lourde

lourde pesanteur, & partant entraine
quant & soy vne assurée sterilité, sur
tout si la femme se trouue extraor-
dinairement delicate & de rare tex-
ture. Je laisse encore à part plusieurs
autres causes de ce mal, telles que
sont les obstrusions ou opilations,
la suppression des mois, & autres
semblables. La raison est, que nous
ne nous sommes pas proposez de
composer vn Gynæcée tout entier,
nous contentans d'auoir traité suc-
cinctement des causes les plus ordi-
naires & les plus frequentes de la
sterilité des femmes. C'est pour-
quoy nous briserons là pour
passer à la cognoissance
du Symptome, dont
est question.

* *

Des signes de la sterilité des femmes.

CHAPITRE XI.



E diuin Platon en son Sophiste, & apres luy Aristote au 7.liure des Topiques, escriuent que c'est vne des perfections de la sagesse humaine, que de sçauoir bien cognoistre & discerner les ressemblances & dissemblances des choses. Or est-il que parmy les quatre sortes de sterilité feminine, desquelles nous auons parlé, il se rencontre plusieurs choses qui semblent auoir en apparence quelque conformité, lesquelles neantmoins sont grandement contraires. Et d'autres au contraire, qu'on croid estre directement opposées, qui toutesfois sont entierement vniformes & consonantes. Voylà pourquoy nous desirons esplucher par le menu

tous

tous & vn chacun les signes desdites sortes de sterilité, à fin qu'il ne nous arriue pas d'estre trompez en icelles; ains que les ayans bien cogneües nous les puissions aussi corriger tout autant que nostre art le pourra permettre, pour la consolation & resioüissance des femmes qui en sont molestées.

Mais d'autant que nous auons descrit cy dessus au chapitre 7. tous les signes de la premiere sorte qui est naturelle, & incurable, nous passerons au discours des vrayes marques de la secõde, que nous auons appellé maladiue, laquelle on recognoistra facilement si elle prouient des causes externes, ou internes; & prenant la peine de parcourir & considerer tous les signes d'icelles; encore qu'à vray dire, tant les vnes que les autres soyent bien souuent & signes, & causes tout ensemble, selon le tesmoignage de

nos Autheurs. Ainsi nous recognoissons facilement (en commençant par les externes & naturelles) vne femme estre sterile en cette façon; si nous voyons qu'elle soit naturellement maladiue, qu'elle aye quelque partie noble maleficiée, qu'elle soit trop grasse, ou trop maigre, & de mauuaise habitude: car nous auons dict cy dessus, & disons encor à present que celle-là seule est feconde qui est de bonne temperature; qui n'est ny trop maigre, ny trop grasse; qui est bien formée; qui a les lombes & le ventre assez ample, & de bonne largeur; les fesses grosses & bien charnuës, la nature releuée, la poictrine mediocrement estroite, les mammelles mediocrement grosses, & qui en vn mot est de la riche taille. Item si nous sçauons qu'elle soit sujette à l'yurongnerie, luxure, gourmandise, ou à quelque autre semblable vice,

dont

dont le moindre la peut porter à ce malheur. Outre plus, on cognoistra ayfémét si elle est deuenüe telle pour auoir pris quelque medicament tendant à la totale ruine de sa fecondité, si elle l'aduoüe de sa propre bouche, où si elle nomme la drogue (la cognoissant) qu'elle aura prise: Que si s'est par charme, on verra qu'elle fuira sans occasion la compagnie de son mary, ou si elle ne la fuit, elle ne la pourra souffrir, ou si elle la souffre, ce fera avec iniures & imprecations; voire sans aucun effect, pour les raisons cy dessus alleguées. Bref, si quelque autre cause externe & violente a contribué à ce mal, on le recognoistra facilement par le rapport de la femme, ou de ceux qui la seruent.

Quant aux signes des causes internes, on les descouurira fort ayfément en considerant les maladies similaires, organiques, & communes,

desquelles ils sont puisez. Car vne femme qui sera sterile pour estre trop chaude, sera haute en couleur, velüe presque par tout le corps, sans en excepter le menton, prompte en ses actions, cholérique, peu endormie, alterée, sans appetit; aura son poulx fort & frequent, & ses vrines extraordinairement teintes. Au contraire, celle qui le sera pour estre trop froide, aura des marques directement opposees; c'est à dire qu'elle sera palle, aura fort peu de poil, mesmes autour de ses parties naturelles, sera tardive en toutes ses actions, se mettra fort rarement en cholere, voudra tousiours dormir; ne se souciera de boire que bien peu, mangera auidement, aura son poulx lent & debile, ses vrines crues & claires comme eau de roche, & quelquesfois confuses; bref, elle craindra extraordinairement le froid. Que si son sterilité prouient de
trop

trop d'humidité, elle sera lasche & molle en toutes ses actions, aura sa chair mollasse & effeminée, sera grâdement portée à dormir, amassera fort grande quantité d'excrements, tant en son cerueau, poictrine, intestins, qu'en l'habitude de son corps; ce qu'on cognoistra par la trop frequente & importune expulsion qu'elle fera d'iceux en se mouchant, crachant, suant, & allant du ventre; & outre ce se trouuera bien des alimens secs, & non des humides. Bref, si l'intemperature seche est cause de son mal, elle en portera les marques, non seulement en son visage, mais aussi par tout son corps; car elle sera maigre, passe, & extenuée; son poulx sera dur, petit, & frequent, aura la peau dure & aspre comme vn vieux parchemin, amassera fort peu d'excremens, n'aymera guieres à dormir, aura ses humeurs acres & mordicantes,

& se

& se sentira foulagée en prenant des alimens humides.

Voila les signes generaux des maladies similaires qui causent & fomentent ceste sterilité feminine. Venons maintenant à ceux qui nous peuvent mener par la main dans la cognoissance des organiques & communes ; depuis que la sterilité, entant que symptôme , ne peut estre cogneüe que par les signes des causes, c'est à dire des maladies qui la produisent, & non par ceux qu'elle peut produire, veu que nul symptôme ne produit aucun signe entant que tel, estant bien souuent luy-mesme le signe de la maladie qui le produit.

Il faut doncques sçauoir que si la femme (par exemple) a sa matrice petite & extenuée dès sa premiere conformation, elle sera de petite stature, & maigre par tout le corps; voire ne pourra porter son fruiët à terme

(si elle vient enceinte) non pour estre ou imparfaict ou non viable, ains pour ne pouuoir pas estre contenu plus long temps dans la matrice, tant par faute d'aliment, que par la petitesse du lieu qui le contient. Que si elle l'a pleine de ventositez, elle aura le visage plombé, les yeux profonds, & la face cadauereuse; son petit ventre sera tendu comme vn tabourin, sentira des roulemens, & bien souvent des fascheuses douleurs en la matrice mesmes, pissera peu & souvent, à cause de la compression de la vescie, dormira peu, & sera ordinairement triste, & songe-creuse.

Nous auons aussi dit que la durté & closture de son orifice interieur estoit vne des principales causes de son infecondité; parquoy la sage femme la cognoistra facilement en y portant les doigts, lesquels en touchant la partie trouueront vne extraordinaire

ordinaire resistance : i'ay dit extraordinaire, à fin de la distinguer de la durté naturelle, que nous pouuons encore mieux appeller conuience, ou conionction; laquelle Hippocrate attribue audit orifice lors que les femmes sont enceintes; auquel cas elle trouuera la manifeste difference qu'il y a entre l'un & l'autre, & en considerant que celle-là prouient bien souuent d'une membrane qui s'engendre en ladite partie, selon le tesmoignage dudit Hippocrate au liure des maladies des Femmes; & celle-cy (qui est beaucoup moindre) de l'union & conionction admirable des deux labies dudit orifice, lesquelles estant ainsi bien serrées pour la conseruation de l'embryon, representent le museau d'une tenche, ou d'un petit chien de laiët; ainsi qu'ont tres-bien remarqué nos Anatomistes. Que si d'autre part ledit orifice est

est trop large, le mesme attouche-
ment en fera le iuge, en rememorant
aussi les maux passez qui le peuuent
auoir mis en tel estat, comme quel-
que grosse Mole, ou quelque gros
enfant qui l'aye deschiré en passant,
ou finalement quelque grande &
fascheuse fluxion qui l'aye manife-
stement relaché. D'auantage, si la
femme a le col de sa matrice oblique
& mal situé, le mary ne pourra pas
faire son deuoir au contentement
des deux; & la matiere genitale ne
pourra pas estre versée à droicteure
tout contre l'orifice interieur, ains
demeurera infructueuse aux costez
dudit col ou canal; d'où ne pouuant
pas estre tirée pour la conception,
(Notez que la matrice tire par vne
vertu particuliere la semence virile
de son col dans sa propre capacité, ne
plus ne moins qu'un cerf attire un
serpēt du plus profond de son cachot

*Iolie simi-
litude ti-
rée de Pli-
ne & de
l'Histoire
Ælian.*

par

par le seul soufflé de ses narines) il n'y a point de doute qu'elle ne s'escoule dehors ; ioint que la femme mesmes sentira de grandes douleurs tandis que son mary la touchera ; & si la sage mere y porte le doigt, elle sentira manifestement la mauuaise situation de ladite partie. Bref, on cognoistra facilement si la sterilité procede de quelque aposteme, erysipele, ou ulcere qu'elle aura eu dans la matrice, en se rememorant tant seulement les maux qui l'auront pressee par cy deuant ; aussi n'est-il pas besoin de faire vne plus ample perquisition en chose sifensible & si manifeste.

La troisieme sorte de sterilité viét en suite , pour laquelle cognoistre bien & exactement, il se faut souuenir que nous ne l'auons pas appellée sympathique, ou respectiue, sans plusieurs bonnes raisons ; & que partant, ny la femme seule, ny le mary seul, n'en

n'en doiuent pas tousiours estre accusez, ains tantost l'un, & tantost l'autre respectiuemēt, selon qu'ils seront ou bien ou mal disposez: Car on croit communement qu'en tout mariage auquel le mary se trouue mince, flouët, passe, delicat, sans, ou avec peu de barbe, effeminé en ses actions, & la voix gresse. Et au contraire, la femme popine, ieune, de hait, bien seine en apparence, bien membrue & proportionnée en tout son corps, & capable de dire le mot; On croit, dis-ie, incontinent, que le mary seul est la cause de leur commune sterilité, & non la femme. Mais ie diray qu'on se peut grandement tromper en tels signes, si on n'y apporte autre diligence diagnostique, veu que plusieurs hommes sont grandement seconds avec toutes, ou la plus-part de telles incommoditez; & au contraire, plusieurs femmes steriles, avec toutes

telles marques apparentes de fécondité.

Parquoy on pourra librement taxer d'infécondité le mary seul, si la plus-part des marques susdites luy arriuent pour estre chastré, c'est à dire sans genitoires (ie n'entends-pas neantmoins comprendre ceux qui les ont cachez, d'autant que nous sçauons qu'ils sont aussi féconds que ceux qui les portent en dehors.) Item si son membre est deffectueux en grosseur mediocre, en érection, intromission, & éiaculation: ce qui ne se peut mieux descouurir que par sa propre confession, ou par le rapport de sa femme, laquelle il aura ainsi long temps amusee, & miserablemēt abusee, sans qu'il soit besoin d'employer les iuges, pour estre honteusement renuoyé au tiltre *de frigidis & maleficiatis*. Outre plus, si sa semence est excessiue en vne ou plusieurs des
quatre

quatre qualitez principales; & particulieremēt si elle est par trop froide, aqueuse, & coulante comme petit lait. Ce qu'on auerera facilement si en ayant ietté plusieurs gouttes dans vn verre plain d'eau elle vient à s'esparpiller & furnager, sans aucunement aller à fonds: car c'est l'experience d'Hippocrate & d'Oribase, lesquels veulent (& Aristote avec eux) que toute bonne semence virile soit, non seulement blanche, espoisse, & d'odeur de suin ou de iossemin; mais aussi qu'estant iettée dans vn vaisseau plein d'eau fraiche, elle aille incontinent à fonds.

Pour le regard de la femme, il faut principalement peser les infirmittez interieures de sa matrice, sans s'amuser à sa mine exterieure, laquelle est grandement trompeuse, suyuant le dire du prouerbe Prouençal,

*La belle frême ressemble à la castaigne,
Belle de fore, & d'intre la magaigne.*

Voyla pourquoy on remarquera, qu'outre tous les signes susdits, il y en a encore plusieurs autres qui descouurent plus amplement son infecondité; car iacoit que sa trop grande ieunesse ou vicillesse, sa mauuaise couleur, sa constitution maladiue, sa façon de viure irreguliere, ses exercices violens & desreglez, & autres semblables causes, nous soyent quasi comme d'asseurez tesmoins de son infecondité; si est-ce que les seules intemperatures de sa matrice nous en rendent totalement acertioez lors qu'elles excedent le commun. Parquoy, puis que nous auons parlé de celles qui regardent tout le corps, nous sommes d'aduis de mettre en auant les signes des autres qui affligent particulièrement la matrice.

Il faut donc sçauoir que ces intemperies

peries sont ou simples ou composees; mais nous ne donnerons que les signes des premieres, qui sont la chaude, la froide, l'humide, & la seche, d'autant que leur seule cognoissance donnera vne tres-facile entrée aux dernieres, à cause de leur mutuelle connexion & dependance. Et commençans par la chaude, nous dirons que les femmes qui en sont atteintes ont d'ordinaire la plante des pieds & la paume des mains chaudes & ardentes comme braise, ont des vermillons & chaleurs extraordinaires qui leur viennent à la face à toutes heures, & notamment quand elles s'exercent vn peu; leurs moys sortent en fort petite quantité, avec grandes douleurs & tranchées de ventre, bien souuent sans ordre & sans regle, & sont de telle nature, voire si acres & mordicans, que quelquesfois ils leur escorchét les lieux par où ils passent;

& outre ce 'elles desirent le masse coup à quille, à cause de la grande & excessiue chaleur qui les met en humeur, semblables à la terre, qui ayant esté rostie par la chaleur caniculaire, ne demande que d'estre rafraichie & humectée par la pluye.

La seconde intemperie, qui est la froide, se cognoistra facilement, & en premier lieu, par la suppression ou stillicide des moys; veu que les femmes qui en sont molestées ont le sang si grossier, si gluant, & tant plain de mucositez, voire les veines de la matrice tant oppilées, qu'il ne peut couler que difficilement. En après, par la tardiueté de tous leurs sens, & en particulier par la pesanteur & stupidité qu'elles sentent autour des reins, des aînes, & sur leurs cuisses; outre ce on remarquera que telles femmes ne se soucient aucunement de la compagnie des hommes, où si elles sont
contrain

contraintes de l'accepter par les douces rigueurs du mariage, elles n'ont que fort peu, ou point de plaisir, ne sentent point l'ejaculation maritale, ne fournissent rien de leur costé, & les marys recognoissent manifestement l'actuelle froideur de leur matrice; de sorte qu'elles sont odieuses & à leurs marys & à elles mesmes.

Auant que passer plus outre, il faut que nous sçachions briefuement s'il est vray ce que dit Aristote sur ce propos en son 2. liure de la generation des Animaux, escriuant que les femmes auxquelles les menstres ne coulent que peu ou point du tout, sont beaucoup plus luxurieuses que celles qui regorgent en sang tous les moys de l'année: Car si cela est, il semble que nous n'auons pas deu mettre la suppression de leurs moys pour marque infallible de la froideur de leur matrice.

Iolie question d'Aristote.

Ie dis doncques que l'opinion d'Aristote doit estre interpretée auât que d'estre ou authorisée ou refutée; car cet autheur voyant que presque toutes les femmes sont grandement ardentes à la curée, & que neantmoins (selon sa creance) elles ne contribuent du tout point de semence en l'action de la generation, ainsi que nous auons faict voir cy-dessus; il a estimé quant & quant estre nécessaire de croire que le sang menstrual estoit la seule cause d'un tel desir desreglé: de sorte que ce dict sang venant à se supprimer en quelques vnes, il a eu quelque raison de dire qu'elles sont beaucoup plus luxurieuses que les autres; veu qu'il suppose que ce sang retenu faict les mesmes effects és femmes que la semence retenuë és hommes.

En tel cas, ie trouue que son opinion seroit receuable, s'il estoit vray
que

que telles femmes eussent tousiours leur sang chaud & bouillant, & que ladite suppression de leurs moys vint par mesme cause, c'est à dire par chaleur : Mais d'autant que plusieurs femmes ont leur sang grandement froid aussi bien que leur matrice, & que leur dite suppression prouient de mesme cause, c'est à dire d'extreme froideur priuatiue (de laquelle nous parlons maintenāt) voyla pourquoy nous disons qu'Aristote s'est mesconté en cet endroit : voire qui plus est, nous soustenons qu'il n'y a que la suppression qui suit la sterilité confirmée, qui soit capable de rendre les femmes luxurieuses ; car pour celle qui est ou temporanée, ou qui prouient de froideur, nous estimons plustost qu'elle les rend insensibles au ieu d'amour.

Resolutiō
de la que-
stion.

La troisieme intemperee est l'humide, laquelle se cognoistra aisé-

ment par l'habitude molle & lasche, & par la façon de viure de celles qui en sont frappées; car elles sont communement blancheastres, ou d'une couleur tirant sur le iaune, sont chargées d'une mauuaise sorte de graisse, se plaisent à manger des viandes humides, telles que sont les fruiets, les salades, les potages, & autres semblables; ne boiuent que de l'eau à grâds traits, & souuent, ayment extraordinairement le repos & la vie sedentaire, ne se soucient guieres de la conionction matrimoniale à cause du peu de plaisir qu'elles y prennent; ont presque tousiours leur nature moite & coulante comme la fente d'un rocher moussu qui est à l'ombre, leurs mois qui leur durent ordinairement dix ou douze iours, sont aqueux, coulants & froids; ont l'entree de leur nature fort lasche, & grandement ouuerte; & pour le dire
en

en vn mot, elles ont tous les signes qu'Hippocrate leur attribué au 2. li-
ure des maladies des femmes.

Bref, on pourra recognoistre l'in-
temperie seiche de la matrice, en ce
que celles qui en sont molestées sont
semblables à la terre qui est seiche &
aride, laquelle boit incontinent tou-
te la pluye que le ciel luy faict tom-
ber dessus pour grande qu'elle soit;
car elles consomment miserablement
toute la semence virile pour souuent
qu'on les visite; ou si elles ne la con-
sument tout à faict, elles n'ont point
de sang menstrual de reste pour la
nourrir apres l'auoir receüe & con-
ceüe; la raison est, qu'elles ont leurs
moys en fort petite quantité, & en-
core ce qui sort de leur matrice est le
plus souuent noirastre, terrestre,
gluant & douloureux. Outre ce, elles
ont l'entrée du col vterin dur & sec
comme vne peau ridée; les deux
petits

petits monticules, ou labies, toutes pleines de fentes & creuasses; & finalement telles femmes, aiment extraordinairement la compagnie des hommes. Valefcus de Tarenta, adiouste qu'elles ont ordinairement les leures fendues & vlcérées.

Mais d'autant qu'il arriue bien fouuent qu'après tous les fufdits, & autres semblables signes, on est auffi nouueau que deuant, touchant la cognoiffance de la sterilité des femmes, à cause de l'analogie ou rapport que la pluspart d'iceux ont avec les marques des autres maladies; voila pourquoy nos Autheurs, tant vieux que modernes, ont esté contraincts de recourir à l'experience, comme estant la maistresse des choses, & la plus asseurée guide pour nous conduire à la vraye cognoiffance d'icelles.

Cesdits Autheurs doncques commandent en premier lieu de prendre

quator

quatorze ou quinze grains de froment ou d'orge, & mettre la moitié d'iceux dans vn pot de terre, & l'autre moitié dans vn autre; puis veulent qu'on fasse pisser le mary dans vn d'iceux, & la femme dans l'autre: ce qu'estant fait, ils ordonnent qu'on enterre lesdits grains, c'est à dire ceux sur lesquels aura pissé le mary, à part, & les autres semblablement en vn autre lieu separé; & disent que celui des deux sera assurément sterile, les grains duquel n'auront pas germé, & ne seront pas sortis dans sept iours inclusiuement; & qu'au contraire il sera fertile & fecond, s'ils viennent à se pousser hors de terre dans ledict temps.

Ils veulent encore qu'on fasse la mesme experience de leurs vrines, en les faisant pisser à part sur vne laictue plantée, ou bien sur vne mauue; car l'vrine de celui des deux qui aura
plustost

pluſtoſt faiſt mourir ladite mauue,
ou laiſtue, ſera reputée ſortir d'un
corps ſterile. Outre ce, ils prennent
du ſon boüilly, & le mettent en deux
diuers vaiſſeaux, puis font piſſer le
mary dans vn d'iceux, & la femme
dans l'autre; & diſent que celui des
deux duquel l'vrine aura pluſtoſt
engendré des vers dans lediſt ſon,
ſera ſterile & infecond. Et voila les
principales experiences qui ſe font
pour diſcerner la ſterilité reſpectiue
des marys & des femmes.

Pour le regard de la cognoiſſance
particuliere de la ſterilité feminine,
Hippocrate la nous enſeigne claire-
ment & aſſeurément, tant en ſon li-
ure des Steriles qu'au liure de la Su-
perſetation; & apres luy Platon en
ſon Theætetyſ. Prenez (diſent-ils) vne
ou deux teſtes d'ail, & les ayant bien
nettoyées & pillées faiſtes en vn peſ-
ſaire avec vn linge blanc, net, delicat,
& qui

& qui n'aye point d'odeur en soy, puis prenez ce pessaire & le mettez dans la nature de celle que vous soupçonnez estre sterile : & si l'odeur dudit ail se communique aux besoi- nes de nuict qu'elle porte autour de sa teste quand elle s'en va dormir, c'est chose asseurée qu'elle est fecon- de, & qu'il ne tient pas à elle que son ventre ne grossisse ; mais il se faut prendre garde que lesdites besoignes de nuict soyent auparauant exem- ptes de toute sorte d'odeur. Ledit Platon tient ceste experiëce si vraye, qu'il dit, qu'anciennement les Ma- trones, & celles qui presidoient aux espouzailles, ne se seruoient que d'i- celle seule pour discerner les femmes steriles d'auec celles qui ne l'estoyent pas.

Outre celle-là, nostre diuin Vicil- lard en escrit encore deux autres, qui ne sont pas moins asseurées. Oignez
par

par plusieurs fois, dit-il, le coin des yeux de la femme que vous croirez estre infeconde, avec vn certain onguent qui se furnomme Crocin, ou dans lequel entre du saffran. Et si vous voyez que quelques iours apres sa salieue reçoieue la couleur dudict onguent, & deuienne iaune comme saffran, soyez acertainné qu'elle n'est pas sterile. Item faites vn pessaire avec du *Galbanum* vray, & ramolli au feu, & du taffetas, de quelle couleur que vous voudrez, moyennant qu'il soit sans odeur. Et quand la femme qui se doutera d'estre sterile se voudra dormir, mettez-le luy dans le col de sa matrice, luy ayant faict au prealable couvrir sa teste bien & deuëment avec des linges blancs, nets, & non odorants; cela estant faict, si le lendemain le sommet de sa teste ne sent le *Galbanum*, qu'elle s'assure d'estre sterile, & qu'elle n'impute plus à son

mary

marry sa propre infécondité.

Reste maintenant à dire quelque chose des signes de la dernière sorte de sterilité, laquelle nous recognoissons fort aysément en examinant de près toutes les causes qui la forment; car celle qui prouient de l'insuffisance de l'aage, est assez cognoissable en soy; & les femmes qui sçauent en elles-mêmes estre ou trop ieunes ou trop vieilles, n'ont pas besoin d'appeller le medecin pour la discerner d'auec les autres sortes: pareillement celle qui est causée ou par plusieurs & réitérées blessures, ou par la puanteur de quelque enfant qu'elles auront porté long temps sur elles mort & pourri, ou par quelques douloureux & périlleux accouchemens, ou par la sortié de quelque enfant, ou mole, extraordinairement grosse; celle-là, dis-je, se cognoistra facilement par le rapport de celles qui en

seront affligées. Derechef, celle qui prouient, ou de trop de graisse, ou de trop de maigreur, n'a besoin d'aucune autre marque que de la veüe; veu qu'il est bien facile de discerner la bonne graisse, & naturelle maigreur, d'auec celles qui sont extremes & maladiues; & les femmes qui en seront affligées n'auront en elles aucun autre signe d'entre tous ceux qui sont propres pour recognoistre les autres especes. Outre ce on recognoistra si elle est fomentée par les fleurs, en considerant premierement les signes de celles qui sont pituiteuses, lasches, & melancholiques, ainsi que nous auons monstre cy-dessus. En apres en prenant garde à la substance, couleur & odeur desdictes fleurs; comme aussi à l'ordre & methode que la nature obserue pour les sortir dehors: car les vrayes & naturelles purgations des femmes doiuent

uent estre rouges, vermeilles, & comme le sang d'une victime fraichement immolee, selon le dire d'Hippocrate, de consistance mediocre, non puantes, & doiuent couler tous les moys lunaires; mais celles-cy sont d'ordinaire blanches, par fois iaunes, & d'autre fois noirastrres (ce qu'on cognoistra facilement à la teinture de la chemise des femmes) voire quelquefois puantes, corrompuës, & vlcératiues; & qui plus est, coulent ordinairement sans ordre; & avec tant d'importunité, que les femmes qui en sont molestées ne s'osent pas approcher de leurs marys. Bref, si la dite sterilité arriue par la petitesse de la matrice, elle sera aussi difficile à cognoistre qu'à guerir. Mais si elle prouient de la foiblesse naturelle de la femme, ou de sa matrice, on la recognoistra par les signes des intemperatures que nous auons expliqué cy-

dessus, tant pour le general du corps que pour la matrice en particulier.

Quant aux signes prognostiques de toutes ces sortes de sterilité, nous pouuons dire, que comme les trois dernieres sont en quelque façon reparables, moyennant qu'on recoure de bon heure au remede; qu'aussi la premiere (qui est celle que nous auôs appellé naturelle) est entierement incurable. Surquoy ie desire que les ieunes Dames mariées qui ne font point d'enfans soyent aduerties que nous ne les voulons point alarmer en cet endroit, & leur oster toute esperance d'auoir d'enfans; car au contraire, nous voulons qu'elles soiēt asseurées d'en faire en leur temps, pourueu qu'elles soyent saines, gail-lardes, bien nourries, & munies de bons & legitimes ouuriers; & moyennant aussi qu'elles n'en ayent pas dans L; car c'est vne espeſse de prodige

dige de voir vne femme faire d'enfans apres l'aage de cinquante ou cinquante-cinq ans, nonobstant que l'Histoire d'Alemagne raporte qu'un Henry, Empereur d'Alemagne, eust vn fils de sa femme enuiron l'aage de cinquantesix ans, apres auoir demeuré avec elle plusieurs années entiere-ment infecondes. Et à fin que ceux qui pretendoyent à sa succession, n'estimassent pas qu'on voulust supposer vn enfant pour les tromper, il ordonna que sa femme accoucheroit en public, à fin d'oster tout soupçon, & pour faire voir que ce n'est pas aux hommes de limiter les années portatiues des femmes, ainsi que nous auons desia dit.

Au reste, nos Autheurs tiennent que les femmes qui ne font point d'enfans, sont ordinairement plus maladiues que les autres, d'autant qu'elles ne se vident point à l'esgal

de celles qui sont fecondes, ains regorgent le plus souuent en mauuaises humeurs retenües, lesquelles excitent vne infinité de tragedies dans leurs corps; i'excepte neantmoins celles qui ne sont steriles qu'à faute d'auoir vn bon mary, & qui se portét bien d'ailleurs, car elles peuuent viure aussi sainement que les autres: Mais toutes ces incommoditez ne sont que fleurs & roses au prix des autres malheurs qu'elles souffrent, & qu'elles voyent souffrir à leurs familles, & amis; & notamment si elles sont de grande qualité: car par leur sterilité elles voyent fondre leurs familles deuant leurs yeux, comme la neige au soleil, trāsporter leurs biens aux estrangers, glisser des inimitiez intestines, & bien souuent des diuorces dans leur liēt coniugal; & finalement se trouuent desnuez de successeurs & heritiers à faute de pouuoir
laisser

laisser femme pour femme, indiuidu pour indiuidu. Ainsi nous lisons, que par la sterilité de Stratonique, femme de Deiotarus Roy de Galatie, le Royaume de Galatie fut reduit en Prouince, sous l'obeyssance des Romains, au temps de l'Empire d'Auguste, selon le tesmoignage d'Eutropius ; que par la sterilité de la Reyne Elizabeth l'Angleterre & l'Irlande est tombée entre les mains de Iacques VI. Roy d'Escoffe, à present regnant. Que par la sterilité de Ieanne fille vnique de Reymond V. Comte de Tholouze, & femme d'Alphonse, Comte de Poictiers, & frere de Saint Louys, la Comté de Tholouze a esté deuolüe à Philippe le Hardy Roy de France. Que par la sterilité d'une autre Ieanne (laquelle peut meritoirement estre appellée sterile à cause de la Loy Salique, encore qu'elle se trouuaist mere d'une fille apres le de-

cez de son mary) femme de Charles le Bel Roy de France, ceste Monarchie a esté toute couuerte d'ossements de morts, comme les riuages des Isles de Cyrene ; Que par la sterilité d'E-leonor, fille de Guillaume V. Duc d'Aquitaine, & femme de Louys le ieune Roy de France, la Duché de Guienne, & presque tout ce Royaume en suite, a esté faict vn furieux Theatre de Mars, sur lequel le sang le plus pur de nos François a ruissellé pour s'opposer aux trop ambitieuses pretentions d'Edouïard Roy d'Angleterre.

Parquoy ie ne m'esbahy pas si toutes les nations du monde ont abhorré ce Monstre de Nature, & si Platon ordonna anciennement que nulle femme sterile de quelle qualité & condition qu'elle fut ne se pourroit marier ; Car on a creu iusques à present, ce que nous & nos Nepueux croyront

croyront iusques à la fin des siècles; ſçauoir eſt, que la ſterilité confirmee eſt vn des grands malheurs qui puiſſe arriuer à toutes ſortes de perſonnes & familles; & que c'eſt vn des grands fleaux que l'Eternel aye accouſtumé de deſployer contre ceux qui meſpriſent ſes commandemens, ſelon le teſmoignage du Prophete Oſee, lequel parlant de la Juſte retribution qui eſtoit deuë aux Iſraëlités, & autres nations circonuoifines, pour la grande enormité de leurs pechez: il demande à l'Eternel: *O Eternel* (dit-il, en vſant de cet excellent & diuin Sarcaſme) *donne quelque choſe à ce peuple, mais que leur donnerois-tu? donne leur vne matrice ſubiectē à auorter, & ſterile, & des mammelles taries.*

Au chap.
9. de ſa
prophetie
verſet 14.

*De la curation de la sterilité maladiue
des femmes.*

CHAPITRE XII.



OMME toutes les sortes de sterilité feminine ne sont pas guerissables, aussi nous ne nous proposons pas d'estaler des remedes pour toutes ; veu que & nostre art, & la bien-sceance mesmes, nous deffendent tres-expressement d'attenter à la guerison des infirmittez deplorables ; c'est pourquoy nous nous contenterons d'entreprendre la curation de celles esquelles il y a quelque apparence & esperance de guerison, commençans par celle dont est question en ce present chapitre.

Mais d'autant qu'aucune vraye curation n'est deüe aux Symptomes, en tant que tels, & neantmoins nous
auons

auons mis toutes leſdites ſortes de ſterilité en leur categorie ; c'eſt auſſi la cauſe pour laquelle nous voulons propoſer tant ſeulement la vraye & legitime curation des cauſes , c'eſt à dire des maladies qui ont accouſtumé de les procreer, commençans noſtre deſſein par l'intemperie froide, qui eſt la premiere & la plus commune entre celles que nous appel-
lons ſimilaires.

De l'Intemperie froide.

LEs Iuriſconſultes nous appren-
nent, apres Hippocrate , que la
froideur eſt vne des plus puiſſantes
cauſes de ceſte ſorte de ſterilité, de-
puis qu'ils ont couché dans leurs Ca-
nons vn tiltre exprez *de Frigidis &*
Maleficiatis ; Mais l'Autheur ſus-alle-
gué le nous enſeigne encor plus clai-
rement en cinquieſme de ſes Apo-
riſmes, où il dit que les femmes qui
ont

ont la matrice froide & espaisse, sont incapables de conception : Surquoy il faut remarquer que toute froideur n'est pas capable de produire vn tel mal, mais celle-là tant seulement qui est paruenüe à vn degré excessif, car alors elle agist en cinq façons.

Premierement en esteignant la chaleur naturelle de la matrice, & de la semence virile y contenuë. Secondement, en comprimant & resserant la matrice en sorte qu'elle ne peut pas receuoir ladite semence.

La froideur cause la sterilité feminine en cinq façons.

Tiercement, en bouchant tellement l'orifice des veines aboutissantes à la matrice, que le sang n'en peut pas sortir pour entrer en icelle, & illec nourrir l'embryon. En quatriesme lieu, faisant en sorte que le foye ne produise que de sang aqueux, & entierement inepte, non seulement à la nourriture de l'enfant, mais aussi à la production de ses parties charneuses & solides. Et finalement en engen-

drant dans la matrice vne grande & excessiue quantité d'excremens pituiteux, lesquels venans à occuper le lieu où se doit faire la conception, & le rendant par trop moite & lubrique, ils empeschent que la matrice ne peut pas embrasser la semence virile pour la réduire de puissance en acte, ains est contrainte de la laisser escouler inutilement.

Quant aux causes, tant de ceste intemperie que des trois autres subsequentes, voire de toutes les maladies qui peuvent causer la sterilité feminine, nous n'auons pas resolu d'en parler en ce present liure, pour deux raisons: La premiere est, qu'adressans ce petit traicté aux Dames tant seulement, il n'a pas esté raisonnable de les amuser à vn discours obscur & contemplatif, tel qu'est celui des Causes; ioint qu'elles ne se payent pas de paroles, mais de realité,

ré, c'est à dire de la guérison de leur mal : La seconde, qu'il nous eust fallu faire beaucoup plus de chemin que nous ne nous sommes proposez dès le commencement, & par ce moyen grossir inutilement nostre liure de plusieurs pages qui sont beaucoup plus conuenables à la patience des Medecins qu'à des femmes, & pour les signes diagnostiques. Nous disons aussi que ce seroit estre non seulement superflu, mais même prodigue en paroles si nous venions à les repeter si souuent, ayans esté bien & deüement espluchez au chapitre precedent.

Parquoy nous passerons à la guérison, & dirons que l'intemperie froide se guerist par son contraire; ainsi que toutes les autres maladies. Mais d'autant que le regime de viure & l'exacte obseruation des autres choses non naturelles, est le premier &

le

le plus asseuré remede de toutes for- Gal. lib. de
tes d'infirmitez, & particulièrement Victu at-
de celles qui sont longues & chroni- tenuante.
ques, comme celle-cy; nous desirons Cornelius
que les femmes curieuses de leur san- Celsus.
té & fecondité suyuent nostre aduis
de poinct en poinct, à fin que leurs
marys ne leur puissent pas reprocher
d'auoir mesprisé le conseil tel que les
plus celebres auteurs leur donne-
ront maintenant par mon moyen.

Le leur conseille doncques en pre-
mier lieu de se garder des iniures ex-
ternes de l'air, & particulièrement du
froid; du serain, & de la pluye; ce
qu'elles feront facilement en se te-
nans bien couuertes; tant en la teste
qu'aux pieds, & à la poictrine; sans
imiter celles qui faisans gloire de
monstrer leur gorge en tout temps,
& exposer leur chair en vente com-
me les boucheres, se precipitent dans
vne infinité de maladies pectorales,
telles

telles que sont l'asthme, la raucité, la squinance, & autres semblables; en apres en fuyuant le train des femmes sages & modestes qui se tiennent à la maison: auquel lieu elles auront le soing de se tenir chaudement; ayans leurs chambres bien fermées & rapissées (notez que ce regime de viure, ny les remede fuyuans, n'appartient pas proprement aux femmes pauvres & de bas aloy; d'autant qu'Auicenne, & presque tous nos autres auteurs, soustiennent que la medecine n'est faicte que pour les personnes riches; & qui ont de quoy despendre) & esclairées du bon feu clair, & comme celuy du temple des Vestales; & n'oublieront pas d'y apporter de l'artifice en cas qu'elles soyent trop frilleuses & exposées au Septentrion, en vsans de parfums aromatiques, pommes de senteur, oyseaux de Chypre, & cassiolettes, qui soyent
amies

amies du cœur, du cerueau, & de la matrice.

Pour ce qui concerne leur boire, elles s'abstiendront de l'eau pure & cruë, à cause de sa qualité froide & humide, par le moyen de laquelle elle nuit grandement à la chaleur naturelle de l'estomach, à la digestion des viandes, & par consequent à la generation. Item se passeront de l'usage de tous vins blancs & fumeux, d'autant qu'ils engendrent beaucoup d'humeurs froides dans le cerueau des personnes froides & phlegmatiques, ainsi que sçauent tres-bien nos Medecins. Mais elles pourront boire de celuy qui est ou clair et ou couuert, moyennât qu'il soit stomachal, de bon creu, & bien assaisonne d'eau; & par ainsi se tenans dans la mediocrité, elles pourront à bon droit faire la nicque à la loy des douze Tables qui deffendoit entier-

rement l'usage du vin aux femmes Romaines, fussent elles saines ou malades, steriles ou fecondes, ieunes ou vieilles, ainsi que le remarquent tres-bien Ciceron, Plinē, & Budée; & par mesme moyen auront en abomination le libertinage Bacchique de plusieurs femmes, lesquelles ne boient que d'eau estans filles, & puis s'enyurent deux ou trois fois la semaine estans mariées. Au reste, d'autant qu'il s'en trouue quelques vnes qui hayssent mortellement le vin, ie ferois d'aduis qu'elles vsassent de ptisanne faicte avec eau de fontaine, coriandre, canelle, & succe, avec telle proportion, que sur six liures d'eau elles missent demy once de coriandre, vne once de canelle, & deux ou trois onces de succe, à fin de corriger la crudité de cest elemēt insipide & peu nourrissant; ou bien si elles ayment mieux l'hydromel ou l'eau miellée, il sera permis d'en boire ordinairement.

D'autre part les viandes dont elles se serviront, doiuent estre de bon suc, & d'une louïable substance; car pour commencer par leur pain, il faut qu'il soit fait de fine farine de froment, bien pestri & leué, à fin qu'il ne soit pas pesant à l'estomach, mediocrement anisé, & cuit à mode de demy-biscuit, à fin qu'il absorbe vne bonne partie des humeurs pituiteuses qui croupissent dans leur estomach: la chair qu'elles mangeront es iours permis, sera de facile digestion, & de bonne nourriture, telle qu'est celle de mouton, poulets, pigeons domestiques & sauvages; chapons, perdrix, foyes de poules; hortolans, & autres semblables oyseaux de montagne; & faudra qu'elles se souviennent de la manger plustost rostie que boullie; ce neantmoins leur sera permis de l'affaisonner avec quelque bonne saulcé de haut

goust. Ez iours maigres elles feront couvrir leur table de quelques bons poissons, tels que sont la truitte, la sole, le barbeau, & autres semblables, selon la commodité des lieux, & leur condition: ou bien de quelques œufs frais & mollets. Quant aux potages ou bouillons, elles en vseront fort rarement, hormis qu'elles les fissent apprester avec les cinq racines appetitives, avec cappres, aggrimoine, pimpinelle, hyssope, fleurs de soucy, &c. leur dessert sera composé de fruiçts secs tant seulement, & notamment de pignons, passerille, noisettes, ou amandes rosties; boiront le moins qu'elles pourront en leurs repas, & ne feront point collation hors d'iceux, mais se contenteront sur la fin de prendre à sec vne cueillerée de ceste pouldre digestiue.

Prenez anis, coriandre, fenouil, de chacun trois dragmes, roses de Prouins seches,

corne

corne de cerf preparée, perles orientales, electuaire diamoch. de chacun vne dragme, semence de roquette, & de fueilles seches de menthe, de chacun vn scrupule, sucre fin trois onces, soit faict pouldre tres subtile, pour en prendre la doze dicte, particulièrement en temps d'hyuer.

Par mesme moyen aussi, elles se passeront de toutes viandes crues, indigestes & humides, telles que sont les salades, les fruiets, les poissons d'eau morte, le fromage frais, les oyseaux de riuere, & autres semblables. Item de tous autres aliments terrestres, grossiers, & par trop espieez ou salez, comme sont les pasteuz de bœuf, d'ours, de cerf, les fricassées, & autres de pareille estoffe; & apres tout, elles obserueront vne certaine mediocrité, non seulement en leur boire & manger, mais aussi en toutes autres choses, & specialement au dormir; car encore que ce soit le propre des

femmes de dormir comme des glirons; f'est-ce que celles-cy qui sçauent en elles mesmes estre extrêmement humides, doiuent tellement partager le veiller & le dormir, qu'il n'y aye point d'excès en l'vn & en l'autre, n'y ayant rien qui humecte tant le cerueau que le trop dormir. Leurs exercices seront reglez selon leur naturel & genre de vie; car autre exercice font les Dames de la Cour, & autre, celles qui se tiennent aux champs; ou celles-cy ne se nourrirent pas si delicatement q̃ les premières; & toutesfois se trouuent tresbien des promenades à pied, que celles de la Cour estimeroient estre vne espeece de supplice; ou vn acheminement à quelque grande maladie; à cause de la delicateffe de leur naturel, qui ne leur permet pas de se promener autrement qu'en carrosse ou en ditiere. Elles auront le soin

de tenir leur ventre libre par quelques clisteres, ou pruneaux laxatifs, en cas qu'elles soyent par trop constipées; Et si leur moys sont par trop retenus, elles recourront au medecin, à fin que tout aille par bon ordre. Bref, pour les affections de l'ame, ie leur conseille de se tenir ioyeuses, euitans toutes ialousie & rancune: mais pour la cholere, il n'y aura point de mal qu'elles en fassent vne fois la semaine; car Aristote dit, que ceste passion esueille & eschauffe merueilleusement les esprits, & la chaleur naturelle des personnes phlegmatiques; mais ie ne desire pas qu'elle soit extreme comme celle d'Hecube contre les Dieux, ennemis de Troye, & de ses enfans; encore que Galien (si ie ne me trompe) assure en quelque endroit de ses ceuures, que iamais la cholere seule ne tua personne; ce qui doit estre sans doute entendu des

femmes, la pluspart desquelles se plaisent & se baignent dans la cholere, comme le poisson dans l'eau, & croient estre hors de leur element quand elles sont desarmées de ceste passion. Je veux bien aussi qu'il leur soit permis d'estre amoureuses legitiment, & sans excez; car tous les maistres de l'art assurent qu'il n'y a point de plus puissant esguillon pour esmouuoir vne ame endormie, & rechauffer vn temperament fade, & qui est absorbé dans vn gouffre d'humeurs superflues, que la teinture d'amour.

Venons maintenant aux remedes tant alteratifs, purgatifs, que corroboratifs, qui doiuent estre tirez ou de la Pharmacie, ou de la Chirurgie; & commençans par les purgatifs, disons qu'il n'y a point de doute que telles femmes ne soyent pour la pluspart & plethoriques & cacochymes

tout ensemble; à raison dequoy nous sommes d'aduis qu'elles commencēt par ce petit minoratif suyuant, à fin de commencer la purgation par la premiere region du corps.

Prenez quatre onces de decoction commune & solutiue, & dissoluez en icelles demy once de Catholicum fin de Nicolas, deux dragmes de l'electuaire diacarthami, & vne once de syrop rosat solutif; soit fait medecine pour prendre au matin sans sortir de la chambre.

Si elles ayment mieux vn bolus, elles pourront aualer celuy qui suit, qui leur sera tres-conuenable.

Prenez diaphœnic & catholicum fin de Nicolas de chacun trois dragmes; poudre de reglisse vne dragme, sucre fin tout autant qu'il en faut pour couvrir le bolus qui en sera fait. Que si elles sont subiettes à la suffocation de matrice, on y pourra adiouster six grains d'assa puante, ou de testicules de bieuve.

En hyuer elles pourront aualer des pilules, d'autât qu'alors elles sont plus profitables que les fufdits reme- des; parquoy,

Prenez demy dragme de pilules, fine quibus, & vn scrupule de cochées, avec quatre grains de scammonée, & quelques gouttes d'huyle d'anis; formez en six ou sept pillules, lesquelles elles prendrôt apres le premier sommeil.

Le lendemain de la purgation, si on iuge qu'elles foyent oppilées, ou qu'elles ayent leur veines tendues, & pleines de fang, on leur pourra tirer fans scrupule, fix ou fept onces de fang du bras le plus commode, moyennant qu'elles n'ayent pas leurs moys; car Galien, & l'expérience iournaliere, veulent qu'on ouvre la veine aux perfonnes ieunes & oppilées (fi les forces y font) encore qu'il y aye en elles peu de plenitude. Que si apres la purgation entiere leurs moys s'ar

s'arrestoyent, il sera de besoin pour
lors de leur ouurir la veine interieure
du pied ; & cependant il se faudra
estudier à preparer leurs humeurs
froïdes & pituiteuses par bonnes de-
coctions ou apozemes, mediocremēt
chauds, & grandement aperitifs, à fin
qu'elles foyent plus obeyssantes aux
purgatifs qu'elles prendront par après.
Voicy la description d'un apozeme,
qui sera fort conuenable à cest effect ;
Prenez racines de fouchet, de garance,
& les cinq racines aperitives, de chascune
une once ; fueilles d'armoyse, de fenouil, de
matricaire, de sabine, d'origan, d'herbe au
chat, de sauge, de cheueux de Venus, de
chascune une poignée ; pois chiches rouges
demy once ; semence d'anis & d'ache, de
chascune deux dragmes ; fleurs de stoechas
d'Arabie, rosmarin, & petite centaurée, de
chascune d'icelles un pugille ; Soit fait de-
coction de tous ces ingrediens dans
quatre liures d'eau de miel, laquelle
estant

estant faite, adioustez en l'expression trois onces de syrop d'armoyse, une once & demy de syrop d'anis, six onces de sucre fin, & faites vn apozeme selon l'art, pour quatre ou cinq doses, lesquelles elles prendront le matin à cinq heures, & dormiront après si elles peuuent.

XII Le lendemain de la dernière dose, elles seront purgées comme s'ensuit; Prenez agaric bien blanc, léger, & récent, quatre scrupules, gingembre, & cannelle, de chascune demy dragme, réglisse deux dragmes: faites infuser le tout dans une decoction, partie capitale; & partie pectorale, durant huit ou dix heures, & l'ayant exprimé iusques à quatre onces, dissolvez-y diaphœn. & de l'electuaire diacarthami, de chascun d'iceux trois dragmes, syrop rosat solutif une once, soit fait medecine pour prendre au matin en tenant la chambre.

XX Que si elles desirent auoir vn remede magistral, purgatif & corroboratif,

ratif, pour s'en seruir à la longue; elles pourront faire faire celuy qui suit:

Prenez suc de vignoble, & de roses
pastes, de chascun vne liure & demie, eau
de canelle deux onces, agaric & sené ren-
fermé dans vn nouët, de chascun vne once,
turbith & cristal de tartre, pareillement
enfermez de chascun demy once; anis &
gingembre de chascun deux dragmes; faites
infuser le tout ensemblement durant vne
nuict entiere, puis l'exprimez selon l'art, &
y ayant adiousté l'infusion d'une demy
once de bonne rheubarbe, & douze onces
de sucre fin, faites le derechef cuire &
bouillir, & donnez luy la cuitte deüe aux
syrops magistraux & solempnels; & ainsi
vous aurez vn syrop fort vtile, & qui
durera long temps: elles en pourront
prendre vne once & demy, ou deux
onces, plus ou moins, selon son pre-
mier effect, deux ou trois fois le moys
hors du temps de leurs purgations.

Apres toutes ces purgations, il ne
fera

fera pas hors de propos qu'elles se fassent appliquer des ventouses seches & decouppées, tantost sur les espaules, & tantost sur la region des reins, à fin d'attirer en dehors vne partie de ces humeurs qui assiegent les parties interieures. Ce qu'estant faict, elles se resoudront à vser de la decoction suyuant, qui est en partie sudorifique, & en partie dessiccatiue, pour durant l'vsage d'icelle (c'est à dire durant quinze iours) tascher à consumer peu à peu le reliquat des humeurs qui pourroit estre restez dans la troisieme region du corps: En voicy la description.

Prenéz racine de Chine, & de Salsepareille, de chascune vne once & demy, bois de Guaiac rapé vne once, fleurs de soucy, d'œillet, & de viollier blanc, de chascune d'icelles un pugille: faites infuser le tout par l'espace de vingt quatre heures dans six liures d'eau de fontaine, & puis donnez

luy

luy du feu à suffisance, à ce qu'il boüille & se consume iusques à la moytie ; par apres exprimez-le, & donnez à boire de l'expression la quantité de six onces de bon matin, vn peu chaudement, & taschez de prouoquer la sueur en couurant la malade vn peu plus que de coustume. Ces femmes pourront vser de ceste decoction pour les effects que dessus, & cependant se passeront de toute viande humide, cruë, & indigeste ; comme aussi du vin mesmes, à la place duquel elles se seruiront de la decoction de Chine, avec vn peu de canelle & de sucre, tant en leurs repas qu'ors d'iceux. Que s'il leur arriue d'estre constipées durant leur diete, elles pourront prendre vne dose de leur syrop magistral cy dessus ordonné.

Tous ces remedes estans faits selon l'art & la methode ordinaire, il faudra penser à fortifier les parties internes, & notamment la matrice & le cerueau,

cerueau, à fin que celuy-cy n'amasse point tant d'excrements pour les enuoyer à celle-là par voyes cogneuës & incognues; & que celle-là se rende desormais capable de conceuoir & porter des enfans. Or nous auons en main deux fortes de remedes, dont les vns sont internes, & les autres externes. Quant aux premiers, nous sommes d'aduis de leur communiquer la description d'une excellente opiate, tendante non seulement à fortifier les susdites parties, mais aussi à esueiller la vertu generatiue, & à r'animer leurs desirs amoureux qui sont entierement esmoussez, voire presque demy-esteints à faute d'esperon. En voicy la description.

Opiate excellente pour disposer les femmes à la conception.

Prenez conserue de racine de panicault, myrabolans confits, escorce de citron confite, conserue de fleurs d'œillet rouge, de chascune vne once; confectiō alķermes demy once, genitoires de bieure, matrice de lieure

lieure dessechée, testicules de renard de chascun deux dragmes, semence d'oignons blancs, ceruelle de moyneaux, de chascun vne dragme & demy; ambre gris & storax en larme, de chascun deux scrupules: meslangez le tout selon l'art, & soit faict opiate avec syrop de cortic. citri. & six ou sept fueilles d'or de ducat, de laquelle elles pourront prendre de la grosseur d'une noisette, soir & matin par l'espace d'un mois entier.

Les Tablettes qui suyuent, ne sont pas de moindre effect pour les choses susdites.

Prenez confectiion alkermes demy once; ambre gris vne dragme; musc de Leuant vn scrupule; poudre de stinchus, poudre de galanga, & de formis volantes, de chascun vne dragme; sucre rosat perlé, dissout en eau de canelle, autant que de tout le reste; formez-en des tablettes pesantes vne dragme, qui sera la dose qu'elles prendront es mesmes heures que dessus, &

hors des repas. l'estime que ces deux remedes internes & corroboratifs, pourront suffire à ce que dessus, en attendant que nous en fassions voir quelques autres plus particulieres cy apres, c'est à sçauoir au dernier chapitre de ce liure.

Quant aux externes, ie suis d'aduis en premier lieu qu'elles portent vne bonne coiffe picquée cephalique en temps d'hyuer, à fin de se munir contre le froid, & pour empescher que la matrice ne soit point refroidie par sympathie du cerueau ; en cas que cestuy-cy vint à patir on la pourra faire comme s'ensuit:

Prenez fueilles seches de melisse, basilic, sauge, laurier, marjolaine franche, de chacune d'icelles vn bon pugille ; graine d'escarlatte, escorce de citron sec, bois d'aloës, bois de roses, santal citrin, giroffle, de chacun demy dragme ; poudre diamargarit. frigid. poudre de gemmis & diambra, de chacun

chacun un scrupule ; rasure d'ivoire demy dragme : soit fait poudre selon l'art , de laquelle on fera une coiffe picquée avec du taffetas incarnat. Elles la porteront ainsi que nous auons dit ; & quand elle leur faschera, elles se feront par fois dessecher la teste avec esgales portions de poudre de Chypre, & violette, en se tenans bien couuerte; puis porteront sur le deuant de la teste vn certain emplastre, appellé emplastre pour la future.

Pareillement nous fortifierons & eschaufferons leur matrice, en leur enioignant de porter sur le petit ventre l'emplastre qui suit,

Prenèz emplastre pour la matrice une once & demy; benjoin, canelle, macis, giroffle, castoreum, de chascun deux dragmes; graine d'escarlatta une dragme & demy; bois d'aloes & santal citrin de chascun demy dragme; ambre iaune une dragme, puluerisez le tout selon l'art, & l'ayant

324 *Discours de la sterilité*
meslangé faites le fondre & cuire en tout
autant de therbentine fine qu'il en faudra,
& redigez la masse en emplastre, lequel
on employera de la façon que nous
auons dit.

Outre ce, elles se pourront seruir
de ce suyuant liniment, qui est excel-
lent pour eschauffer les parties natu-
relles, & les rendre capables de quel-
que chose de bon.

Prenez huile de renard, & huile de
noix muscade de chascun vne once &
demy; poudre de diambra, poiure long, ca-
nelle, gingembre, storax calamite, poudre de
la matrice d'une truie qui aye coëhonné,
d'un chascun desdits ingrediens vne dra-
gme; myrrhe & encens de chascun deux
dragmes; cire neufue tout autant qu'il en
faut: faites fondre le tout ensemblement, &
en façonnez un liniment auquel on ad-
ioustera sur la fin, c'est à dire quand l'on-
ction se fera, demy dragme de ciuette; d'i-
celuy liniment on leur en oindra
l'entre

l'entrefeffon, le petit ventre, & autres parties circonuoifines, quand elles feront dans leur liêt, & cōtinuera-on dix ou douze iours.

Après cela, fi elles fe veulent feruir d'un peffaire, elles pourront faire faire le fuyuant.

Prenez musc de Leuant six grains; ciuette deux scrupules, diffoluez ces deux aromatiques dans vn peu de fuc de l'herbe au chat, puis imbibeز dans iceluy tout autant de cotton musqué qu'il en faudra pour former vn peffaire, qui foit de groffeur & longueur requife, lequel elles employeront quand elles feront couchées, en le tenant attaché par vn bout à la cuiffe avec vn filet de foye double.

Que fi elles ayment mieux vn parfum, ie leur confeille d'employer ce fuyuant, qui est fort bon pour dessecher les humeurs superflues qui croupiffent dans la matrice, eschauffer les naturelles, & ayder à la conception.

Prenez storax calamite & benjoin de chascun deux dragmes; ambre iaune, bois d'aloës, bois de roses, ladanum, de chascun vne dragme; giroffle, cubebes, macis, mastic, fleurs de rosmarin & de sauge, de chascun d'iceux demy dragme: soit faict poudre tres subtile, laquelle on meslangerà parmy suffisante quantité de gomme adragant, dissoute en eau de canelle pour en faire de petits trochisques pesans vne dragme, desquels elles se seruiron en les mettant sur vn rehaut plain de petite braise, & receuant leur fumée sur vne chaire percée, avec vn entonnoir à ce conuenable.

Il y en a quelques-vns qui font fort grand estat des bains & demy-bains faits à la maison avec racines, herbes, semences, & fleurs chaudes, sans oublier les aromatiques; mais i'aymerois mieux conseiller à ces femmes de se seruir des bains naturels sulphurez & chauds, tels que sont
ceux

ceux de Balaruc, d'Aix en Sauoye, de Digne en Prouence, de Spâ, & autres semblables, lesquels sont grandement propres à cet effect.

Finalement, veu les grandes humiditez que leur cerueau amasse, & enuoye à leur matrice, ie ferois d'aduuis qu'elles portassent deux cauterres, vn à la nuque, ou à tout le moins au bras gauche, & l'autre à la partie interieure de la iambe droite; d'autant qu'ils seroyent comme deux fouspi-raux artificiels, par lesquels sortiroit vne bonne partie de ces humeurs peccantes, qui entretiennent leur infecundité. Et ne faut pas croire pourtant qu'il leur en arriue ce qu'Hippocrate & Mercatus escriuent estre arriué aux anciens Scythes, lesquels deuenoyent steriles (ce disent-ils) apres s'estre faict brusler les veines & les arteres qui sont dernier les oreilles; car ie cognoy plusieurs femmes

Observa-
tion parti-
culiere de
quelques
Auteurs
touchant
les effects
des Cau-
teres.

de toutes qualitez qui font grand nombre d'enfans, iacoit qu'elles ayent leur corps tout criblé de cauteresses: ioint que nous auons faict voir cy dessus que la sterilité desdits Scythes, ou Tartares, ne prouenoit pas de la cauterization de leurs veines & arteres, mais bien plustost du trop aller à cheual, & de leur naturelle fe-neantise.

De l'Intemperie chaude.

NOS Autheurs Medecins établissent cinq differentes sortes de chaleur contre Nature: La premiere est celle qui eschauffe les humeurs, & embrase les esprits, ainsi qu'on le void és fieures appellées Ephemerres. La seconde, celle qui pourrit & infecte les humeurs, & telle est la chaleur des fieures pourries. La troisieme, celle qui eschauffe puissamment

Il y a cinq
sortes de
chaleur
contre
Nature

samment les parties solides, & les consume insensiblement, comme il se void és fieures hectiques. La quatriesme, celle-là qui est non seulement accompagnée de pourriture ordinaire, mais mesmes du tout insolente & maligne, laquelle attaque & destruit en peu de temps les principes de nostre vie, ainsi que cela s'apperçoit tous les iours en la fieure pestilentielle. La cinquiesme & dernière, est celle-là qui tient vn peu de la nature des trois premieres, & qui neantmoins est en quelque façon diuerse. Et telle est la chaleur qui cause l'interperie, de laquelle nous parlons maintenant : car il n'y a point de doute qu'elle n'eschauffe les esprits, & les humeurs qui sont dans les arteres feminines, ne plus ne moins que la premiere, depuis qu'elle porte extraordinairement ce sexe à l'amour ; qui plus est, elle acquiert

bien souuent vn tel & si excessif degré, qu'elle leur cause par fois des fieures continuës, des fureurs vterines, & autres semblables maladies; voire se rend si opiniastre, qu'elle s'empare de leurs parties solides & interieures, & les fait deuenir tabides; tesmoins celles qui meurent d'amour, apres auoir languy plusieurs années. Mais ie trouue qu'elle est differente d'aucc icelles, premierement en ce qu'elle n'est iamais guieres simple & solitaire, comme la premiere: veu qu'il est difficile, voire impossible d'establiir vne intemperie tendante à infecundité qui soit long temps telle. La raison est, que comme la seule chaleur naturelle ne peut pas promouuoir & entretenir la fecundité, si elle n'est conioincte avec de bon sang qui luy serue de cause materielle. Aussi celle qui est contre Nature ne peut pas emmener la sterilité,

lité, si au prealable elle n'a alteré, & en quelque façon corrompu les humeurs qui auparauant estoient naturelles, & sans lesquelles la susdite chaleur ne pourroit pas subsister. Secondement, elle differe en ce qu'elle occupe en mesme temps & les humeurs, & les parties solides: ce qui ne peut arriuer tout à la fois à la seconde & troisieme des susdittes. Or que mon dire soit vray, il appert en ce que la vertu generatiue, ou fecondité, est inseparablement attachée à la matrice, testicules, & vaisseaux spermatiques des femmes, aussi bien, voire mieux qu'à leur masse sanguinaire, qui doit seruir de matiere à la vertu formatrice. De sorte qu'il est necessairement necessaire que ladicte intemperie, ou chaleur, altere & corrompe en quelque façon, & en mesme temps, tant cet admirable caractere de fecondité, qui est

30. 16
empraint

empraint esdittes parties solides, que les humeurs mêmes qui sont ou contenuës dans les veines, ou qui sont extrauafées: autrement elle ne meriteroit pas d'estre nōmée intemperie maladiue, ou humorale, telle que nous entendons en cet endroit.

Or cette intemperie monstre au doigt qu'elle vient, & doit estre guerrie par son contraire, comme toutes autres maladies. C'est pourquoy ie desire que les femmes qui en sont affligées, & qui en desirent sortir heureusement, foyent soigneuses d'observer estroittement les regles des six choses que nous auons appelé cy dessus non naturelles: car premierement elles choisiront vn air frais & gaillard, & se tiendront en Esté en quelque lieu bien aéré, dans vne maison bien percée, & notamment du costé de Septentrion. Et là où la situation sera contraire, elles
appor

apporteront l'artifice requis en tel cas, en faisant arrouser leurs chambres, & les tapissans de roses, pampres de vigne, violes, & autres semblables. Leur viande & boisson seront de telle nature, qu'elles tendront tousiours à mediocre froideur, & humidité: & par ainsi se feruiront de toutes bonnes viandes, plustost boüillies que rosties, & notamment des poulets, chapons, perdrix, ieunes pigeons, truites, barbeaux, & autres semblables. Vseront souuent de potages de poulets, parmy lesquels elles pourront meller les racines de parelle, d'ozeille, & de cichorée, les fueilles de pimpinelle, laictue, cichorée, ozeille, endiué, pourpier, les quatre semences froides, la semence de pavot blanc, & les fleurs de violes, bor-raches, pavot rouge, & autres semblables. Vseront par fois d'orge mondé, du blanc-manger, des salades, &
des

des fruiçts bien meurs, mais en mediocre quantité. Au contraire, elles eueront toutes viandes de haut gouſt, toutes venaiſons eſpicées, tous iambons, langues de bœufs fumées, chairs de ſanglier, ours, & autres de meſme eſtoffe. Quant à leur boiſſon, ie leur confeillerois volontiers de ſe paſſer totalement du vin, ſi elles me vouloyent croire, à fin de tempérer cette chaleur interieure qui foment leur ſterilité. Mais ne pouuans pas gagner cet auantage ſur elles (i'entends celles qui aiment mieux ſe paſſer d'enfans que de vin) elles ſe contenteront de mettre la quatrième partie de la liqueur Bacchique ſur leur eau; ou priſane faiçte avec orge, racine d'ozeille, prunes aigres-douces, & autres ſemblables.

En outre, il leur ſera permis de dormir toute la nuit, & yne bonne partie de la matinée, ſi elles peuuent; d'autant

d'autant qu'il n'y a rien qui destrempe plus cette humeur chaude & bilieuse, que le repos; cōme au contraire il n'y a point d'esperon si pressant, en tel cas, que le veiller; mesmes selon le tesmoignage de Galien. Quant à leurs exercices, ie leur donne pour aduis qu'elles ayent à se garder de tous ceux qui sont violens, comme sont les dānces, courses, sautemens, & autres semblables. Et qu'elles prennent la promenade lente & douce pour exercice ordinaire. Ou si elles sont de la qualité requise, qu'elles se fassent porter ou en carrosse, ou en litiere, à fin de ne s'eschauffer pas d'auantage en marchant. Et d'autant qu'elles sont sujettes d'estre constipées, à cause de leur chaleur interieure qui consomme les humiditez du corps, bonnes & mauuaises, elles se souuiendront d'vser de quelques clysteres refrigeratifs, qui seruiront aussi
à tem

à temperer l'ardeur de la matrice, à cause du voisinage des parties. Et si leurs mois ne coulent point, elles se serviront des remedes que nous dirons cy apres. Que si elles sont sujettes aux Hemorroïdes, elles feront soigneuses de se les faire ouurir, ou en se faisant frotter la partie avec quelque linge rude, ou avec quelque fueille de figuier, ou en se servant des sangsues, ou de la lancette de quelque habile Chirurgien : car nos Auteurs (& notamment Galien) tiennent qu'entre toutes les euacuations particulieres il n'y en a point qui discharge mieux le foye, & la ratte de ce sang impur & eschauffé, qui croupit dans les rameaux de la veine-porte, que celle qui se fait par les vaisseaux du fondement. Bref, elles se garderont de la cholere, ialousie, tristesse, amour desreglée, & autres telles passions qui sont capables de mettre le
feu

feu aux estoupes, si elles n'employent le frein de la raison.

Reste maintenant à parler des remedes, lesquels nous tirerons de nos deux ordinaires magasins, c'est à sçauoir, de la Pharmacie, & de la Chirurgie. Et premierement ie suis d'aduis qu'apres leur auoir donné vn clystere commun remollitif, & refrigeratif, on leur tire huiet ou dix onces de sang de la veine basilique du bras droict, & que le iour apres on les purge avec le minoratif suyuant.

Prenez quatre onces de la decoction faicte avec les fleurs & fruiets cordiaux, en y adioustant demy-once des quatre grandes semences froides: faites infuser dans icelle toute la nuit vne dragme & demie de fine Rheubarbe, demy-scrupule de santal citrin, autant de Spica-nard, & demy-dragme d'anis concassé. Puis ayant tout exprimé, dissoluez en la liqueur coulée & exprimée six dragmes de Catholicum

fin de Nicolas, une once de syrop rosat solutif, & faites-en une potion, pour prendre le matin à quatre heures. Si elles aiment mieux aualer que boire, elles se pourront seruir du bolus suyuant, qui est fort benin, & de grande efficace en cet endroit.

Prenez une once de moëlle de casse extraicte à la vapeur de la decoction de violettes, à laquelle vous adiousterez deux dragmes de Catholicum fin de Nicolas, & une dragme de bonne Rheubarbe, & avec un peu de sucre vous formerez un bolus, lequel elles pourront prendre à l'heure dicte. Si elles sont malades l'hyuer, elles pourront prendre les pilules suyuantes apres le premier sommeil.

Prenez pilules aurées & Imperiales de la description de Fernel, de chacune demy-dragme, diagre de trois grains: meslangez, & malaxez le tout avec un peu de syrop rosat solutif, & formez-en six ou sept pilules dorées.

Après

Après cette première purgation, si leurs mois ne vont pas leur train ordinaire, ie desirerois qu'on les fignast encore du bras gauche pour amoindrir leur plénitude, & qu'on leur tirast six ou sept onces de sang; & quelques iours estans passez encore, il seroit fort à propos de leur ouvrir la veine intérieure du pied, à fin de faire dérivation de ce sang retenu, qui entretient cette intemperie. Quelques vns (& moy avec eux) approuvent grandement l'usage des sangsues, & des ventouses decoupees, ou cornets applicables sur les espaulles, reins, & fesses. Mais d'autant que la plus-part d'icelles haïssent tels remèdes, autant par délicatesse que par apprehension, c'est la cause pour laquelle nous ne les presserons gueres de se servir d'iceux.

Et d'autant que les humeurs chaudes & bilieuses, qui entretiennent &

fomentent cette intemperature, sont grandement actiues, & impetueuses; c'est pourquoy elles ont besoin d'estre refrenées, & incrassées par quelque remede conuenable, & duquel on se puisse seruir plusieurs matins, tel qu'est celuy qui suit.

Prenez *un* ieune poulet de trois mois, ou enuiron, & le faites boüillir en quatre liures d'eau de fontaine, en y adioustanc racines de gramen, de parelle, d'ozeille ronde, & de cichorée, de chacune vne once; pimpinelle, pourpier, endiue, cheveux de Venus, boublon, laiëtue, de chacune vne petite poignée; des quatre grandes semences froides vne once & demy, semence de pauot, & de laiëtue, deux dragmes; roses, violetes, & fleurs de borrache, de chacun *un* pugille, & *un* petit tronçon de canelle conquassée. Et quand le tout aura boüilly cinq ou six heures iusques à la consommation de la moitié, passez-le à trauers *un* linge net, & adioustez à la colature trois onces

Y

de

de syrop de Berberis, ou espine-vinette, deux onces syrop de limons, & une once syrop du suc d'endive: & par ainsi vous aurez un apozeme pour cinq doses, lesquelles on prendra en cinq matins à quatre heures; & quand elles seront acheuées, on pourra reïterer la purgation susditte, à fin de vuider les humeurs qui auront esté préparées, & domptées par l'usage du susdit apozeme.

Outre tous les susdits remedes, nos Auteurs trouuent bon qu'on pouruoye en particulier tant au foye qu'à la matrice, puis quant & quant aussi à tout le corps tant par remedes internes qu'externes, à fin qu'on n'oublie rien de ce qui est necessaire pour combattre ce mal. C'est pourquoy elles se pourront seruir de l'opiate suyuant, auant toute autre chose.

Prenez conserue de fleurs de nymphée,

& de violettes, de chacune une once & demy; conserue de roses, & de fleurs de borraghes, de chacune six dragmes; confection de hyacinthe, une dragme & demy; electuaire de perles, & de santalux, de chacun quatre scrupules; semence de citron, deux scrupules, avec un peu de syrop de limons, & quelques feuilles d'argent, soit faicte opiate, de laquelle elles prendront enuiron deux dragmes matin & soir, durant quelques iours, apres lesquels elles pourront boire de l'emulsion suyuant qui est tres-propre tant pour rabattre les fumées & rougeurs qui ont accoustumé de leur monter au visage, que pour resiouir le cœur.

Prenez perles preparées demy-onces; semence de pauot, & de melons, de chacune deux dragmes; mettez en poudre le tout, & à part, dans un mortier de marbre, & iettez peu à peu par dessus une liure d'eau chaude distillée des fleurs de borraghe, en
remuant

remuant tousiours iusques à ce que la mixtion soit bien faicte ; & soit faicte emulsion sans sucre, de laquelle elles boiront trois onces, ou enuiron, le matin tant seulement, deux heures auant le repas.

Si les tablettes leur sont plus agreables, elles se pourront seruir de celles qui suyuent.

Prenez santal rouge, semence de pauot, & de laitue, de chacune vne dragme ; perles preparées deux scrupules ; camphre, & yuoire preparé, de chacun vn scrupule : puluerisez le tout selon l'art, & le meslangez dans autant pesant de sucre rosat dissout avec le suc d'espine-vinette, & en faictes des tablettes pesantes deux dragmes la piece, desquelles elles en prendront vne le matin, ou hors des repas, à toute heure.

Outre ce, ie leur conseille d'vser de l'epithemie liquide suyuant, pour en fomentier la region du foye, à celle fin de téperer l'ardeur de leur masse sanguinaire.

Prenez eaux distillées des fleurs de bor-
raches & violes, de chascune trois onces,
eau distillée de fleurs de nymphée & de
roses, de chascune quatre onces; confecti-
on hyacinthe, santal citrin, aromaticum ro-
satum, de chascun vne dragme; bon vin-
aigre blanc vne once; eau de canelle demy
once, meslangez le tout, & soit fait epi-
thème, duquel on fomentera laditte
partie tiedement en esté, & chaude-
ment en hyuer, avec des pieces d'e-
scarlatte.

Il ne fera pas aussi hors de propos
qu'elles se fassent oindre la region
des reins & des lombes, avec le lini-
ment suyuant, qui est amiable &
mediocrement refrigeratif.

Prenez mucilages de gomme adragant,
tirées avec eau rose, vne once & demy;
laiet d'asnieste vne once; pomade d'Espa-
gne deux onces; onguent de la Contesse vne
once, meslangez le tout, & vous en seruez
comme dit a esté.

Pour le regard de la matrice, il faudra bien aduifer d'y proceder sagement en la correction de son intemperie, à fin qu'on ne tombe point d'une extremité en l'autre, c'est à dire, que de trop chaude qu'elle estoit auparavant, elle ne deuienne trop froide; car certes la derniere maladie seroit pire que la premiere; voyla pourquoy nous nous contenterons de trois ou quatre remedes temperez, qui feront beaucoup de bien, & du tout point de mal. Le premier sera vn bain domestique, composé comme s'ensuit.

Prenez racines d'ozeille, de parelle, de lys, & de mauues blanches, de chascune six onces; fueilles de borrache senegon, saule vert, courges, endiue, pimpinelle, scabieuse vignoble, parietaire, scabieuse, de chascune trois ou quatre poignées; des quatre grandes semences froides demy liure, fleurs de nymphée, borrache, violettes, roses, & petite cen-

taurée , de chascune trois pugilles : faites boüillir le tout en tout autant d'eau qu'il en faut pour faire vn bain, dans lequel elles pourront entrer deux fois le iour, soir & matin , durant trois iours consecutifs , sans aucunement fuer.

Que s'il s'e trouuoit parmy icelles quelques vnes qui fussent de la qualité requise, & qui fussent vn peu trop chaudement amoureuses, ie leur conseilerois volontiers de faire vn bain semblable à ceux que font les Roys de Mauritanie en plein esté, c'est à dire qui fut composé des deux tiers d'eau rose , & du tiers restant d'eau nasse, en y adioustant bonne quantité de santal citrin en poudre , à fin de le rendre aromatique ; mais d'autant qu'il y en a fort peu en ce Royaume qui puissent faire ceste despençe, c'est pourquoy ie n'insiste pas fort en son vsage.

Après qu'elles seront sorties du
bain

bain elles se pourront seruir du parfum suyuant, à celle fin de corriger la froide impression que le bain pourroit auoir laissé dans leur matrice, & pour la dessecher mediocrement.

Prenez poudre de violette de Montpellier vne once, bois d'aloës, roses rouges, santal citrin, eleëtuaire diambra, de chascun vne dragme; encens masle, macis, & benjoin, de chascun demy dragme; me mélange le tout avec vn peu de mucilages de gomme Arabique, faictes avec eau rose, & en faites de petits trochisques cōme febues, desquels elles se seruiron en receuant leur vapeur avec vn entonnoir dessus vne chaire percée.

Et là où le bain domestique ne leur agreera, elles pourront auoir recours aux eaux de Meyne ou de Villeconte, comme estans tres-propres à la guerison de ce mal.

De

De l'intemperie humide.

Comme le baume radical est le
thresor & l'entretien de la vie,
aussi l'humidité excrementeuse & su-
perflue est cause de l'acceleration de
la mort. Or ceste humidité estant vne
substance passive, il faut de necessité
que la chaleur ou la froideur luy fas-
sent vne ordinaire compagnie, de-
puis qu'elle ne peut rien de soy. Quand
doncques elle est annexée à la cha-
leur outre-naturelle, elle excite des
fieures pourries continües, des phle-
gmons, & autres maladies sembla-
bles. Et quand elle est maistrisee par
la froideur, elle engendre des paraly-
sies, hydropisies, & autres telles infir-
mitez chroniques, entre lesquelles
nous pouuons mettre ceste intempe-
rie dont est question en ce chapitre,
laquelle demande d'estre corrigée
premiere

premierement par bon regime de viure , & par l'obseruation des six choses non naturelles, ainsi que nous auons desia enseigné cy dessus en traictant de l'intemperie froide ; en apres par bons remedes Pharmaceutiques & Chirurgiques. Quant aux premiers, ie serois d'aduis qu'on tastast de vider ces humeurs fereuses & froides par le remede suyuant, qui est hydragogue, c'est à dire purgeant les eaux.

Prenez les cinq racines aperitiues, & de chascune d'icelles vne once, racines d'iris de Florence, calamus aromaticus, & canelle, de chascune demy once ; fueilles de chardon benit, cheueux de Venus, ceterac, absynthe, hyssope, fenouil, agrimoine, de chascune vne petite poignée ; semence d'ache, d'anis, & d'ameos, de chascun deux dragmes ; fueilles de sené de Leuant, & de soldanelle seche, de chascune vne once & demy ; semence d'hieble, ialap, de chascun deux dragmes

dragmes & demy; agaric recent & leger demy once; graine de perroquet six dragmes; fleurs de genest, de peschier, de petite centaurée, & de thamaris, de chascune un pugille; faites boiillir le tout selon l'art dans esgales portions d'eau chalybée, & de vin blanc, iusques à tant que la liqueur reuienne à une liure & demy; à laquelle estant bien & deuëment exprimée, vous adiousterez de syrop rosat avec agaric enuiron trois onces; & ainsi vous ferez un apozeme pour six doses, lesquelles pourront estre prinſes successiuement par ces femmes qui regorgēt en humiditez. Car il est excellent pour desoppiler, & pour purger doucement la pituite fereuse qui croupit dans leurs veines, cerueau, estomach, mesentere, & habitude du corps; voire mesmes dans leur matrice, où elle empesche la conception.

Mais d'autant que ces humeurs froides, pituiteuses & fereuses, n'obeyssent

beyssent pas fort volontiers aux remedes purgatifs, si au prealable ils n'ont esté bien & deuëment preparez; c'est pourquoy ie ferois d'aduis qu'apres auoir prins la premiere & la seconde dose, elles fissent faire le susdit apozème en ostant tous les purgatifs pour en vser durant deux ou trois iours, matin & soir; lequel estant fini elles pourroyent paracheuer le reste de leur purgation.

Ce qu'estant faict, ie leur conseilerois fort volontiers de s'opiniastrer à vne diete vn peu austere, telle que peut estre la suyuant.

Prenez bois de guaiac rassé deux onces & demy, escorce du mesme bois vne once et demy, millet, cardon benit, marjolaine de chascune vne petite poignée; faites infuser & boüillir le tout selon l'art, en huict liures d'eau; & faites que la decoction reuienne à trois liures tant seulement; d'icelles lesdites femmes en prendront six onces
chau

chaudement, deux fois le iour, c'est à dire matin & soir, quatre heures auant leurs repas, & les ayans prinſes ſe feront bien couvrir pour ſuer copieuſement, & continueront ce train durant vingt ou trente iours ſi elles peuuent, & cependant ſe paſſeront de vin, à la place duquel elles feront faire vn bouchet de la reſidence de la ſuſdite decoction; en adioutant à icelle ſept ou huit liures d'eau, & la faiſant bouillir iuſques à la conſumption de la cinquième ou ſixième partie, puis la faiſant paſſer par la manche d'Hippocras, avec vn peu de ſuccre, pour la rendre plus agreable. Et pour leurs viâdes, nous iugeons qu'il faut qu'elles ſoyent encore plus deſſicatiues que celles que nous auons alleguez cy deſſus, en traictant des remedes de l'intemperie froide, auquel lieu ie renuoye les Dames pour euitér prolixité. Au reſte, il ne ſera pas hors de propos

propos qu'elles se purgent au commencement, au milieu, & à la fin de leur diète, afin de fortir hors du corps les humeurs peccantes qui auront esté préparées durant icelle. Que si elles ne veulent croire, elles se pourront seruir en temps d'hyuer des pilules suyuantés, qui ont esté autresfois ordonnées pour vne Duchesse de Mantouë, ayant vn semblable mal à celuy dont est maintenant question. Car elles ont la vertu de purger benignement toutes sortes d'humeurs, & particulièrement la pituite; de fortifier toutes les parties & facultez naturelles, vitales, & animales, d'ayder à la digestion, & absorber insensiblement les humeurs fereuses & superflues qui roulent par le corps. Ces pilules sont telles.

Prenez annomum Pontique, cardamome, Zedoaire, anis, macis, noix muscade, girofle, saffran, cubebes, bois d'aloës, turbit

Pilules
excellen-
tes, iadis
cōposées
pour vne
Duchesse
de Man-
tōue.

choisi, myrrhe trogloditique, agaric exquis,
sené de Levant, myrabolans chebules, belle-
rics & citrins, de chascun vne dragme ; de
bonne rheubarbe & aloes en vesicie, de
chascun trois dragmes ; goutte gambe deux
dragmes ; racine de mechoacam trois dra-
gmes, puluerisez tous ces ingrediens selon
l'art Pharmaceutique, & les incorporez
avec syrop rosat laxatif, pour en former vne
masse de pilules, de laquelle lesdites
femmes en pourront prendre demy
dragme le matin, trois heures auant
le repas, deux ou trois fois le mois.
Mais d'autant que tous medicaments
purgatifs, pour benins qu'ils soyent,
desbauchent grandement l'œcono-
mie naturelle & les parties qui en de-
pendent ; il sera de besoin qu'elles se
seruent de l'opiate suyuant, qui est
fort conuenable pour la restitution
des esprits dissipez, & pour l'insensi-
ble euacuation des humeurs sereuses
& superflues du corps.

Prenez

Prenez conserue de racines de paricault, carline, & absynthe, de chascune une once; myrabolans confits, & noix muscades confites, de chascun demy once; poudre d'aromaticum rosatum, dialacca, diacurcuma, de chascun deux dragmes; confection alkermes quatre scrupules; meslangez le tout avec un peu de syrop d'esconce de citron, & faites-en une opiate dorée, de laquelle elles pourront prédre le poids de deux escus d'or, matin & soir, à heure commode, & esloignée des repas.

Que si elles aiment mieux se seruir d'une poudre digestiue apres le repas, elles pourront faire preparer celle qui suit.

Prenez iris de Florence, coriandre preparée, de chascun deux dragmes, capelle fine, gingembre, noix muscade, de chascune une dragme; poudre de diambra demy dragme; sucre fin autant pesant que tout le reste: tous les ingrediens estans bien

puluerisez, soit fait poudre subtile pour en prendre vn petit plein cullier au bout de chasque repas, sans rien boire après.

Reste maintenant à pouruoir à la matrice pour la consommation & dissipation sensible, ou insensible, des humiditez qui abbreuent & sa substance & sa capacité; mais auant que de proposer aucun remede histerique, nous fefons voir que cesdites humiditez affligent ladite partie, & l'empeschent de conceuoir en quatre fortes. La premiere est, en ce qu'elles remplissent excessiuelement sa capacité, & par ainsi suffoquent la semence virile, quoy que chaude & loüable, ne plus ne moins qu'vne grande quantité d'eau est capable d'estouffer vn petit charbon, quoy que bien allumé. Secondement, en la rendant par trop lubrique & glissante; d'où il arriue que la semence virile s'escoule

incon

L'humidité superflue empesche la conception en quatre façons.

incontinent dehors à faute d'estre retenüe; car elle ne scauroit non plus estre retenüe audit lieu, qu'une mouche, ou autre tel animal sur une glace de Venise bien polie, ou qu'un homme marchant sur un ver-glas en une rue panchante. Tiercement, en empeschant que la femme ne puisse pas engendrer de bonne & loüable semence, ains plustost aqueuse, froide, & coulante; estant vray-semblable que quand les genitoires & vaisseaux spermatiques regorgent en telles & si abondantes humiditez, elle ne peut pas fournir une matiere cuite & capable de conception. En quatriesme lieu, en destruisant la force & la vigueur de ladicte matrice, iusques à la porter par fois dans des paralyfies qui sont cause qu'elle ne peut pas fométer & embrasser de toutes parts la matiere genitale, ny moins encore se bien reserrer après l'auoir receüe.

Or entre plusieurs remèdes de la description, desquels nous pourrions remplir plusieurs pages, si nous ne nous estions proposez d'estre brefs; nous nous contenterons d'en mettre quelques-uns des principaux en auât, commençans par la suyuante iniection ou Metrenchite.

Prenez racine d'ache, bistorte, fenouil, iris de Florence, de chascune une once; racine de pain de pourceau demy once; fueilles de matricaire, d'armoïse, d'herbe au chat, sabine, mercuriale, de chascune demy poignée; fleurs de petite centaurée, genest, stæchas, de chascune un pugille; semëce d'anis, fenouil, nielle, de chascun deux dragmes, mastic en poudre, macis, de chascun quatre scrupules; soit fait decoction, de laquelle vous prendrez une liure ou enuiron, & en icelle vous dissoudrez six dragmes de benedictè laxatiue, ou d'hiera picra, de Galien; puis vous en siringuerez le matin avec un instrument conuenable. Ceste
iniection

injection dissipe les ventositez, purge & emporte les humeurs pituiteuses croupissantes dans la matrice, prouoque les moys, & desseche manifestement la mesme partie. Il s'en faudra feruir durant quelques iours, apres lesquels on vsera du parfum suyuant.

Prenez bois de roses, mastic, alum, santal rouge, & citrin, de chascun deux dragmes; encens, bois de cyprès, de chascun vne dragme; semence d'angelique demy dragme; storax en larme quatre scrupules; soit fait poudre subtile de tous ces ingrediens selon l'art, & les ayans meslangez, incorporez les en esgales portions de therbentine; & de ladanum fondus ensemble; pour en former des petits trochisques, la fumée desquels elles pourront receuoir matin & soir, à celle fin de dessecher & fortifier leur matrice.

Et comme de l'injection sus escripte on en peut faire vne bonne fomentation, sans toutesfois y adiouster les

purgatifs ; aussi de ce parfum on peut librement former vn pessaire qui aura les mesmes effets.

Quelques vns approuuent fort les clysteres faits avec la decoction de guaiac, de chine, & de miel, d'autant qu'il mondifie & desseche merueilleusement bien la matrice.

D'autres se seruent de cest onguët suyuant, duquel ils oignent chaudement l'os pubis, l'entrefesson, & les parties voyfines.

Prenez huile de castor, huile de semence d'angelique & de thym, de chascun demy once; macis, bois d'aloes, alum, saffran, canelle, noix muscade, d'un chascun de ces médicaments puluerisez vne dragme; aloes hepaticque, mastic, & encens, de chascun deux dragmes; ladanum demy once, cire neufue le poids requis, & selon l'art; faites fondre le tout ensemble, & en faites onguent pour oindre les parties susdites soir & matin.

Après tous ces remèdes, il ne sera pas hors de propos de faire faire des cauterés en deux ou trois parties du corps, pour donner issue à ceste humidité superflue qui abbreuve inutilement tout le corps. Voyla pourquoy ie suis d'aduis que ces femmes en ayent vn au bras gauche, & à la iambe droite.

Finalemēt, elles pourront auoir recours aux bains sulphurez & vi-
triolez, tels que sont ceux de Spa,
de Balaruc, & autres semblables, qui
ont vne particuliere vertu pour me-
diocrement dessecher les corps trop
humides, & pour remettre les trois
facultez de l'ame, & toutes ses fon-
ctions en bon train, si elles ont esté
desbauchées par quelque intempe-
rie, telle qu'est celle dont nous auons
assez parlé pour le present.

De l'Intemperie sèche.

Hippocrate parlant de ceste maladie au cinquiesme liure de ses Aphorismes dit ; que comme il est fort difficile de voir qu'un champ sec & sabloneux puisse porter des fruiçts ; qu'aussi il est impossible qu'une matrice par trop sèche (notamment si tout le corps contribue à ceste intemperie) puisse estre feconde ; veu qu'il en arriue d'icelle comme des champs susnommez, lesquels absorbent & consument en peu de temps toutes sortes de pluyes, pour grandes & copieuses qu'elles soyent : Aussi voyons-nous que les femmes frappées de ce mal, demandent d'estre tousiours arrousees ; & tant plus elles le font, tant moins aussi elles sont fecôdes, à cause de ce caractere ineffaçable de secheresse, qui est empreint

& en leur corps en general, & en leur matrice en particulier. Ce neantmoins il faut tascher entant que faire ce pourra, de corriger & dompter ceste ditte secheresse ; Premièrement par bons & conuenables aliments, & par l'obseruation des autres choses non naturelles. En apres par l'ayde & l'assistance de quelque medicaments alteratifs, purgatifs, & corroboratifs, tant interieurs qu'exterieurs. Quant aux aliments, il n'y a point de doute que les bouillons composez avec poulets, chair de veau, & col de mouton, ne soient excellents, en y adioustant les racines d'ozeille, & de dent de chien ; les fueilles de pourpier, laitue, borrache, pimpinelle, endiue, hepaticque, & plantain ; les semences de pauot blanc, de melons, concombres, & amandes douces, les fleurs de nymphée, violettes, & autres semblables ingrediens simples. Outre ce, les
orges

orges mondez, le laiët d'amande, & le blanc manger, sont viandes fort conuenables en cest endroit, sans oublier les fruiëts frais, & bien meurs, modérément prins; la chair des anguilles, tortues, escreuiffes de riuere, truittes, & autres animaux de pareille vertu & efficace. Au contraire, toutes viandes salées, espissées, de haut gout, enfumées, & arroufées de vinaigre, sont grandement preiudiciables par la raison des contraires: car comme ceux-là humectent & dilatent les parties en toute sorte de dimenfiõs; aussi ceux-cy les dessechent manifestemēt, & les font deuenir exténuez. D'ailleurs, ces femmes ont besoin de se garder de tout exercice yiolent, tant du corps que de l'esprit, & particulièrement de la ialousie & colere, d'autant que nous auons dit cy dessus qu'il n'y a point de passions qui eschauffent le sang, & le font deuenir plus visqueux.

eschauffent & dessechent les corps humains à l'esgal d'icelles. Qui plus est, elles auront le soin de tenir leur ventre libre, par le moyen de quelque clystere lauatif & rafraichissant, composé avec du bouillon de teste de mouton, & de *catholicum* fin, ou de *diacassia*, en y adioustant du miel rosat à suffisance, fuiront tous exercices violens, & tous mouuemens qui portent à suer, dormiront la grasse matinée, & fuiront les longues veilles; & finalement se tiendront ioyeuses, & de hait, d'autant qu'il n'y a rien qui nourrisse & fomenté mieux la vie humaine que la resiouissance.

Pour les remedes, nos auteurs n'ordonnent aucuns purgatifs, en quoy ie trouue qu'ils font tres-bien; la raison est, qu'ils dessechent excessiuement les corps desia secs & arides de leur naturel. Que si neantmoins les signes de plenitude paroissoient,

ils ne trouuent pas hors de propos d'vfer de quelque bol de casse, ou de quelque semblable lenitif; apres lequel ie serois d'aduis qu'on vlast durant quelques iours des decoctions ou bouillons humectans, tels que sont ceux que nous auons descrit cy deuant. Que s'ils ne suffisent pas, on se pourra seruir des remedes & alimens analeptiques, desquels nous parlerons cy apres en traictant de la maigreur feminine; & particulièrement des bains d'eau tiede, couronnez de plusieurs belles fleurs, du lait de femme, ou d'asnesse, de fomentations remollitiues, & autres semblables remedes, lesquels nous ne voulons pas descrire deux fois, à fin d'euiter prolixité.

Cependant il ne faut pas oublier de pouruoir à la matrice en particulier, d'autant que bien souuent son orifice interieur deuiant tout ridé & retiré

retiré par l'excez de ceste intemperie. Or nos Autheurs font grandemét estat , premierement de ceste iniection suyuate.

Prenez huille d'amandes douces , boüillon gras , de chascun deux onces ; laiët de femme vne once ; decoction d'orge & de chair d'escargots quatre onces, meflangez le tout, & en syringuez la matrice.

En second lieu, ils approuuent & ordonnent les onctions exterieures faites avec huille violat, d'amandes douces, de semence de melon, ou autre semblable, en y adioustant ou beurre ou laiët. Quelques vns d'iceux encore loüient à merueilles le suc de pourreau des iardins, meflangé avec graisse d'oye pour en oindre & frotter doucement le col de la matrice.

Que si les femmes ayment mieux vn pessaire, elles se pourront seruir du suyuant.

Prenez moëlle tirée des os d'une vache,
che,

che, graisse de geline, de chascune six dragmes; storax liquide deux dragmes; graisse tirée de la laine qui est entre les cuisses des moutons vne once; faites tremper laine ou cotton dans cesdits ingrediens, & en faites vn pessaire de la forme requise.

Voila les principaux & les plus familiers remedes que i'ay creü estre conuenables pour la guérison de toutes ces quatre intéperies. Venons maintenant à la curation des ventositez enfermées dans la matrice.

Des ventositez & roulemens de la matrice.

TOut ainsi que les vents enfermés dans les lieux cauerneux du globe terrestre esbranlent bien souvent des regions toutes entieres, aussi les flatuosités enclouées dans le microcosme, excitent plusieurs tragedies en iceluy, & particulièrement
lors

lors qu'elles se trouuent enfermées dans la matrice ; car alors les parties voisines s'en ressentent manifestement, ainsi que nous verrons à la suite de ce discours. Or ces flatuositez recognoissent pour leur cause matérielle vne humeur froide, pituiteuse, fereuse, & par fois aussi gluante & tenace, laquelle est engendrée en partie par les causes externes, tant naturelles que non naturelles, telles que sont la retention des moys, l'vsage de la glace, les mauuaises couchés, & autres semblables ; & en partie aussi par les internes, c'est à dire par la naturelle froideur, ou plustost par le peu de chaleur de la matrice mesme, laquelle ne peut pas conuertir en aliment propre & particulier le sang, & les autres humeurs alimenteuses que la nature y porte, ains les laisse presque totalement refroidir, non d'une froideur positive (comme pourroient

croire quelques-vns) ainçois priuatiue tant seulement; & par ainsi se conuertissent en ventositez. Et de faict Galien au 3. liure des causes des symptomes dit, que comme l'extreme froideur n'engendre du tout point d'exhalaisons, à cause qu'elle condense & constipe la matiere au lieu de l'attenuer; aussi l'extreme chaleur dissipe & consume toute la matiere d'icelles, à cause de sa grande vertu attenuatiue & dissipante. Au reste il faut sçauoir que ces ventositez croupissent tantost dans la capacité de la matrice, tantost dans ses veines, & tantost dans sa propre substance, où elles excitent par fois de fort grandes douleurs.

Signes diagnostiques.

On cognoist ce mal par plusieurs signes, car Hippocrate dit que les femmes qui en sont affligées ont le petit ventre fort tendu, les pieds enflés, la face cadauereuse, la respiration pressée,

pressee; ont vne suppression de leurs
moys presque continuelle, ont des
douleurs en diuers endroits du corps,
& particulièrement dans la matrice
où elles sentent vn perpetuel grom-
mellement, ne plus ne moins que si
leur mal estoit dans les intestins; &
d'où aussi par fois sortent plusieurs
ventositez. De sorte que plusieurs
pourroyent croire que ce fut vn vray
Tympanites, n'estoit qu'en ce dernier
mal les patients sont plus altérez, sont
moins soulagez, ont la face plus def-
faite, & ont beaucoup moins d'espe-
rance de leur guérison, qu'en celuy-là
duquel nous parlons en ce chapitre.
Ceste infirmité feminine se peut gue-
rir assez aysément, moyennant que
celles qui en seront traueillées, suyuēt
de point en point le regime de vi-
ure que nous auons ordonné cy des-
sus pour la guérison de l'intemperie
froide & humide. En apres, si elles

daignent se feruir des remedes suy-
uans, desquels le premier est vn pur-
gatif benin, & grandement propre
pour dissiper les ventositez, & forti-
fier la chaleur naturelle de l'esto-
mach, & de la matrice.

Prenez diaphœnic demy once; biere de
Galien trois dragmes, castoreum deux scru-
pules, avec vn peu de sucre; soit fait vn
bolus pour prendre le matin à cinq heures,
on le pourra reiterer de dix en dix
iours iusques à tant que le mal soit
passé.

Le second est vn apozeme altera-
tif, fort conuenable à cest effect.

Prenez racines de gentiane, ache, persil,
& galanga, de chascune vne once; fucil-
les de vignoble, rue, calament, origan, sau-
ge, armoise, mille-pertuis, de chascune vne
poignée, semence d'anis, cumin, bayes de
laurier, poiure long, gingembre, de chascun
deux dragmes, fleurs de petite centaurée,
soucy, œillet rouge, roses de prouins, de chas-
cune

une vn pugille ; reglisse vne once : faites
 boüillir le tout dans eau de fontaine , & le
 laissez consumer iusques à vne liure de li-
 queur restantes ; à laquelle estant exprimée ,
 vous adiousterez syrop d'escorce de citron
 & d'absynthe , de chascun deux onces ; suc de
 mercuriale depuré vne once & demy : faites
 apozeme pour trois ou quatre doses , apres
 lesquelles on se pourra seruir du bo-
 lus ordonné cy deuant , ou des pillu-
 les Alephangines , ou bien de ces au-
 tres pillules panchimagogues , que
 nous auons descrit cy dessus au para-
 graphe de l'intemperie humide.

Après tous ces remedes, elles pour-
 ront recourir à la diete dessiccatiue,
 que nous auons desia ordonnée cy
 dessus , d'autant qu'elle est de grand
 effect en ce mal , & en tous autres
 semblables qui prouiennent de mes-
 me source.

Et d'autant que nous auons dit que
 la douleur & foiblesse tant de l'esto-

mach que des autres parties naturelles, sont presque inseparables des femmes qui sont affligées de ces ventosités; voyla pourquoy elles feront bien de se seruir de l'opiate, & des tablettes corroboratiues; dont nous auons donné cy dessus la description en parlant de la curation de l'intempérie froide, auquel lieu nous les renuoyons aussi (à fin d'euitier tant de redittes) pour le reste de la curation de ceste infirmité, tant au regard de l'usage des remèdes internes qu'externes; car c'est là où ils ont esté amplement espluchez & deduits.

*De la durté de l'orifice interieur
de la matrice.*

Nous auons dit cy dessus ce qu'il nous faut necessairement encore redire; à sçauoir que l'orifice interieur de la matrice est subiect à deuenir

uenir dur en quelques femmes. Or ceste durté est double : dont la premiere (de laquelle nous ne parlons pas pour le present) est celle qui arriue naturellement à celles qui sont enceintes, & laquelle nos Autheurs appellent proprement conuiuence, & conionction estroitte des deux labies du susdit orifice interieur de leur matrice. L'autre est non naturelle & maladiue, laquelle est produitte de diuerfes causes; car par fois elle arriue par la compression de la coiffe du vêtre, par fois aussi par trop de graisse, d'autres-fois par trop de maigreur & secheresse, & le plus souuent par defluxion, ou par froideur.

Pour bien cognoistre ce mal, il faut fucilleter le liure de la nature des femmes, que nostre diuin Hippocrate a composé, où il dit que celles qui sont affligées de ce mal, sentent quasi vne perpetuelle douleur fourde

au petit ventre, ont fort rarement leurs moys, ne peuuent pas receuoir la matiere genitale; & si la sage femme y porte les doigts, elle y sentira vne durté manifeste, semblable à la durté d'une figue sauuage. Le mesme Autheur en son liure des femmes steriles, assure que ceste maladie rend le sexe feminin infecond, si on n'y pouruoit par bons remedes.

Or d'autant que nous n'auons pas entrepris en ce chapitre de descrire la curation de ce mal, quand il prouient ou de la compression de la coiffe par trop grasse & pesante, ou de trop de graisse, tant vniuerselle que particuliere, ou de trop de maigreur & secheresse (d'autant que nous reseruons cela pour le chappitre suyuant) nous nous contenterons de parler tant seulémēt d'iceluy mesme entant qu'il peut estre produit par defluxion & par froideur. Et premierement

rement nous dirons qu'il se guerit par bon regime de viure, tendant à mediocrement eschauffer & desscher les humeurs superflues du corps en general, & de la matrice en particulier, tel qu'est celuy que nous auõs desia ordonné en traictant de l'interperie froide. En apres par bons remedes, partie tirez de la Pharmacie, & partie aussi de la Chirurgie qui soient reuulsifs, deriuatifs, euacuatifs, dessiccatifs & corroboratifs, & iceux tant internes qu'externes. Quant aux premiers & seconds, nous croyons que la saignée, les ventouses, vesicatoires, cauteres, & emplastres pour la future, doiuent auoir lieu en cest endroit, selon l'ordinaire pratique de nos Medecins. C'est pourquoy apres auoir prins vn petit medicament phlegmagogue, ces femmes se pourront faire ouurir la veine mediane du bras droit, & se faire tirer sept on-

ces de sang; ou enuiron; car Galien ne trouue point de meilleur remede pour diuertir & intercepter la fluxion en vn corps plethorique & cacochyme, que la saignée faite au commencement du mal; apres laquelle les autres remedes susdits doiuent suyure, si le mal continüe.

Les euacuatifs ne doiuent pas aussi estre oubliés, car il est certain que les femmes qui ont ce mal sont grandement cacochymes, ainsi que nous auons dit: à ces fins il ne sera pas hors de propos qu'elles se seruent de l'apozeme suyuant.

Prenez racines d'acorus, galanga, enula campana, & felse pareille, de chascune vne once; fueilles de betoine, armoysse, calament, melisse, origan, cheueux de Venus, de chascune vne poignée; semence d'anis, coriandre, fenoüil, de chascun deux dragmes; fleurs de rosmarin, stœchas, & sauge, de chascune vn pugille, sené Oriental, & graine

Et graine de perroquet, de chascun une once Et demy; agaric lié dans un noüet, six dragmes; canelle fine, Et gingembre, de chascun une dragme; soit faite decoction en eau commune selon l'art: Et d'icelle prenez-en douze ou quatorze onces, dans lesquelles vous dissouldrez syrot rosat solutif, Et syrop de Sabor, de chascun deux onces; soit faict apozeme pour quatre doses, lesquelles se pourront prendre à iours alternatifs de bon matin. Pour les dessiccatifs, ie ne trouue rien tel que la diete que i'ay ordonnée cy dessus en la section de l'intemperie humide: elles la pourront faire & tenir de poinct en poinct par l'espace de vingt iours si elles peuuent. Et cependant elles se pourront seruir de plusieurs corroboratifs; tant internes qu'externes, au nombre desquels nous pouuons mettre le condit suyuant.

Prenez conserue de fleurs d'œillet, gingembre

gembre confit, & escorce de citron confite, de chascun demy once; confection alhermes deux dragmes; electuaire de gemmis, & diamargarit. frigid. de chacun deux scrupules; poudre de diarrhodon un scrupule; sucilles d'or six en nombre; sucre rosat, trois fois autant comme de tout le reste; soit faitz condit granulé, duquel elles prendront demy once le matin, trois heures auant disner; ou si elles veulent deuant & apres le repas.

○ Exterieurement elles se pourront feruir d'epithemes liquides & solides, comme aussi de fomentations tendantes à ramollir & fortifier la matrice. En voicy la description d'une qui est singuliere pour cest effect.

Prenez sauge franche, armoysse, mauues, feuilles de violette, absynthe, senesson, de chascune une poignée; semence d'anis, senegré & lin, de chascune trois dragmes; fleurs de melilot, camomille, genest, roses, de chascune un pugille; faites bouillir le tout en esgales

esgales portions d'eau & de vin : & de la decoction coulée, & chaudement mise dans des vescies de pourceaux pleines à demy, fomentez-en la region du petit ventre, matin & soir, en vne heure esloignée des repas. Et d'autant que la guerison de ce mal ne peut pas bien succeder si on ne se sert de quelques remedes particuliers pour ramollir la durté de la partie dont est question; voyla pourquoy nous sommes d'aduis, en suyuant le conseil de nos Practiciens, de proposer & decrire les plus conuenables à ce mal feminin.

Le premier d'iceux sera vn demy bain faict de decoction de teste & intestins de mouton, dans laquelle on aura adiousté cinq ou six liures d'huile d'oliue, & faict bouillir les herbes, semences, & fleurs qui sont en la fomentation cy dessus ordonnée; elles se plongeront dans iceluy trois iours

iours consecutifs iusques au nombril, & y demeureront demy heure, vne heure, plus ou moins, selon leurs forces, vne ou deux fois le iour si elles peuuent. Apres qu'elles en seront sorties on aura le soin de les secher, & leur faire receuoir la fumée du parfum suyuant.

Prenez benioin, storax calamite, de chascun deux dragmes; galbanum mol trois dragmes; poudre d'iris deux dragmes & demy; ciuette vn scrupule; meslangez & incorporez le tout avec terbentine de Venise, & en faites des petits trochisques; la fumée desquels elles receuront par vn entonnoir; estans assises sur vne chaire percée.

Apres cela, on leur pourra faire vne iniection vterine avec esgales portions de lait d'asnesse, & d'huile d'amandes douces; ou si elles ayment mieux vn liniment, elles se pourront seruir de celuy qui suit.

Prenez

Prenez

Prenez graisse de geline & de canard, de chascune une once; storax liquide, mucilages, de semence de guimaue, & de sene-gré, de chascun deux ou trois dragmes; iris de Florence une dragme & demi; huille d'amanes douces, & de lys, de chascun une once & demi; cire neusue suffisante quantité; soit fait liniment selon l'art, duquel la sage femme oindra chaudement les parties naturelles des femmes qui en auront besoin.

Celles qui seront le moins scrupuleuses pourront vser du pessaire suivant.

Prenez moëlle de cerf, galbanum mol, storax liquide, de chascun trois dragmes; suin de laine, huille d'amanes douces, beurre frais, de chascun demi once; aloës, myrrhe, iris de Florence, de chascun une dragme & demi; cire neusue une once & demi; faites fondre ensemble le tout, & le redigez en liniment, duquel vous imbiberez tout autant de cotton musqué qu'il en faudra

pour

384 *Discours de la sterilité*
pour en former un pessaire, lequel vous
enfermerez dans du taffetas de la for-
me requise pour mettre bien auant
dans les parties naturelles desdictes
femmes, lesquelles le porteront la
nuict principalement, & le feront re-
nouueller de six en six iours.

Bref, elles pourront vser de ceste
euaporation ou fumigation pour r'a-
mollir ladicte partie:

Prenez racines de lys, & de guimau-
ues, de chascune deux onces; parietaire, se-
nesson, boüillon blanc, violettes de Mars,
armoise, mariolaine franche, baume rouge,
de chascune une petite poignée; fleurs de
camomille, melilot, & souci, de chascune un
pugille; senegré, semence de lin, de chascune
une once; faictes boüillir le tout en
suffisante quantité de vin blanc; &
que ces femmes en reçoient la va-
peur deux foys le iour.

met, & procédant deux iours, & terminant le
remède, les deux iours, & terminant le
De

*De la trop grande ouverture de la
matrice.*

Ceste maladie est directement contraire à celle dont nous venons de parler maintenant; & neantmoins elle ne cause pas moins la stérilité aux femmes qu'icelle mesmes, selon le dité d'Hippocrate au liure de la nature des femmes; car comme en la susmentionnée, la matiere genitale ne peut pas entrer dans le corps de la matrice; aussi en celle-cy elle ne peut pas estre retenue, ce qui procede d'une humeur froide & humide, qui tombe sur ceste partie, ou par les veines, ou par l'espine du dos, laquelle la relache excessiuelement. Hippocrate au liure preallegué donne plusieurs bons signes pour cognoistre ce mal, mais le meilleur est l'attouchement de la sage femme.

Il est assez facile de remedier à iceluy, moyennant qu'on coure au remede de bõne heure, en diuertissant ceste fluxion par purgatifs, reuulsifs, & deriuatifs, ainsi cõme nous auons desia dit par plusieurs foys, puis par l'vsage des remedes dessicatifs, & astringents, tant internes, qu'externes. Quant aux premiers, ils ont esté si souuent descrits dans ce chapitre, que ie croirois d'abuser de la patiẽce des Dames si ie les repetois encore. Pour les autres, nous sommes d'aduis d'en proposer quelques-vns. Le premier sera vne fomentation descritte comme s'ensuit;

Prenez racine de bistorte, souchet, & quinte-feuille, de chascune vne once & demis roses de prouins deux poignees; escorce de grenade, noix de cyprez, semẽce de plantain, graine d'escarlatte, myrtilles, de chascun trois onces; alum de roche, macis, noix muscade, de chascun trois dragmes; faiçtes bouillir

boüillir le tout dans esgales portions de bon vin rouge, & d'eau de forge, & fomentez-en la partie malade avec des sachets conuenables, ou quelque piece d'escarlatte; ou si vous voulez, faictes-en des iniections, ou bien receuez la vapeur par vn antonnoir sur vne chaire percée, & continuez cela quelques iours. Ce remede est souuerain pour dessecher les humiditez superflues de la partie, & pour la fortifier en l'eschauffant mediocrement.

D'autres approuuent grandement la fomentation qui est faicte d'esgales parties de bon vin rouge couuert, & d'eau alumineuse.

On se pourra encore seruir du cataplasme suyuant.

Prenez mastic vne once; myrre, encens, macis, sang de dragon, poudre de myrtilles, de chascun vne dragme; verbenne demi once; farine de sebes trois onces; saffran vne scrupule; huile de coings suffisante

388. *Discours de la sterilité*
quantité; soit fait cataplasme pour met-
tre sur le petit ventre.

Les plus delicates pourront vser
de ce liniment.

Prenez unguent dessicatif rouge, et
nutritum, de chascun vn once; poiure blanc
puluerizé, & mastic, de chascun deux drag-
mes; saffran vn scrupule; huile de myrtilles
& cire blanche, tout autant qu'il en faut
pour faire vn liniment; duquel elles
s'oindront le bout du petit ventre, &
l'entrefesson vn peu chaudement,

Du degistement, ou destournement
de la matrice.

Ceste maladie organique arriue
en diuerses façons, selon le tes-
moignage de nos Auteurs: car Hip-
pocrate & Aëtius asseurent qu'il y a
fort peu de parties interieures, contre
lesquelles la matrice ne se ruë; non
(comme pourroyent croire les fem-
mes

mes peu instruites,) qu'elle quitte sa premiere & naturelle place, pour s'en aller occuper celle des autres; mais d'autant que pour lors elle est violemment attirée vers l'endroit d'icelles, tant par la conuulsion de ses ligamens, que par quelque grande repletion procedente, que par ventositez, ou mauuaises humeurs, lesquelles font que lescdites parties en sont grandement pressees par sympathie & voisinage. Au reste, nous n'auons pas deliberé de descrire pour le present les causes, les signes, & la curation de tant de sortes de degistemens, veu que nous passerions au delà de nostre dessein; mais nous nous contenterons de traicter tant seulement de celle-là qui concerne l'orifice interieur de la matrice.

Ce mal consiste en la mauuaise situation dudict orifice, lequel estant oblique, & de trauiers, ne peut en au-

cune façon receuoir la vie du sang durant la copulation; & partant cause vne assurée sterilité à celles qui en sont affligées.

Causes du
degiste-
ment ute-
rin.

Ces causes sont diuerses, selon l'opinion de nostre diuin Vieillard, au 2. liure des maladies des femmes, où il escrit que le froid des pieds & des reins, la peur, ou terreur panique, le trop d'aller, les montées rapides virement faictes, les grands fardeaux, & autres semblables causes externes le produisent, sans que toutesfois il fasse aucune mention des internes. Vray est, que Galien ne les a pas oubliées; car au 6. liure des Lieux malades, chap. 5. & au 2. des causes du battement des arteres, il dit que le trop de sang peut induire ceste infirmité, s'il est si grossier, terrestre & gluant, qu'il vienne à boucher les veines de la matrice, d'où il ne puisse pas sortir; car alors les ligamens imbibe-
remplis

remplis se raccourcissent, & s'enflent ne plus ne moins qu'une corde de viole en temps humide, d'où s'en ensuyt la retraction de ladite matrice, & particulièrement de son orifice intérieur, lequel panche beaucoup plus du costé que lesdits ligamens, & les veines sont tenduës & pleines dudit sang. Il dit aussi que les ventositez peuvent faire le mesme que le sang retenu; car nous voyons qu'il porte bien souuent les femmes à des suffocations estranges, qui sont beaucoup pires que le mal duquel nous parlons.

Plusieurs autres auteurs alleguēt encore beaucoup d'autres causes, mais nous ne les voulōs pas recenser pour le presēt, à fin de couper court, nous contentans de les reduire toutes, ou sous la repletion qui est guerissable, moyennant qu'elle ne soit pas accompagnée de quelque vieille

tumeur scyrrheuse , ou de quelque antique Cal qui aye raccourcy quelque ligament, ou endurcy exrraordinairement l'orifice de la matrice , ou sous l'inanition , qui est totalement incurable quand elle prouient de quelque sieure hectique, ou d'un naturel marasme.

Signes
diagnosti-
ques.

Les signes de ce degistement sont manifestes , selon Hippocrate , premierement par l'attouchement; car si la sage femme y porte la main , elle sentira que ledict orifice n'est pas droictement situé , ainsi qu'il doit estre , & le trouuera plus dur , & plus estroictement bouché que de coustume. En apres par la suppression des moys & douleurs de reins , que les femmes qui en sont affligées endurent. Item par l'effusion de la matiere genitale incontinent apres la copulation ; & finalement par le peu de contentement qu'elles ont de baiser leurs

leurs maris estans priuées de toute esperâce de retenir & conceuoir tant que le mal dure. Mal à la verité fascheux & important, depuis qu'il rend les femmes steriles à la longue, selon le dire de nostre diuin Hippocrate.

Lib. de sterilibus.

Il faut tascher de guerir ceste infirmité, en reduisant & remettant la matrice en sa première & legitime situation. Car c'est la vraye, legitime, & vnique curation, de laquelle se doit seruir le Medecin en cest endroit, & de laquelle il pourra facilement venir à bout, premierement en ordonnant à celles qui en seront affligées, vne façon de viure moyenne & sobre, accompagnée de la vraye & legitime obseruation des six choses non-naturelles, puis aussi l'expurgation des humeurs, & la vuidange du sang, qui entretient la repletion, & generale & particuliere, ainsi que nous auons desia monstré cy deuant

par plusieurs fois, en sorte neantmoins que la diete & les purgatifs combattent directement les causes antecedentes, & conioinctes de ce degistement. Ce qu'estant fait, il faudra venir aux fomentations, evaporations, & injections vterines, qui ayent la vertu de ramollir les ligamens, & autres parties voisines de la matrice, qui sont cause du destournement & auersion de son orifice; parquoy,

Prenez racines de lys & de guimauves, de chascune deux onces; suelles de parietaire, violettes, senesson, mauues, herbe au chat, borrache mercuriale, de chascune une poignée; semence de pavot blanc, senegré, & coings, de chascune demi once; fleurs de camomille, melilot, nymphee, violes, de chascune un bon pugille; soit fait decoction dans du lait de cheure, & d'icelle soit fomenté le petit ventre chaudement avec des vescies de pourceau deux

ou trois fois le iour.

On se pourra seruir de la mesme decoction pour faire des euaporations & iniections dans la matrice, ainsi que nous auons dit, à fin que le remede penetre iusques à la partie affectée.

Que si cela ne suffit, il faudra instruire la sage femme, à ce qu'elle porte la main à la partie affectée, l'ayant au préalable bien frottée d'égales portions d'huile d'amandes douces & de lys; car ce faisant elle la pourra oindre, ramollir, & remettre peu à peu en sa premiere situation.

Il y en a qui se seruent heureusement des frictions douces & legeres, faiçtes d'haut en bas, en commençant depuis le nombril iusques au bout du ventre; & assurent qu'elles sont souueraines pour remettre la matrice en sa premiere place, & pour resoudre toute sorte de tension, &

pleni

plenitude qui pourroit estre en ces ligamens; principalement si on oinct tout le vêtre d'huile de lys, de rhuë, & de camomille, lesquels sont grandement carminatifs, & ennemis iurez des ventositéz enfermées dans la matrice, ou aux enuiron d'icelle.

Outre tous ces remedes, ie trouue qu'un demi-bain d'huile d'olif est grandement conuenable à la guérison de ce mal; la raison est, qu'il est manifestement remollitif, anodyn, & carminatif; apres l'usage duquel on se pourra seruir du parfum suyuant, qui est souuerain pour recreer & remettre la matrice, dessécher les humiditez superflues qui auroyent peu rester apres l'usage de la susdite injection & demi-bain, & pour esueiller la vertu generatiue.

Prenez storax en larme, & oyseaux de chipre, de chascun deux dragmes; trochisques de Nera, vne dragme; macis, canelle, mastice;

Hippocrate au 1. li-
ure des
maladies
des fem-
mes com-
mande de
se seruir
des par-
fums odo-
rans &
agreables
en ceste
maladie
icy.

maſtic, de chaſcun un ſcrupule ; ladanum demi once ſterbentine de Veniſe vne dragme & demi ; meſlangez le tout ſelon l'art dans des mucilages de gomme adragant tirees à la vapeur de l'eau roſe ; & ainſi ſoyent faiçts trochiſques peſans vne dragme la piece, la vapeur deſquels on receura ſur vne chere percée.

Il ne faut pas oublier en ceſt endroit l'vſage des vêtouſes appliquées ſur les ſeſſes & ſur le petit ventre, d'autant qu'elles ſont grandement propres à ce mal.

Finalemant, quand on iugera que tous les mauuais accidents auront paſſé, comme peuuent eſtre la douleur de reins, la tenſion du ventre, à cauſe des ventofitez qui ſe meſlent ordinairement parmi ce mal, & autres ſemblables ; & que la matrice ſera actuellement remiſe en ſon vray lieu naturel ; alors on ſe pourra ſeruir de bons emplaſtres, cataplaſmes, lini-

mens,

mens, fomentations, & autres semblables remedes corroboratifs & desiccatifs, tels que sont ceux que nous auons descrits cy dessus en la curation de l'intemperie humide.

Voyla l'ordre & la quantité des remedes qui m'ont semblé estre conuenables pour la guerison des plus communes & plus familiares maladies qui entretiennent la sterilité maladiue des femmes. Que s'il y en a encore plusieurs autres à la curation desquelles nous n'auons pas voulu toucher, comme peuuent estre les vlceres, les tumeurs contre nature, sans, ou avec inflammation qui arriuent à la matrice, la dislocation des dernieres vertebres, & du croupion, qui compriment bien souuent la matrice iusques à l'empescher de conceuoir, la suppression des moys, & plusieurs autres semblables; qu'on sçache que nostre dessein ne va pas si loin

loin que nostre tache est limitée, & qu'il n'appartient qu'à ceux qui par deliberation & profession expresse, veulent dresser des discours entiers touchant les maladies des femmes, de traiter amplement de toutes ces infirmités.

*De la curation de la sterilité respectiue
des femmes.*

CHAPITRE XIII.



Ceux qui sont plus prests de mesdire d'autrui que de s'instruire eux-mesmes, nous pourront reprocher en cest endroit que nous imitons les iuges iniques & ignorans, lesquels iugent bien souuent en dernier ressort des procez d'importance, sans auoir au prealable calculé & balotté le droict des parties; car il semble que ce seroit nostre deuoir de traiter amplement

plement des maladies & infirmités des hommes, qui sont les vraies causes de ceste sorte de sterilité féminine, à fin qu'estans bien cogneuës & guéries, les femmes eussent à se contenter de leurs maris, & du present traicté que ie leur voüe, lequel sera, peut estre, trouué defectueux & imparfait, à cause de cela. Mais il nous sera bien facile de rabattre & parer ce coup en leur respondant. Premièrement, que nous n'auons pas entrepris à present de meslanger & marier la sterilité des masles avec celle des femelles, ainsi qu'ils peuuent iuger par le tiltre de ce liure. Secondement, qu'il n'est pas necessaire de le faire; la raison est, que comme les causes de l'une & de l'autre sterilité ont vne grande analogie & conformité ensemble, aussi leur curation est quasi semblable, & notament quand elles prouiennent d'une ou de plusieurs

sieurs d'entre les quatre intempéries cardinales, telles que sont la chaude, la froide, l'humide & la sèche; de la curation & remedes desquelles nous auons amplement discoursu au chapitre precedent; de sorte que ce seroit importunément abuser de la patience des Dames, de redire si souuent vne mesme chose. Et encore qu'il y aye plusieurs autres maladies masculines qui contribuent à ceste sorte de sterilité, & qui neantmoins demandent d'autres remedes que ceux que nous auons alleguez par cy deuant; si est-ce que nous ne sommes pas d'aduis d'en dire autre chose pour le present, reseruant ceste matiere à vn autre traicté particulier, que nous ferons voir en son temps, si Dieu nous donne vie. Et si cela ne contente tels Aristarques, qu'ils prennent la peine de feuilleter Mercatus, Hucher, Varanda, & autres semblables

Autheurs qui en ont doctemēt escrit.

Quant aux infirmitēz feminines qui fomentent particulieremēt ceste sorte de sterilité, elles ne peuuent & ne doiuent estre traictēes en cest endroit touchant les remedes qui sont deus à leur curation; la raison est, qu'une bonne partie d'icelles a desia esté examinée au chapitre précédent, ainsi qu'il se peut facilement voir. Et pour les autres qui restent encore, nous auons deliberé d'en renuoyer leur guerison au chapitre suyuant.

*De la curation de la dernière sorte de la
sterilité feminine, appelée sterilité
pour un temps.*

CHAPITRE XIV.

LEs femmes que Dieu afflige de ceste sorte de sterilité, ont iuste occasion de se consoler en ce, que si elle leur est ennuyeuse
pour

pour vn temps, elle aura sa fin, & son amen beaucoup plustost qu'elles ne croient pas, moyennant qu'elles s'arment de priere & de patience, à l'imitation de Lia, de la Mere de Samson, de sainte Elizabeth, & de plusieurs autres semblables; & que d'ailleurs elles se comportent comme il faut; & comme nous dirons cy apres.

Nous auons dit au commencement du 10. chapitre, que nos Auteurs establisent deux sortes de ceste sterilité; & entre autres Mercatus au chap. 4. du 3. liure des maladies des femmes. La premiere, est celle qui ne recognoist autre cause que la bassesse de l'aage, pour la guerison de laquelle nous n'establissons aucun autre remede que le temps; estant tres-certain que si les filles se marient auant quatorze ans, ie ne les veux aucunement cautionner, ou asseurer de leur fecondité, pour les raisons cy

dessus alleguées; hormis qu'elles fussent d'une constitution extraordinairement vigoureuse & robuste; car en ce cas là ie leurs permetts d'anticiper

Platon, & Albert le grand ne cōseillent pas aux peres de marier leurs filles avant le troisieme septenaire de leur âge.

le terme que Platon & plusieurs autres législateurs ont establi pour les marier. Que si apres auoir demeuré mariées quelques années elles sont infecondes, qu'elles s'examinent elles mesmes, & sçachent si elles, ou leurs maris, sont cause de leur sterilité; & par ainsi, qu'elles recourent premierement à Dieu, puis apres aussi aux Medecins. Car ie les assure qu'elles auront des enfans, moyennant qu'il y aye, & en leurs maris, & en elles, quelque petite estincelle de fécondité, laquelle il est beaucoup plus facile de cognoistre, en les interrogeant particulièrement, qu'il n'est commode d'en donner la recognoissance par escrit.

L'autre sorte de sterilité est celle
qui

qui est fomentée par quelques maladies & infirmités, entre toutes lesquelles nous choisirons les principales & plus ordinaires pour en donner la curation tout au long. Et premierement nous commencerons par les auortemens ou blessures, qui sont la vraie pierre d'achoppement de la fécondité des femmes.

De l'Auortement ou blessure.

J'Estime que les femmes qui se blessent en toutes leurs grossesses, & qui ne peuvent porter leurs enfans à terme, ne sont pas moins steriles que celles qui ne conçoient du tout point. Ma raison est, que comme on ne peut pas appeler (que par abusio) vn arbre fertile & fecond qui porte quantité de fructs à demy terme tant seulement, & qui les laisse choir & perdre avant leur parfaicte matu-

rité; qu'aussi on ne sçauroit bonnement appeller vne femme feconde, laquelle porte beaucoup d'enfans, & souuent, & ne produit rien de viable pour vray & asseuré tesmoignage de sa fecondité. Voyla pourquoy j'ay delibéré en cet endroit de faire voir aux femmes trauaillées de ces accidens, combien il leur doit importer de suiure nostre aduis & conseil pour en estre deliurées.

Nos Autheurs qui ont escrit de la blesseure ou auortemēt des femmes, disent que ce n'est autre chose qu'une violente excretion du fruiēt contenu dans la matrice faite auant terme par l'action & concurrence de plusieurs causes contre nature. Or cesdites causes sont diuerfes; car les vnes sont externes, & les autres internes: Nous pouuons mettre au nombre des premieres les constitutions de l'air subites, soit ou Austrines, ou boreales;

l'vsa

l'usage excessif du vin & des viandes, outrop chaudes, ou trop froides. Item la faim, la gestation de quelque gros fardeau, les grâdes maladies, comme fièvre continüe, flux de ventre, perte de sang, violents purgatifs, colere, ialousie, tristesse, douleur grande, despit infigne, & autres semblables, sans oublier les fauts perilleux, & les dances, lesquels Hippocrate condamne tout à plat en cest endroit; & particulièrement au liure des maladies populaires, au paragraphe 2. Quant aux internes, il en trouue trois principales; sçauoir est, la grand' surcharge d'humeurs qui se ruent dans la matrice; & qui suffoquent l'embryon qui y est contenu: L'accroissement precipité du foetus, lequel venant à se faire plus gros que ne peut porter le peu de temps qu'il y a qu'il est formé, cause vne fascheuse extension à la matrice; laquelle irritée par les dou-

leurs qui en sont suscitées, expulsée
 auant le temps, & ledit foetus, & tout
 ce qui est cōtenu dans son estomach.
 Et pour la dernière, toute tumeur
 contre nature, ou pus, ou mole, qui
 s'amaſſe & ſe forme en ladite matrice
 à la longue, & qui prouocque ſa ver-
 tu expultrice. Il y a bien encore plu-
 ſieurs autres cauſes de ce mal, mais
 elles ſe peuvent rapporter aux ſuſ-
 dites.

Il eſt beaucoup plus facile à reco-
 gnoiſtre ce ſymptome quand il eſt
 ſur le point d'arriuer, qu'il n'eſt faci-
 le de prévenir ſon arriuée quelque
 temps au parauant, ſur tout quand
 on a à faire à des femmes qui ſont
 ſubiectes à leurs volontez & menus
 plaiſirs, comme vne truie à ſes co-
 chons; ce neantmoins ie veux qu'elles
 m'ayēt cette obligation, que d'auoir
 auourd'huy par mon moyen le
 moyen de ſe garantir d'iceluy, & de
 porter

porter à terme heureux tous les enfans qu'elles porteront. Or les regles & preceptes que ie leur veux prescrire seront partagez en deux : les premiers regarderont ce qu'elles doiuent faire, auant qu'elles soyent enceintes ; & les autres, ce qu'elles doiuent obseruer quand elles le feront. Quant aux premiers, ie suis d'aduis qu'elles s'adressent à leurs Medecins ordinaires, qui leur prescriront la façon de viure qu'elles doiuent tenir par precaution, pour combattre la cause qui les porte à se blesser si souuent ; puis ayans esgard à leur temperament, & indispositions, leur ordonneront des remedes conuenables à leur guerison ; ainsi, si elles ont accoustumé de se blesser pour estre trop sanguines, ils auront le soin de les faire saigner opportunément, si pour estre surchargées, d'humeurs peccantes, & d'une grande quantité

de serositez, ils leur feront vser de purgatifs qui agissent par vne particuliere analogie, ou similitude de substance contre icelles; item leur ordonneront des diettes, opiates, conserues, sachets, parfums, & autres semblables remèdes mediocrement dessiccatifs, & corroboratifs. Que si elles s'affoient pour estre trop ieunes, foibles & minces, on taschera de les fortifier par toute sorte d'alimens, & medicamens cardiaques, & les mettre en estat de prendre vn gros poisson au premier coup de filet. Et par ainsi s'efforceront de combattre toutes les autres infirmittez qui s'opposent à la vie des enfans qu'elles ne peuuent porter qu'à demy terme. Reste maintenant à parler de ce que les mesmes femmes doiuent faire quand elles sont enceintes, pour retenir les enfans qu'elles portent, iusques au temps naturel & limité

par

par la Nature.

Le leur conseille doncques (veu
que ce mal vient le plus souuent de
cause externe) de faire demeure en
vn air temperé, soit naturellement,
ou artificiellement; & s'il est trop
humide, elles le feront eschauffer par
feux de geneure, de thym, lauande,
rosmarin, ou plustost par vne casso-
lette qui fumera au coin de leur
chambre, cuitant cependant le feu
de charbon, & les fumées de torche;
que s'il est trop chaud, on le refroi-
dira par attroufement de vinaigre, par
fleurs de nymphée, roses, violettes,
fueilles de vigne, & roseaux espan-
chez par le paué de leurs chambres,
& semblablement par fruiets froids
& humides, tenus sur le buffet de leur
chambre, ou sur le cheuet de leur
liet, comme poires, pommes, & au-
tres. Elles se fouuiendront d'euitier la
grande chaleur, à cause qu'elle dis-
sout

412 *Discours de la sterilité*

soult & dissipe insensiblement les forces naturelles ; & le froid pareillement, parce qu'il repousse les excréments au centre de vie ; & excite aussi quelques fois la toux ; qui leur est grandement contraire, à cause du mouvement de tout leur corps ; & particulièrement de leur matrice empeschée. En outre, elles se feruorot médiocrement du dormir & du veiller, mais elles fuyront comme vn escueil tous exercices & bruits violens ; & particulièrement la dance, les tonnerres, canons, arquebuses, rompettes, tambours, & autres semblables. Quand elles marcheront, elles iront toute bellement, & à l'easye, sans aucunement courir ou sauter ; & si elles sont délicates, apprehensives, timides ; & de la qualité requise, qu'elles n'aillent point à cheval, ains qu'elles se fassent porter dans vne litière aysée. Au reste, ie leur permets

de

de s'exercer en ce qu'il leur plaira, moyennant que cela ne fasse par trop mouuoir leur corps, ne leur apporte aucune lassitude, & ne les engage en aucune cholere ou altercatiō. Qu'elles soyent vestues à la legere, proportionnément toutesfois, & suyuant la saison; que leurs robbes ne soyent point serrées & estroittes, à fin de n'empescher l'accroissement du ventre. Qu'elles fassent treues avec leurs marys, de peur que la guerre ne soit cause des troubles. Qu'elles eurent toute occasiō de vomir & de toussir; & si leurs moys coulent par trop (ce qui arriue le plus souuent où par plénitude, ou par irritation d'humeurs) qu'elles appellent leurs medecins, à fin qu'ils y pouruoient selon l'occur-
ce. Item qu'elles fuyēt toute frayeur, crainte, pleurs, fascheries, tristesses, cholere, & autres telles affections de l'ame. Qu'elles soyent soigneuses d'a-

voir le ventre mediocrement lasche;
& là où elles seront constipées, qu'elles se fassent faire des bouillons de prunes de Damas, ou qu'elles se servent de quelque suppositoire. D'ailleurs, il leur est enjoint de se nourrir de viâdes de facile digestion, comme sont panades, pressis, œufs mollets, gelées, orges mondez, blancs-manger, pigeons, perdrix, poulets, lapereaux, & autres semblables. Elles mangeront peu, & souuent, & leurs viandes seront confites (en hyuer particulièrement) de cloux de girofle, ou muscade, & non pas de canelle ou gingembre. Le vin dont elles vseront doit estre ou de couleur de griote, ou couuert, mais non pas clair, ou blanc. Qu'elles s'abstiennēt de toutes viandes venteuses, crues, & indigestes, comme sont choux, raues, refforts, truffes, pourreaux, & autres de pareille estoffe.

Après cela, si leurs medecins reco-
 gnoissent qu'elles soyent extraordi-
 nairement sanguines, ie ne trouue
 point de meilleur remede que la sai-
 gnée faite depuis le commencement
 du quatriesme mois iusques à la fin
 du sixiesme inclusiuement; & si elles
 sont bien robustes, depuis le second
 iusques au sixiesme, ainsi que nous
 auons dit. La raison est, que bien sou-
 uent l'excessiue quantité de sang qui
 s'en va à la matrice, tue & suffoque
 l'embryõ auant le quatriesme mois,
 ce qui trompe tous les iours les plus
 doctes medecins, lesquels attribuent
 telles blesseures à d'autres causes hors
 de propos. Ioint que l'experience
 iournaliere nous apprend (outre
 l'authorité des plus doctes, & notam-
 ment de Mercado) que la saignée
 n'est pas moins vtile à telles femmes
 pour la retention & maturité de leur
 fruct, qu'elle est quelquesfois neces-
 faire

lib. 4. de morbis puerper. & nutric.

Lib. 4. de morbis puerper. & nutric.

faire pour les faire accoucher viste-
ment & heureusement quand les tra-
uaux de leur enfantement sont trop
longs & trop violens.

Et si elles sont cacochymes, en for-
te que l'abondance des humeurs soit
manifeste par ses signes, alors on ne
fera point de difficulté de leur donner
quelque petit purgatif, depuis le qua-
triefme mois iusques au septiesme
inclusiuement, selon le dire d'Hippo-
crate. Car nos Autheurs remarquent
que lescdites humeurs font blesser les
femmes en diuerfes façons: Premiere-
ment, en rompant par leur pesanteur
les ligamens & vaisseaux qui tiennent
le fruit agraffé à la matrice. Secon-
dement, en suffoquant ledit fruit
par leur trop grande & trop subite
affluence, ainsi que nous auons desia
dit. Tiercement, en ce qu'elles estant
le plus souuent grossieres & terrestres,
& venans à boucher le passage qui
doit

doit porter la nourriture toute entiere iusques dans le nombril de l'enfant, font cause que le meilleur d'icelle s'arreste en chemin, de sorte que l'enfant ne tire que la moindre & la moins alimenteuse portion d'icelle, quasi comme par transcolation; & par ainsi deuiant ou atrophie ou hydropique, auant qu'il soit en estat de sortir en son temps. Et finalement en ce qu'elles esteignent & suffoquent les matieres genitales, & qui sont desia animées; d'où il arriue que le fruct deuiant difforme & monstrueux, & partant non viable.

Je ne me veux pas amuser maintenant à descrire les remedes desquels on a accoustumé de se seruir pour purger les femmes enceintes, veu qu'on ne les employe gueres qu'en grande necessité, ioint que les femmes mesmes doiuent auoir le soin de se faire voir à leurs medecins (ainsi

que nous auons desia dit) lors qu'elles sont incommodées en leur grossesse, à fin que tout aille bien par ordre, & selon l'art. Et nos Practiciens sçauent qu'en tel cas on se sert heureusement de la rheubarbe, de la manne de Calabre, de l'infusion de roses passes, voire mesme de l'agarc, quand leur mal lerequiert. De sorte que ie me contenteray pour le present de leur prescrire quelques remedes confortatifs, tant internes qu'externes, pour la retention & conseruation de leur fruiet, sçachant bié qu'ils pourront estre heureusement appropriez à toutes celles qui s'en voudrôt seruir au besoin, & par conseil; & particulierement à celles qui sont minces, delicates, de rare texture, & subiettes au mal de cœur.

Premierement, elles pourront vser par fois le matin de la conserue de roses de Prouins, avec vn peu de bois d'aloes

d'aloës en poudre , & deux grains d'ambre gris en forme de bolus , ou autrement , en beuuant en fuitte vn ou deux doigts d'Hippocras;ou bien si les tablettes fuiuantes leur agreent, elles en pourront prendre le poids de deux dragmes matin & soir deux fois la sepmaine.

Prenez poudre de diamargaritum vne dragme ; corail rouge , racine de bistorte, mastic, carabe, rasure de corne de cerf, yuoire, bois d'aloës , graine d'escarlatte , santal rouge, de chascun demy dragme; giroffle, & noix muscade , de chascun vn scrupule ; le tout soit puluerisé selon l'art, & avec suffisante quantité de sucre rosat perlé, dissoult en eau rose , soyent faites tablettes pesantes deux dragmes la piece , elles en vseront comme dit a esté. Elles sont excellentes pour fortifier toutes les parties interieures , & particulièrement le cerueau, le cœur & la matrice.

La theriaque, la confection d'al-

kermes, la confection de hyacinthe, l'essence d'angelique, de perles, de carabe, la graine d'escarlatte, prise avec quelques germes d'œufs frais, & autres semblables compositions leur sont tres-conuenables ; & en suite aussi les epithemes, tant solides que liquides, lesquels on appliquera sur la region du cœur.

Pareillement on fortifiera leur estomac par l'onction du cerat appelé stomachique, auquel on pourra adiouster encor de nouveau bois d'aloes, poudre de diarrhodon, escorce d'encens, macis, gingembre, girofle, noix muscade, & autres semblables ; ou bien par l'application de l'emplastre suyuant.

Prenez gingembre, galanga, canelle fine, cubebes, mastic, de chascun deux dragmes ; sang de dragon, roses de Prouins seches, de chascun une dragme : reduisez le tout en poudre tres-subtile, & le faites fondre

dre dans d'huylle naphe, ou de tossemin, en y adioustant ladanum, miel de Narbonne, de chascun demy once; musc de Leuant, dix grains; cire neusue, tout autant qu'il en faut pour former emplastre, lequel elles porteront tant que la necessité le requerra.

Que si les sachets leur sont plus agreables que le susdit emplastre, elles se pourront seruir des suyans.

Prenez fueilles seches d'aluyne, menthe, melisse, de chascune demy poignée; calamus aromaticus, escorce de citrõ, de chacun trois dragmes; semence d'angelique, des trois sants; roses de Prouins, fleurs de rosmarin, de chacun deux dragmes; giroffle, noix muscade, de chascun vne dragme; poudre de violette & de Chipre, de chascune vne once; que le tout soit grossieremēt puluerisé pour estre enfermé dans des petits sachets piquez de taffetas rouge, lesquels on imbibera de la vapeur de bon vin chaud, ou d'eau naphe, lors qu'il fera

422 *Discours de la sterilité*
question de les appliquer sur l'esto-
mac.

Après cela on appliquera vne ou
deux fois la sepmaine sur leur petit
vêtre, la moitié d'un pain tout chaud,
lequel on trempera dans du gros vin,
& le saupoudrera-on de muscade, gi-
roffle, & poudre de myrthe.

Mais on n'oubliera pas de leur fai-
re porter les deux emplastres suyans
en deux diuers endroits de leur corps,
à sçauoir vn peu au deffous du nom-
bril, & sur les reins: car ils leur serui-
ront grandement pour ayder à la re-
tention & cōseruation de leur fruiçt.

*Prenez emplastre de mastic demy liure,
poudre de corail rouge, myrtilles, giroffle,
noix muscade, noix de cyprez, racine de bi-
storte, de chascun deux dragmes; santal ci-
trin, graine d'escarlatta, & roses de Pro-
uins, de chascun vne dragme & demy; in-
corporez le tout ensemblement, & selon
l'art, dans l'huile de lentisque, & apres y
auoir*

à avoir adiousté un peu de terebentine de Venise, faites-en deux emplaîtres, l'un rond pour le ventre, & l'autre long & quarré pour les reins: on les pourra couvrir de petit taffetas rouge qui sera rayé en lozanges, à fin d'empescher qu'ils n'adherent au cuir.

Bref, s'il leur arriue quelque accident extraordinaire, elles recourront à leur medecin ordinaire; aussi bien nous ne nous sommes-pas proposez de remedier à tout pour le present, nous contentans de ce qui a esté dit.

Des fleurs blanches.

Nous auons amplement discouru cy dessus de la nature, difference & signes, tant diagnostiques que prognostiques de cest excrement blanc feminin, que nos Medecins appellent fleurs blanches. Il reste maintenant à voir en quelle façon on

pourra empescher sa generation, & remedier à la sterilité, laquelle il forme manifestemēt, ainsi que nous auons desia dit en suite du tesmoignage de nostre diuin Hippocrate, & de tous nos Practiciens.

La guerison de ce mal est tirée (generalement parlant) de la Diete, Chirurgie & Pharmacie; mais à le prendre en particulier, & selon la diuerse nature de l'humeur peccante qui l'entretient; il est necessaire de changer les remedes.

Ce neantmoins Hippocrate au liure de la nature des femmes, dit que le regime de viure deu à ceste maladie doit tendre à dessecher & astreindre mediocrement; voyla pourquoy celles qui en seront affligées doiuent vser de bons alimens, & bien nutritifs, & euitier toutes salades, fruiets, & autres telles viandes humides & excrementeuſes; elles vseront des viandes

des plustost rosties que bouïllies; se
seruiront des poires & coings cuits à
la braise à la fin de leur repas; boiront
d'ordinaire d'eau ferrée, dās laquelle
on aura faict bouïllir de racine de
Chine, & de semence d'anguries, des-
quelles on dit des merueilles pour la
guerison de ce mal; eueront toute
sorte de vins fumeux, grossiers, & as-
pres au goust, dormiront & s'exerce-
ront mediocrement; & finalement se
tiendront ioyeuses tout autant qu'el-
les pourront.

Pour les remedes, il faut sçauoir
que puis que ce mal est fomenté par
les causes qui viennent, ou de tout le
corps, ainsi que nous auons desia dit,
ou du cerueau, ou de la matrice mes-
mes; qu'il est necessaire de pouruoir à
toute ces parties, tant par remedes
purgatifs, alteratifs, reuulsifs, deriua-
tifs, que corroboratifs, lesquels seront
ou internes ou externes. Quant aux

premiers, il est certain que la plénitude & cacochymie, qui contribue grandement à ceste infirmité, nous oblige de les employer; voylà pourquoy nous serions d'aduis que ces femmes se seruissent souuent de ce syrop magistral suyuant.

Prenez suc de roses pasles trois liures, dans lesquelles vous ferez infuser & boüillir agaric recent & non trochisé demi once; sené de Leuant vne once & demi; graine d'esperuier & hermodactes, de chascun demi once; cabaret, turbit, & soldanelle, de chascun deux dragmes; rheubarbe, myrabolans citrins; de chascun vne dragme; canelle, noix muscade, gingembre, auis, spica-nard, de chascun demi dragme; sucre fin vne liure, ou enuiron; quand le tout aura infusé & boüilli, selon l'art, iusques à tant qu'il soit parfaictement cuit, exprimez le bien, & en donnez deux onces au matin, deux ou trois foys la sepmaine, durant vn couple de moys, & si la dose

dose n'est suffisante, adioustez à vne chascune d'icelles vne once de syrop rosat, avec agaric. Ce remede a la vertu de vider peu à peu le phlegme, & insipide & salé, qui s'engendre par tout le corps, mōdifie, & nettoye tous les excremens qui croupissent en la premiere & seconde region, & outre ce fortifie merueilleusement les parties naturelles. Aux iours qui seront vuides de purgation, elles pourront vser du suyuant apozeme.

Prenez les cinq racines aperitives, racines d'orcanette, & d'enula Campana, de chascune vne once; fueilles d'armoyse, chicoree, fume-terre, ceterac, scabieuse, pimpinelle, de chascune vne petite poignee; semence de melon, citrouille, (laquelle est particuliere, & specifique pour la guerison des fleurs blanches,) courges, & pourpier, de chascune deux ou trois dragmes; fleurs de genest, souci, petite centauree, borraches, & violettes, de chascune vn pugille; soit faicte deco

decoction de tous ces ingrediens dans de petit laiët de cheure, & quand elle sera faite selon l'art, exprimez-la, & en donnez quatre onces tous les matins aux iours susdits. Cest apozeme altere, & digere puissamment toutes ces humeurs meslees, chaudes & froides, qui prennent leurs cours dans la matrice, & qui s'amassent de temps en temps dans les intestins, veines, viscères, & autres parties voy fines, on le pourra reiterer selon le besoin & l'occurrence.

Si le cerueau fournit à ce mal, il se ra fort à propos de se seruir de medicamens attractifs, & qui ont vne particuliere analogie avec iceluy, telles que sont les pilules, cocchees, d'agarric, aggregatiues, Arabicques, & autres semblables.

Finalemēt, quand les purgatifs, & alteratifs auront esté employez à suffisance, il faudra penser à arrester
ces

ces humeurs par quelque medecament qui purge en reserrant avec mediocrité, & qui fortifie les parties interieures, en voicy la description d'un que j'estime estre tres-conuenable.

Prenez escorce de myrabolans citrins deux dragmes; rheubarbe fine une dragme; spica-nard un scrupule; semence d'annis demi dragme; fleurs de violes & boraches deux petits pugilles; faites infuser ces ingrediens en eau de plantain, & apres leur auoir fait prendre deux ou trois bouillons, exprimez-les iusques à une dose, dans laquelle vous dissoudrez trois dragmes de diacartham, & une once syrop rosat avec agaric, & par ainsi vous ferez vne medecine salutaire à ce qui a esté dit cy dessus.

Cependant il ne faut pas oublier la saignée apres la premiere, ou seconde dose du syrop magistral, cy dessus escrit; car nos Practiciens l'ap-
prou

prouuent grandement pour deux raisons; la premiere est, qu'elle diuertit la fluxion tombante dans la matrice; l'autre, qu'elle en vuide vne grâde partie, & purifie par ce moyen toute la masse sanguinaire; Apres la saignée on se pourra seruir des ventouses deccoupees, ou cornets pour mesme effect, sans oublier les vomitoires, & les frictions vniuerselles, qui ont vne grande vertu d'attirer du centre à la circonference, les humideitez superfluës du corps.

Outre tous ces remedes, nos Auteurs approuuent grandement les decoctions sudorifiques, & les esteues seches, mais ils font encore plus particulièrement estat de la decoction de chine, que de tout autre chose, & assurent qu'il n'y a point de remede plus assuré pour la guérison de ce mal, ainsi que nous auons desia dit: parquoy celles qui en au-
ront

ront besoin ne feront que bien de continuer son vſage l'eſpace de deux mois entiers, deſpuis que c'eſt vn remede benin, facile, & ſans amertume, & qui fait inſenſiblement ſon operation: on pourra preparer ladite decoction tous les trois iours, à celle fin qu'elle ne ſe corrompe. Or pour la faire on prendra trois onces de ladite racine, & on la fera bouïllir en quatre ou cinq liures d'eau ferrée, iuſques à la conſomption de la troiſieſme partie, & on en vſera à ſes repas ſans vin, ſi on le peut faire.

Mais quant on recognoiſtra que leſdites fleurs blâches ſeront cauſées par la pituite chaude & ſalée (comme cela arriue bien ſouuent) apres l'vſage des ſuſdits remedes generaux, on fera tres-bien de faire vſer de laiçt d'aſneſſe à celles qui en ſeront affligées, & le leur fera-on continuer l'eſpace de trente ou quarante iours; car nos Auteurs

432 *Discours de la sterilité*
theurs trouuent qu'il est tres-propre
pour reboucher la pointe de l'acri-
monie insupportable de ladite hu-
meur, & pour mediocrement rafrai-
chir & recreer toutes les parties inte-
rieures qui ont esté desbauchées par
son affluence & mauuaife qualité.

Et s'il arriue qu'apres tous ces re-
medes faits, les fleurs blâches fassent
encore du rauage, ie leur conseille de
se seruir de l'opiate suyuant, qui est
excellemment bonne pour les arre-
ster à la langue, & pour fortifier le
cerueau & la matrice.

Excellen-
te Opiate
pour la
guerison
des fleurs
blanches.

*Prenez conserue de fleurs de grenadier,
& conserue de la racine de symphitum,
de chascune vne once et demy; ambre
iaune, crystal, racine de filipendula, se-
melle, de chascune deux dragmes; corail
rouge preparé, yuoire preparee, rhapontic,
corne de cerf preparé, de chascun vne dra-
gme; semence de citrouille vne once; the-
riaque & mithridat fin, de chascun quatre
scrupules;*

scrupules; perles preparees, & gomme arabique, de chascun deux scrupules; puluerisez le tout selon l'art. & le meflangez avec tout autant de syrop de coraulx de la description de Quercetan, comme il en fera de besoin pour estre reduit en opiate, en y adioustant quelques fueilles d'argent fin. La dose de ceste opiate sera de deux dragmes, lesquelles on prendra soir & matin trois heures auant le repas, sans rien boire apres, & continuera-on vingt cinq ou trente iours.

Quant à la matrice, à laquelle nous auons desia dit qu'il faut pouruoir, nous sommes d'aduis que les susdites femmes se seruent premiere-ment de l'iniectiō vterine suyuan-
te, pour mondifier leur matrice, ap-
païser les douleurs qu'elles y sentent
lors que la matiere est chaude & vl-
ceratiue, & arrester en quelque façon
l'impetuosité de la fluxion.

Prenez racines de la grande conso-

lida deux onces; *absynthe Pontique*, *fuilles de chesne*, & de *figuier*, de chascun vne poignée; *semence de senegré* & de *ris*, de chascune deux ou trois dragmes, *roses*, *violettes*, & *fleurs de grenadier*, de chascune un pugille: faites cuire tous ces ingrediens dans du *laiet de cheure*, & seruez vous de la *decoction* coulee avec un instrument propre, en adioustant à icelle un peu de *myrrhe* & de *manne d'encens*: mais il se faut souuenir d'en vser tant seulement le matin, & hors du temps des naturelles purgations, à fin qu'on ne vinst à les arrester imprudemment.

Après celà, elles pourront vser du demi bain suyuant.

Prenez *racine de pabelle*, grande *consolida*, *bistorte*, *rhapontic*, de chascune quatre onces; *noix de cyprez*, *escorce de grenades*, *roses rouges*, *fleurs de nymphee*, de chascun trois onces; *absynthe ponticque*, *plantain*, *centinodia*, *hepatique*, *bource de pasteur*, de chascune trois bonnes poignées;
alum

alum de roche vne liure et demi; soit fait decoction en eau de forge pour vn demi-bain, dans lequel elles entreront deux fois le iour, matin & soir, demeureront en iceluy vne heure ou enuiron, si elles peuuent, & continueront trois ou quatre iours. Estans sorties du bain, elles se pourront seruir du parfum suyuant.

Prenez ladanum, hypocistis, encens, ambre jaune, de chascun deux dragmes; bois d'aloës, mastic, santal blanc, & citrin, macis, benioin, de chascun vne dragme; mucilages de gomme adragant, faites avec eau rose, tout autant qu'il en faut pour en former des trochisques pesans demi dragme; desquels on se seruira apres la sortie du bain, avec vn entonnoir conuenable.

Ou bien se contenteront du seul parfum des fucilles de sauge des iardins, laquelle a la vertu (admirable & particuliere) non seulement d'arrester les fleurs blanches: mais aussi

toutes autres pertes de sang procedantes de la matrice.

Ou finalement se seruiron t d'un pessaire faict des fueilles d'ozeille ronde ; car nos Autheurs estiment que ce soit le meilleur secret qu'ils ayent en tel cas ; veu que ladite plante est merueilleuse pour arrester toutes fluxions vterines blanches , ou rouges, sans toutesfois arrester , ou retarder en façon quelconque les purgations naturelles qui arriuent tous les mois.

Adiouſtons encore qu'elles doiuent recourir aux amplastres , linimens, cauterres potentiels, & bains chauds & sulphurez, pour arrester, vuider, dissiper, & consumer peu à peu toutes les humiditez froides & superflues, qui entretiennent leur mal. Et au contraire, se seruir premierement des bains tiedes, remollitifs, & temperans, puis des dessicatifs, & astringents, naturels, ou artificiels; en cas

éas que leurs humeurs peccantes
soyent chaudes, bilieuses, & vlcera-
tiues.

*Du trop de graisse, ou embompoint
superflu.*

LE commun prouerbe dit que ia-
mais bonne graisse ne se prend à
mauuaise chair ; ce qui sera trouué
veritable, si on se prend à l'opinion
de ceux qui tiennent que toutes les
personnes grosses & grasses sont dou-
ces, courtoyses, & de bon naturel.
Mais comme il ny a reigle si genera-
le qui n'ait quelque exception, aussi
i'estime que ceste commune façon
de parler se trouue bien souuét fauf-
se & erronnee, encore que les Italiens
disent, que *I prouerbi non fallano* ; La
raison est qu'il en arriue des hommes
& des femmes, comme des plantes
de toute sorte, parmi lesquelles il s'en

trouue de bonnes, & de mauuaifes en mesmes climats, iacoit que cultiuees de mesme façon, situees en terre esgalement bonne, & reputees de mesme espeece, de mesme aage, & de mesme vigueur. Ioinct que nous scauons par experience qu'il y a eu, & a encore plusieurs personnes grosses & grasses, qui ont esté & qui sont de tres-mauuaise nature, entre lesquels nous pouuons mettre Amurath 3. duquel nous auons parlé cy dessus, qui estoit gros & rond comme vn muid de vin, selon le dire de Matthieu, & neantmoins a esté vn des plus grands scelerats d'entre tous ceux qui sont sortis de la race des Ottomans, ainsi qu'il se peut lire dans le Calchondyle de Vigenere, & dans l'histoire vniuerselle de Dauity. De sorte qu'il vaut mieux se tenir à l'autre façon de parler qui dit, de toute taille bon leurier; à cause que comme toutes maladies

ladies faiffent indifferemment toute forte de personnes de quel fexe, aage, ou vigueur qu'elles foyent, en toutes faifons, & fous mefme temperature d'air; auffi les vertus & les vices, entre lesquels nous mettons à bon droict la bôté & mauuaiftie naturelle, fe prennent & s'attachent à elles fans condition, & comme il plaift à Dieu.

Or d'autât que noftre deffein eft limité dâs les barrieres de la medecine, & que nous auons refolu de traicter tant feulemēt de la guerifon de l'embōpoint excessif des femmes, & nō de la cognoiffance & remedes des vices & des vertus de l'vn & de l'autre fexe, nous tafcherons en fuitte de trouuer quelques bons & familiers remedes pour deliurer le fexe feminin de ce fardeau infupportable que nous appellons trop de graiffe, laquelle en rend les vnēs maladiues & incapa-

bles de tout libre mouuement, les autres odieuses à leurs maris pour sentir le bouquin, & les autres finalement steriles & infecondes toute leur vie, quand elles en negligent les remedes.

Cest embompment excessif doncques, se pourra facilement guerir, moyennāt qu'il soit exempt de trois mauuaises conditions. La premiere, qu'il ne soit pas par trop excessif; car comme les maladies extremes sont le plus souuent incurables, aussi l'excēssive graisse est indiminuable de quel biais qu'on la prenne, sinon qu'on se voulust seruir du remede dont on ma voulu faire accroire que se seruoit vn certain empirique Allemand, il y a quelques annees, en plusieurs villes d'Allemagne, qui estoit, d'escorcher ses patients en diuerses parties du corps, & puis en tirer la graisse (chose ridicule) avec des instru

strumens propres , à l'imitation d'un certain autre Medecin Romain, qui en fit autant à un fils d'un certain homme Consulaire , selon le rapport de Pline en son onzième liure. La seconde, qu'estant excessif il ne soit pas hereditaire ; car il n'est pas plus difficile d'empescher qu'un roignon , ou qu'une vescie , par droict d'heritage , & naturellement disposee au calcul , ne produise & n'engendre des pierres , qu'il est impossible de s'opposer à la generation de la graisse en un corps qui est dispose à icelle , autrement il vaudroit autant attenter à la peruerfion de la nature mesme. La troisieme , qu'il ne se rencontre pas en un corps mol, lasche, foible, caduque , & incapable de supporter les remedes que nous dirons cy apres ; car cela estant, on n'en doit pas esperer la guerison ; en suite du dire d'Hippocrate , escriuant que c'est folie au

Medecin de se tourmenter apres la guerison d'une maladie fascheuse & hargneuse, lors qu'elle se rencontre en vne personne desnüée de force & de vigueur naturelle.

Parquoy, ces trois cōditions ostées nous proposerons les remedes deus à cesté incommodité. Et premiere-ment nous sommes d'aduis, que celles qui en sont affligées demeurent en vn air sec, septentrional & serain, qu'elles recerchent les promenades & autres exercices penibles; qu'elles vsent moderement de toute sorte de viandes peu nourrissantes, seches, de haut goust, & accompagnées de sauc-ces picquantes avec poiure, gingembre, moustarde, & autres semblables. Et qu'au contraire elles eurent tous potages, salades, laiçtage, & fruiçts nouueaux, hormis les pruneaux & les pōmes cuittes, desquelles elles se serviront en petite quantité à l'entrée
de

de leurs repas, à fin d'auoir leur ventre libre & gay : quant à leur boisson ordinaire, elles vseront d'un bouchet faict d'esgales portions de guaiac & de chine, car on tient que ceste racine a la vertu d'amaigrir ceux qui sont trop gras, & d'engraisser ceux qui sont trop maigres; & neantmoins leur sera permis de meller vn peu de vin avec leur dit bouchet, moyennant qu'il soit rouge, couuert & aspre au goust, ou blanc & aqueux: car l'un & l'autre est fort peu nutritif. Outre ce auront en recommandation de ne coucher sur la plume, de ne gueres dormir, & de se leuer matin; car il n'y a rien qui entretienne & augmente si fort la graisse que de dormir la graisse matinée, selon le rapport d'Aristote & de Martial. Mais auant que se leuer elles se feront frotter tout le corps d'haut en bas, avec des linges vn peu rudes.

*Dormitis**uimium**glires. vi.**tulique**marini,**Nil mirum**si vos crassa**Minerua**premit.**Martial.*

Qui

Qui plus est; ne demeureront guerres en repos, ains s'exerceront le plus qu'elles pourront, & chercheront toutes occasions de trauailler le corps & l'esprit. Bref pour les affections de l'ame ie ne les veux pas exempter de routes; car ie sçay que la tristesse, la ialousie, & particulièrement la cholere, leur sont quelquesfois necessaires, à fin de tenir à l'erte & en liberté leur chaleur naturelle, & leurs esprits vitaux, qui sont englouttis dans leur graisse comme dans vn gouffre d'humiditez superflues. l'excepte neantmoins celles qui se nourrissent dās la cholere comme le poisson dans l'eau, & qui deuiennent grosses & grasses en se faschant.

Pour les remedes, il faut premiere-
ment penser à vuider la plénitude & caco-
chymie, qui les accable, par des
purgatifs souuent reïterez, tels que
peuuent estre ceux que nous auons
descrie

descriit cy dessus au parahraphe de l'intemperie froide, sans oublier aussi les saignées faictes à propos, tant aux bras qu'aux pieds, en cas que leurs moys ne coulent pas regulierement. Entre autres purgatifs, nous serions d'aduis qu'elles vsassent des pillules suyuanes.

Prenez aloës succotrin non laué demi once; crystal de tartre, racine d'Aron preparée, agaric trochisé deux dragmes, gummi lacca trois dragmes; trochisques de myrrhe & sel gemme, de chascun quatre scrupules; saffran & scammonée, de chascun deux scrupules; poiure blanc une dragme; le tout estant puluerizé selon l'art; soit meslangé & malaxé avec syrop d'armoyse, puis redigé en masse, de laquelle elles pourront prendre tous les huit iours demi dragme, ou deux scrupules; plus ou moins, selon la premiere operation, & continueront deux moys, ou tout autant que durera la diette austere & longue
que

nous leur ordonnerons cy apres. Ces pillules sont excellentes non seulement pour purger, desoppiler, & nettoyer l'estomach, le cerueau, la ratte, le foye, le mesentere, & la matrice, mais aussi pour consumer sensiblement, & insensiblement la graisse superflue de la coiffe & des muscles, & pour resister à toute sorte de pourriture.

Et d'autant que les obstructions tiennent le haut bout en ceste infirmité, il ne sera pas hors de propos de leur faire vser de l'apozeme suyuant, qui est particulierement destiné à vuidier vne partie de leur graisse par les vrines.

Prenez racines d' Aron, ache, polypode, fenouil & bryonia, de chascune vne onces; feuilles de ruë, armoyse, matricaire, sabine, sauge, byssope, feugere, de chascune vne poignees; semence de periclymenum, ache, anis, cumin, carpobalsamum, amandes ameres,

ameres, de chascune deux dragmes; fleurs d'absynthe, petite centauree, & de soucy, de chascune un pugille, poiure blanc conquassé deux dragmes, faites boüillir tous ces ingrediens en esgales parties de vin blanc & de vinaigre miellé, & quand la liqueur sera reuenüe à une liure & demi, coulez le tout artistement, & faites user de la decoction coulee durant cinq ou six matins consequutifs; mais il se faut souuenir de faire prendre auant chascque dose vne dragme de la poudre suyuant, qui est particuliere, & specifique pour amaigrir.

Prenez gomme surnommee lacca, qui vient des Isles Taprobanes, trois dragmes; ambre iaune, sarcocolle, alun de roche, semence de ruë, poiure blanc, gingembre, myrrhe choisie, sel de viperes, de chascun une dragme; perles preparees, fragmens de hyacinthe, santal blanc, corail rouge, & corne de cerf preparee, de chascun un scrupule; sucre fin deux onces, soit fait poudre tres-subtile

subtile de tous ces ingrediens ; l'usage d'icelle est d'en prendre vne dragme chasque fois de bon matin, non seulement durant les prinſes du ſuſdict apozeme, mais auſſi tout autant de temps qu'il ſera neceſſaire en beuuant apres deux doigts de vinaigre miellé.

Cependant elles obſerueront la diette ſuiuante durât quarante iours.

Prenez eſcorce de guiac trois onces ; ſaſſafras vne once & demi ; millet conquaſſé vne poignée ; poiure blanc vne dragme ; faites infuſer & bouïllir le tout en ſix liures d'eau de fontaine, iuſques à la conſomption de la moitié, puis l'ayant coulé, donnez leur en boire ſix onces tiedes matin & ſoir, l'eſpace de quarante iours, durant leſquels elles ſueront copieuſement, & cependant elles ne boiront en leurs repas que du bouchet, qui ſe pourra faire de la reſidēce de la ſuſdite decoction,
en

en adioustant à icelle quelque peu de vin rouge, vert, & couuert, moyennant qu'elles le puissent supporter. Quant à leurs viandes, elles seront chaudes, seches, & rares, desrobans tousiours quelque repas, à fin d'occuper d'auantage leur chaleur naturelle apres la dissipation de leur graisse importune.

D'auantage, il ne faut pas oublier de pouruoir à la matrice en particulier, & travailler à vuidier, dissiper, & consumer les humiditez superflues qui croupissent autour d'icelle, & dans son propre estomach. Ce qui se pourra facilement faire par onctions, pessaires, parfums, bains sulphurez, & alumineux, cauterés potentiels, ventouses, & autres semblables remedes, desquels nous n'estalerons pas les descriptions pour le present; depuis que nous en auons desia ordonné d'autres au paragraphe de l'intem-

perie humide, qui pourront seruir en cest endroit.

De la maigreur extraordinaire.

O Vtre les deux sortes de maigreur dont nous auons parlé cy dessus au chapitre 10. il y en a encore deux autres qui ne pesent pas moins. La premiere desquelles ne procede que d'une intemperie froide & seche, inseparablement attachée aux parties solides du corps, contractée à la longue, & fort particuliere à la plupart de ceux & de celles qui viuent iusques à vne extreme caducité; voyla pourquoy aussi Galien la nomme bien à propos Marasme, ou consommation, contre laquelle l'industrie de l'homme n'a peu iusques à present trouuer aucun remede non plus que contre la mort; qui est la cause que nous n'en establissons aucune curation.

tion. La seconde est celle qui reconnoist pour sa cause efficiente vne forte d'intemperie chaude, seche, & bilieuse, qui extenuë & consume insensiblement le baume radical des parties si on n'y prend garde, & neantmoins ne peut, & ne doit estre reputée de mesme nature que la fièvre hectique, encore qu'elle produise presque les mesmes effets; la raison est, que la maigreur est contenüe dás la latitude de la santé, & la fièvre hectique est comprise dans le nombre des maladies similaires, ainsi que scauent ceux qui sont versez en la connoissance de la medecine.

Or pour remedier à ceste seconde forte de maigreur, tous nos Autheurs ne se seruent que d'une seule indication qui leur sert de guide, & laquelle nous pouons en partie appeller preseruatue, & en partie conseruatue, car comme celle cy regarde la con-

seruation des facultez, & des parties du corps; aussi celle-là a en teste la cause qui produit la maigreur, & tasche entant qu'elle peut, d'empescher son progrez; qui ne tend qu'à la destruction du corps, & de la vie.

Ceste indication se parfera facilement par bons alimens mediocrement alteratifs, qui ayent la vertu de produire grande quantité de bon sang; qui soyent temperez en leurs premieres, & manifestement humides en leurs secondes qualitez. Outre ce, nous estimons que l'observation des choses non-naturelles, peut grandement seruir en cest endroit; car celles qui desirent deuenir grasses doiuent establir leur habitation en vn air temperé, où par nature, ou par art; se doiuent fort peu exercer, euitans toutes occasions de lassitude & de sueur, horsmis qu'elles fussent d'vn temperament froid, frilleux, & humide;

mide; car en ce cas là l'exercice & le mouvement leur est grandement nécessaire, fuyuant le dire d'Aristote au 6.liure de ses Problemes, où il escrit que le repos engraisse ceux qui sont chauds & bilieux, & le mouvement, ceux qui sont froids & phlegmatiques. Qui plus est, elles doiuent auoir leur ventre fort peu souuent lasche; j'ay dit fort peu souuent apres Celse, Montuus, Mercatus, & plusieurs autres grâds personnages, d'autât qu'ils sçauēt tres-bien qu'il n'y a riē qui abbate plustost la vertu naturelle que le flux de ventre. Outre ce, s'abstiendrôt du tout de la cōpagnie de leurs maris, iusques à tāt qu'elles soyēt en estat de leur oster vn enfant du vêtre; se ferôt doucement frotter par tout le corps deux fois le iour, c'est à dire matin & soir, commençans d'haut en bas, à fin d'attirer en la troisieme region du corps la nourriture qui luy est deuë;

tascheront de dormir les nuits toutes entieres, & seront couchees mollement & delicatement, tout autant que leur condition le pourra permettre; fuyront comme vn escueil toute cholere, fascherie, enuie, ialousie, & autres semblables passions qui les pourroyent porter à vn marasme. Bref, elles tascheront d'executer les ordonnances que nous ferons cy apres en leur faueur.

Premierement, elles se seruiron fort souuent des bains d'eau tiede, dans laquelle on aura faict bouillir plusieurs racines, herbes & fleurs temperées, & mediocrement rafraichissantes, ou si elles sont de la qualité requise, & qu'elles ayent le moyen de faire à peu pres comme Poppée femme de Neron, (laquelle entretenoit ordinairement cent asnesses pour se baigner tous les iours dans le lait qu'elles rendoyent;) elles se pourront
fourrer

fourrer dans vn bain de laiçt, ou bien partie de laiçt, & partie d'eau de riuere, & demeureront en iceluy vne heure, ou deux si elles peuuent, deux heures apres leur repas, à fin d'aider à la distribution des alimens qu'elles auront prins; & en eſtât sorties, ſe feront oindre tout le corps, ou d'huile d'amâdes douces, ou de beurre frais. Mais en hyuer elles ſ'en paſſeront, moyennant que leur maigreur ne ſoit trop vrgente. La raiſon eſt, que telle ſaiſon n'eſt pas fort propre pour vn tel remede, l'efficace duquel ſ'aperçoit beaucoup plus ſenſiblement eſ trois autres, & notamment au printemps qui eſt tres-fauorable à la gueriſon de toutes infirmittez, & particulièrement de la maigreur.

En apres nous ſommes d'aduis qu'elles vſent l'eſpace de deux moys entiers non ſeulement du laiçt d'aſneſſe, qui eſt fort conuenable en ceſt

endroit, mais aussi du lait de quelque femme ieune, saine, claire-brune, & qui aye fait vne fille; car les femmes mesmes scauent tres-bien apres Hesiodé & tous nos medecins, qu'il n'y a point d'aliment plus substantifique, ny plus propre pour engraisser que celuy-là. Mais il faut qu'elles le tirent de la mammelle comme les enfans deux ou trois fois le iour, & notamment le matin; & qu'apres elles taschent de dormir vn couple d'heures.

Les œufs frais & mollets ne doiuent pas estre de moindre estime en leur endroit; car Auicenne assure que leurs moyeus engendrent autant de sang comme ils pesent. Quelques vns font aussi grand estat du miel de Narbonne, mais ie l'estime plus conuenable aux vieillards capulaires, aux phlegmatiques, froids, & catharrheux, & à ceux qui sont affligez de
la

la première forte de maigreur, que nous auons appellé marasme, qu'aux femmes maigres, desquelles nous parlons à présent. D'autres conseil-
lēt à ces femmes de boire tout chaudement le sang tiré du dessous les aisselles des pigeonneaux: mais d'autant que c'est aliment est autant ou plus cruel que salutaire, il vaut mieux qu'elles vsent de bons consumeurs, distillez, orges mondez, blans manger, laiēt d'amandes geles, pressis, restaurans, pastes royales, & autres semblables viandes qui leur seront beaucoup plus profitables.

Auicenne & Mercurial trouuent fort bonne celle qui s'uyt;

Prenez farine de froment, & amydon, de chascune vne liure; beurre frais suffisante quantité, faites en vne paste de bonne consistance, & l'ayant fait secher à l'ombre reduisez-la en poudre tres-subtile, de laquelle on en prendra quatre ou

cinq onces pour en faire de la boüillie avec du bon consumé.

Neantmoins i'estime que ceste autre suyuant est beaucoup meilleure & plus capable d'engraisser.

Prenez fine farine d'orge telle quantité que vous voudrez, & en faites une paste qui soit un peu ferme, avec esgales portions d'eau rose & d'hippocras blancs; puis faites la boüillir l'espace de trois ou quatre bonnes heures dans un pot de terre neuf vernissé, & plein d'eau de fontaine, en sorte neantmoins que l'eau surnage toujours par dessus ladite paste; cela estant fait, faites la secher à l'ombre par morceaux, & la puluerisez subtilement, puis en donnez trois ou quatre onces; lesquelles vous ferez derechef boüillir avec de bon consumé comme dessus, en y adioustant un couple de iaunes d'œufs frais, & deux onces de la poudre qui suyt, qui est de l'inuention d'Halyabbas medecin Arabe, & qui est excellemment bonne, non
seule

seulement pour les personnes maigres, mais aussi pour les tabides.

Prenez semence de pavot blanc dix dragmes; gomme Arabique, gomme adragant, amydon, de chascun deux dragmes; semence de pourpier, de mauue, de guimaue & de seneué (i'adiouste ceste derniere graine, d'autant que Mercurial assure qu'elle engraisse par propriété occulte) de chascune cinq dragmes; semence de courge, melon, citrouille, concobre, de chascune sept dragmes. Spode, suc de reglisse, de chascun trois dragmes; penides recètes autant pesant que tout le reste, soit faict poudre tres-subtile & selõ l'art, pour en vser cõme dit a esté. Je ne pense pas qu'il se puisse trouuer deux autres remedes nourrissans, pareils à ces deux derniers, pour engraisser toutes sortes de personnes, & particulierement les femmes & les filles.

Quant à l'usage des aliments gras & salés, desquels plusieurs font grandissime estat pour engraisser ceux & celles

celles qui sont maigres, en suite du
tesmoignage de Plutarque en ses
questions naturelles, & de Plin au
chap. 73. de son 10. liure ; ie dis & de-
clare que d'autant qu'ils n'aggreent
pas à toutes personnes maigres indis-
feremment ; qu'il est permis d'en vser
à ceux qui les aggreeront, & non aux
autres ; encore que nous scachions
bien qu'ils sont fort propres pour vn
tel effect : car outre que nous voyons
que les bergers ont accoustumé de
donner du sel aux brebis pour les en-
graisser ; nous lisons encore qu'un
certain medecin Grec nommé Apol-
lonius disciple d'Herophylus en-
graissoit tous ceux qui estoient mai-
gres, par l'usage de viandes salées.

Bref, il y en a qui approuuēt gran-
dement en cet endroict l'usage de la
chair d'escreuisse de riuiera, de tor-
tue nemorale, & d'escargots, auxquels
ie me range entièrement ; car puis
que

que nos Autheurs s'en seruent heureusement pour les personnes hectiques & tabides, il est vray-semblable qu'elle a la vertu de remettre l'embompoinct des femmes qui n'ont en elles autre maigreur que celle qui est facilement reparable, & sans aucun mauvais accident.

Or entre toutes les preparacions desquelles on a accoustumé de se servir pour employer la chair desdits animaux, ie trouue que la meilleure est de la bien nettoyer & lauer en eau rose, puis la faire bouillir avec du lait de vache, & l'ayant bien pilée la meslanger avec quelques autres ingrediens de la façon qui suit.

Prenez chair d'escreuisse, de tortue, ou d'escargots, nettoyée & bouillie comme dit a esté, une liure, ou une liure & demy, pilez-la viuement dans un mortier de marbre avec un peu de lait d'asnesse, iusques à tant qu'elle soit entieremēt dissoute,

puis

puis y adioustez de nostre farine d'orge cy dessus escrite deux onces, laiët d'amandes douces quatre onces, deux moyeus d'œufs bien frais, sucre fin trois onces, essence de perles deux dragmes: remettez le tout dans vn pot de terre vernissé, & le faites cuire doucement l'espace de quatre heures, puis en donnez six onces matin & soir: c'est vn manger royal, & grandement conuenable pour remettre en bon estat toutes personnes maigres.

D'autres employent autrement ladicte chair, la meflangeans parmy les pastes royales, lesquelles ne sont pas à mespriser en cest endroit: mais nous n'en dirôs pas autre chose pour le present, de peur de n'abuser de la patience des Dames.

Des mauvais accouchemens, & autres causes restantes.

Toutesfois & quantes que les femmes demeurerēt steriles après quelques

quelques mauuais accouchemens, il faut croire que cela leur arriue en deux façons principales; car ou la matrice est trop petite, & d'autre part l'enfant trop gros, & grandement vigoureux, & partant il rompt & fracasse en passant ou quelque grand vaisseau, ou l'orifice interieur de la matrice, ou qui pis est, dégiste la matrice mesmes de son propre siege, dont il arriue qu'elle ne peut ny retenir la semence receüe, ny porter à terme l'enfant conceu aux grossesses suyuantcs, tant à cause de la manifeste solution de continuité qu'elle a endurée, qu'à l'occasion de l'estrange relaxation de ses ligamens, qui la tenoyent auparauât en raison: Ou bien l'enfant venant à mourir, & à se corrompre dans la matrice, non seulement infecte les parties nobles par les vapeurs cadauereuses qui sortent de son corps, mais aussi peruertit telle-

ment la température de son domicile, qu'elle ne peut bonnement à l'aduenir retourner à son premier train, qui est de retenir, conceuoir, & rendre en son temps ce qu'elle a pris. Parquoy nous tascherons de remédier à ces accidents le mieux que nous pourrons. Et premierement pour ce qui concerne le premier, il n'y a point de doute que si la petitesse de la matrice vient de la conformation, que ce ne soit chose difficile, voire impossible, de remettre cōme vn chacun sçait; mais s'il arriue que tout le mal vienne de l'enfant, tant seulement pour estre trop gros, bouffi, & plein d'eaux de la mere, comme cela arriue souuent, alors il faudra auoir le soin de le bien nourrir par cy apres, & luy procurer bon repos, puis recourir cy dessus au paragraphe qui traicte de la curation de l'extraordinaire ouuerture de la matrice, ou l'on

trou

trouuera tous les remedes topiques, desquels on se doit seruir en cest endroit. Et ne faut pas croire que ce mal soit si grand comme pourroyent croire quelques vnes de celles qui en sont molestées; veu qu'il en arriue de leurs parties naturelles en tel cas, quasi comme d'une eau dormante dans laquelle on aura ietté quelque grosse pierre, laquelle aura subitemēt diuisé sa continuité; mais icelle estant allée à fonds, la superficie de l'eau reuient à foy, se rend coye, & vnie comme deuant, si que la trace n'y paroist du tout point; pareillement apres la douloureuse & violente sortie de tels enfans, la matrice se remet en tel estat par le moyen des bons alimens, du repos, & des remedes susdits, que les femmes sont en peu de temps aussi entieres & promptes que deuant, hormis que le mal fut si grand, que ny l'art de la medecine, ny l'industrie

des sages femmes n'y peussent rien faire. Ce neantmoins quand elles seront remises, & deuant qu'edeuenir enceintes, il faudra auoir le soin de les faire traicter, à fin que semblable mal ne leur retourne, c'est à dire que le fruit qu'elles porteront cy apres ne deuienne plus si bouffi que les autres: ce qui se pourra faire en recourant aux remedes purgatifs, alteratifs, & dessiccatifs, tant internes qu'externes, comme aussi à la diete; car il est vray-semblable que leur temperature par trop humide & froide, & non autre, fournit, non de bon & loüable sang, pour la nourriture de ce qu'elles portent, mais plustost des serositez, & autres semblables humeurs incapables de bien nourrir, & lesquelles regorgent par fois en si grâde abondance qu'elles suffoquent ledit fruit, ainsi que remarquent tous les iours les sages femmes, d'où il arriue
qu'il

qu'il en deuient tout boursoufflé & exorbitamment gros, & partant capable de faire en sortant, tout le mal que nous auons dit cy dessus.

Or les remedes de ceste intemperie ont desia esté si amplement descrits, que ie ne suis pas d'aduis de les redire en ce lieu.

Ques'il arriue que l'infection d'un ou de plusieurs enfans morts dans la matrice causent ceste sterilité; il se faudra souuenir d'auoir recours en premier lieu à la bonne nourriture, puis aux cardiacques tant internes qu'externes, & finalement aux bains, iniections, parfums, emplastres, & autres semblables remedes qui ayent la vertu non seulement d'emousser, mais aussi d'aneantir totalement ceste maligne qualité que les vapeurs pourries & cadauereuses desdits enfans morts ont laissé quasi comme empreinte dans la matrice. Quant

466 *Discours de la sterilité*
au bain, i'estime que les suyuant ne
sera pas impertinent.

Prenez racines de fouchet ; sarrazine
ronde, galanga, angelique, parelle, carya-
phillata, de chascune trois onces ; feuilles de
melisse, armoyse, matricaire, mords-diable,
borrache, oxeille, saponaria, absynthe Ro-
main, herbe au chat, de chascune quatre
bonnes poignees ; bayes de laurier, bayes de
geneurier, cumin Aethiopique, macis, de
chascun vne once & demi ; semence de lin,
anis, fenoüil, de chascune vne once ; fleurs
de petite centauree, fleurs de nymphee, bor-
rache, violes, roses de Prouins, de chascune
d'icelles trois pugilles, soit faict decoction
en vn vaisseau capable pour vn bain, ou
demi-bain, comme elles voudront ;
dans lequel lescdites femmes pour-
ront entrer deux foys le iour, matin
& soir, pour y demeurer vne heure
ou deux chascuefoys, si elles ont le
courage. Ce bain, ou demi-bain mé-
difera bien & deuëinēt leur matrice,
moyen

moyennât qu'elles fassent elles mesmes des iniections dans icelle lors qu'elles seront dans la cuue, consumera entierement toute la malignité qui pourroit estre restee en icelle, fortifiera toute leur œconomie naturelle, & disposera puissamment la nature mesme à la conception.

A chasque foys qu'elles sortiront du bain, elles receuront dans la matrice la fumée des trochisques suy-
uants.

Prenez oyseaux de Chipre en poudre, poudre de violette, de chascun une once; storax en larme, macis, graine de geneurier, mastic, encens, ladanum, de chascun une dragme; poudre d'alipta moscata deux scrupules, soit fait poudre, laquelle vous meslangerez en suffisante quantité de therbentine, & en formerez des trochisques pesants demi dragme; desquels vous vous seruirez comme dit a esté.

Finalemēt, pour fortifier & res-

ioüir la matrice, elles pourront porter l'emplastre suyuant sur le nombril;

Prenez *ladanum pur* & net demi once; *mastic, encens, myrrhe, macis, noix muscade*, de chascun vne dragme; *castoreum* demi dragme; puluerisez selon l'art, ce qui doit estre puluerisé, & le meslangez avec bonne *therbentine de Venise*, puis le faites réduire en consistance d'emplastre, en y adioustant suffisante quantité de *tire iaunes*; cest emplastre doit estre de figure ronde, & renouvelé tous les huit iours, & à chasque foys qu'on l'appliquera sur le nombril, il se faudra souuenir de mettre vn couple de grains de musc dans sa cauite, & puis l'emplastre par dessus.

D'ailleurs, si quelque grosse mole a produict ce mal, soit en seiournant dans la matrice, ou en sortant d'icelle, il sera de besoin d'y bien prendre garde; car il faudra faire sortir à quel prix que ce soit si elle y croupist par trop;

trop ; ce qu'on fera aysément par positions purgatiues, vomitiues, & abortiues: item par saignées, parfums, frictions, ventouses, sternutatoires, & autres semblables remedes qui se trouuent à milliers dans les escripts de ceux qui ont amplement traicté de toutes les maladies des femmes, comme Mercatus, Varanda, & autres semblables, & desquels aussi nous ne dirons autre chose pour le present, à fin d'eiter prolixité. Mais si en sortant elle excite quelque grande & continue hémorragie, ou perte de sang, en rompant & fracassant la pluspart des grands vaisseaux de la matrice, alors il faudra penser à nourrir ces femmes de bons aliments qui ne soyent gueres chauds, ains plustost adstringents & glutinatifs, tels que sont les panades, les boüillons faits avec pieds de veau, de mouton, & de bœuf, qui sont souuerains en tel cas;

le ris, les vermicelli, ou taillerins, la gelée de coings, & autres semblables; elles eüiteront tous vins fumeux & penetrans, se contentans de boire de ceux qui sont petits, rouges, & couverts, en petite quantité, & avec eau ferrée. Item garderont le liét, s'empescheront de toute cholere, tristesse, esternuement, & de tout autre semblable mouuement violent, tant du corps que de l'esprit; auront le soin d'auoir leur ventre libre, & dormiront mediocrement & par interualles. Quant aux remedes, les reuulsions, deriuations, & euacuations, ne doiuent pas manquer en tel cas, à fin de destourner la nature de ceste excretion contre nature. Item les potions, iniections, parfums, emplastres, cataplasmes, & autres semblables adstringents & confortatifs, doiuent estre necessairemēt employez. Vous trouuerez la description de tous ces remedes

medes dás les Autheurs sus alleguez.

Bref, si la foiblesse naturelle de leur corps en general, & de leur matrice en particulier, est l'vnique cause de leur sterilité, qu'elles recourent non à la medecine des hommes, qui avec toute leur science vaine & confuse n'ont pas dequoy changer le naturel & le temperament du moindre de ceux ou de celles qu'ils entreprennét de soulager en leurs infirmittez ; mais bien plustost à la toute-puissante main du Souuerain, qui coupe, taille, & dispose de la temperature, santé, maladie, sterilité, vie & mort des hommes, comme bon luy semble ; car aussi bien Hippocrate, Aristote, Galien, Plutarque, & plusieurs autres semblables Autheurs, nous apprennent que les indispositions naturelles qui sont attachées aux parties nobles & solides du corps dès le ventre de la mere, sont totalement

472 *Discours de la sterilité*
incurables. Et les Medecins qui entreprendroyent de les guerir, ne seroyent pas moins temeraires que ceux qui oseroient attenter à la trāsmutation de la nature des quatre elements, de la mixtion desquels le corps humain a esté merueilleusement fabriqué.

Des alimens & remedes specifiques contre la sterilité des femmes.

CHAPITRE XV.



ENCORE que nous ayons amplement traicté cy dessus de tous les remedes ordinaires que nous auons iugé estre conuenables à la guerison de toutes les sortes de sterilité feminine, si est-ce que nous nous sommes reseruez de parler en ce chapitre de tous ceux qui par proprieté occulte,
ou

ou par experience bien cogneuë, ont la vertu de surmonter les empeschemens qui s'opposent à la fecondité des femmes : imitans en cela la pratique ordinaire de nos Medecins, qui recourent aux remedes specifiqués pour la guerison des plus facheuses maladies, quand les communs ne font pas tel effect qu'ils desireroient; Et neantmoins nous ne desirerons pas que les Dames nous estiment estre du nombre de ceux qui par ie ne sçay quel excez de vanité, se vantent insolemment d'auoir des remedes specifiqués & assurez pour toute sorte de maladies; car elles doivent croire que nous sommes plustost disciples de Socrate, que de Chrysippe; d'Hippocrate, que de Paracelse; de Galien, que de Geber; de la modestie, que de la vanité; Et si tels charlatans en estoient aux termes qu'ils tiennent, nous verrions
sortir

sortir de leurs cabinet quelque miracle touchant la guerison d'une infinité de maladies qu'ils entreprennent à toutes heures de guerir au peril de leur honneur & reputation : mais nous voyons tous les iours que leurs paroles ne sont que vent & fumée, leurs effects imaginaires, & les affrôts qu'ils reçoivent drus & pesants comme gresle de pierre. De sorte qu'encore que nous ayons surnommé nos remedes particuliers & spécifiques, c'est neantmoins sans cautionner leurs effects, sans vanité, & suyuant la commune façon de parler de nos Autheurs; car nous sçauons qu'il n'y a que la seule & extraordinaire benediction de Dieu qui les puisse rendre tels.

Or iacoit que Galien escriue au quatriesme liure des simples chap. 21. que tout ce qui ayde à la generation en engendrant beaucoup de bon sang,

sang, doit estre mediocrement chaud & beaucoup humide & flatueux, ce neantmoins il se trouue beaucoup d'alimens & de remedes particuliers, qui sont plustost froids que chauds, secs qu'humides, qui ne restent pas d'estre aussi propres que les autres à vn tel effect, ainsi que nous verrons cy apres. Mais nous voulons premierement alleguer les plus communs & experimentez, puis nous parlerons de ceux qui ne sont que pour les grandes & illustres Dames, lesquels sont autant chers & rares comme efficaces.

Nous pouuons mettre au nombre des premiers tous les alimens, qui generalement ont la vertu d'engendrer à force bon sang, tels que sont les poulets, pigeons domestiques, cailles, moyneaux, oysons, perdrix, distillez, pressis, consumez, blancs-manger, foyes de poules, boutons de coqs, jaunes

jaunes d'œufs cuits, ou avec du laiët de vache, ou assaisonnez avec ciuette, ou ambre gris, sans oublier le ius de ruelle de mouton. Item la langue d'oye seche, & prinse au poids d'un escu; les pignons apprestez avec du laiët à mode d'amandé, & plusieurs autres semblables, que la briefueté, laquelle nous recherchons, ne vous permet pas d'alleguer. En apres, nous deuons recéser ceux qui sont plustost remedes qu'aliments, & particulièrement plusieurs sortes de sels, telles que sont le commun, le sel de perles, le sel de matrice de truye qui a couchonné, le sel du bois de chesne, le sel de lezard, & autres de pareille estoffe desquels les Medecins & les Alchimistes font tres-grand estat. Et certes ie trouue qu'ils ont quelque raison, car nous sçauons que plusieurs poëtes Grecs ont appellé la deesse Venus, fille du sel, ou de la mer, d'autant que

cc

ce mineral a vne vertu merueilleuse pour ayder à la generation; ioint que les poissons qui se nourrissent dans l'eau de la mer qui est salée, nous font voir clairement que la saleure est grandement amie de la generation, depuis qu'il ne se trouue rien de fécond à l'egal d'iceux; & les mariniers sçauent par expérience, tirée du 6. liure de l'Histoire des Animaux, d'Aristote, que les souris femelles conçoient sans masses dans les vaisseaux nouvellement calfutrez, tant seulement en léchant du sel. En apres nous n'oublierons pas la graine de mercuriale, que nos Autheurs estiment estre particulièrement propre pour ayder à la procreation des masses. Item la rasure d'yuoire, la ceruelle de moyneau, les testicules d'un verrat, la matrice de lieure, la graine du sezeli Æthiopique, le caillé d'un chameau, le foye d'une tortue, & autres semblables,

bles, entre lesquels la plus grand part de nos Practiciens font grand estat (apres Pline) de la sauge des iardins: car ils escriuent que la peste ayant anciennement tué la plus grand part des femmes qui habitoyent en vne certaine ville d'Ægypte, nommée Coptus, celles qui resterent apres vn tel debris, s'aduiferent de se seruir de ladite sauge pour repeupler leur pays desolé, & recogneurent par effect qu'elle est merueilleuse pour ayder à la conception. Or elles se seruoient ou de son suc, ou de ses fueilles seches meflangées avec leurs aliments; mais i'aymerois mieux que les Dames de ce temps l'employassent de la façon qui suit:

Prenez suc de sauge des iardins, & Hippocras musqué, de chascun deux onces; confection alkermes, & pistaches, de chascun demy once; sel commun, caillé de cheureau, genitoires de verrat, ceruelles de moyneaux
semence

semence d'angelique, de chascun vne dragme & demi; sel de perles, ambre gris, musc de leuant, de chascun deux scrupules; rasure d'ivoire, castoreum, saffran, de chascun un scrupule; puluerisez & meslangez le tout selon l'art, & avec vne once & demi de sucre candi, six fueilles d'or de ducat, & quelque peu de syrop d'escorce de citron, faites en vne confection, de laquelle celles qui sont desireuses d'auoir d'enfans se pourront seruir, en prenant vne dragme & demi d'icelle soir & matin, & continuans par plusieurs iours, auant que de s'approcher de leurs maris.

A l'imitation de ceste opiate on peut former plusieurs autres remedes internes, composez, qui seront tirez des simples sus alleguez. Et neantmoins ie ne suis pas d'aduis qu'on oublie les externes, tels que sont les parfums, bains, pessaires, linimens, emplastres, & autres semblables, des-

quels nous auons amplement parlé cy dessus au paragraphe de l'intéperie froide. La raison est, qu'ils disposent grandement la vertu generatiue apres l'usage des internes, ainsi qu'on l'experimente tous les iours.

L'autre ordre des remedes specifiques & anti-steriles, comprend tous ceux qui sont en partie & tres-difficiles à trouuer, & en partie d'estrange nature. Quant aux premiers, ceux qui ont voyagé en Iudée assurent que la terre de Bethleem est excellente à cet effect; car ils disent que les femmes des Arabes, Mores, Grecs, Turcs, Ægyptiens & Syriens s'en sont heureusement seruies depuis quelques siecles en çà; qui est cause que ceux d'entre les susnommez, qui ont leurs femmes, ou steriles, ou incapables de nourrir leurs enfans à faute de lait, s'en vont tous les ans audit Bethleem en certaine saison de l'année, pour appor

apporter de ladite terre.

D'ailleurs, les Juifs & les Turcs ont appris aux Chrestiens que l'eau du fleuve Iordain est grandement propre pour ayder à la conception ; & la Nauche tesmoigne que plusieurs Princesses & Dames Chrestiennes, ayant esté curieuses d'en faire apporter pour en boire , & pour se baigner dedans , à fin d'essayer si elle auroit la vertu de les deliurer de leur sterilité, s'en sont tres-bien trouuées ; si que plusieurs autres apres elles ayans fait le semblable, & en ayans receu le soulagement qu'elles desiroient, ne se sont pas repenties d'auoir employé leur argent pour la faire venir de si loing , principalement quand elles ont esté asseurées qu'elle se peut garder fort long temps incorruptible. Les Dames de ce temps, qui sont autant fecondes en moyens, que steriles en enfans, & qui ont essayé tous

autres remedes ; ne doiuent pas oublier d'en mander querir pour en faire l'essay. Et si le poisson nommé Ba-
liemon, duquel parle Theuet en sa
Cosmographie, estoit aussi facile à re-
couurer de l'isle de Goga assise au
dessus du fleuve Indus, comme la sus-
dite eau du fleuve Iordain, ie leur cō-
seillerois volontiers de ne rien espar-
gner pour l'auoir : Car ledit Theuet
asseure que le sang bouilli dudit pois-
son, estant donné aux femmes steri-
les de ce pays-là, auec esgale portion
de vin de palmier, les faict deuenir
incontinent enceintes.

Finallement, pour ceux qui resistent
à la sterilité par vne admirable &
estrange propriété, en excitant à la
generation les parties naturelles froi-
des & maleficiées, ie n'oserois aucu-
nement y adiouster foy, n'estoit que
plusieurs graues auteurs les ont au-
thorisez ; car l'Historien Philarchus
escrit

escriit qu'un Roy des Indes nommé Sandrocotus enuoya vn certain present à Seleucus Roy de Syrie, lequel estant mis sous les pieds, excitoit incontinent à l'action generatiue les plus endormis. Et d'autre part Coelius Rhodiginus tesmoigne que plusieurs hommes froids & impuissans ont esté rendus fertils & feconds à grands coups de fouets; à l'opinion duquel semble s'accorder Seneque, & apres luy vn certain Autheur Allemand, qui escriit qu'autresfoys il s'est trouué vn Bourgeois en la ville de Munich capitale de Bauiere, lequel se faisoit fouëtter iusques au sang toutesfois & quantes qu'il desiroit s'acquitter enuers sa femme de son deuoir marital, & qu'hors de là, il estoit entiere-ment impuissant. Mais ces deux derniers remedes ne doiuent aucune-ment estre recerchez pour les femmes bien nées, & qui ont la crainte

Lib. 11.
lect. anti-
quar. cap.
15.

Otho in
Onoma-
stico Me-
dico.

de Dieu, d'autant que comme ceux-cy sont trop cruels, aussi ceux-là sont plustost des amorces à la lubricité, que de vrayz & legitimes remedes pour la guerison de la sterilité, contre laquelle la sobriété de vie, la chasteté, la patience, la priere, & la crainte de Dieu sont les meilleurs & les plus asseurez remedes.

Et de faict, voicy ce que l'Esprit de Dieu dit aux femmes Israélites, & en leur personne à toutes femmes bien nées, touchant les derniers & vrayz remedes de leur sterilité. *Si vous escoutez ma voix* (dit-il) *et si vous seruez à moy qui suis l'Eternel vostre Dieu, il n'y aura point qui auorte, ou qui soit sterile en vostre pays.* Exod. chap. 23. vers. 26. Item. *Si tu suis mes ordonnances, tu seras benit par dessus tous peuples, & n'y aura parmi toy masles, ny femelles steriles, ny entre tes bestes.* Deuteron. chap. 7. vers. 14.

Ce discours de la sterilité des femmes est venu à son poinct, pour finir iustement avec l'année, de laquelle nous sommes heureusement sortis depuis peu de iours en çà. Aussi bien nous sommes obligez de recommencer avec l'année, le cours de nos vœux & prieres s'adressantes au Roy des Roys, pour la prosperité de nostre invincible LOVYS, & de sa chaste moytié ANNE D'AVSTRICHE, la Reyne des Princesses, & la Princesse des Reynes, laquelle (si mes vœux sont prophetiques) esclorra dans l'an ou bien tost apres, le plus beau, & le plus accompli fleuron de Lys, que la France aye veu naistre depuis douze cens ans en çà, & faisant multiplier la genereuse race de Sainct Louys, donnera à cest Empire François vn Roy, au Roy vn Dauphin, & à l'Vniuers vn Monarque, qui poussant ses conquestes loin au delà du commun
de

486 *Discours de la sterilité, &c.*

de plusieurs autres Roys, fera voir en son temps que la France peut tout ce qu'elle veut, iusques à estre le centre, & la circonference du Monde. Ainsi soit-il.

Sterilitas Galliam fecundabit.

F A I N.